





61

*Antonii le Grand*

HISTORIA  
NATURÆ,

VARIIS

EXPERIMENTIS

ET

RATIOCINIIS

ELUCIDATA.

SECUNDUM

PRINCIPIA

Stabilita in

Institutione Philosophiæ

Edita ab eodem Autore.

*Editio Secunda priori auctior. S*

L O N D I N I,

Apud J. Martin, Regalis Societatis Typographum, ad insigne  
Campanæ in Cœmeterio Divi Pauli, 1680.



12  
7  
G  
11

8.25.C.4



---



---

HENRICO LUMLEY

ARMIGERO

VIRO IUVENI

*Generis Splendore ac Naturæ Dotibus  
Ornatissimo.*

*Nobilissime Domine,*

**Q**UOD hanc Naturæ Historiam Tibi nuncupem, velimque sub Nominis tui fulgore prodire, Tua erga me Humanitas, arctæque plurium annorum Necessitudo, non suadet modò, sed impellit. Ea enim est Amicitiae Indoles, ut nihil proprium consequatur, sed primævæ Ætatis alumna, Dominium refugit, & quæ jure obtinet, in Aliorum manibus deponit.

Accessit alia id aggrediendi ratio, fervens Tuus Sapientiæ Amor, ingenitæque erga Res præsertim Physicas propensio. Nam licet, ut præclare animadvertit Illustrissimus Baconius, nimium frequens sit Quorundam turba, qui futili ac irrequietâ Curiositate, Rerum Cognitionem vestigent, aut qui

8.25.C.4

2

---

HENRICO LUMLEY

ARMIGERO

VIRO IUVENI

*Generis Splendore ac Naturæ Dotibus  
Ornatissimo.*

*Nobilissime Domine,*

**Q**UOD hanc Naturæ Historiam Tibi nuncupem, velimque sub Nominis tui fulgore prodire, Tua erga me Humanitas, arctaque plurium annorum Necessitudo, non suadet modò, sed impellit. Ea enim est Amicitiae Indoles, ut nihil proprium consequatur, sed primævæ Ætatis alumna, Dominium refugit, & quæ jure obtinet, in Aliorum manibus deponit.

Accessit alia id aggrediendi ratio, fervens Tuus Sapientiæ Amor, ingenitæque erga Res præsertim Physicas propensio. Nam licet, ut præclare animadvertit Illustrissimus Baconius, nimium frequens sit Quorundam turba, qui futili ac irrequietâ Curiositate, Rerum Cognitionem vestigent, aut qui

A. 2

in

## *Epistola Dedicatoria.*

in differendo consodalibus Palmam præripere contendant, famamque & existimationem aucupentur ; Tu verò æquiori stimulo percitus, sciendi cupidine flagras, non Nominis gratiâ, non contentionis ergô : sed ut Dono divinitus concessô utaris ad Rerum omnium Opificis gloriam, Vitæ Humanæ subsidium, & Fœlicitatis, quâ dum Mortales hâcce Vitâ fruuntur, æstuant, complementum.

Pari igitur animo hoc Opus, quo ejus Authorem soles, complectere, Tuumque verè existima, quod tot Titulis ascivisti, comparâsti. Interim Deum summè Potentem supplex oro, ut Te diutissimè incolumem conservet, cœlestibusque suis muneribus ampliùs ornet & augeat.

NOBILISSIME DOMINE,

*Servus Humillimus,*

LE GRAND.

Præfatio

## Præfatio ad Lectorem.

1. **C**UM Principiorum Scientiæ veritas, ex deductio-  
num evidentia eluceſcat, & eorum certitudo in-  
dubitata cenſeatur, ſi quæ ex illis eruantur, ab eo-  
rum Cognitione omnino pendeant; Animum cupido impulſit,  
explorandi, an jactis in Inſtitutione mea Philoſophiæ Prin-  
cipiis, naturæ Phænomena reſpondeant, atque inter illa talis  
intercedat nexus, ut apprehendi quidem Illa ſine iſtis; iſta  
verò non viciffim abſque Illis, intelligi poſſent.

2. Nam quamvis hæc, quibus utor, Principia, ſimplicia vi-  
deantur, nihilque aliud ſint quàm rerum Magnitudines, Fi-  
guræ, Motus, Situs, & Quies; nihilominus aſſerere audeo, me  
in toto hoc Opere, ad nulla alia recurriſſe, & omnia, quæ paſ-  
ſim pro Naturæ miraculis ducuntur, ſine ullo Sympathiæ &  
Antipathiæ adminiculo, citràq; occultarum Qualitatum opem,  
non ſolum explicâſſe, ſed veram eorum Rationem reddidiſſe.  
Adèd ut, nullus de eorum certitudine, dubitandi locus eſſe poſ-  
ſit, ſi animadvertatur, quàm multa de Corporibus, de Qua-  
litatibus, de Metallis, de Animalibus, &c. ex tam paucis  
Principiis deducta ſunt, quæ reverà tam apprimè coherere ne-  
quirent, ni vera eſſent, & extra omnem dubitandi aleam po-  
ſita. Unde Vulgaria hic tantummodò, & quæ paſſim occur-  
runt Phænomena, explicare eſt animus; non quòd eàdem ſu-  
cilitate, eorum, quæ rarò contingunt, rationem reddere non va-  
leam; cum par ſit omnium Cauſa, & quicquid in Univerſo  
deprehenditur, Naturæ ſit effectus, & eodem modo naſcatur,  
& intreat: Sed ne ad inſolita ad certitudinem Principio-  
rum meorum demonſtrandum recurrere videar, & ad mon-  
ſtra conſugere, tanquam in illorum Evidentiæ teſtes.

3. Meum igitur hoc in Opere inſtitutum, fuit, non univer-  
ſam

## P R Æ F A T I O.

*ſam Naturæ Historiam deſcribere ; aut omnia Mundi Phænomena uno libro complecti ; ſed ſolùm oſtendere, Principiis in Inſtitutione Philoſophiæ ſtabiliri, illa quæ paſſim ſpectamus, apprime reſpondere ; & nihil in Philoſophia tractari, quod non commodè eorum ope explicari queat.*

4. *Primam igitur partem à Corporum natura auſpico, & contra Clariffimum Gaſſendum oſtendere adnitor, nullum inter Materiæ partes, inane ſpatium reperiri. Argumenta & Experimenta quæ pro Vacui aſſertione aſſeruntur, evanida eſſe, & perperam explicata contendo. Mox ad Corporum Affectiones pergo, ubi aſſertâ indefinitâ Corporis Diviſibilitate, varia Rari & Denſi, Duri & Fluidi, Aſperi & Lævis, Perſpicui & Opaci Experimenta adduco, geminâ cuilibet aſſignatâ ratione.*

5. *Quia verò Qualitates materiales Subſtantiam comitantur, & illam quocunq; in ſtatu afficiunt, lubuit veram illarum indolem per Experimenta demonſtrare, & rejectis illis, quas Occultas vulgò appellant, eam in quantitate, motu, figura, partium corporis ordinatione ſtabilire, quod poſtmodum exemplo Caloris, Frigoris, Gravitatis & Levitatis, Saporis, Odoris, & aliarum Corporum Affectionum, quæ Senſum ferunt, reddo manifeſtum.*

*Deinde Mundi & Cæli Historiam aggredior, à Mundi principio ducens exordium, quod rerum Genefis, & Univerſi partium digeſtio, ſequitur ; ejus ſubinde interitus, qui ei ex rerum generatione, & corruptione imminet. Mox adſunt Cæli Phænomena, Sidera, Planetæ, Cometæ. An hæc omnia aliquid in nos, inferiorâque Corpora, aliquid poſſint, aut quicquam certi portendant, variis Exemplis diſcuntur, & quid de hujusmodi Prædictionibus ſit cenſendum, aperitur.*

6. *Quartam partem quatuor magna Corpora occupant. Primum Terra, quæ pene nihil reputanda eſt, ſi cum Univerſo conferatur. Deinde Aqua, cum variis ejus Proprietatibus. Mox Flumina & Fontes ſubeunt, quorum ortus indagatur,*

## P R Æ F A T I O.

dagatur, sicut & Maris fluxus ac reflexus causa. Quippe hæc sunt, quæ multorum capita torserunt, adegeruntque ad occultarum Qualitatum asyllum confugere, ut quicquam de illis fari possent. Post Aquam, Ignis Phenomena se conspicienda offerunt; & varii ejus effectus, non apud nos modò, sed & in Terræ penetralibus aperiuntur. Agmen Elementorum Aer claudit, cujus potentia non minùs in Naturalibus, quàm in Artificialibus elucet.

7. Quoniam Terra multa recondit, quæ nostram considerationem evocant, nonnulla etiam de Fossilibus adjunxi. Primum de Sale, Auro, Argento, Plumbo, Ære, Ferro, & Metallis aliis, quorum generatio non minùs mira videri debet, quàm illorum operationes & effectus. Deinde Lapides ex eodem Terræ sinu erunt, & discussa varia eorum origine, eorum Distinctionem examino, à diversa eorum constitutione petitam. Demum Magnetem prodo, qui licet inter viles lapides numeretur, & omni splendore careat, peculiare tamen Effectus habet, qui iis miri videntur, qui materiam striatam ut eorum causam non agnoscunt.

8. Post hæc, Meteororum Phenomena panduntur, quæ cum inter Sidera & Terram interjaceant, utriusque naturam participant. Primum de Vaporibus & Exhalationibus, quæ iis formandis inserviunt, ago: Deinde de Ventis, qui veluti vagi per Mundum Hospites, nusquam quiescunt, nec ullibi minùs, quàm domi habitant. Ut ab iis Nubes librantur, sic inter Meteora locum servant. Sequitur Pluvia, Grando, Nix, Ros & Mel. Mox Tempestatum, Tonitru, origo & effectus deteguntur. Mox cur Fulmen tantum exasperetur, cur Corpora dura sæpe corripiat, mollibus intactis. Inter Meteora primum sibi locum Iris vendicat, uti & alii Ignis in Aëre accensi, qui pront fortius aut debilius materiæ adherent, citius aut tardiùs evanescent.

9. His succedit pars septima de Plantis, quarum varietas penè est infinita. Primum de illarum Partibus, Viribus, Qualitatibus,

## P R Æ F A T I O.

Qualitatibus, quæ cuilibet Plantæ communes sunt, agitur. Deinde quarundam Sympathia & Antipathia explicatur; præterea de earum ortu, nutritione, generatione, interitu, aliquid subnectitur, quantum sufficere videtur, non solum ad earum Phenomena, sed etiam ad omnem earum indolem intelligendam.

IO. Tractatum de Animalibus ordior, ab iis quæ sponte, seu ut alii volunt, ex corruptione gignuntur; tum ad Animantia ex semine producta procedo, & examinata Monstrorum causa, aliquid de vario Animalium pariendi tempore subjicio, post ad eorum Affectiones digressus, famis & sitis causas examino, continui per corpus universum Sanguinis circuitus. Deinde quodnam sit tam variarum in eis actionum principium indago; cur nonnulla Odio, alia Amore se prosequantur. Demum cur dispar in illis Somnus, & Morbis diversis corripiantur.

II. Totam hanc Historiam Homo claudit, cetera Mundi corpora formæ elegantia antecedens, & cuncta Animantia Ratione, Intellectu, Animâ superans. Nam licet ad modum cæterorum Animalium iisdem Sensuum organis utatur, non tamen quemadmodum illa, objecta percipit, cum sensus in eo Cogitationis species sit, quæ Brutis non attribuitur. Propterea explicatis de Tactu, Gustu, Olfactu, Auditu, & Visu, quibusdam experimentis, ad Imaginationem & Memoriam pergo, & quæ Somniorum, Infomniorumque sit causa, expono. Tandem causis Passionum, quæ exterius apparent, descriptis, totum opus naturales Hominum propensiones & averfiones claudunt, quarum etiam origo, licet diu occulta, evidens demum redditur.

12. Hac sunt, amice Lector, Historiæ Naturæ specimina, quæ impræsentiarum edere meditor, contentus hoc in scribendi genere, viam aliis monstrasse, & campum aperuisse, in quo lato passu divagentur. Alia fortè tibi alias daturus, ubi rescrivero, te pro solita humanitate, conatibus meis favere, & benigne suscipere, quæ Animo benevolo largior & ingero.

INDEX



# INDEX

*Partium & Articulorum hujus OPERIS.*

## PARS PRIMA.

*De Corporibus.*

Articulus Primus.	
<b>D</b> E Corpore Extenso	pag. 1
Articulus Secundus.	
Diluantur Rationes Epicuri, quibus Inania spatia Corporibus inaspera asse- rere solentur	5
Articulus Tertius.	
Discutiuntur Experimenta, quibus Va- cuitates Corporibus inesse Gassendus contendit	8
Articulus Quartus.	
De Corpore divisibili	14
Articulus Quintus.	
De Corpore Raro & Denso	18
Articulus Sextus.	
De Duro & Fluido	22
Articulus Septimus.	
De Aspero & Levi	28
Articulus Octavus.	
De Perspicio & Opaco	30
Articulus Nonus.	
De Inflexo & Compresso	33

## PARS SECUNDA.

*De Qualitatibus.*

Articulus Primus.	
<b>D</b> E Qualitatibus in genere	39
Articulus Secundus.	
De Calore	43
Articulus Tertius.	
De Frigore	48
Articulus Quartus.	
De Gravitate & Levitate	53
Articulus Quintus.	
De Sapore	63
Articulus Sextus.	
De Odore	68
Articulus Septimus.	
De Sono	73
Articulus Octavus.	
De Lumine	84
Articulus Nonus.	
De Colore	90
Articulus Decimus.	
De Qualitatibus Oculis	82

a

PARS

# I N D E X.

## P A R S T E R T I A.

*Mundi & Cæli.*

Articulus Primus.

**D**E Mundi Exordio 106

Articulus Secundus.

*De Rerum genesi, & partium Mundi digestionem* 110

Articulus Tertius.

*De Mundi Interitu* 113

Articulus Quartus.

*De Rerum Generatione & Corruptione* 116

Articulus Quintus.

*De Cælo* 121

Articulus Sextus.

*De Sole* 124

Articulus Septimus.

*De Stellis fixis* 129

Articulus Octavus.

*De Luna* 133

Articulus Nonus.

*De Solis & Fixarum maculis* 139

Articulus Decimus.

*De Maculis in Orbe Luna apparentibus* 143

Articulus Undecimus.

*De Cometis* 146

Articulus Duodecimus.

*De Siderum productionibus* 153

Articulus Decimus tertius.

*De Prædictionibus Astrologicis* 157

## P A R S Q U A R T A.

*De Terra, Aqua, Igne, & Aëre.*

Articulus Primus.

**D**E Globo Terra 161

Articulus Secundus.

*De Aqua* 165

Articulus Tertius.

*De quarundam Aquarum proprietatibus* 171

Articulus Quartus.

*De Fontibus & Fluviiis* 176

Articulus Quintus.

*De Mari* 181

Articulus Sextus.

*De Maris Fluxu & Refluxu* 186

Articulus Septimus.

*De Igne* 191

Articulus Octavus.

*De Terra motu, & Ignibus subterraneis* 198

Articulus Nonus.

*De Vitro* 202

Articulus Decimus.

*De Cineribus & Carbone* 205

Articulus Undecimus.

*De Aëre* 209

## P A R S Q U I N T A.

*De Fossilibus.*

Articulus Primus.

**D**E Metallis in genere 215

Articulus Secundus.

*De Mercurio & Sulphure* 218

Articu-

# I N D E X.

6

Articulus Tertius.	
<i>De Sale</i>	222
Articulus Quartus.	
<i>De Auro</i>	226
Articulus Quintus.	
<i>De Argento &amp; Stanno</i>	231
Articulus Sextus.	
<i>De Plumbo &amp; Ere</i>	234
Articulus Septimus.	
<i>De Ferro</i>	237
Articulus Octavus.	
<i>De varia Lapidum generatione</i>	240
Articulus Nonus.	
<i>De Unionibus &amp; Gemmis</i>	244
Articulus Decimus.	
<i>De Magnete</i>	250

## P A R S S E X T A.

### *De Meteoris.*

Articulus Primus.	
<b>D</b> E Vaporibus & Exhalationibus	257
Articulus Secundus.	
<i>De Ventis</i>	261
Articulus Tertius.	
<i>De Nubibus</i>	267
Articulus Quartus.	
<i>De Pluvia</i>	269
Articulus Quintus.	
<i>De Grandine &amp; Nive</i>	274
Articulus Sextus.	
<i>De Rore &amp; Melle</i>	278
Articulus Septimus.	
<i>De Tempestate &amp; Tonitru</i>	281
Articulus Octavus.	
<i>De Fulmine</i>	284

Articulus Nonus.	
<i>De Iride</i>	288
Articulus Decimus.	
<i>De Ignibus in Aëre accensis</i>	292
Articulus Undecimus.	
<i>De Halonibus &amp; Parheliis</i>	297

## P A R S S E P T I M A.

### *De Plantis.*

Articulus Primus.	
<b>D</b> E Plantarum partibus	301
Articulus Secundus.	
<i>De Plantarum Viribus</i>	305
Articulus Tertius.	
<i>De obviis Plantarum Qualitatibus</i>	309
Articulus Quartus.	
<i>De occultis Plantarum Qualitatibus</i>	313
Articulus Quintus.	
<i>De Sympathia &amp; Antipathia Plantarum</i>	318
Articulus Sextus.	
<i>De Ortis Plantarum</i>	324
Articulus Septimus.	
<i>De Plantarum Nutritione</i>	329
Articulus Octavus.	
<i>De Plantarum Germinatione</i>	334
Articulus Nonus.	
<i>De Plantarum Interitu</i>	338

a 2

P A R S.

# INDEX.

## PARS OCTAVA.

### *De Animalibus.*

#### Articulus Primus.

**D**E Animalibus sponte genitis 342

#### Articulus Secundus.

*De Animantibus ex semine productis* 350

#### Articulus Tertius.

*De Monstris* 355

#### Articulus Quartus.

*De partu Animalium* 358

#### Articulus Quintus.

*De Fame & Siti* 362

#### Articulus Sextus.

*De motu Cordis, & Sanguinis circum* 367

#### Articulus Septimus.

*De Animalium actionibus* 371

#### Articulus Octavus.

*De Animalium aversione & concordia* 376

#### Articulus Nonus.

*De Somno & Vigilia* 381

#### Articulus Decimus.

*De Morbis Animalium* 385

## PARS NONA.

### *De Homine.*

#### Articulus Primus.

**D**E sensu Tactibus 390

#### Articulus Secundus.

*De Gustu* 394

#### Articulus Tertius.

*De Olfactu* 397

#### Articulus Quartus.

*De Auditu* 400

#### Articulus Quintus.

*De Visu* 405

#### Articulus Sextus.

*De Imaginatione* 413

#### Articulus Septimus.

*De Memoria* 418

#### Articulus Octavus.

*De Somniis & Insomniis* 421

#### Articulus Nonus.

*De Externis Passionibus* 424

#### Articulus Decimus.

*De Naturalibus Quorundam Inclinationibus & Aversionibus* 426

HISTO-

# HISTORIÆ NATURALIS

## PARS PRIMA.

### De Corporibus.

#### ARTICULUS PRIMUS.

##### De Corpore Extenso.

**Q**uamvis Sensus nostri sæpe mentiantur, & falsis delusi Imaginibus, Mentem nostram circumveniant; nullâ tamen tutiori ratione, ad rerum Corporearum notitiam devenitur, quàm dum eorum operâ, earum Dimensiones metimur, & per signa, quæ oculis ingerunt, earum Existentiâ detegimus; iis siquidem impulsis, Materiam, tribus præditam esse Dimensionibus cognoscimus, cujus partes variis cieri possunt *Moribus*, alternantes subire *Formas*, & diverso modo, Sensus *organa* ferire. Nam licet fortè, quod Oculis objicitur, specie tenus duntaxat, Nobis repræsentetur, & aliud revera quàm sit, exhibeatur; non tamen aliquid *evanidum* esse censendum est, & è rerum catalogo penitus ablegandum; cum necesse sit sub illo Cortice, aliquid Corporeum latere, cui, tanquam fundamento, *figura* inest; quæ fortè ob distantiam, qualis in se est, non apprehenditur, & aliam speciem assumit, ut ad Sensus *Organa* perveniat.

Qui eminùs *Turrim quadratam*, sub teretis Imagine contemplantur, haud dubium est, quin substantiale aliquid, ejus Organo ingeratur, quum fieri nequeat, ut quadrata, aut rotunda figura conspiciatur; & nihil sit, quod eam sustentet, ac fulciat. Im-

I.  
*Corpus existere  
Sensibus depre-  
henditur.*

II.  
*Sensus quoad  
rerum Substan-  
tias non deci-  
piuntur.*

## Historia Naturalis Corporum.

cat enim *Modum* aliquem à Materia avulsam existere; imò si ejus indoles ritè perpendatur, nequidem quoad Perceptionem, ab ea potest separari: Nam licet clarè Substantiam, seu Materialem, sive Incorporatam, citra istos *Modos* concipere valeamus; nequaquam autem vice versa, *Modi* illi absque ipsis, possunt intelligi; cum ad eorum naturam spectet, Substantias afficere, & variare.

III.  
Opinio Anti-  
quorum circa  
naturam  
Corporis.

Quare Philosophorum prisca, ex figura, magnitudinis, ac resistantie congerie Corpus existere demonstrarunt; eo quòd nihil præter *Materiam in Longum, Latum, & Profundum*, extendi viderent; nihilque ab ea assignari posse, quòd aliam similem à loco deturbet, & Penetrationem fugiat. Quippe in hoc Substantiæ *Materiales*, à Spiritualibus discrepant, quòd illæ, sub Sensu nostros cadant, quòd mole sint præditæ, & mutuo Tactui subjiciantur. *Tactus* nomine, non ille duntaxat accipi debet, qui *Animali* proprius est, & quo, ad Corpora externa tangenda utitur; sed illo generaliori, quo duo Corpora, secundum suas Superficies sibi occurrunt, & quo velut intimo osculo, sibi copulantur. Nam solius rei materialis est *Tangere*, & *Tangi*, & medio quodam *Termino* adherere, & connecti. Illud adèò perspicuum est, ut iis dubium esse nequeat, qui vel Imaginatione gaudent, aut Sensibus aliquid decernunt. Quemadmodum *Lucretius*, lib. primo testatur,

*Corpus enim per se communis deliquat esse  
Sensus; quo nisi prima fides fundata valebat,  
Hauderis, occultis de rebus quo referentes  
Confirmare animi quicquam ratione queamus.*

IV.  
An dentur Va-  
cuitates in Cor-  
poribus.

Sola superest discutienda Difficultas, num præter Corpora, quæ in Extensione consistere dicimus, detur in Natura *Inane*, quod omni Materia destituatur, & tamen *Longitudinem, Latitudinem, & Profunditatem* habeat. *Gassendus*, qui oblitteratam penè *Epicuri* Doctrinam restituit, & ingens sibi nomen, *Inania* è tenebris eruendo, comparavit, in librum decimum *Laertii*, de *Epicuri* Physiologia Animadversionibus, non Rationibus modò, sed & Experimentis, spatia vacua debere in Mundo dari asserit; quæ licet nullum Corpus actu complectantur, ita tamen sunt in Corporibus disposita, ut supervenientem Materiam

riam admittere, & continere valeant. Ad eum ferè modum, quo Vas Inane, seu vacuum dicitur, quamdiu omni liquore destitutum est, sed quem recipiendi capacitatem habet. Quia si contingat, huiusmodi liquorem Vase detrabi, & in alium locum transferri, necessum est Vasis superficiem, quæ antea liquorem continebat, *Vacnam* remanere, nisi peregrina alia Materies, ejus latera oppleat, & iisdem omnino ablatis Corporis dimensionibus cœquetur. Opinionem suam *Acervi tritici* exemplo confirmat, inter cujus grana, multa *spatiola* intercipiuntur, quæ ab ipsis granis non occupantur; quum eorum superficies, (ut ad oculum patet) à se invicem distent, & ità adaptari nequeant, quin inter se Interstitia relinquant, omni Corpore destituta.

Sed non satis ad Corporis indolem attendisse videtur *Gassendus*, quod non in Physica solum, sed & in Mathematica extensione consistit, quæque ita illi intima est, ut nequidem Cogitatione ab eo divelli queat. Adeò ut *Extensio* cum Corpore reciprocetur; & sicut Corpus non datur, quod non *longitudine, latitudine, & profunditate* constet; ita nihil iis tribus Dimensionibus mensuratur, quod Corporis rationem non habeat.

V.

Corpus physicum, & mathematicum non differunt.

At, inter Corporum particulas, regiones, seu exigua quædam Interstitia inveniuntur, quæ ob eorum laterum diversitatem, occupari non possunt: Esto, an inde illa *Inania* esse inferendum est? quidni illa *spatiola* Aere, aut subtiliori alia Materia oppleantur? & illas Intercapedines alterius generis Corpuscula separent? Nam si illa à se invicem distant, & varia loca sortiuntur, quomodò per Interstitia inania dici poterunt & longari? cum juxta tritum apud Physicos Axioma, *Inter illa, quæ à se mutuo distant, aliquid interjacere necesse est*. Nam quum *Distantia*, quæ non nisi inter plura reperitur, quædam sit *Relatio*, omnisque Relatio fundamentum suum habeat, necessum est ut reali innitatur fundamento. *Non Entis enim multe sunt affectiones, aut operationes*, ac proinde quod nihil est, realem Corporum *Distantiam* constituere non valet.

VI.

Distantia partium ab invicem, non probant dari Spatia Inania.

Non cum quibusdam dicendum est, *Distantiam* in ipsis Corporibus, quæ ab invicem divelluntur, tanquam in fundamento reperiri. Nam inde legitime inferre liceret, illa à se mutuo distare, quocunque modo disponentur, cum eadem fundamenta maneant, sive distent, sive sibi connectantur. Quare

VII.

Possibilis repletio non sufficit ad distantiam constituendam.

Distantia, alteri rei à positis Corporibus assignanda est, quæ quum *Immaterialis* illa esse non possit, utpote Extensionis expers, ad aliam *Corpoream* recurrendum est, quæ illam efficiat.

## VIII.

*Extensio est  
Attributum  
constituens sub-  
stantiam ma-  
terialem.*

Haud me fugit, Nonnullos philosophos iniquo ferre animo, triplicem assignatam *Dimensionem*, à Nobis pro Substantia existimari, quum Modi duntaxat, aut Accidentis Vocabulum ipsi competere videatur: Nam quis, dum de *Baculo* habetur sermo, non statim iudicat Extensionem Baculi esse *Modum*, Baculum vero *Subiectum*, seu substantiam, qua sustinetur? Verum arduum non est ostendere, hunc errorem non nisi loquendi Modo inniti; nec minus absurdum esse, id asserere, quàm si quis audiendo *palatium Regium*, existimaret duas esse Res distinctas, quarum una alterius foret Modus. Sed ut tota, quæ in hoc negotio, occurrit difficultas tollatur, notasse sufficiat, eam esse *Substantia* naturam, ut citrà *Modum* existere possit: *Modum* autem è diverso, ita à Substantia pendere, ut ab illa disjunctus nullatenus existere queat. Constat autem Extensionem, in Baculo, absque Baculo esse posse, cum multa sint Corpora, qua Baculi formam non referunt: non potest verò ex opposito, dari Baculum, quod *extensum* non sit, sive quod non tribus dimensionibus sit præditum. Ac proinde tantum abest, ut *Extensio* Baculi *Modus* dici queat, quin potius statuendum sit, Extensionem substantiæ Substantiæ nomen sortiri, & esse Baculi, non nisi ejus esse *Modum*.

## IX.

*Nihil indivi-  
sibile in Cor-  
pore concipi  
potest.*

Unde apparet, quàm ineptè ii loquuntur, qui *puncta* mathematica in re extensa considerant, voluntque ejus partitionem indivisibili quadam meta terminari: Nam si in Linea, exempli causa A. — B. per divisionem ad extremum indivisibile perveniatur, eo sublato, cætera si pari modo partiariis, ad similes terminos scilicet inextensos devenies: parique posthac cæterorum divisione, nihil prorsus in linea extensa, præter puncta indivisibilia, seu mathematica reperies: quod & Rationi adversatur, & quem de rebus extensis, formamus conceptum, destruit.



ARTICULUS SECUNDUS.

*Diluvuntur Rationes Epicuri, quibus Inania spatia Corporibus inspersa asserere molitur.*

**E**picurus, qui locum cum *Inani* confundit, putatque Cor-  
pora omnia in spatiis vacuis recondi; arbitratus est, ni-  
illa darentur, *Non habitura esse Corpora, ubi existerent, aut quo Corpus quiescat, moverentur.* Nam cum Locus locato adæquetur, debeatque  
concava illius superficies, hujus extimæ superficiei proportio-  
nari: cumque Locus passim Immobilis habeatur, repugnetque  
à sua positione dimoveri; superest, ut Locus idem semper ma-  
neat, postquam Corpus quod illum implebat, alibi continetur,  
aut successivè loca alia subit; ac proinde necesse est, illum *Va-  
cuum* relinqui, & partes sui immotas tueri.

Sed perperam existimasse videtur *Epicurus*, locum, quod-  
dam per se subsistens *spatium* esse, quod Corpori *magnitudine*  
aquale sit, & ab eo realiter distinctum: Quia si præcise ad *Locum* r-  
notionem attendatur, nihil aliud esse deprehendetur, quam  
Respectus quidam Corporis situs, quem habet ad proxima,  
quæ illud circumstant, Corpora; vel ad remota, à quibus Im-  
mobilitatem suam desumit. Adeò ut, asserere rem in loco esse,  
vel novum Locum acquirere, idem sit, quod significare, illam  
talem *situm* inter alia Corpora obtinere, vel adipisci. Mentis  
error est, fingere locum, capedinem quandam esse, quam Cor-  
pora penetrant, ac deferunt: cum Corpora sua spatia secum  
adferant, ac tollant. Ac ideo dicimus *Corpus* spatium aliquod  
occupare, eo ipso, quo tanta pars Universi esse constituitur, &  
inter res materiales numeratur: & locum aliquem derelin-  
quere, quum definit *magnitudinem, figuram, & situm* suum, inter  
determinata quædam Corpora servare.

Aliud Argumentum, quo Inane in Mundo stabilire conatur  
*Epicurus*, ex ipsa *Movis* ratione petitur: Si nullus, *inquit*, in  
natura Locus inanis admittatur, impossibile erit in ea fieri *Mo-  
tus*; ac proinde Totum hoc *Universum*, nihil aliud erit, quam  
rigida quædam moles, inflecti nescia, & nullius alterius, quam  
quod existit Corporis, patiens. Nam dato plena esse omnia,  
Corpus

I.

Non opus est  
spatio inani, ut  
Corpus quiescat,  
aut moveatur.

II.

Corpora secum  
magnitudine  
loca sua adse-  
runt, & tollunt.

III.

An fieri possit  
motus, sublato  
inani spatio.

Corpus ab uno Loco in alium transferri nequibit, quin aliud è suo situ detrudat; adè ut, si Corpus A moveatur, necesse sit, ut aliud ad minus sibi æquale, à suo loco depellat, nimirum B. Idem B præstare debet, ut novum Locum nanciscatur, & ita in infinitum procedetur, ni quædam spatia dentur Inania, quæ mota Corpora subeant, & veluti in novis diverforiis hofpientur.

## IV.

In omni Motu,  
integer Corporum  
circulus simul  
movetur.

Aliquid fortè hoc argumento, *Epicurus* probaret, si nullus præter rectum daretur Motus, & una Parte materiæ mota cæteræ sequentes in ævum continuarentur; sed alium usu cotidiano experimur, nempe Circularem, quo Corpus aliquod, dum movetur, aliud loco suo depellit, hoc iterum aliud, & aliud, donec ad ultimum perveniatur, quod Prioris locum subeat. Hic autem Circulus, sublato omni Inani, peragi potest. Ut



## V.

Objeçtio contra  
motum per Circulum factum.

fit hic Circulus X Y Z excavatus, duodecim globulis plenus, dum primus A, versus aliquam partem movetur, secundum B trudit, hic tertium sequentem, donec continuato pulsu, locus, qui à primo derelictus est, ab ultimo C repleatur.

Si cum *Gassendo* regeras, globulum A moveri non posse, nisi duodecimus B moveatur, sed

B moveri nequit, quoniam ut moveatur, necesse est ut C locum A occupet, qui nondum vacuus esse concipitur, ac proinde immoto B remanente, non potest A moveri, & ita omnes globuli qui in Circulo continentur, immoti stabunt:

## VI.

Respondetur ad  
objectionem  
*Gassendi*.

Respondeo, *Gassendum* falsa Suppositione inniti, dum imaginatur, globulum C qui immediate antecedit A, moveri non posse, quin locus vacuus necessariò detur, dum moveri incipit; cum fieri possit, ut eodem Temporis momento quo A locum B occupat, locum priorem deferat, adeo ut, dum globulus A versus B pergit, ipsum B pellat, B vero sequentem, &c. usque ad C, qui locum ab A derelictum, eodem instanti ingreditur, ut dictum est.

Res evidentiò fiet in Circulo ferreo, qui circa suum Centrum agitur; nam cum quilibet Circuli pars, eodem instanti spatium

# *Historia Naturalis Corporum.*

7

spatium occupat, quod à præcedente derelictum est, absque ulla necessitate ad Inane recurritur. Quod si illud in Circulo ferreo fieri potest, quidni in Circulo alio, partim ex *Ligno*, partim ex *Aëre* composito fiat? quidni Corpus A quod ligneum esse supponitur, corpus B quod est æreum, à situ suo depellendo, B tantam vim aliud immediate sequens detrudendi habeat, illud verò aliud alterum usque ad C quod locum A occupabit, eo tempore, quo illum deferet?

Sic quantum Liquoris, exempli loco, *Vini* ex dolio egreditur, necessum est, ut tantum Aeris statim subeat; & nisi Aeri introitus permittatur, in vanum tentabitur, vinum ex dolio promere: quoniam ubicunque *circularis* Loci mutatio impeditur, fieri non potest, ut corpus locum suum deferat. Ita dum è fistula Aer extrahitur, cujus pars altera Aquæ immergitur, Aqua sursum sponte sequitur, quamvis id ejus gravitati repugnet.

Id autem ita fieri in omni Circulo, satis intellectu facile est, si Circulus ille, perfectus esse supponatur, & cujus partes à Centro æqualiter distent: Verum idem in eo contingere non videtur, qui non nisi imperfectè rotundus est, & cujus spatia latitudine, & angustia differunt, ut patet in circulo E F G H. Sed hæc Difficultas facile diluitur, si advertatur omnes illas *Inæqualitates* posse Motus celeritate compensari.

Nam ponamus spatium G, quadruplo latius, quàm spatium E, & duplo, quàm spatium F & H, necesse erit, ut Materia quadruplo celerius moveatur in E, quàm in G, & duplo celerius quàm in spatio F & H, & ita Motus celeritas loci angustiam pensando, qualibet hora, die, vel anno, tantundem Materiæ per unam *Circuli istius* partem transibit, quàm per aliam. Adeò ut nulla adsit necessitas, vacua Interstitia fingendi, aut Condensationem admittendi.


Verum, cum dicitur Corpora per circulum moveri, haud sic intelligendum est, quasi ovals, aut perfectè circulares esse debeant motus; sed *circulares* duntaxat nuncupari, eo quod ultimum

VII.

*Cur aqua sursum interdum ascendit.*

VIII.

*In Circulo etiam non perfectio, Corpora semel moventur.*



IX.

*Non est necesse ut omnes motus sine sphericis.*

ultimum corpus, quod propter alterius impulsus movetur, primum motorem immediatè tangat, quamvis Linea, quæ ab omnibus corporibus, simul per unius Impulsus, motis, describitur, sit valde retorta.

X.  
Cur Lapis Corio  
agglutinus  
interdum non  
delabatur.



Ex quibus, experimenti illius inter pueros familiaris, ratio redditur, cur Lapis, exempli causa, orbiculo coriaceo saliva agglutinus, sæpenumero in terram non delabatur, quippe Lapis A ex filo B pendens, parti corii C in orbem efformatæ agglutinus non decidit, quamvis notabilis sit ponderis, & deorsum materiæ subtilis impetu propellatur; Quia ut lapis descendat, necessum est subjectum Aerem de loco suo deturbari, qui in lapidis locum sub partem coriaceam intrudi debet: sed cum in illo delapsu, Rimulæ primùm inter lapidem, & superpositum corium, valde exilis oriri oporteat, priusquam inter illa magnum interstitium fiat, Aeri recipiendo idoneum, utpote crassiori, & ob intercurrentem ætheream materiam magis expanso, fit, ut Corporum circulo impedito, lapis tamdiu corio adhæreat, quamdiu Aer à delapsu lapide, expelli nequit, & inter corium & lapidem se ingerere.

## ARTICULUS TERTIUS.

*Discutiuntur Experimenta, quibus Vacuitates Corporibus inesse, Gassendus contendit.*

I.  
Primum Gassendi  
bombardæ  
pneumaticæ  
Experimentum,  
ad probandum  
Vacuum.

**H**Aud dubium est, Philosophiam Experimentis maximè promoveri, illiusque principia ad Veritatem propius accedere, quæ Phanomenis fulciuntur, & Natura miracula, ut suæ evidentiae testes advocant. Hinc Gassendus, per Experimenta, quæ occurrunt, Intervalla Inania in Mundo esse, ostendere nititur,

titur, rationibus à Condensationis, & Rarefactionis motu, petitis. Detur, inquit, *Bombarda pneumatica*, cujus Tubi pars, quæ Aerem includit; ad duos digitos protendatur; dubium non est, quin tanta Aeris moles illic reperiatur, (si nulla Aeris spatia, partibus materiæ interfint) quantus est locus, seu Tubi capacitas, quæ Aerem complectitur; adeo ut nulla sit pars loci, ita exigua, cui non pars *aerea*, ejusdem magnitudinis respondeat, ac proinde æquales sint numero utriusque partes.

Supponatur igitur ille numerus esse mille, mox Instrumento ad hoc idoneo, Aer comprimatur, & ad unius digiti mensuram redigatur. Quem inter se partes aeræ ordinem servabunt? cum tunc temporis, ex partibus loci, non nisi quingentæ superfint. An fortè geminæ in eodem spatio reponentur? Id Naturæ Legibus repugnat, quum cuilibet Corpori *Impenetrabilitas* sit propria, & non minùs implicet, duo Corpora eundem locum occupare, quàm idem Corpus, in diversis locis reponi. Quare si Aeris corpuscula, in Tubo comprehensa, angustiori loco contineantur, necessum est, ut eorum latera & anguli, aptius inter se disponantur, & intercepta Spatia Inania repleant, ac penetrent, quibus occupatis, haud mirum videri debet, si arctius Intervallum reddant, & minùs quàm antea protuberet.

Verùm, non satis ad ea, quæ in Natura fieri possunt, attendisse videtur *Gassendus*: Quia licet naturaliter Corporum penetratio repugnet, non tamen inde inferendum est, admitenda esse in Corporibus *Interstitia vacua*, quæ superinjectum, exempli causa, Aerem recipiant, aut aliam quamcunque Materiam complectantur, cum possibile sit, ut inter crassiores Aeris partes, quædam *subtilior*, ac magis tenuis Materia sit, quæ è Corporum meatibus egrediendo, efficiat, ut Spatium, quod repletum apparet, aliùm Aerem recipere possit. Quia vi intrusus Aer *materiam subtilem* expellit, quæ ipsi locum cedendo, per *Bombardæ* Poros erumpit, & elabitur. Non igitur *Acrearum* partium Compressio, ex Inanum spatiorum occupatione oritur, sed ex subtilis Materiæ expulsiōe, quæ Aeris partibus locum cedit; dum hæ propius ad se invicem accedunt, & Poros angustiores reddunt, aut tollunt.

Aliud Experimentum *Gassendus*, à Rarefactionis motu desumit: Esto *Aeolipila* A B C D E, cujus cavitatis pars una A B C

C

Aquâ,

II.

*Repugnat Corpus in pluribus locis reponi.*

III.


*Redditur ratio Experimenti.*

IV.

*Secundum Gassendū, sentis experi-*

mentum ab  
*Aeolipila* de-  
sumptum.

*Aqua*, altera *A E C Aeris*, oppleatur; quâ fiet, ut *Igni* appo-  
sita, *Aqua*, quæ in *Aeolipila* includitur, expandatur & rareseat,



adco ut cum impetu e-  
rumpat, & abigatur? Ni-  
hilominus globi, seu *Aeolipila* capacitas, semper  
plena remaneat? Nam si  
*Aeris A E C* & *Aque*  
*A B C* partes, numero  
pares erant, prorsquam *Igni*  
*Aeolipila A B C D E*  
adhiberetur, debebunt,  
quæ supersunt partes,  
post aliquam evaporatione-

nem plura loca occupare: Ac proinde sicut *agger pulveris*, mo-  
dico *Vento* excitatus, in *Nubis* speciem diffunditur, ob *Aerem*  
*pulveris* gravis intermixtum; quidni eodem modo *Aeris* &  
*Aque* partes, *Aeolipila* incluse, per intromissa *Corpuscula* agi-  
tate, totum illud spatium occupant, quod inania *Interstitia*

V.

Explicatur ex-  
perimentum  
*Aeolipila*.

Respondet, illud nullo modo sequi, quoniam *Aque A B C*  
partes *Aeolipila* incluse, non dilantur, quoniam spatia va-  
cua obtinent, quæ prius *Aeris A E C* partibus immiscebantur,  
sed solum quod *Aeolipila* *Igni* apposita, *Calor* exiguas *Aque*  
partes exagitet, efficiatque ut inter se collidantur, & magno  
molimine, ab invicem recedere nitantur. Quippe subtilis  
*Materia*, vi *Ignis* intromissa, earum *Meatus* distendit, ac dila-  
tat: quo fit, ut solito magis compressæ, & sese extricare co-  
nantes, per foramen *D* cum impetu versus *F* egrediantur, &  
quandam naturalis *Venti* speciem referant. Itaque tota *A-*  
*que* expansio, supra superficiem *A C*, soli *materiæ* subtili per  
*Aeolipila* poros ingressæ, tribuenda est, quæ ejus particulas agi-  
tando, non sinit eas amplius coherere. Ut ipsemet *Gassendus*  
læteri cogitur his verbis: *Idque agens ibus corpusculis ignis, quæ et*  
*superingressa, & rapidissime nunc redeuntiaque inter latera Aeolipila,*  
*non intorquiescunt illa finit: sed hec illis sic esse cogant, ut*  
*totum spatium videri possit.*

VI.

Teretium expe-  
rimentum, d. Sa-

Aliud est Experimentum singularare, quo sibi inania Spatia, in  
*Corporibus eordè detexisse videtur Gassendus*. Cum nosset vir  
Clarissimus,

Clarissimus, non quantamlibet *Salis* mensuram, sed certam quandam quantitatem, posse in *Aqua* dissolvi, cum usuveniat, quæ aliqua *Salis* portione saturata est, reliquum quod imponitur, respuat, & indissolutum relinquat; Id aliter contingere non posse arbitratur, quàm quod *Sal* in tenuissimas Particulas digestus, *Aquam* undique permeet, & vacua Intervalsa repleat; quibus expletis, omnis exolutio cessat, modo haud absimili, quo stomachus cibo gravatus, quicquid ingeritur, remittit. Sed cum *Salis* particulae, non unius sint figurae; quippe *Salis communis* cubicæ sunt, *Aluminis* octahedricæ, &c. assignanda quoque erunt, diversæ figurae spatia, quæ talia esse, ex eo maxime probatur, quod *Aqua Sale* communi imprægnata *Alumini*, *Sali Ammoniac*, & *Saccharo* adhuc pateat. Quæ Corporum admissio, aliam in Causam refundi non potest, quam in ea Loculamenta, quæ *Aquæ* partes intercipiunt; quum illis oppletis, *Aqua* plus hujusmodi *Salium* exsolvere nequeat, & veluti satiata turgat.

Aliquid hoc Experimento *Gassendus* probaret, si Nobis persuadere posset, *Aquam Sale* intromisso minimè augeri, & eundem prorsus, quem antea, locum occupare; Cujus tamen contrarium usu cotidiano videmus. Quippe licet in cyatho *Aquæ* pleno, certa quedam *Salis* portio, citra effusionem accedere possit, non tamen sine ejus superficiei expansione: constat enim *Salis*, aut Cinerum introductione, *Aquam* attolli, & ad modum globi, in cyathi medio assurgere. Ut in *Thermometro*, seu *Tubo vitreo* conspici licet, cui si *Sal* infundatur, *Aqua* illico augetur, & sensim altius se insinuat.

At, inquires, si nullæ in *Aqua* intercapedines inveniantur, quæ *Salem* impositum accipiant, qui sit, ut certa illius quantitate satiatur, & reliquum respuat? Hujus rationem reddere arduum non erit, si partes *Salis* rigidas esse, dulcis autem *Aquæ* molles, & ad inflexionem propensas supponamus. Nam cum *Salis* partes, sibi invicem transversæ incumbant, *Aquæ* dulcis partibus, (quæ in continuo versantur motu) occasionem præbent, illas interlabendi, & ad modum Annulorum eas circumplectendi, atque ita disponendi, ut inter illas facilius fluant, & Motum suum continuent, quàm si solæ relinquerentur. Quia cum *Salis* partibus implexæ sunt, *Materia subtilis*, cujus Vi agitantur, id tantum agendum habet, ut eas circa *Salis* Corpora,

lis dissolutione  
petitum.

VII.

Quomodo Sal  
in Aqua dissol-  
vatur.

VIII.

Cur certa Aquæ  
quantitas, non  
nisi certam Sa-  
lis mensuram  
dissolvere possit.

scula, quæ complectuntur, citissimè deferat. E diverso, dum solæ existunt, *dulcem*que Aquam componunt, ita inter se confunduntur, ut Materia Subtilis, partem suarum virium, in ipsis diversimode insecutendis impendere debeat. Cum citra illius impulsus immotæ maneant, & à se invicem disjungi nequeant. Cum igitur Aquæ dulcis partes, finitæ sint, & virtus quam habent se movendi, limitata sit, necessariò contingere debet, ut postquam certum partium numerum Salis, circumlambendo complexæ sunt, cæterarum resistentiâ superare non valeant, ac proinde *Aqua* veluti satiata, superinjectum Salem exsolvere non potest, quoniam non supersunt partes Aquæ flexiles, quæ *Salis* corpuscula, circumvolvendo amplectantur, & liquefactionem efficiant. Id cotidiè in *Aqua* communi, & *Aqua* forti manifestum sit, quæ non nisi certam ac determinatam *Salis*, aut *Metallorum* quantitatem exsolvere queunt. Unde si exsoluta ea mensura, unicum *Salis* granum injiciatur, siccum remanet, ac si in loco arido reponeretur.

## IX.

Supereest ut celeberrimi *phænomeni* rationem reddamus, quod solertem *Torricellium Florentia* observasse narrat *Gassendus*. Ille siquidem Tubo vitreo assumpti trium pedum, (qualis describitur cap. 17. part. 6. Institut. philosoph.) cum septem digitis, & onciis novem, quem cum *Hydrargyro*, seu Argento vivo replevisset, eundemque digito, illius oppresso orificio invertisset, in stagnantem in Vase *Hydrargyrum*, tum amoto digito, observatum esse, *Hydrargyrum* in subjectum Vas non totum defluere, sed intrâ Tubum, ad *duorum pedum* & *digitorum* ferme trium altitudinem subsistere, absolutis prius, quibusdam sursum deorsumque *Vibrationibus*, relicta interim parte tubi superiori non solum *Hydrargyro*, sed & quovis alio Corpore destituta.

Quantum experimentum  
tubi vitrei hydrargyro ad  
certam mensuram repleti.

## X.

Genuina prædicii experimenti ratio.

Hoc experimentum, quanquam magis à pluribus fiat, videaturque in Mundo *Vacuum* stabilire, nullius tamen apud eos est momenti, qui in Corporibus *Poros* admittunt, quos Materia quædam Subtilis penetrat, & ea loca obtinet, quæ à crassioribus Corporibus deferuntur. Ea enim est primi Elementi Materię indoles, ut non *Vitrum* modò, sed & *Adamantem*, *Chalybem*, & quodcunque aliud durum Corpus trajiciat. Nam licet *Vitrum*, utpote frequenti fusione depuratum, *Poris*, seu foraminulis carere videatur, ambigi tamen nequit, quin continuos habeat;



habeat, & nullibi interruptos. Quod ejus pelluciditas suffi-  
enter arguit. Quippe cum generatur, liquidum sit, Materia Sub-  
tilis circa ejus particulas undique fluens, innumeros ibi Meatus  
efformat, per quos transmissi secundi Elementi globuli, Luminis  
actionem in omnes partes transferre queunt. Licet ergo spa-  
tium illud, quod ab Hydrargyro derelinquitur, *Vacuum* ap-  
pareat, nullâque sensibili Materia repleatur, ab alia subtili re-  
pleri potest, quæ Sensus nostros fugiat. Nec illud *Gassendum*  
ipsum latuit, dum Experimentum explicando, *Caloris frigoris-*  
*que corpuscula* admittit, in *tubi capacitatem penetrare, perque ip-*  
*sam infundi.* Quod idem de *Lumine* sensit, cum illud rem Cor-  
poream esse agnoscit, tenuemque esse materiam, quæ Tubum  
trajicit, ac penetrat. Quare frustra ad Inania spatia recurri-  
tur, quum iis subtili Æthere repletis, tantum loci novis cor-  
poribus recipiendis adinveniatur, ac si revera vacua mane-  
rent.

Præterea quis nescit *Nihilum* nullius esse proprietatis capax :  
at, si versus superiorem Tubi partem ignis applicetur, illico  
similis ibi Rarefactio deprehenditur, quæ in Thermometro per-  
agitur, & qua Hydrargyrus ad descendendum adigitur. Unde  
fat evincitur veram illic materiam esse, quæ mutationem illam  
subit.

Cæteris validius Argumentum excogitasse videtur *Lucretium*,  
ad Inane Spatium in natura asserendum : si nimirum duo Corpo-  
ra plana *polita* sibi mutuò applicentur, quia cum se mutuò con-  
tingerent, unum ab altero dimoveri non posset, quin eo tempo-  
ris momento, tota unius superficies, à tota alterius superficie,  
dimoveretur. Nam licet fortè ex una parte, magis à se invicem  
sejungerentur, quam ex alia : ut hiscere tamen primum incipe-  
rent, nulla ex parte se contingerent, nisi in Linea extrema op-  
posita. Aliàs ea Corpora non plana, aut inflexa forent, quod  
est contra *hypothefim*. Quo dato, Aer quantalibet Velocitate  
circumfluens, non nisi successivè spatium ab extrema ora ad  
aræ medium interjectum percurrere potest ; ac proindè ne-  
cessum est, ut quo temporis puncto Aer in ipsa, tantillumve  
ulterius est, quod spatii superest, ad medium usque inane sit,  
nec nisi per consequentia temporis momenta impleatur.

Hanc rationem *convincentem* esse existimat *Gassendus*, arbi-  
tratúrque nulla alia ipsi æquivalente posse enervari. Sed reverà

si quod

XI.

*Nullum esse in  
Tubo Vacuum.*

XII.

*Quantum argu-  
mentum à Cor-  
poribus unitis,  
desumptum.*

XIII.

*Non dantur in  
Natura Corpora,  
si quod exacte polita.*

si quod supponit, probe examinetur, apparebit omnino falsum esse, & nulli fundamento inniti. Supponit enim duo Corpora omnino polita esse, quod tamen reperiri posse ipsemet abnuit, *Phys. sect. 1. lib. 6.* quia licet *Marmor, Ferrum, Lignum,* & alia id genus corpora, in quibus neque manu, neque oculo ulla inæqualitas agnoscitur, politissima videantur; suadet tamen Ratio, ut credamus illa inæqualissima esse, quatenus ea polities, non nisi variis granulorum, seu limæ, seu sabuli ductibus impressa est, quibus plurimas fossulas exarari ac derelinqui oportet. Ac proinde verisimile non est, duo reperiri posse Corpora plana ex ulla materia adeo dura & polita, & sibi mutuo tam exacte congruentia, ut inter illa nihil Aeris relinquatur. Si verò contingat corpus alteri perfecte polito conjungi, non poterit ab illo separari sursum perpendiculariter trahendo, sed necessum est, ut corpus superius ad latus trahatur, quo pacto, horum corporum separatio successivè fit, ita ut Aer facili negotio, in locum ab illis derelictum succedat.

## ARTICULUS QUARTUS.

### *De Corpore Divisibili.*

I.  
*Divisibilitas  
omnibus Corporibus competit.*

**E**PICURUS, qui Substantiam Materialem ex *Atomis* componi asserit, eisque ortus interitusque rerum assignat; imaginatus est, Corpora ita variis modis subdividi posse, ut ad minima Corpuscula demum perveniat, quæ ratione soliditatis suæ, ulteriorem partitionem abnuant, & nulla Vi naturali, exsolvi se patiantur, ut ait *Anaximenes*,

— *tenuissima tantis*  
*Principia, & nostros non admittentia visus,*  
*Parvarum serie constant connexa Atomorum,*  
*Sic solidum imprimis, nullique secabile segmen.*

II.  
*Gassendi opinio,  
de Corporis  
divisibilitate.*

Hanc Opinionem tueri conatur *Gassendus*, sumpto à rerum concretarum dissolutione, Exemplo; nam sicuti, *inquit*, videmus Naturam Corpora in particulas impensè exiguas resolvere, & non

& non nisi ad certum earum Numerum progredi; ita colligendum est, non in infinitum, illas comminueri, càm illius vis limitata sit, brevique exhauriatur & desinat; ac proinde quædam Corpuscula superesse debent *Individua*, & ulterioris partitionis expertia.

Scio *Gassendum*, non *Mathematicam* Indivisibilitatem huiusmodi *Atomis* tribuere, sed eas duntaxat insectibiles existimare, ob duritiem, & mutuam earum Partium implexum; sed quomodocunque *Epicuri* mentem *Gassendus* interpretetur, alienum à *Corporis* natura videtur, quod individuum sit, & partitionem refugiat. Divisibilitas enim, omni Substantiæ Materiali propria est, & ita ei annexa, ut eam immediatè, essentialitèrque sequatur: nam si probè ad Conceptum, quem de Corpore habemus, attendatur, statim occurret, esse quid *Extensum*, & tribus Dimensionibus mensurabile: Quo autem pacto fieri, ut quod longitudine, latitudine, & profunditate constat, Divisionem non patiatur? Statuendum est igitur, omne Corpus esse partibile, & ita indefinitæ sectioni obnoxium, ut nulla unquam divisione exhauriri queat.

Hanc Divisionem pluribus exemplis Mathematici demonstrant. Verùm, unum inter tot seligamus. Duas lineas parallelas nobis ob oculos proponamus, A B nimirum, & C D, quas secundum longitudinem *Indefinitas* supponamus, & unus digiti spatio à se invicem distantes: Hoc posito, linea E F inter illas duas interjecta, & quas perpendiculariter attingit,

III.  
Implicat dari  
Corpus quod sit  
indivisibile. }

IV.  
Cum puncta sine  
fine in Corpore  
assignari possint,  
sequitur Corpus  
esse in infinitum  
divisibile.



unius quoque digiti longitudine ut sit necessarium est. Tam puncto A Lineæ A B sumpto, quod ab ea unius digiti intervallo etiam, prout lubuerit, apprehendemus, sumamus supra C D, ad dextram ejusdem lineæ E F, tot puncta, quot voluerimus, exempli causa G, H, D, &c. à se mutuo, pro nostro arbitratu distita;

diffita; atque concipiamus à puncto A tot lineas rectas proficisci, quæ ad omnia illa puncta G, H, D pertingant. Hoc dato, manifestum est, quod Linea A G, sit transitura per punctum I Lineæ E F; Linea A H, transitura sit per punctum L paulò altius, & Linea A D per punctum M, quod alteri adhuc supergreditur, & ita de reliquis: Sed quoniam linea C D, indefinita est, potestque indefinitus punctorum G, H, D, similium numerus, supra ipsam accipi; sequitur quòd quæ à puncto A ad omnia illa puncta ducentur lineæ, infinita puncta, in linea E F notatura sint, inter se differentia, & quæ magis semper ac magis ad extremitatem E accedent, sed ita quòd nulla omnium earum linearum, unquam per punctum E transeat. Quoniam supponitur, quod Linea C D, sit lineæ A B parallela. Unde concluditur, cum indefinitus punctorum numerus, in determinata quadam materiæ portione assignari possit, quod materia, sive Corpus, sit in infinitum divisibile.

V.

Quomodo Corpora cum sint omnia divisibilia non sunt equalia.

Opponet fortè quis pro *Gassendo*; si ad Corporis Naturam spectat, ut *in infinitum sit divisibile*, sequetur Corpus A quod exiguæ molis esse supponitur, Corpori B duplo majori, fore æquale: Atqui absurdum est Corpora diversæ *Magnitudinis* esse mole paria; igitur falsum est, ambo esse indefinitè partibilia. Major videtur evidens, quia non minus in A infinita Divisibilitas intelligitur, quàm in B, quod altero est duplo majus.

VI.

Mentis finite non est aliquid de Infinito determinare.

Ad hanc Objectionem responderi potest cum *Cartesio*, *parte prima principiorum, articulo vigesimo sexto*; Nos non debere nimium in iis explicandis sollicitos esse, quæ sub Intellectum nostrum non cadunt, quæque à Nobis perspicuè & distinctè concipi nequeunt. Ad Mentem enim *Infinitam* duntaxat pertinet, Infinitum intelligere, & de ipso aliquid determinare. Ineptum verò foret, id quod de Corporis essentia capimus, tanquam falsum respuere, quoniam Mente Infinità præditi non sumus, & Infinitum comprehendere non valemus. Quam ob causam *Cartesius*, illa in quibus nullos extensionis fines advertimus, non ut *Infinita*, sed ut *Indefinita* considerat, cum in infinitum dividi possint, & ad eorum partem ultimam non liceat pervenire.

VII.

Duo Corpora a diversa molis

Aliter Responderi potest secundò, *Divisibilitatem* in Corpore minori A, non tantam esse, quanta in corpore B duplo majori reperitur;

reperitur ; hoc est, A in partes æquè magnas, ac ipsum B distribui non potest ; nihil tamen obstat, quin in tot, sive æquè multas discerni queat ; quia Corpora non quoad *quantitatem Continuum* sectibilia dicuntur, sed quoad *Discretam* ; Pars siquidem millesima unius Materiæ, in alias mille partes subdividi potest, non minus quam ipsa Materiæ moles : quia dividendi aptitudo, non per actualem partitionem decrescit, aut tollitur, non magis quam in Homine, *scribendi* aut *pingendi vis*, dum litteras in papyro exarat, vel ductis lineis, in tabula cfigiem delineat.

Paradoxum quibusdam videbitur, quod non minor partium numerus in *Acari* corpusculo reperiatur, quam in *Tauri* mole ; nihilominus si Engyscopio perfecto utamur, inveniemus *Acari* corpus, utpote vita præditum, non minus organicum esse, quàm quodvis ingens aliud Animal. In eo siquidem rostrum cum proboscidula deprehenditur, qua cutem penetrat, sanguinemque ex ea, in alimentum extrahit. Si gradiatur, ad posticam partem, sole præsertim splendente, egeri sæcula videtur, pulicis magnitudinem æquans. Præter varias tum supra, tum infra cutem asperitates, duo in fronte ramosa cornua deteguntur, atque seni pedes, hinc & inde adinstar eorum, qui in *Canceris* cernuntur, in latera diffusi, quorum duo partem priorem, posteriorem quatuor alii fulciunt. Verùm, licet omnes hæ particule quibus Animalculum circumvestitur, plurimæ sint, paucæ tamen reputandæ sunt, si cum iis comparentur, quæ intrinsecus latent. Quippe in eo, *stomachum* reperiri necesse est, *intestina*, *cor*. *Cerebrum*, quibus vitæ functiones peragantur. Oportet *venulas* adesse, quibus alimentum per corpus deferatur ; *arterias*, quibus vitalis spiritus, *nervos*, quibus animalis, *musculos* denique, *tendines*, *articulos*, ac innumera alia, quorum ope Animalculum nutriatur, sentiat, moveatur, & alia vitæ munia exerceat. Quæ omnes partes, et si exiguæ sint, non minus tamen, quam majores Divisioni subjiuntur, quoniam extensæ sunt, & in partes separabiles.

VIII.

*Innumera pars in Acari corpore sunt.*

## ARTICULUS QUINTUS.

## De Corpore Raro &amp; Dens.

## I.

*Spongia liquore inflatur, & majorem locum occupat.*

**S**pongia, Aquæ intramissione turgēt, & ita inflatur, ut ad majus spatium se diffundat.

Nonnulli existimant Spongiā rarefieri, per *novæ Quantitatis augmentum*; quasi nihil materiæ accedat, sed sola super-veniens quantitas, Spongiæ partes separet, & ejus magnitudinem augeat. Verum, quis credet *Aquā*, dum rarebit, & in *Aerem* degenerat, ad solius *novæ* quantitatis augmentum, tantum dilatarī? Quis non videt *Spongiā*, Liqueorem haurire, eamque in ejus penetralibus recondi, qui postea, Spongia compressa, effluit, sinisque ejus partes, ad se invicem accedere, & intime uniri. Rarefcit igitur Spongia, dum ejus partes, à se mutuo remouentur, earumque meatus supervenienti *Aquā* replentur. Illa autem eadem Densā evadit, dum ejus partes sibi invicem incumbunt, & illam materiam abigunt, quæ eorum Intervalla prius occupabat. Aded ut Spongia, non modò rara dicenda sit, dum sicca est, & omnem Humorem excludit; sed maxime dum peregrinis Corporibus, intra ejus meatus receptis, saturatur & turgēt.

## II.

*Qui fit, ut valvæ arida tempestate facile claudantur, ægræ autem nubila.*

Valvæ, tempestate humida, nonnumquam ægrè, interdum nulla vi obserari, & aperiri possunt. Cujus contrarium in *Afferibus*, quibus dolia vinaria compinguntur, experimur: quippe Aeri, siccò tempore exposita, à se invicem disjunguntur, & rimas hiatusque præ se ferunt.

Valvæ, aut Januæ madida tempestate intumescunt, quoniam *Aquā*, vel *Aer* aqueis vaporibus refertas, ligni poros penetras, eorumque latera distendit; quibus ampliatis, necesse sunt est, totam Corporis molem dilataci, & latius spatium occupare.

## III.

*Cur fides intumescunt aeris humiditate.*

Sic Testudinis fides cælo humido intumescunt, uti ex eorum divulsione, difficilique verticulorum circumactione fit manifestum. Sic lignei globuli, *fissuras* admittunt, si aquæ imponantur, & intra rimas liquorem infundi sinant. Referunt quidam fide dignissimi Authores, Terræ portionem è locis *Nilo* vicinis

vicinis sumptam singulis diebus pondere augeri, usque ad decimum septimum *Junii*, qua die *Nilus* turgescit, donec fluvius ad justam altitudinem pervenerit. Quod aliundè quam ab Aere oriri non potest, qui tunc condensatus, & Aqueis particulis refertus, Terræ pondus conciliat.

Ea ratione Constantinopoli factum est, ut obeliscus à basi revulsus in locum pristinum restitueretur. Nam id facere ag-  
gressus Artifex, ingentem aquæ copiam adferri jussit, qua funes, quibus obeliscus librabatur, madefacti, intumescere, seseque ita contraxere, ut obeliscum sublimius evectum, in priori loco reponerent.

IV.  
*Ut obeliscus  
revulsus suo loco  
restitutus.*

*Doliorum* verò *asser*es comprimuntur, minoremque locum occupant, quoniam eorum partibus Calore agitatis, nonnullæ exiliunt, & in auras feruntur. Quibus ablatis, haud mirum est si partes reliquæ, ad se invicem accedant, & non tantum loci, quantum antea, occupent.

V.  
*Ut Doliorum  
asser'es nubila  
tempestate com-  
primuntur.*

Sit *Lamina ferrea* duobus pedibus, exempli causa, longa, cui *baculus ligneus* ejusdem magnitudinis adaptetur, aded ut, neutrum longitudine alterum excedat. Tum ferrea lamina in Ignem validum & acrem immittatur, donec concepto undique Ardore incandescat; mox *forcipe* erepta, cum bacillo ligneo conferatur, apparebit ferream laminam, non secundum latitudinem modò, sed & secundum longitudinem auctam esse, & ipso ligneo Bacillo majorem evasisse. E foco verò erepta, & aliquamdiu Aeri exposita, refrigeratur, & pristinam magnitudinem recuperat.

VI.  
*Pars ferrea in  
Ignem projecta,  
augmentam  
acquirit.*

Hujus Mutationis causa, in Corpus peregrinum, quod fer-  
rum penetrat, aut elabatur, refundenda est: Augetur enim, ad Ignis particulæ ejus Meatus subeunt, atque eos dilatando, ad majus spatium protendunt. Nam cum Ignis particulæ in continuo sint motu, non possunt non latera, quibus arctantur, extendere. Lamina autem ferrea, Aeri exposita, ad pristinam longitudinem revertitur, & denuò bacillo ligneo sit æqualis, quoniam ex ejus poris, Ignis egreditur, quibus succedentes aeræ particulæ, minùs illos concutiunt, minoremque locum ad sui dilatationem requirunt.

Hinc candentis ferri acie, aut filo sulphureo accenso, vitrum  
refecari solet, eo quod, vitri particulæ Ignis calore concussæ,  
locum ampliozem postulant, ac proinde partes contiguas vali-  
dius

VII.  
*Cir ferro can-  
dentis vitrum  
refecatur.*

dius propellunt. Eandem ob causam, metalla *fusa* attolluntur, majusque quàm antea spatium exigunt.

## VIII.

*Aqua in Vapores conversa, centies majorem locum occupat.*

Aqua, vi solis in Aerem attollitur, & ita diffunditur, ut longè amplius Spatium, quàm antea, occupet, quippe si Nonnullis fides habenda est, *Aqua in Vapores* versa, locum ad minus centies majorem complectitur.

Tantæ diffusionis Causa, non ipsis Aquæ partibus assignanda est, ut quidam perperam opinantur; quum fieri non possit, ut aliquid nova magnitudine, sive Dimensione augeatur, quin etiam nova Substantia Extensa, hoc est, novum Corpus accedat. Expanditur igitur *Aqua*, cum ejus partes dissolvuntur, & relictis inter se spatiis ab invicem distant. Quia nihil aliud in Vaporibus contingit, quàm quod Aquæ partes, quæ antea intimius jungebantur, diltrahantur, & aliæ Materiæ locum dent, quæ illas dividat. Ad eum modum, quo *Pulveris cumulus*, dum Vento sursum attollitur, & in latius spatium differtur. Quippe ea dilatatio, non *Pulveris* granis attribuitur, sed ipsi Aeri, qui eorum interstitia intercipit, & grana ab invicem separat.

## IX.

*Cur Corpora, quæ condensantur, albescunt.*

Corpora, quæ condensantur, & ad molem minorem rediguntur, passim albescunt, & quodam candore afficiuntur. Ut *Butyrum, Adeps, Oleum*, & hujusmodi alia.

Quia in condensatione, expulsi Atomis, seu corpusculis, quæ adipem, oleum, &c. componebant, illaque ad majus spatium extendebant, necessum est, eorum particulas restringi, & adductis ad se extremis, in orbem contrahi, quæ postmodum veluti tot sphaerica specula, totam lucem regerunt, & Album colorem efficiunt. Nam duo potissimum sunt, ut præclare observat clarissimus *D. Boyle tract. de Color.* quæ corporibus albedinem conciliant. Primum, ut exiguis & innumeris constent superficiebus, quæ ita lumen admittant, ut integrum postmodum, & intemeratum reverberent. Adeo ut *lumen*, nec per refractionem, nec umbrarum admixtionem, jacturam aliquam patiat. Secundum, ut lux integra, quæ ad Corpus appellit, remittatur, nullis radiis intra ejus poros absorptis. Ad quod efficiendum, sphaerulæ maximè conducunt, ut *latius* postea, cum de *Colore* agetur, apparebit.

## X.

*Unde oritur fermentatio in cerevisia novella.*

Cerevisia novella, aut mustum, si in vasibus stricti orificii reponatur, intumescit, & tanto impetu ferverescit, ut non rardum trium contractio periclitetur. Oritur



Oritur hæc turgescentia, ex partium liquoris *Heterogeneitate*, quæ inter se implicatæ, ob varias suas figuras confociari nequeunt, & à se invicem extricare se nituntur. Et hanc esse *Fermentationis* liquorum rationem, ex eo clarè deducitur, quod horum liquores separati, & segreges facti, nullum tumultum excitent. Ut *Ardentes Spiritus*, *Aquæ distillatæ*, & similia à Chymicis præparata, quæ citrà ullam alterationem, diu servantur & consistunt. Spiritus enim Vini arctè inclusus, nullum dilatationis indicem præ se fert. Sin autem huic spiritui nonnihil *Terebinthina* admisceatur, aded ejus partes tumultuantur, ut aliquando visa sint Vasa Hermetice obliqnata, frangi & dissiliri.

Panis ex farina *Triticæ* germinantis, si conficiatur, etiam absque fermento attollitur, & ità effervesceat, ut in massam coagulatus, contineri nequeat, sed veluti aucta mole diffunditur, & in ipso furno late diffluit.

Id provenit, quòd in germinante *Tritico* partes *salina* maxime vigent, & in exaltatione sua positæ sunt. Unde dum massa subacta in clibano incalescit, ejus partes clibani *astu* excitatæ, perturbatè excurrunt, & alia resistentia sibi corpuscula impetunt, eaque quodammodo præcipitant. Quo fit, ut panis spongiosus evadat, & levitatem nanciscatur.

Thermometra *Aqua forti* impleatur, sed ita, ut repleta ali-quod Spatium relinquat, à residua Aeris parte, qui antèa in Tubo erat, occupatum: fiet, ut illa Aeris portio, intensiori calore distenta, Aqua forti recedente, & se in inferiori Tubi capite recolligente, omnem tubi capacitatem repleat. Ediver-so, vi frigoris, in tantas angustias redigetur, ut *Tubum vitreum*, penè ab Aqua forti totus occupetur.

Procedit illa varietas, à continuo novæ Materiæ ingressu, per vitri meatus, quæ Aerem impurum in Tubo contentum, sua Agitatione ita rarefacit, & ita extenuat, ut ejus particulis diductis, Aquam fortem impotentiùs resistentem, loco suo propellat; quæ, regrediente denuò Subtili Materia per Vitri poros, Aeris particulis rursus intimiùs sibi connexis, ad priorem locum revertitur, ab Aere infimum Tubulum iterum subeunte adacta. Si verò asperum sit Cælum, & intentius, ac penetrabile sit *frigus*, illa Aeris pars in superiori Tubi capite existens, discedente sublimi materia, ita in indefinitum decrescit, ut totus Tubus, ab Aqua forti compleatur.

XI.

*Cur fermentatur panis ex germinante tritico confectus.*

XII.

*Quomodo in Thermometro Aer condensetur, aut rarefiat.*

Castanea



## XIII.

*Castanea in  
Ignem injecta  
cum strepitu  
frangitur.*

Castanea igni apposita, paulatim turgescit, & mox cum strepitu effringitur.

Illud non à peregrina Materia fit, ut quidam imaginantur, quæ *Castaneam* subit & egreditur, sed ab ipsis crassioribus *Castaneæ* partibus, quas Materie Subtilis actio poros earum penetrantis, ab invicem separat, easque ita exagitat, ut corticem cum fragore ac strepitu effringat.

Eodem ritu, Columna marmorea, cujus *Cabeus* meminit, quanquam mole ampla, ligni accenti appositione penitus effracta est, eò quod Aer intra ejus meatus inclusus, subita rarefactione, contineri non potuerit, sed obstaculis, quibus coerceretur, divulsis, exitum quæsierit, locum, in quo liberius spatiaretur, vestigans.

## XIV.

*Pulveris pyrii  
granum quan-  
tum dilatatur.*

Ab ea Corporum dilatatione, oritur nonnunquam, ut exigui Corporis quantitas in immensum propemodum diffundatur, quemadmodum in Fumo, Vaporibus, Flamma cernitur; quæ tanta est, ut pulveris Tormentarii *granum*, ut à *Job. Chrysof.* *Magneno* demonstratur, in Igneam spheram decies termillies octoginties quater majorem, quam sit ipsum granum, expandatur.

## ARTICULUS SEXTUS.

## De Duro &amp; Fluido.

## I.

*Unde Lapidum  
& gemmarum  
durities.*

Corpora duritie distinguuntur, ut *Lapis, lignum, cor, pumex, Gemma*, è quibus nonnulla facile, alia verò non nisi ægre, & cum labore abrupuntur.

Dura Corpora esse censentur, quorum partes juxta se mutuo quiescunt, & ita inter se coherent, ut ab alia Materia, quæ inter illas moveatur, non interrumpantur. Adeò ut firmiora illa habeantur, quorum inflexibiles sunt partes, & sibi mutuo contactu connectuntur. Unde *Gemma* licet in hoc omnes conveniant, quod à lima non tangantur, aliæ tamen aliis duritie antecellunt. Nonnullæ enim *plumbo albo* poliuntur; quibusdam *ere* opus est; aliæ *smiridem* non admittunt. Hinc magnum inter *Adamantem*, & *CrySTALLUM* discrimen interest, etiam ambo

ex

ex eadem Materia fiant, & iisdem in locis nascentur: quoniam *Cryſtallus* mollior teneriorque eſt, utpote cujus partes nondum coaluerunt, & quibuſdam Motibus diverſis agitantur. Firmior compactiorque eſt *Adamus*, quoniam partes ejus inſenſibiles, immediatiuſ ſe contingunt, & mutuo complexu intimiuſ implicantur.

Lateres ex *Argilla* conſecti, duriores evadunt, ubi Igni fuerint impoſiti, quamvis tunc ampliores habeant meatus, & eorum partes magis à ſe invicem diſtent.

II.  
Cir lateres  
coſti ſunt duri-  
ores non coſtiis.

Hanc Duritiem *Lateribus* accidere exiſtimo, quod Igniſ actio ex laterum cavitatibus, non *Aqua* partes modo, quas longas, & ad modum *Anguillarum* tenuium lubricos eſſe ſuppono, expellat; Verum etiam cæteras alias fluidas, quæ non ita arctè ſibi ipsis annectuntur. Unde fit, ut iis ſublatis, quæ ſuperſunt, ad ſe proximiuſ accedentes, intimiuſ implicentur, & compingantur, in quo *Duritie* indolem conſiſtere perſpicuum eſt.

Ab hoc novo partium implexu oritur, quod plurimæ in *Braſilia* plantæ, quæ licet quamdiu ſolo adhærent, flexiles ſint; ubi verò avulſæ ſunt, & ſuccum alimentarem per radicis orificia haurire deſeruant, inflexiles evadunt, & ſummam duritiem nanciſcuntur. Memini me alicubi legiſſe, certum quoddam *Argilla* genus reperiri, quæ, quamdiu fluvii fundo ſternitur, & aquis obruitur, manu tractabilis eſt, in Aerem autem traduſta, dura evadit, & adamantinam propemodum firmitatem acquirit.

III.  
Ut quædam  
Corpora mollia,  
dura evadunt.

Aqua fluida in *Glaciem* concreſcit; *Fuſculum*, *Sanguis*, & ſimilia, ſi ſibi ipsis relinquuntur, coagulantur, & quandam firmitatem acquirunt.

IV.  
Ut Aqua, ſan-  
guis, lac, &c.  
firma evadunt.

Illud accidit, dum eorum particulæ, externa agitatione ceſſante, ſibi mutuò adhærent, & arctiuſ connectuntur. *Sanguis* enim, & *fuſculum*, firma evadunt, dum tenuiores eorum partes exhalantur, & craſſiores duntaxat remanent, quæ ſibi ipsis relictæ implicantur, & ad quietem adiguntur. Id in oleo *Aniſi* quoque experimur, quod æſtate, dum maximè Corporum agitatio fit, fluidum manet, & nonniſi in Vaſe poteſt contineri: Ineunte vero Hyeme, dum radii Solares Terram debiliuſ concutiant, congelatur, & in Corpus Durum evadit. Idem de lacte dicendum eſt, quod licet natura fluidum ſit, & facile aliis Corporibus ſe inſinuet, in *Cafinu* tamen abit, quando Salis particulæ,

particulæ, quæ in coagulo existunt, Lactis substantiam penetrant, huc & illuc ejus particulas commovendo, ut crassiores, quæ in ramos quosdam flexiles desinunt, sibi mutuo implexu jungantur, & suo pondere exiliores feri partes, è loco suo deturbent. *Lac* autem in *Butyrum* evadit, quando cremoris partes, perpetuo concussu agitatæ, à reliquis divelluntur, & ramis suis sibi adhærentes, demum in continuum unum Corpus coeunt.

IV.  
Sal in Aqua vi  
illius motus  
dissolvitur.

Sal in Aquam injectus, liquefcit, & sensim exsolvitur; quamvis Aquæ multò præponderet, & ad ima loca tendat.

Id contingit, dum *Aque* partes, quæ jugi Motu cientur, *Salis* particulas subeunt, & rupto paulatim earum nexu, illas à se invicem dirimunt, & Continuitatem abruptunt. Talis enim dissolutio, non nisi à Motu peragi potest: nam licet *Aqua* intra Vasis vitrei cavitatem, exempli causa, contenta, quiescere videatur, & nullam Agitationem Sensus nostri deprehendant; nihil obest quominus aliquæ partes *Aque*, ab imo vasis vitrei sursum ferantur, & aliæ à summo deorsum; & aliæ à dextra ad sinistram, & è converso, à sinistra ad dextram pergant. Quo fit, ut *Aqua* statim *Salem* dissolvat, & ejus partes ab invicem separet.

V.  
Ut fluida duri-  
tatem induunt.

Liquida Corpora sæpè Duritiem assumunt, & firma efficiuntur: sic ovi *albumen*, dum coquitur, durum evadit, & ex ovi albumine *pullus*, cujus partes solidæ sunt ac stabiles.

Nascitur è liquidis Corporibus *Durities*, ex eorum partium contextu & figura, dum nimirum ita aliæ aliis aptantur, ut veluti uncinis & anfulis se mutuo comprehendant, & viminum ritu, unæ alteris ita implicantur, ut amplius movere se nequeant. Sic purissimus *Vini* spiritus, & spiritus *Urine*, post longam fermentationem eductus, si misceantur, in nivis speciem concrefcunt. Idem præstat *Vini* spiritus cum ovi albumine concusso permixtus. Nec alia ratione spiritus *Terebinthinae*, post repetitas distillationes, in corpus stabile concrefcit.

VI.  
Ut Aqua com-  
munis nitro  
indurescit.

*Aqua* communis, si per Terræ portionem nitro scetam transmittatur, diuque Igni apposita bulliat, nihil firmitatis præfert, Igne autem amota, *Salis* massam relinquit, & *Crystallus* quodammodò procreat.

Hujus phænomeni ratio est, quod *Aqua* ad naturale frigus redacta,

redacta, plurimæ Salis Atomæ, vi caloris antea concussæ, & veluti sui juris factæ, dum Aqua gelida est, moveri desinant, & sibi invicem approximantes, unâ coeunt, seseque mutuo complectuntur. Quo fit, ut in Crystallos abeant, & suæ naturæ figuras recuperent. Sic *Alumen* in figuras octohedras, *Sal Ammoniacus* in hexagona, *Sal marinus* in cubos, *Sal niri* in pyramidas, Saleque alii in alias figuras sua sponte efformantur.

Si quid acidi, lacti tepefcenti imponatur, illicò partes caseosæ, à serosis & tenuioribus sejunguntur, & in spissius crassamentum abeunt, ut in oxygala illa Anglis familiari, vulgo *Opplibub* nominata, cernitur. VII.  
Quomodo fit oxygala.

Hujus ratio in hoc posita est, quod *Lac* non omninò fluidum sit, sed consistentiam aliquatenus crassam habeat, cujus pori, seu meatus densioribus particulis, scilicet *caseosis* cinguntur: Hinc si quid subtilius, acriusque illos pervadat, quale acidum est coagulam, spissiores particulas, quibus meatus opplentur, facile abigit, expellitque, quæ sibi mutuo adhærentes, à seroso & tenui liquore separantur. Quod etiam contingit, si *Lac* aliquo tempore servetur, donec *Acorem* contrahat, quoniam tunc citra coaguli opem præcipitatur, & locum infimum petit, modo Igni adhibeatur, & teporem aliquem adipiscatur: eo quod lacte inveterascente, tenuiores ejus particulæ fluidæ evadunt; dein Ignis calore excitatæ, proprio acore, vim acidi coaguli pensant.

Oleum ex *panno*, Aqua pura dilui non potest sed *lixivio* opus est, maxime *sapone*, qui fluiditate Aquæ cedit, & minorem ex partium consistentia motum testatur. VIII.  
Oleum ex panno Aqua tolli non potest, bene autem Sapo.

Hujus ea est causa, quod Aquæ partes ab Olei partibus, quoad figuram dissentiant, & sese penetrare, ac dividere non queant. *Oleum* enim ramolis partibus constat, Aquæ vero lubricæ sunt partes, & ad Anguillarum modum effictæ. Unde panni oleo imbuti, poros ingredientes, intactas illas prætereunt & elabuntur. *Aqua* enim *Oleum* incidendi vim non habet, nec in ejus intimas partes penetrandi, ac proinde nec aliquam ejus portionem educendi. *Lixivium* vero, ob salei ei admixtum, id præstat, quippe cum *Sal* inflexibiles habeat partes, & telorum instar, Corporum meatus ineat, *Oleum* faciliè incidit, cum quo ubi introducta fuerit Aqua, Olei particulas secum deferat;

E

quando

quando scilicet ex panno exprimitur, & compressione ad exitum cogitur. Hinc ad delendas è panno maculas, *supo* maximè conducit, utpote ex *Oleo*, *Sale*, & *Aqua* mixtus. Quoniam olei corpuscula ob familiaritatem facile uniuntur, quæ aqua extrahit, dum Salis partes alluit & comitatur.

## IX.

Cur aqua in vitro assurgit, aut depimitur.

Si liquor, exempli causa, *Aqua*, aut *Vinum* in vas vitreum mandum, & cujus oræ undique æquales sunt, ad summum infundatur, ejus superficies omninò plana evadit; secus verò, si ex parte duntaxat vas compleatur, quoniam tunc temporis, liquoris superficies concava redditur, & magis in medio, quam versus extremum demittitur.

Id accidit, quòd Aer, in priori casu, liquorem undique parinifè premat, nec ulla subest ratio, cur fortius unam ejus partem, quam alteram demittat. In posteriori autem casu, Aer circa massam ex *aqua* & *Vitro* compositam circumactus, dumdeforis in Vitri cavitatem devolvitur, non ità dispositus est, ad se secundum interiorem vitri superficiem desilectandum, quàm ad motum suum continuandum versus medium. Ex quo, cum vitri extremam oram transilire debeat, lineam curvam in ea describit, priori oppositam; Adcò ut liquorem magis circa medium premat, quam versus extrema, ubi tantillum magis, quam in medio assurgere debet.

## X.

Plumbeus globus super pulvino quam super incudem firmam facilius complanatur.

Globus plumbeus super Pulvino, aut Incudi pendulæ impositus, quæ impetui cedit, melius complanatur, quam si super firmam & immotam incudem adhibeatur.

Ratio est, quoniam ad globi complanationem, non fat est, quod magno impetu percutiatur, sed insuper requiritur, ut impetus ille, per aliquod tempus duret, ut interea globi partes, *firmum* mutare queant: Dum verò ejusmodi globus, firmæ ac stabili Incudi imponitur, malleus eodem pene momento, quo globum compressit, repercutitur, & ità non illi tempus sufficit, ad illum æquè complanandum, atque si diutius innixus insisteret, Incude nimirum, aut quovis alio corpore cedente. Sic *os vervecinum* super manu facilius quam super Incude frangitur, eo quod à manu adjuvatur, quæ impetui cedendo, ejus fractioni auxiliator.

## XI.

Quomodo pila intromissa aere durior evadat.

Si Aer syringis ope, in folle pugillatorio comprimatur, *pilam* durior efficit, quamvis Aer ipse durus non sit.

Quia Aeris partes, in *pila* conclusæ, cum ejus meatus penetrare

trare nequeant, ita inter se comprimuntur, ut figuras suas mutare cogantur, ad modum tot exiguorum arcuum, seu tendinum, quæ figuram suam resumere, & mox majorem locum occupare contendunt. Unde fit, ut pilam undequaque premendo, duram efficiant, sive ita dispositam, ut *Tactus* resistat.

Corpus Durum in stagni medio existens, immotum manet, & nisi Vi externa, ad Motum adigatur, eandem semper distantiam à circumductis Corporibus servat.

XII.

*Trabs lignea in Aqua immota manet, etsi Aquæ partes continuè moveantur.*

Id ex eo potissimum accidit, quod partes *fluidi*, à quibus Corpus durum, exempli causa, *lignum*, undique ambitur, variis motibus agitentur, & quædam sursum, aliæ deorsum, nonnullæ dextrorsum ferantur; Aded ut Corpus illud, contrarios fluidi Motus excipiens, in æquilibrio consistat, cum non sit ratio, cur in unam partem potius, quàm alteram ferri debeat. Si verò totum fluidum, versùs aliquam unam Regionem tendat, Corpus durum, illius Motui obsequitur, & cum illo defertur; quoniam tunc temporis supponitur impetuum inæqualitas tolli, & tota *Aqua* versùs unum locum tendere.

Crusta, qua domuum Parietes vestiuntur, Aquæ admixtione, Duritiem comparat, & quam non antea habuerat firmitatem, adipiscitur.

XIII.

*Liquor nonnunquam ad duritiem Corporum conducit.*

Susplicari non subit, quò hæc durities oriatur, nisi quòd in *Crusta*, multi sint meatus, quos Ignis ea magnitudine excavavit, ut eos crassiores Aeris particule, subire nequeant, quoniam non illis Vis sufficiens inest, ad ea obstacula, quæ in *Crusta* inveniuntur, repellenda: quod Aquæ particule efficere possunt. Unde Humor diu cum illa Materia crustacea agitatus, grana seu grumulos circumlabendo, variè eorum Poros aperit, & in minores multò, quàm antea erant, partes dividit: Cum verò omnes illæ Particulæ, jam in tenuissimum pulverem redactæ, plus superficie habeant, quam habebant, dum grumulos seu grana componebant, immediato contactu sibi adherentes, & juxta se mutuò quiescentes, Corpus Durum componunt.

Nec alia ratione, Cæmentum ex *polline, ovi albumine, lapidibus in cineres redactis*, marmoris instar indurescit, quo piscina miranda *Cumas*, incrustatos habet parietes. Nam constat pulverem magnetis & silicis, ovi albumine addito, & gummi Draconis, in pastam redactum paucis diebus duritiem nancisci. *Baco Centur.* 8.

XIV.

*Quomodo cæmentum instar marmoris indurescit.*

## ARTICULUS SEPTIMUS.

## De Aspero &amp; Lævi.

I.

*Multa Corpora  
et si ad oculum  
Polita apparent,  
Aspera tamen  
sunt.*

**M**Armor, *Chalybs*, *lignum* Lævia, si oculo, aut manu explorentur, apparent: Scabra autem, si Engyscopio deprehendantur.

Ratio est, quòd affrictus ille, quo Corpora lævigantur, durissimis pulveribus fit, quorum grana ita duci nequeunt, quin fossulas quasdam interexarent, & sulcos post se relinquant. Sic *Vitrum*, *Crystallus*, & similia, licet omnimodam Politiam præ se ferre videantur, cum nihil exuberans in eorum superficiebus deprehendatur, & eorum Partes æquali situ videantur terminari: Nihil tamen obest, quominus *Scabra* dicantur; quia licet *Vitrum* fusione, ex tenuioribus Cinerum particulis componatur, cum tamen illæ irregulares sint, & angulosæ, non ita vi ignis insecti possunt, ut sibi mutuo cohæreant, & omnem suam figuram amittant; Possunt enim Cinerum anguli atteri, nunquam verò ita adaptari, quin eorum aliqui emineant, & cæteris protuberent. Et quamvis hæc partium *Vitri* inæqualitas, *Sensibus nostris* haud appareat, non tamen aliter esse inficiandum est, quum *Sensus* nostri non sufficiant ad omnes Corporum Affectiones detegendas, & in iis sæpe hallucinentur, quæ clarissima Ratio esse demonstrat. *Linea* in papyro ducta, *recta* nobis apparet, quæ tamen admoto *engyscopio*, curva videtur, & multis inæqualitatibus intercepta.

II.

*Corpora aspera  
aliquid Albe-  
dinis ostendunt.*

Corpora, quæ scabram superficiem habent, *Candorem* præ se ferunt: ubi verò humore fuerint perfusa, colorem mutant, & ad *nigrorem* accedunt.

Ratio est, quod scabra Corpora innumeris *facieculis* constant, quarum plurimæ versus Nos ita convertuntur, ut in quamcunque illius partem *Lucis* radii dirigantur, plurimos versus Nos reverberent, ac proinde *Candorem* producant. Asperæ autem scabri Corporis superficie, tolluntur illæ *inequalitates*, sive *facieculæ*, quæ *lucis* radios reflectebant, ac proinde necessum est, ut non nisi veluti *platum* Corpus ad oculum radios remittat, & obscurius videatur.

Lævigata



*Lævigata Corpora*, acceptos lucis radios, versus unam partem omnes reverberant, ac proinde pars illa illustrior, clariorque multò, quam ceteræ, apparet, quæ obscuræ potius, & tenebrose cernuntur.

III.  
*Lævia Corpora unam partem ceteris illustriorem habent.*

Id provenit, quod Radium, qui à Corporibus reflectuntur, expansio, à varia eorum partium inclinatione & eminentia producat. Hinc *Adamantes* Artificum manu, angulosi fiunt, quatenus ex multis eorum faciebus, fulgor in plura loca diffundatur. Sic *Vasa Argentea*, ubi ferventi dealbamento excoquantur, candida evadunt, nivisque albedinem æmulantur; Verùm si in aliqua sui parte poliantur, candore amisso, subobscura apparent, & tanquam confecta è Vitro specula, versus unum locum, radios reverberant. Quoniam eminentes particule, quæ ipsis asperitatem scabritiemque illis conciliabant, complanatione tolluntur; ac proinde necessum est, ut incidens lumen totum in certum locum dirigatur. Uti in *Thorace ferreo* videmus, qui ex lævigatione modò splendescens, modò obscurissimus apparet.

Quædam corpora *Mucorem* facile contrahunt, ut *Ædes tegulis*, aut stramine obductæ murorum extremitates. *Vermis solium*, cui pridem Cultura defuit.

IV.  
*Unde oritur mucor in Corporibus.*

Res *mucida* redduntur, cum tenues particule, inter exhalandum, à crassioribus occupantur, impediunturque, nè ulterius avolent: quoniam tunc in Corporum superficie, mutuo complexu inviscatæ detinentur, & in hirsutam *lanuginem* abeunt: Sic consenescentes Arbores plus *musci* gignunt, quam juveniculæ, quia Succus, qui illas permeat, non ita vegetus est, ut totus in ramos abeat; sed sive ob subtilitatem, sive imbecillitatem in via sistitur, & corticem quadam lanugine obducit.

*Pumex*, sicut alii plurimi *Lapides*, lævigari non possunt, nec ulla arte adigi, ut politim patiantur.

V.  
*Cur Pumex nequit lævigari.*

Ratio est, quod *Pumex*, Corpus sit porosum, laxioresque meatus habeat, quàm ut ejus partes in sese insecti possint, & illum situm acquirere, qui ad Lævorem requiritur. Unde ad Corpora læviganda, *Pumex* nonnunquam conducit, quia asperitate sua, partes Prominentes suis dentulis deterit. Nam quantumcunque alteri Corpori affricetur, semper quandam scabritiem retinet; quam ipso Tactu, licet experiri.

Corpora *Lævia* in agendo resistendoque, Scabris præstant, ut videre

VI.  
*Polita Corpora*

fortius quam  
Aspera agant  
& resiliant.

videre est in *cultris*, & *ensibus*, qui æruginè obducti, minùs scindunt, aut penetrant, quàm dum politie nitent, & omni æruginè solvantur.

Quia, Aspera Corpora, inæqualem superficiem habent, quom eorum partes nonnullæ promineant, aliæ verò deprimantur. Superfici ei inæqualitas, Motum impedit, facitque ut incussa in illam Corpora, debilius resiliant & reverberentur. Pila enim à Polito Corpore, ad maiorem distantiam remittitur, quàm ab Aspero. Quod qui *pila* lusu capiuntur, abundè observant, quia *pila* in Corpus Inæquale impulsæ, ad minorem distantiam reflectitur, quàm dum Læve offendit, & ex inflexis eodem modo partibus surgit.

## ARTICULUS OCTAVUS.

## De Perspicuo &amp; Opaco.

L  
Cux Vitrum est  
ipsa charta  
pellucidius.

Quædam Corpora, penè toti Lumini sunt pervia, & paucos radios reflectunt. Alia liberam radiorum trajectionem impediunt, & non nisi secundum aliquas partes, sinunt se penetrari. Sic *Vitrum*, magis *papyro* transparens est, & liberorem radiorum trajectionem permittit.

Licet in utroque Corpore, Meatus sint, qui impulsam Lumen recipiant, non tamen eodem modo disponuntur. In *papyro* enim, ob filorum quibus constat, implexum, Pori perturbantur, & *Luminis actionem* impediunt. Nam qui à fronte patent, sequentibus non respondent, & versùs partem diversam porriguntur. In *Vitro* autem, talis est Partium ordinatio, ut Meatus ubique continneantur, & ita directè collocentur, ut Lumen liberè per illos transfiliat. Juxta illud Epicurei vatis,

*Perseiciuntur enim, nisi recta foramina tranant,  
Qualia sunt vitri.*

Quia cum generaretur, liquidumque esset, Ignis Materia, circa ejus Particulas undique fluendo, innumeras illic Cavitates induxit, per quas *globuli* Secundi Elementi, liberè permeantes,

antes, Luminis actionem, quæ in illorum pressione consistit, in omnes partes, secundum lineas rectas transferre potuerunt.

Vitri perspicuitas minuitur, quo magis mole augetur; evaditque opacius, quo ei plus ejusdem Materię adjunctum est.

Id in aliud refundi non potest, quam in *Meatum inaequalitatem*: quia cum Vitrum omnino pellucidum non sit, & pluribus crassis partibus constet, quæ Luminis radios reflectunt; necessum est, quosdam illius Poros, adjuncta nova Materia intercludi, ac proinde luminis actionem impediri. Eo modo, quo Quis per hiantes dextræ manus digitos, objectum facile discernit, ubi verò alterius manus digitos apposuerit, relictasque à priori rimas occluserit, quicquam videre commodum desinit. Ita licet tenue Vitrum, incidentes radios transmittat, visioni tamen obstabit, si augeatur, & ad aliquot *digitos* excreseat: quia ejus Meatus interrumpuntur, & inæquales redduntur. Dispositionis autem partium inæqualitas, sola sufficit, ad id opacum efficiendum, quod antea diaphanum erat, & pellucidum.

Aqua etsi ad oculum perspicua videatur, totaque Lumini pervia, est tamen si *Gassendo* credimus, *Nebula*, live caligine obscurior. Quippe si Quis è turris cacumine, aut *edua fenestra*, in subjectam Tellurem oculos demittat, eam interjecta etiam densa caligine, deprehendet. Idem tamen ipsi non continget, si ex Aquæ superficie, fundum ejus contempletur, quoniam non nisi ad numerum pedum longè minorem, poterit imam ejus partem detegere. Unde *Urinatores*, & qui sub Aquis nant, testantur, ultra *duodecim* aut *quindecim cubitos*, non tantum Solem, sed nec quicquam aliud circa se discernere. Quod, opacum Corpus *Aquam* esse arguit, & multo nebula spissior.

Dici potest, illud Aquæ contingere, ob Partium ejus Crassitatem: quoniam cum illæ irregulares sint, & inæquales figuras habeant, facile impediunt, ne globuli Secundi Elementi, eas per lineas rectas pervadant. Opacum enim Corpus, fieri intelligitur, quum supradicti globuli, non nisi per vias obliquas progredi possunt; dumque eorum cursus, per implexa Corpuscula sistitur. *Nebula* verò, *Aqua* transparentior est, quia tenuioribus partibus constat; quæ Materię subtilis Motibus obsequuntur, & faciliorem ei viam præbent. Nam etsi utriusque

Partes.

II.

Quomodo Vitrum reddatur obscurius, per novarum partium adjunctionem.

III.

Aqua opacior est quam caligo live nebula.

Partes irregulares sint, quoad magnitudinem tamen distinguuntur; cum partes *Nebula* subtiliores sint, minúsque inter se implectantur. Unde fit, ut globuli Secundi Elementi circa ipsas liberiús ferantur, easque situ suo faciliús deturbent. Quo fit, ut *Nebula* minús *Visioni* obstet, & ad oculum commodiús Lumen transmittat.

## IV.

Quare multi  
Liquores sunt  
opaci.

*Vinum, Lac, Sanguis*, & plurimi alii Liquores opaci sunt.

Communis est horum omnium ratio, quòd puri Liquores non sint, & plurimis Corporum pulvisculis inspergantur. Cotidiana enim *experientia* notum est, *Vinum*, dum distillatur, multa Corpuscula post se relinquere, quæ non in Vapores abeunt, aut in Halitum ascendunt. Unde *Vini Mercurium*, quem recepto nomine, *Aquam Vitæ* appellamus, limpidissimus est: quoniam ablatis heterogeneis Partibus, quæ radios antehac frangebant, sit undique Lumini pervius. *Lac*, tali peregrinæ materie opacitatem suam debet, quia secreto coagulo, quod superest *serum*, majori ex parte diaphanum est, & liberiús Luminis actionem admittit. Quod idem de *Sanguine*, & similibus liquoribus asserendum est, qui Turbidi non efficiuntur, nisi cum diversa Corpuscula eis admiscuntur, quæ eorum Poros occupant, aut interrumpunt.

## V.

Crystallus perspicuitatem suam igni impositus amittit.

*Crystallus* si in Ignem dejiciatur, vel uno alterove momento, intra Cineres calidos detineatur; Perspicuitatem suam amittit, & ita nativo suo decore destituitur, ut in aliud Corpus degenerasse videatur: Quæ etiam jactura, nulla Arte refarciri potest.

Tanta in *Crystallo* mutatio, Corpusculis igneis assignanda est, quæ ejus Meatus subeuntia, illorum ordinem intercipiunt, ac proinde novam partium *seriem* inducunt. Inversa autem partium dispositio, perspicuitatem in Corpore tollit, & quod antea pellucidum erat, tenebrosum efficit. Ut postea cum de *Qualitatibus* sermo fiet, dilucidius ostendetur.

## VI.

Ut à duobus pellucidis corporibus atrum oritur.

Ex duobus liquoribus pellucidis, inter se commixtis, *nigrum* Corpus nonnunquam exurgit: Quippe infusio *gallarum* limpidæ, solutioni *Vitrioli* permixta, sit Atramentum.

Id oritur, quòd utriusque liquoris particulæ, ad se invicem proximè accedentes, veluti clausis ordinibus collocentur, ac ità radorum *lucis* transitum impediunt. Quippe si Aqua stygia, aut spiritus *Vitrioli* nigricanti huic liquori adjiciatur, is aque

aque fontanæ instar, denuò pellucidus evadit, quoniam novæ Infusi particulæ, contigua Corpuscula separant, & clausos Meatus referant. Nec alia ratione fit, quod spiritus vini, in quo *Anethum* coctum fuit, Aquæ mixtus albescat, & oleum *Tartari*, aquæ admixtum *Opacum* reddatur, quàm quod partium ordo perturbetur, & corpusculis interjectis, liber transitus ætheræ materiæ præcludatur.

## ARTICULUS NONUS.

### De Inflexo & Compresso.

**A**RCUS ex *chalybe*, vel *ligno* fabricatus, reflexus, recurrit, & ad pristinum suum statum spontè reducitur.

Illud indè oriri arbitror, quod Arcus ea Inflexione, angustiores Poros nanciscatur, quàm ut Materia Subtilis, eos liberè subire possit. Quo fit, ut in eos fortiùs solito impingat, eosque denuò pervadere nitatur. Quod non uno modo fieri potest; quippe si *Arcum* nondum Inflexi Meatus, æque in introitu, ac in egressu, latos esse apprehendamus, *Intensi* verò angustiores fieri in egressu, haud dubium est, quin Materia Subtilis, quæ per latiores partes ingreditur, se angustioribus extricare, & ultra pergere conetur. Si verò *Remissi Arcus* Pori, figuræ sphericæ fuisse supponatur, & in *ellipticos* Inflexione evasisse, evidens est, ut dum Materia subtilis, per *ellipticos* ingressum molitur, eos ad figuram sphericam reducere contendat; & ex consequenti, *Arcum contortum* statui priori restituere. Quia licet globuli Secundi Elementi, parvitatæ suæ intuitu, vi exigua polleant, ad Pororum parietes concutiendos; quia tamen quamplurimi, ejusdem *Arcus* Cavitates continuo permeare contendunt, illorum omnium Vires simul junctæ, atque in hoc conspirantes, ut *Arcum* reducant, id efficiendo sufficere possunt.

Ea ratione, ferrea illa *fila* Serpentis instar, spiratim circumducta, & intra capsulam tensa, capsula referata, *Serpentis* sese in oculos evibrantis speciem referunt. Sic inflexi Arborum rami, maximo cum impetu reducuntur, & ingentia etiam pondera secum devehunt.

F

Chorda,

I.

Quomodo Arcus post inflexionem spontè reducitur.

II.

Cur inflexi Arborum rami reducantur.

## III.

Cur omnes ex-  
cursus & re-  
cursus in re  
tractili sint æ-  
qui-temporanei.

Chorda, seu *nervus*, duobus suis extremis ad res hinc inde fixas alligatus, & à suo situ abductus, æquali temporis mensura excurrit & recurrit, quamvis non idem semper spatium metiatur. *Gassendus.*

Ratio est, quòd sicuti in re pensili, singula singulorum excursuum momenta, temporis casu exæquantur, per altitudinem ejus Circuli, cujus Arcus à pensili describuntur: pari modo in re tensa, omnia tempora, quibus nervi pars in medio accepta ex uno latere excurrit, uni temporis æqualia sunt, quo alterum extremum, si præscinderetur, rectà totam longitudinem trajiceret, atque in alterius locum perveniret, ad quod invariata semper vis retrò traheret. Eadem autem ac intemerata vis, idem continuò præstare potest, & si aliunde lateraliter excursuum spatia continuò minuuntur, continuò etiam motus velocitas decrescit.

## IV.

Quare chorda  
si majori vi in-  
tendatur, non  
pari modo ex-  
currit.

Si roges, unde sit quod *nervus* duplo longior, si eadem vi intendatur, duplo segnius excurrat: si verò *nervus* vi duplo majore intendatur, non duplo velocius excurrit, sed solum si vis quadruplo sit major.

Dici potest, quod cum omnes *excursus*, in quacunque nervi, seu chordæ longitudine, uni, eidemque trajectioni rectæ exæquantur, trajectio in casu priori, non potest non fieri duplo temporis, ut duplum spatii assumitur, eadem vi motrice percurrentum: In posteriore autem casu non potest, quia quum assumptis tribus rebus coæquatis, tempore scilicet, spatio, ac vi motrice, necessum sit, eodem spatio permanente, ut quantum temporis minuitur, tantum vis motrix augeatur, & quæ est proportio spatii ad tempus, eadem sit vis motricis ad spatium, sequitur ut spatio ad tempus se habente ut duo ad unum, vis ad spatium se habeat, ut quatuor ad duo, ac proinde non ad ipsum tempus se habeat ut duo ad unum, verum ut quatuor ad unum.

## V.

Bacula poss  
longam inflexi-  
onem, &  
reducantur,  
franguntur.

Quædam Corpora, ubi diu inflexa manserunt, si reflectantur, franguntur, & in partes abeunt: ut in quibusdam *baculis ligneis*, cernitur, quæ ad pristinum statum reducta, cum fragore rumpuntur.

Causa hujus fracturæ, à Subtili Æthere pendet, qui, dum Corporum particulas, quæ ejus Motui obstant, sejungere molitur, non solum earum resistantiam superare debet, sed etiam illorum

illorum Corporum, quæ illas ambiunt. Quia verò res quæcunque, in eo statu perseverare contendit, & Corpora semel mota, sponte moveri pergunt; Materia Subtilis, illa concutere nequit, quin illis novam Vim addat, & effectum augeat; quo fit, ut partes illas ita commovendo, & impellendo, separet, & ab invicem omnino sejungat.

Arcus diu incurvatus, præsertim si ex ligno, vel etiam ex ferro fabricatus sit, paulatim Vi resiliendi destituitur, & statum, ad quem Inflexione adactus est, retinet. Lamina plumbea, ad Arcus modum curvata, nullo modo resilit, sed veluti iners quædam Materia remanet, & non minùs huic, quàm alteri figuræ se accommodat.

VI.

Arcus vim resiliendi tandem amittit.

Arcus ligneus diu inflexus, resiliendi Vim amittit, quia ejus Partibus, non tanta Durities inest, quin Materia Subtilis faciliè novos Poros in ea sibi efformare possit, quibus ad suam mensuram dispositis, liberè per eos transmittitur, & decurrit. Pars autem plumbea, in modum Arcus extensa, non recurrit, quoniam cum Plumbi Partes molles sint, & flexiles; faciliè se penetrari patiuntur; Aded ut Materia Subtilis, faciliè recentes Poros in ea sibi efformet, per quos cum commodè trajiciatur, nulla sit particularum Plumbi repulsio, ac proinde nullus earum refultus.

Experiuntur nonnulli, quod bombarda explosa, erumpens globulum ad quinquaginta aut centum pedum distantiam, obvium corpus magis penetret, quàm ad decem, aut viginti.

VII.

Cur globus magis penetret remotum, quàm nimis propinquum Corpus.

Ratio est, quod globulus nimis citò impulsus, tam cito remittitur, ut non satis spatii habeat, ad tantum effectum præstandum: modo haud prorsus dissimili, quo malleus globulum plumbeum incudi superpositum feriendo, illum minus complanat, quàm si pulvino supponeretur. Ut antea dictum est artic. 6. de Duris & fluidis corporibus.

Antiquitatis ex observatione placitum est, Vasculo repleto in lagenas diffuso, liquorem deinde Vasculo rursus inditum non explere ut antea: sed ut plus admittere queat, & in vino magis quam aqua illud esse conspicuum. Baco.

VIII.

Liquores compressi minus loci occupant.

Id inde oritur, quod liquor in vasculis non ita comprimatur, ut in lagenis, & in vasculis liquor liquor præcipue obvis sit; & in lagenis exigua liquoris quantitas lateribus lagenarum occurrat, quæ illum ita comprimunt, ut se laxare rursus nequeat.

## IX.

*Cut Aer extra  
vasa pneumati-  
ca violenter  
erumpat.*

Aer si intra *Vas pneumaticum* comprimatur, vi magna erumpit, ut patet in Machinis illis, quæ solius Aeris opera, *Aquas* sursum versus jaculantur, aut *rela* summo cum impetu emittunt.

Quidam id fieri autumant, quod *Aer* vi intrusus, in quâdam *Vacuitates* recipiatur, quæ antea inclusum Aerem distinguebant, & illum quoquo versum propellebant. Verùm si ita sit, quorsum Vasis pneumatici aperto foramine, *Aer* tanto cum impetu erumpit? Si quælibet Aeris pars, intra illa inania spatia recondatur, & suam extensionem servat, quomodo Compressio sit? & tanto cum nisu Aer exilit, si nullam intra illas cavitates vim patiatur?

Ratio igitur hujus *Virtutis Elastica* est, quòd Aere sic compresso, ejus partes, eodem modo, quo antehac dilatari non possint. Nam cum omnes pene flexiles sint, & singulæ independentes à vicinis moveantur, quandam sphaerulam habere debent, quæ Circulari suo Motui, circa Centrum suum, peragendo sufficiat. Dum verò comprimuntur, tale illis Spatiolum deest, in quo moveantur, cum unaquæque alterius locum ingrediat, & sibi ipsis obstat. Cùmque interim Vis eadem globulorum Cælestium remaneat, & eodem, quo antea impetu, Aeris partes ab ipsis concutiantur; eæ suis extremitatibus se mutuo feriendo, & unæ alias loco deturbando, Viribus simul junctis, impetum faciunt, ut ea *conuersione* se liberent, & *latius* spatium nanciscantur.

Hinc fit, ut Aer in vase pneumatico, quale in *Institutione Philosophia part. 6. cap. 15.* descripsi, compressus, Aqua inferiore ejus locum occupante, cum impetu erumpat, ut quamlibet fere datam altitudinem per se excedere queat.

## X.

*Vesica Aere inflata, si comprimatur, sponte resurgit.*

Vesica, Aere intromisso, distenta, post Compressionem, sponte resurgit, & priorem tumorem recuperat.

Quia Aeris in *Vesica* inclusi particulæ, cum in perpetuo sint Motu, & circa Centra sua quodammodo volitent, ægrè coarctationem & complicationem patiuntur: ac proinde ubi pressio cessat, denuò ope *Materiæ Subtilis*, à qua agitantur, extenduntur, & *Vesicam* ut antè dilatant.

## XI.

*Cut ventus in Angustias violentius flet.*

Eidem causæ attribuendum est, quòd *Ventus* è montium faucibus erumpens, in planitiem grassetur; Et *Fluvius* intra alvei angustias decurrens, Motu rapidiori feratur; Quoniam iis in locis,



locis; ventus compressus, aut Aqua, vi majore erumpit, partibus ejus se ab ea coactione, quam in angusto transitu patiuntur, liberare nitentibus.

Hinc etiam *Corium* & *pannus*, si vehementius extendantur, spontè resiliunt, & ad priorem brevitem revertuntur: quoniam plurimi eorum Meatus, per illam tensionem coarctati, haud patiuntur, ut Materia Subtilis, non nisi vehementi motu eos pertranscat: Unde simulatque extensio illa violenta cessat, denuò referantur, & particulae meatus illos nimis angustatos circumstantes, à subtili illo æthere, ad priorem brevitatis situm, quam ante extensionem habebant, reducuntur.

Digitus madefactus, & ad Vitri marginem *Aqua*, aliove *Liquore* pleni, circumlatus, si vehementer premat, Aquam primum crispate, & in tenues exilire rores faciet; mox continuato motu, Aquam ad subsultum excitabit, & guttas eliciet.

Id fit, quòd circumducto, supra Vitri marginem, digito, duræ sed flexiles tamen Vitri particulae, premantur, & ejus partis, quæ tangitur, Meatus nimis angustentur, ut solitam Cœlesti Materiæ viam præbere possint. Ubi verò digitus, ad alias marginis partes defertur, Materia illa Subtilis, depressæ iam partis Poros repetit, eosque iterum extendit, & ad statum priorem reducit: Aquæ ex repetita Velocitate, particularum Vitri depressi, & earundem, per Materiæ Cœlestis incursum, erectione, primum totius Vitri agitatio oritur, mox liquoris tumor, ac demum ejus crispatio, & guttularum in Aerem subsultus, & eruptio.

Advehitur è

*Prussia* Solidum

Vitrum, quod

*lachrymam* pas-

sim appellant, I-

tali pulchre. Ejus

figura adinstar


longioris olivæ

est, retorto col-

lo, & haud mul-

tum ab ea la-

gena abhorrens,



XII.

Unde *Corium* extensum, ad priorem brevitem reducitur.

XIII.

Digitus in margine scyphi ductus, exilire Aquam facit.

XIV.

Quomodi *Lachryma* è *Prussia* adducta, una ejus parte fracta, tota in pulverem redigatur.

qua

qua *Chymici*, in *Aquis* distillatis recipiendis utuntur, nisi quod solida sit, & omni vacuitate soluta, qualis hac imagine A B designatur. Extremo ejus apice B disrupto, non semper diffringitur; ubi vero pars colli crassior 4 frangitur, vel forcipe adimitur, confestim totum Vitrum in pulverem tenuissimum, seu pollinem, non sine strepitu abit.

Tam notabilis effectus, nulli alteri causæ quam Materiæ subtili, assignari potest; quæ fracto *lachryma* rostro 4, confestim irruit, & tanto cum impetu ejus poros subit, ut cum exitus occludatur, Vim suam, in *Lachrymæ* collum exerit, & in tenuissimum pulverem comminuit.

Verisimile enim est, quod Artifex qui *caudatos* hujusmodi globulos effluxit, modum adinvenerit, Vitrum subito refrigerandi, dum maximè ardens est, in liquorem sibi notum immergendo. Quippe experientia constat, Vitrum eo pacto refrigeratum in tennes particulas desilire, quia cum Vitri partes, ejus medio viciniores, latiores sint, minuantur autem, quo magis ad superficiem accedunt, necessum est, ut materia subtilis angustiores poros penetrans, illos nimium concutiat, & Vitrum in pulverem tenuissimum dividat.

## XV.

Cui non frangitur  
extremitate  
superiori avulsa.

Ubi vero *cande* extremitas, exempli causa 3 frangitur, aut abscinditur, effectus non sequitur, quoniam ea pars adeo exigua est, ut non sensibiliter interius quam exterius refrigerata, æquales ubique meatus habeat, ac proinde materia subtilis eos penetrans, æqua vi fertur, & ubique pari impetu transmittitur.

## XVI.

Lachryma denud  
cocta in  
pulverem non  
abit.

Sic si curetur, ut *Lachryma*, ignis opera candescat, & lentè postmodum refrigeretur, ejus pori postmodum æquales evadunt, uti in *chalybe* contingit, qui igni rursus admotus, æquales ubique meatus adipiscitur, & eandem quam antea habuit duritiem, retinet. Quare ejus rostro fracto, vel avulso, quum nulla sit materia, quæ non pari facilitate undique egredi possit, qua ingressa est, in frustra abire non debet. Cujus contrarium accidit, si igni commissa, penitus candescere non permittatur, quia licet cuspidè 3 fracta, aut forte etiam parte 4 avulsa non in pulverem abeat, ubi vero ad A propius sectio aut fractio fiet, effectus ob datam rationem sequetur.

# HISTORIÆ NATURALIS PARS SECUNDA.

## De Qualitatibus.

### ARTICULUS PRIMUS.

#### De Qualitatibus in Genere.

**N**ihil magis horrere debet Philosophiæ *Alumnus*,  
quàm ea asserere, quæ Intellectu non capit, aut de-  
monstrandum aggredi, quæ Definitione explicari  
nequeunt. Id tamen Nonnullis contigisse vide-  
tur, qui *Qualitates* secundum priscorum Sensum tuentur, &  
eam ipsis indolem assignant, quam nequidem Mente possunt  
attingere. Quid scire juvat, *Qualitatem esse, qua quales aliqui*  
*dicuntur?* An hoc Aniculae ignorant? an quenquam Agre-  
stium lateat, se *Candore* albos fieri, & *Rubore* rubidos? Ape-  
riendum potius est, in quo præcise Qualitatis natura consistit,  
quo pacto subjectum afficit, & qua ratione per illud diffunda-  
tur. Pandant igitur bona fide Aristotelici, quam sibi in mente  
*Qualitatis* imaginem fingant, & non diutius nos *Verbis* suis, re-  
rum Veritatem obscurantibus fatigent. An est *Qualitas à Sub-*  
*stantia*, cui adheret, aliquid physice distinctum? An rebus,  
quas denominat, veluti *Entitas* supervenit? Quenam igitur  
geniua sit ejus natura, Nobis explicent, efficiantque, ut quod  
*Verbis* proferunt, clarè Menti nostræ innotescat. Si id ef-  
ficere non valent, quod ipsis impossibile esse arbitror, quorsum  
derehctis.

I.  
*Qualitates*  
*prout vulgo*  
*explicantur,*  
*sunt intel-*  
*ligibiles.*

## II.

In quo Quali-  
tatis natura  
consistit.

derelictis futilibus iis Qualitatibus, Naturæ Legibus haud patrocinantur, & Intelligibilibus Principiis se accommodant.

Quid *Quantitate, Motu, Situ, Figura, & Quiete* notius est? iis enim omnes Naturæ Effectus demonstrari possunt, & nihil tam abstrusum est, quod eorum ope non eruat. *Horologium*, portatile movetur, & citra vim externam, Horas dimetitur, & indicat. *Clavis* seram penetrat, & debitè applicata, eam aperit. An necesse est, in *Horologio* facultatem quandam comminisci, quæ illius rotas agitet? aut in *Clavi*, aliquid ab ea distinctum fingere, quo sera recludatur? Quis sanæ mentis non fateatur, Rationi magis consonum esse, tam constantem Horologii motum, *convulsus chalybi, rotarum dispositioni, figura, contextui*, &c. & *Clavis* ad seram aperiendam potentiam, *figura partiumque ejus ordinationi* tribuere; quam ad nescio quas Qualitates recurrere, quas non *explicare*, imo nec *concipere* possunt? Sed ultra intentum promoveor, cui *Animus* est, non tam *Rationibus* hîc Qualitatis naturam asserere, quam *Experimentis* confirmare. Quare primum è *Mari* deduco, & è volubilibus Aquis Sententiæ nostræ firmitatem eruo.

## III.

Aqua maris,  
sola partium  
agitatione Colo-  
rem mutat.

Mare cum agitur, & vario Ventorum concursu attollitur, Colorem suum mutat, & quod Cærulea specie antehac apparebat, mox verberatis inter se fluctibus, Candidum conspicitur: Ut eleganter more suo describit *Lucretius*.

*Ut Mare cum magni commorunt aqûora Venti,  
Vertitur in canos candenti marmore fluctus.*

Certè, Hujus mutationis Causam nullus supervenienti Qualitati assignabit; nam quod Agens illam produceret? quoque pacto, realis entitas, per tam immensam Aquarum molem diffundetur? Aqua igitur Maris Candidum Colorem induit, dum in *spumam* vertitur, hoc est, cum illius partes, quoad *magnitudinem, situm, figuram* variantur, & in Bullulas abeunt; à quibus reflexum lumen, oculo eum Colorem repræsentat, quem Candidum appellamus.

## IV.

A sola parti-  
um dispositione  
mutationes  
oriantur.

Sic *Mercurius* sublimatus, instar lactis albescit si aquæ fervidæ immergatur, & aliquot *urine* spiritus guttæ immisceantur, dum per Chartam bibulam filtratione transmittitur. Sic *Minium* & *Corallium* aceto exsoluta, olei tartari infusione, candidum colo-  
rem

rem induunt. Sic *Aurum*, si cum *Argento* confundatur, & postmodum *Aqua* forti separetur, veluti nigricans pulvis ad ium tendit, priori *Colore* penitus extincto. Cujus mutationis causa alia querenda non est, quam partium *figura*, *textura*, *ordo*, &c. Quippè

*Intervalla, via, connexus, pondera, plage,*  
*Concursus, motus, ordo, positura, figura,*  
*Cum permutantur, mutari res quoque debent.*

*Aqua Vasi*, validis undique lateribus cincto imponatur, & ejus supernum operculum, *Chymicorum* more, luto obturetur: deinde ardentibus *Carbonibus* aliquamdiu impositum, removeatur, donec refrixerit, mox novo *Calore* adhibito, iterum ferveat: deprehendes *Aquam* in vase contentam, repetitis aliquoties alterationibus, non *Colorem* modò, sed & *odorem*, *gustumque* mutasse, & à pristino statu degenerasse.

V.  
Quomodo *Aqua*  
per iteratas  
concoctiones, à  
primæva Quali-  
tate discedat.

Oritur hæc mutatio, à novo partium *Aquæ ordine*, *figura*, *sum*, &c. Ex horum enim mutatione, *Alteratio* sequitur, quando scilicet *Partes* *Insensibiles*, figuram mutant, & varium situm, & ordinem adipiscuntur. *Ignis* enim vehementia, *Liquoris* particulae, à se invicem disjunguntur, & aliam positionem acquirunt, quibus necesse est, diversam à priori indolem in *Aquam* induci, & eam novo modo *Sensus* nostros afficere.

Ea ratione contingit, ut *ostrea* æstivis mensibus nonnunquam *rubrum* *Colorem* induant, aliquam scilicet *Sanguinis* speciem præ se ferendo, qui *Color hyeme* ingruente evanescit, quoniam tunc imminutus calor, vitalem succum perfectè excoquere non valet, & eam luctam inter *liquoris* partes efficere, ut *sanguinem* componant. Sic *medici* censent *Sanguinis* ruborem ex *spiritu vitalis* salinei aciditate, ortum suum trahere: Eo prorsus modo, quo *Julapia* ab affuso tantillulo *spiritus Vitrioli* rubescunt.

VI.  
Ut *ostrea* æstate  
rubeant.

Impleatur *Cyathus* *Aqua tepida*, cui postmodum foliorum *Sene* manipulus immergatur, mox mixtione peracta, aliquot *olei tartari* guttulæ infundantur; cernetur illico tota *Aqua* rubescere, & purpureo *Colore* aspergi; cum interim nullus insit *Aquæ*, foliis, aut etiam ipsimet *oleo* rubor.

VII.  
*Aque Sene* im-  
positum cum  
*oleo tartari*,  
*Colorem* ejus  
immutat.

Nascitur hic *Rubor*, dum *Olenm tartari*, foliorum *Substantiam*

G

pervadit,

pervadit, ejusque partes ita concutit & separat, ut aditum tenuissimis Aquæ particulis aperiat, quæ *Sena* meatus subeuntes, earum texturam immutant, efficiuntque, ut Luminis radii in Aquam impingentes, & ad Oculum remissi, talem Coloris speciem exhibeant. Atque *Ruborem* isthoc pacto creari, ex hoc evidenter deducitur, quodd aliud *Oleum*, exempli causa, *Chalcantinum*, sive oleum Vitrioli, eidem Aquæ infusum, talem Effectum non operetur: quoniam ipsi Vis deest, ad *Sena* foliorum Substantiam penetrandum, & ita ejus partes sejungendum, ut Aquæ particulis viam faciat.

## VIII.

Ex frigido in corporibus calor interdum oritur.

Pari ratione de *Calore*, aliisque Qualitatibus est sentiendum: quippe sensu Tactus experimur, vehementem in *Aquis Stygiis*, cum metalla exsolvuntur, esse Calorem. Similiter in spiritu nitri, qui butyro *Antimonii*, aut plumbeæ scobi affunditur: Cum interim Aquæ fortes, ac metalla, si separentur, gelida sint potius, quam calida, sicut & *salis Ammoniaci* spiritus, & limati plumbi pulvis.

## IX.

Pomum in partem impactum, ea in parte, Qualitatem novam acquirit.

*Pomum*, si in pomum aliud impingatur, aut è manu spontè decidat, quæ contunditur pars, à cæteris odore, gustu, & aliis Qualitatibus distinguitur, imò in eo tanta Mutatio oritur, ut alterius prorsus naturæ videatur.

Illà diversitas à sola Partium transpositione provenit. Nam quid aliud contusæ parti advenit? An forte eo impetu, quo in Terram, aut in parietem impingitur, quicquam ei subtrahitur, aut per Poros Corpuscula ingrediuntur, quæ eam Mutationem adferant? quodvis admittatur, inconcussum manet, partem pomi contusam, ab integra discriminari, per varium Partium ejus Ordinem; cùm nihil eam subire, aut ea elabi possit, quin Partes ejus alterentur, & alium *Situm* obtineant.

Sic *malum*, *pyrum*, & similis fructus, ex validiori in mensa volutatione emollescit, protinusque dulcescit, leniter solummodo in partes distributis spiritibus, ut loquitur illustrissimus *Baco*, quorum inæqualis distributio Austeritatem procreat, dura autem volutatio medium est, inter concoctionem simplicem, quæ maturationem. Sed de iis latius dicetur *part. de plantis*.

ARTICULUS SECUNDUS.

De Calore.

**A**qua in Cacabo immota existens, paulò post, Igne supposito, agitur, ebullire incipit, & ad marginem usque porrigitur, quæ antea, vix Ollæ dimidium opplebat.

I.  
*Cur Aqua Igni  
in cacabo su-  
perposita ad  
marginem  
porrigatur.*

Quoniam Calor Aquæ partes commovendo, eas à se invicem divellit, efficitque, ut non amplius iisdem limitibus contineri valeant, sed majus spatium requirant, in quo expandantur. Corporibus enim, quæ rarefunt, peculiare est, ut introducta per Poros Subtili Materia, mole augeantur; sed maximè ubi Calor accedit, qui eorum partes ad Motum ciet, & ab invicem dividit.

Solis Calor ad rerum vegetationem conducit, easque maximè vivificat. Ignis autem calor, passim destructivus est, nihilque Activitate sua producit.

II.  
*Cur Calor Solis  
non autem Ignis  
sit productivus.*

Id provenit, quòd Solis æstus moderatus sit, & ob Solis distantiam, perennemque Terræ circa ipsum gyrationem moderate dispensetur. Ignis autem Calor (cum non nisi pauca attingat, Corporibusque proximius, quam par est, admoveatur,) statim evanescit, & sive ob Hominum ignorantiam, sive impatientiam, in ea temperie servari nequit, quæ ad rerum vegetationem est necessaria. Quòd si ad debitam temperiem, Hominum artificio reduci potest, nihil obest, quominus Ignis calore ova excludantur, plantæ prodeant, Insecta generentur, & viva omnia ejus beneficio foveantur.

Corpus tepidum, si ei Manus dextra Calida admoveatur, frigidum Nobis apparet; è contra calidum esse arbitramur, si illud sinistra Manu frigidiore attingamus.

III.  
*Corpus tepidum  
Nobis calidum  
apparet, si  
gelida manu  
tangatur.*

Variis ille Sensus, non tam ab ipso Corpore tepido provenit, quam ab ipsis Manibus, quæ illud explorant; quia licet eadem vis tepido Corpori insit, ad utramque Manum agitandam; quia tamen Calida Manus partium commotio, eam, quæ in tepido Corpore est, Agitationem excedit, fit, ut Calor tepidi Corporis, ad manum dextram relatus, frigidam videatur. Non enim Particularum corporis alicujus Agitatio, per se spectata,

Caloris nomen sortitur, sed solum, dum *Tactum* afficit.

## IV.

Cur Balnea interdum calida, interdum frigida judicantur.

Sic qui *Turcarum* balnea, diversis gradibus Caloris distincta ingressi sunt, cum in tepidioribus aliquamdiu commorentur, antequam ad ferventiora admittantur; experiuntur eandem *Aquam*, quæ ipsis subeuntibus vix ferenda videbatur, in regressu veluti frigidam apparere; Eo quòd Corpus jam per balnearum æstum calefactum, à debiliore calore percelli non potest. Nec dubium est, quin illud quod *Scythis* utpote gelidam regionem incolentibus calidum videtur, id *Ethiopes* gelidum esse existiment.

## V.

Cavea hyberno tempore non sunt calide.

Unde quorundam errorprehenditur, qui existimant loca subterranea, ut *caveas*, & similia, hyberno magis quam æstivo tempore esse calidiora: cum hæc Caloris diversitas, ex eo sumtaxat oriatur, quod corpore ad contactum utamur, diversimode per *hyemem* & *æstatem* affecto: Nec satis attendamus rem eandem posse *Calido* frigidam apparere, & è diverso *frigido* calidam. Quippe si *Cryptæ* verè hyberno tempore calidæ sunt, unde *oleum* in eis asservatum congelatur, id autem ipsi non contingat æstate, cum ejusmodi loca frigida esse videantur? Sunt igitur loca subterranea, hyberna tempestate *calida*, quoniam Corpore *frigido* ad illa accedimus; & *Æstate calida*, quoniam eò-temporis diversa Affectione concutimur.

## VI.

Cur Aurum acius urit quam flamma.

Metallum fufum, & præsertim *Aurum*, fortius urit quàm ipsa flamma, à qua agitur, & fervorem suum accipit.

Id accidit, ob partium *Auri* cohesionem, quod cum pingue sit, ac densum, non nisi parum dilatatur, ac proinde vehementius urit, & Calorem diutius conservat. *Ignis* enim *Atomi* in *Auro*, quodammodo revinctæ tenentur, nec illis liber exitus patet. Hinc huc, illuc exsistentes, Corpora obvia penetrant, & illa forti sua agitatione discutunt. Quo fit, ut *Manus* fufum *Aurum* attingere nequeat, quin illico tota cutis fodicetur & comminatur. Eadem ratione *Oleum* bulliens acius, quàm *Aqua* comburit, ob pinguium suarum partium connexionem, quæ receptas *Ignis* particulas tenacius servant, nec patiuntur inde exilire.

## VII.

Clavus non nisi calefit, postquam malleo percussus moveri desinit.

*Clavus* malleo percussus, aut vi intra lignum durissimum adactus, nullum calorem concipit, quamdiu lignum penetrat: imò calefieri tantummodoprehenditur, dum progredi desinit, & iteratis mallei ictibus, Caput ejus complanatur.

Hujus.



Hujus ratio ex ipsius *Caloris* essentia deducitur, qui non in directo Corporum motu consistit; sed in sola Insensibilium partium Agitatione. Quare *Clavus* nullam calefactionem adipisci potest, quando *totus* movetur, & secundum sui extensionem, totus lignum perforat: sed quum eo pacto movere desinit, & mallei ictibus, caput ejus complanari incipit. Quia eo duntaxat tempore, tenues ejus particulæ motum moliantur, & eam Agitationem comparant, quæ ad Calefactionem requiritur.

Si quis partem ferream, fabrilis Instrumento, quod *Lima* vocatur, deterendo poliat; experietur partem ferream, multum Caloris contrahere, *lima* interim gelida remanente.

Ratio est, quod Instrumenti partes, ferri superflua detrahendo, non solum seipsis, sed & aliis, quas continuo affrictu, ex Ferro circumcidunt, quæque intra ejus Dentulos, aliquamdiu remanent, fricando, satis notabilem Agitationem in Ferro excitant, ac proinde Calorem producant. Idem tamen de *Lima* existimandum non est; nam licet ejus partes, Vim eandem patiantur, quam Ferri partes, quia tamen, plus extensionis habent, multoque illud longitudine excedunt, non eandem partem, bis iisdem Dentalis, quam expoliant, attingunt, sed semper aliquod Temporis intervallum interest, inter partium *Lima* frisiones, quo durante, pars illa *Lima*, quæ non nihil Caloris comparaverat, illam amittit.

Halitus, qui ore emittitur, Calorem in Manibus excitat; illud verò è liquore, exempli causa, *jusculo* expellit, si vehemens sit, & cum impetu protrudatur.

Calor, oris halitu nascitur, si levis est, hoc est, si partibus variè agitatæ constet, & inæqualiter per Manum feratur. Quippe nihil aliud dici potest esse Calor Corporum, quàm eorum *Partium Insensibilium varia determinatio*, qua aliter, atque aliter feruntur. *Spiritus* verò ore emissus, è *Liquore* Calorem abigit, quando celer est, & totus versus unam partem dirigitur: quoniam tunc, partes *Liquoris* subtiliores, Motus proprios seorsim exercere non valent, & versus unam partem, omnes propulsantur. Ad eum modum, quo *fluvius*, versus unam Regionem decurrit.

Calx, Aqua injecta, Calorem concipit, & ita effervet, ut ipsamet etiam flamma fortius adurat.

VIII.

Pars ferrea quæ lima teritur, calefit, non autem ipsa lima.

IX.

Quare Halitus calidior emittitur ore aperto quàm propemodum clauso.

X.

Calx Aquâ aspersâ, calefit. Haud

Haud dubium est, quin *Lapidis Meatus*, dum in *Calcem* excoqueretur, qui antea solis Secundi Elementi globulis patebant, fuerint Ignis virtute laxati: Aded ut Aquæ particulas, sed tantum Primo Elemento cinctas, postmodum admitterent: quæ in duras *Calcis* particulas irruendo, illas concutiant, & separant; præsertim si magna sit earum copia, & à diversis partibus in eandem ruant.

Sic *Lapis* ex pice navali, & græca, tartaro, sulphure, halinitro, sarcola & petroleo, æquis partibus, cum altero tanto calceis vivæ, commixtis ovorum luteis compositus, & in simo equino, aliquorum dierum intervallo asservatus, si *aqua dulci* perfundatur, *Ignem* concipit ac deflagrat.

## XI.

Cur calceis calor sit calore flammæ vehementior.

Redditur autem *Calor*, in *Calce* genitus, flamma ipsa acrior; quia *Calce* ramosis partibus constat, quæ dum à materia Primi Elementi, quæ particulas Aquæ cingit, separantur, vehementius Manum feriunt, & *cuius*, velut tot *Acus* penetrant, & lacerant. Et eadem ratione *Carbo*, cujus partes longis & multiplicibus ramosis implicantur, acriorem, quam flamma emittit Calorem, & pertinacius objecta sibi Corpora corripit. Sic *Metalum fusum*, & ipsum maximè *Aurum*, vehementius quàm *Oleum* exurit, & haustum Calorem diutius retinet; quia *Aurum* ex magis compacta pinguedine constat, quofit, ut minus dilatatur, & particulas suas exsilire patitur. Ut jam dictum est.

## XII.

Cur ferrum candens ad secandum Vitrum adhibetur.

Filo sulphureo accenso, aut Fetri candentis acie, *Vitrum* passim refecari solet.

Quoniam, uti antea explicatum est, corporis partes calore agitatae, ampliorem locum exigunt, ac proinde instantia Corpora propellunt, & à se amoveant. Fieri enim nequit, ut partes calefactæ celeri ac turbinato motu concutiantur, & majus spatium non postulent. Id non in Corporibus modò, sed & in Metallis videre licet, quæ à Calore distenduntur.

## XIII.

Ut à duobus liquoribus frigidis calor oritur.

Liquores, qui separatim frigidi sunt, si simul permiscuantur, impensius calent. Sic spiritus *Vitrioli*, oleo *Terebinthina* affusus, magnum gignit calorem. Observatum nuper est, spiritum Vini, *Aqua* forti, aut spiritui *Nuri* paulatim depromptum, ingentem & diuturnum calorem producere.

Nascitur hic calor, ex partium, quibus Liquores constant, diversitate; quæ nimirum ejus sunt *figure*, ut aptius, dum miscentur,

miscentur, conjungere se valeant, quàm dum ab invicem separantur; ac etiam se mutuò connectendo, Materiz primi Elementi innatent, eo saltem tempore, quo bullire deprehenduntur. Quod indè confirmari potest, quòd ebullitione peracta, obviam fit, multas ex iis coaluisse, & plurima exigua dura corpora componere. Eodem modo, *Oleum vitrioli*, Aqua frigida perfusum, Calorem concipit; Et *Aqua fortis*, cui Sal Ammoniacus infusus fuit, Sulphure injecto incalescit.

Ex duobus Corporibus calidis, inter se commixtis, tertium interdum exurgit naturæ dissimilis: quippe si Spiritus *Nitri*, qui calidus est, ac penetrans, *Salis Lixivialis* conjungatur, Nitrum exurgit, quod refrigerat magis, quàm aliquem Calorem inducit.

XIV.

Ex duobus corporibus calidis aliud ali-  
quando frigidum nascitur.

Id oritur quòd *Nitri* ac *Salis* particule, ita implicentur, ut aculeos suos, quibus antea corpora exsolvebant, penitus amittant. Spiritus enim nitrosi Corpuscula, quæ prius fugitiva erant, facileque foras amandabantur, ita cum fixis illigata manent, ut in auras evolare amplius non queant. Ac proinde mirum non est, si nitrum calefaciendi vim amittat, & corrosivum esse desinat.

*Nix*, si in *Hypocausto*, aut alio quodam loco reponatur, sensim fit compactior, & mole decrescit. Similiter *Nubes* in Aere suspensa, Calore condensatur, & modo à cæteris Corporibus diverso, quæ per Calorem dilatantur, magnitudine minuitur, & ad minus spatium se extendit.

XV.

Qui fit ut *Nix*  
per Calorem  
condensetur.

Licet Calori peculiare sit, Corpora reddere Rariora, & solutis eorum partibus, per ampliora spatia diffundere; nihil obest tamen, quominus *Nivem* & *Nubes* condenset, & earum molem imminuat, antequam etiam, ulla Aqua ex ea profluat, vel de suo pondere aliquid amittat: Hoc enim idè contingit, quòd particularum glaciæ capillamenta, quæ *Nivem* constituent, cum sint earumdem medio tenuiores, eo, Calore accedente, facilius liquefunt, & se hinc & inde inflectendo, ob circumambientis Materiz Subtilis Agitationem, amplexatum eunt vicinas glaciæ particulas; non iis interea derelictis, quibus antehac implicabantur, & ita constrictiorem molem componunt.

Id in *Nubibus* clarius elucet; quia cum Glaciæ Particulæ, quibus componuntur, magis à se invicem distent, & majora intervalla habeant, non ita vicinis appropinquare possunt, quin

XVI.

Idem in Nubi-  
bus peragitur.

eo

eo momento, à quibusdam aliis separentur, ac proinde cùm inflectuntur, necessum est, in minorem locum redigi, & Corpus densius, compactiusque efficere.

## XVII.

Calor Calcem  
& Cineres in  
Vitrum con-  
vertit.

Calx & Cineres, Ignis ardore, in *Vitrum* convertuntur: *Vitris* enim *Crystallinis* apud Venetos, materia est, ex mixtis æqua proportionē lapidibus, quos ex *Pavia* prope fluvium *Ticinum* vehunt, & herbæ cujusdam noxiæ Cineribus, apud Arabes dictæ *Kall*, nascentis in deserto, inter *Alexandriam* & *Rosettam*. Baco *sylva sylvar*.

Hic effectus nunquam sequitur, nisi quum Ignis diurnus est; & magno robore præstat: quia cùm *Calcis*, vel *Cinerum* particulæ, crassæ sint & irregulares; non ita unæ aliis incumbere possunt, ut sibi mutuò adhæreant. Quare Ignis validus adhibendus est, qui Vim suam in illas exerceat; quia tunc temporis, dum tenuiores Tertiæ Elementi particulæ, simul cum globulis Secundi, à Primi materia arripiuntur, & undique circa ipsas citissimè moveri pergunt, earum Anguli paulatim atteruntur, & lævioribus redditis superficiebus, nonnullisque eorum etiam inflexis, unæ supra alias repentes, fluentesque, non punctis solum, sed & exiguis quibusdam superficiebus junguntur, & ità sibi mutuò adhærentes, *Vitrum* component.

## ARTICULUS TERTIUS.

## De Frigore.

## I.

Cur manus  
frigida Igni  
admota, cor-  
ripiatur.

Contingit interdum inclementi, & aspero Cælo, Hominibus *Manus*, aliasque etiam Corporis partes obrigescere, & ita stupore affici, ut si Igni admoveantur, extemplo corripiantur, & acriorem cruciatum sentiant.

Quoniam Ignis particulæ, quas in Motu esse supponimus, in *Manus*, aliorumve membrorum, quæ frigore concreverunt, nervos impingunt, ac veluti tot mucrones confodiunt. Tanta autem partium vellicatio, citrà Dolorem fieri non potest. Unde frigori expellendo, non statim Manus, quæ rigescit, Igni apponenda est; sed miti primùm frictione demulcenda, & sensum mollique agitatione vellicandi Articuli, qua revocari sanguis

*sanguis* queat, & sopitæ partes reviviscere. Quare in *Suecia*, *Dania*, & aliis Regionibus, quæ frigore maximè infestantur: ubi contingit quemquam isto modo, Calore destitui, aut aliquam ejus Corporis partem corrumpi, eum Aquæ gelidæ immergunt, aut affectæ parti *Nivem* adhibent: quoniam Corporis Mcatibus sensim apertis, spiritus vitales, per eos leniter influunt, & quælibet partes paulatim pristinum situm & ordinem recuperant.

Sic Jacobus Magnæ Britanniæ Rex, *Barclao* referente, dum in *Dania* versaretur, cumque summo gelu, Aurium & Nasi extrema penitus torperent, fermèque enecarentur, Incolarum consilium secutus, *nivem* iis servandis applicuit, ne *Sphacelo* aut *gangranâ* penitus corrumpèrentur.

Nec alia assignari potest Ratio, cur *poma congelata*, in Aqua frigida immissa, pristinæ integritati restituantur, quàm quod Humore congelato, illa concretio leniter exsolvatur, & vi moderata pereat.

Quædam Corpora, nunquam frigiditatem suam deponunt, ut *marmor*, & similia, quæ quacumque Anni tempestate, gelida sunt, & appositæ Manui rigorem inferunt. Imo ipsa *Glacies*, in æstate suam Duritiem retinet, & non minùs quàm hyberno tempore, frigore concrevit.

Familiaria hæc Experimenta, frigus nihil aliud esse, quàm *Quietem* ostendunt: Hæ enim Corporum partes, sibi mutuò adhærent, & ità inter se colligantur, ut non nisi tenax Compositum efficiant. Verùm quo pacto fit, ut *marmor*, *glacies*, & alia similis naturæ Corpora, suam frigiditatem servant, & pari rigore semper intendantur?

Respondeo, id ex parte globulorum Æthereorum, qui eorum Poros penetrant, oriri. Qui enim majusculi sunt, vimque movendi efficaciorē habent, *Calorem* procreant. Qui autem, minusculi sunt, & aliis robore cedunt, *Frigus* in Corporibus inducunt, ut sequenti *Experimento* clariùs patebit. Gelidum igitur *marmor* est, quod Meatus ita contractos habeat, ut solas minutissimas Corporis Subtilissimi particulas admittere queat, & majores, quæ Motum operantur, excludat. Cùmque Aqua nunquam gelu concrevat, nisi Materia, quæ ejus partes interlabitur, plus solito subtilis sit, fit, ut Glaciei Mcatus, qui tunc excavantur, ad mensuram particularum hujus Materiæ Sub-

II.  
*Quid Jacobo Regi in Dania contigit.*

III.  
*Poma congelata ut restituantur.*

IV.  
*Marmor æstate frigiditatem non deponit.*

H

lissimæ,

lissimæ, sic coarctantur, ut aliquanto majores penitus excludant. Atquæ hæc ratio est, cur gelidissima *Glacies* maneat, quamvis in mediam Æstatem reservetur. Id ex ejus dissolutione deprehenditur, quoniam *Glacies*, non ad instar *Cera* liquefcit, cujus flexiles particulae, Ignis Agitationi cedunt, & ejus impetu separantur. Obest enim Pororum ejus angustia, quominus Calor ad interiora perveniat, nisi prout superficies liquefcunt, & vi ejus effringuntur.

V.

Quomodo Aqua  
ope Salis in  
glaciem ver-  
tatur.

Aqua scypho vitreo contineatur, cui *nix* aut *glacies*, *Sali* admixta, ita circumponatur, ut ejus exteriora contingant; ubi hæc solvi cœperint, Aqua in Glaciem convertetur. Quod non Hyeme solum, sed & quocumque Anni Tempore experiri licet.

Hujus Experimenti ea est ratio, quod Globuli Cœlestes majusculi, qui *Aquam* sua Agitatione liquidam reddunt, cum plus virium habeant, quàm illi, qui *nivis* partibus interlabuntur, & commodiorem in rigidis & lævioribus *Salis* & *Nivis* particulis, locum reperiant, in quo moveantur; fit, ut eò necessariò pergant: Cùmque Corporum *penetrationem* natura non ferat, & omnis Motus per *circulum* fiat, Globuli Ætherei minores, in *Sale* & *Nive* contenti, majorum accessu, egredi coguntur, & loca derelicta per Vitri poros petere. Quia verò illi Globuli, ad continuandum Aquæ Motum non sufficiunt, sequitur ut illa concrefcatur, & glaciei frigus duritiemque nanciscatur. E diverso, *Nix Sali* commixta, dissolvitur, & in liquorem abit, quoniam à majoribus illis Globulis agitur, qui *Aquam* suo motu *liquidam* antehac reddebant.

VI.

Quomodo spi-  
ritus Vini  
refrigerat.

Nec fortè alia ratione fit, quod *spiritus Vini*, qui natura calidus est, Inflammationes, & *Anginam* gargarismo sanat; atque etiam Corporis membrum *pyrio pulvere* exustum refrigeret: quàm quòd Spiritus Vini, ita dispositos habeat Meatus, ut parti Inflammatione turgenti applicitus, minusculis duntaxat Æthereæ Materiæ globulis ingressum præbeat, qui ejus partes remissius agitantes, Dolorem hoc pacto minuunt, ac mitigant.

VII.

Morbi per medi-  
caminum ana-  
logiam curan-  
tur.

Sic *cepa* assata, vel fulminanti *Auro* cum Sulphure mixto, inflammatae *hemorrhoides* curantur; eo quòd *cepe* succus paulo acrior, & nonnihil acidi in se continens, quemadmodum *Sal Armoniacus* & *Tartareus*, qui in *Auro* fulminante reperiuntur, humorem sibi homogeneum prolidunt, & cum eo admiscen-  
tur.

## Historia Naturalis Qualitatum.

51

tur. Nec dubium est, inter *medicos*, quin plurimi morbi, ob eandem partium analogiam, Animalibus communicentur. Ut de figulicujusdam Filio D. *Boyle* refert, qui ulcerosis strumis laborans, canis lambentis linguâ, ita ab eis liberatus est, ut morbus in medicum, scilicet *Canem* traductus sit.

Aer Corpus frigidum, exempli causa, *Marmor* circumambiens, frigidior est, quàm qui ab eo magis est remotus.

Id provenit, quòd circa *Marmor*, non nisi, Subtilissima Materia passim insideat, sive illa quæ ipsum subire parata est, aut quæ ex illo effluit: cum verò subtilis materia, ob suam tenuitatem, crassiores *Aeris* particulas, quæ in Nobis *Caloris sensum* procreare possent, agitare non valeat, fit, ut circumvicinus Aer frigidior sentiat.

Nec fortè aliam ob causam fit, quòd juxta *fontes* illos, è quibus Aqua sparsim, maximo impetu exilit, nonnihil *aura frigida* sentiat, quàm quòd crassiores *Aeris* particulae, quæ concitando calori inserviunt, cum erumpente Aqua arripiantur, sola *Ætherea* materia illic continuò remanente.

Aqua dum gelu concrescit, dilatatur, & ad majorem locum porrigitur: ut patet in *Ampulla Vitrea*, longo satis & angusto collo, ad *Thermometra* figuram accedente. Quippe si hujusmodi vas Aqua calida repletum, Aeri, vigente hybernis mensibus *frigore*, exponatur, Aqua sensim descendet, donec ad certum aliquem frigoris gradum pervenerit: mox veluti recuperatis viribus, paulatim intumescet, & sursum feretur, donec gelu adstricta subsistat, & immota maneat.

Hæc Rarefactio, ex eo originem ducit, quòd Liquoris particulae, in *Ampulla Vitrea* inclusi, paulò antequam gelu concrescat, ob imminutum *Materiae Subtilis* Motum, rigida evadant, curvasque figuras induant; ac proinde, non tam arcè, quàm dum flexiles erant, sibi adhærere & conjungi possunt. Hinc fit, ut dum vehementer à *Materia Subtili* concussæ, ad tam angustum spatium redigere se nequeant, majuscula spatia requirant, in quibus dilatentur.

Hinc nonnunquam contingit, ut *vasa* etiam ingentia *mar-morea*, ab Aqua congelata perforentur, ut se vidisse testatur *Cabanus*. Imo Artifices sæpè experiuntur *vasa ænea* confringi, si Aqua in eis inclusa, congeletur. Observavit enim nobilissimus Dominus *Boyle*, Aquæ congelatæ spatium, quandoque no-

VIII.

*Marmor frigidam Arem ipsum ambientem reddit.*

IX.

*Aqua dum gelatur rarefit.*

X.

*Unde franguntur vasa in quibus aqua congelatur.*

na, aut decima sui parte dilatari. Alias quomodo fieret, ut tubi ferrei, quales Tormentis adhibentur, Aqua repleti, & summa industria conclusi, frangerentur, ubi cœlo frigidus fuerunt expositi? uti in *Anglia*, aliisque Europæ partibus multoties probatum est.

XI.  
*Unde rigide  
manent glaci  
particulæ.*

Quod autem Subtilis Materia, rigentes *Aquæ* particulas agitare, & non inflectere possit, mirum videri non debet, quum vis minor ad Corpora movenda requiratur, quàm ad illa eadem inflectenda. *Baculum* enim *ferreum* Manibus de loco deturbare faciliè possumus, non autem idem torquere, & Arcus adinstar curvare.

XII.  
*Quæ glaci  
æstivo tempore  
intacta serva-  
tur.*

Glacies tempore æstivo asservata, *duritiem* suam retinet, nec facile Igni admota, liquefcit.

Quia glacies sic arctatos habet meatus, ut ad mensuram subtilissimæ duntaxat materiæ particularum formatos habeat: Quo fit, ut majores excludat, nec patiat, ut calor ad interiora ejus penetret, nisi quatenus exteriora liquefcunt. Ut antea dictum est.

XIII.  
*Quomodo Corpo-  
ra frigida a-  
quam in glaci-  
em mutant.*

Corpora gelida, exempli causa *Aer*, Aquam contactam in glaciem sæpe convertunt.

Quia corpora gelida, contactu non solum partium Aquæ Insensibilium motum imminuunt, sed cum plurimas glaciales particulas, hoc est, *leves & rigidas* contineant, fit ut globuli Ætherei majores ex aqua in corporum gelidorum meatus transfugiantur, & parvi globuli vicissim existis transeant. Cumque parvi hi globuli ob exiguum suum motum, Aquam in sua fluiditate tueri nequeant, oportet, ut Aquæ particulæ inter se quiescant, & sua quiete in glaciem convertantur.

XIV.  
*Fructus & etiam  
Lapides frigore corrumpuntur.*

Frigus tantæ malignitatis est, ut Corruptionem Corporibus inducat, Colorem immutet, & omnem ab eis decorem adimat. Id non in *ovis*, ac *fructibus* modò experiri licet, sed in *lignis*, *Lapidibusque*, qui ita nonnunquam gelu corripuntur, ut fragiles fiant, & ædificiis extruendis inutiles.

Putredinem gelu Corporibus adfert, dum Partes Aquosæ expanduntur, quoniam tunc fibræ, & aliæ solidiores particulæ, infringi solent, & interverti. Nihil autem aliud *Corruptionis* nomine, intelligi potest, quàm *partium transpositio*, dum illæ, quæ certo quodam modo conjunctæ erant, à se mutuò avelantur, & novas affinitates incunt. Hinc *Animalium oculis* frigore



frigore concretis, observatum est, *CrySTALLINUM* novas Affectiones sumpſisse, & è diaphano candidiorem esse factum.

Obeandem rationem, in *Russia*, & frigidis aliis Terræ Regionibus, sæpe contingit, ut Incolæ *Nasum*, *Aures*, & alias corporis partes, veluti gangræna infectas, vi Frigoris amittant.

Tanta enim est Frigoris vis, ut partium ordinem atque contexturam pervertat. Nam in quid aliud referendum est, quòd *Trabes* in quibusdam Aquilonaribus Regionibus, ita gelu constringantur, ut ni prius moderato calore laxentur, in partes abeant, & Domibus extruendis inidoneæ reddantur? Quorsum *Marga* ad fecunditatem Terræ apposita, intenso frigore ad id potissimum conducit? quoniam vi frigoris dilatato qui in meatibus continebatur Humore, partium contextus solvitur, sic ut in minutias redactæ à superveniente pluvia facilius dissolvantur.

XV.  
*Frigus pervertit ordinem partium.*

E contra frigus interdum Corpora à Putredine vindicat, nec patitur ulla labe infici; ut testantur *Hirundines*, quæ penetrabili frigore, in stagnis *Poloniæ* rigentes, per totam Hyemem veluti exanimis servantur, nulli Corruptioni obnoxie.

XVI.  
*Frigus quedam Corpora à Corruptione servat.*

Corpora frigore intacta servantur, & à putredine, per longum tempus libera manent, quoniam Frigus, cujus natura in *Quiete* consistit, partium *Motum* inhibet, impeditque ne illæ ab invicem se jungantur; partium enim dissolutio, Corruptionem promovet, quia per eam, Corporis textura invertitur, & ipsi aliquid continuò decedit.

Sic *cibaria* & potus, diutiùs hyberno, quàm æstivo tempore incorrupta persistunt. *Flores* quoque & fructus, in nivium conservatoris, vigorem servant illibatum.

## ARTICULUS QUARTUS.

### De Gravitate & Levitate.

**S**l duo rotundæ figuræ Corpora, *plumbeum* unum, & alterum *ligneum*, ejusdem, vel diversæ Magnitudinis, ex una *linea horizontali*, eodem Temporis momento dimittantur; æquali prorsus Tempore, ad *Terram* pervenient, nec ullum in eorum descensu

I.  
*Duo corpora mole inequalia æquali motu feruntur si sint spherica.*

descensu discrimen deprehendi poterit. Quod *Gassendus*, talium Experimentorum diligens observator, non semel animadvertisse testatur.

Hujus *uniformis* Motus causa, alia assignari non potest, quam æqualis Cœlestis Materię, à Centro Terrę se removendi, propensio. Nam quamvis illa pari Temporis intervallo, & omnibus viribus suis à Centro recedat, non tamen tota, in Corpora occurrentia, potentiam suam exerit; sed præcisè ea tantum pars, quę Terreno Corpori magnitudine adæquatur. Cùmque etiam Corpora in compositione discrepent, & alia sint aliis *solidiora*, hoc est, plus Materię sibi proprię habeant, subtiliores etiam habent Meatus qui non nisi tenuissimæ Primi Elementi Materię, & paucis Secundi globulis sunt pervii. Talia sunt *Chalybs, Argentum vivum, aurum*. Alia sunt rariora, seu minùs solida, ut *ligna* & similia, quę cùm magis patentes habeant poros, plus Cœlestis Materię in se continent, ac proinde globulorum Cœlestium Motui facilius obsequuntur.

Nunc ad propositum; si quod in *plumbeo* & *ligneo* Corpore, materię Cœlestis est, subtrahatur, dematúrque id quod materię terrestri Globulis Cœlestibus admixtum est; illud, quod Materię Cœlestis unicuique Corpori subordinatę superest, inque illud vim suam exerit; agit in id, quod Materię Terrenę reliquum manet. Nam *plumbeo* Corpori, utpote solidiori, & ad resistendum potentiori, major Cœlestis Materię vis, ad illud deprimendum adhibetur; minor verò ad rarius & minus solidum deprimendum: ac proinde æquali velocitate descendunt, & ad terram unà perveniunt. Nam ut motus æqualitas habeatur, hoc duntaxat requiritur, ut Materię Cœlestis vis, Terrestri Materię proportionetur; quę ubi major est, major quoque activitas ad illam resistantiam superandam requiritur; & ubi minor, minori quoque Cœlestis Materię potentia opus est, quę Corpus deorsum detrudat.

## II.

*Cur non nisi corpus Aqua gravius Aqua immergitur.*

Hinc si Corpus, quod *Aqua* gravitatem superat, ipsi Aquę imponatur, illico ejus fundum petit. Si verò levius sit, pro vario suę levitatis gradu, aut Aquę, parte sui duntaxat aliqua immergitur, altera *emersa*: Aut penitus liquori innatat. Sic *vas terrenum*, Aere oppletum, Aquę innatat: quia cum pari Aquę mole comparatum, ipsa levius est. Idem verò Vas Aqua repletum, in imum Aquę dimittitur, quia cum æquali  
Aquę

Aquæ portione comparatum, ipsa gravius est. Hinc fit, ut *Cyathus* labro in Aquam obverso, non in Aquæ fundum ruat: quia Aer intra ejus latera inclusus, cum illo, pro uno Corpore existimatur, quod quum Aquâ levius sit, necessum est, ut Aquæ innatet, & non nisi hausta Aqua demergatur.

Huic experimento adversari videtur, quod in granis Auri vel *Argenti* deprehenditur, quæ cùm pari fortis aut regalis Aquæ quantitate ponderosiora sint, in ea nihilominus sustententur. Sed id salinis Corpusculis tribuendum est, quæ per Aquam diffunduntur & quodam vinculo sese ab imo usque ad summum fulciunt, & ita sua cohæsiōe Metallī granula sustentant. Id ita esse ex eo deprehenditur, quod ubi præinfusis aliquot olei tartarei guttis, Aqua communis infunditur, illico *Argenti* aut Auri granula imum petunt & ad fundum delabuntur, quasi Aquæ ingressu, illorum solutio solveretur.

Lapis, sive pila, ex summo *Navis* procedentis malo decedens, vel ab *Equitante* in altum projecta, ac deinde delapsa, ad pedem Mali, vel in *Equitantis* manum cadit.

Ratio est, quod pila in descensu suo, aut ascensu, non lineam rectam describit, sed obliquam. Nam etsi iis, qui in navi sunt, recta perpendicularisq̃ue appareat, id est, secundum longitudinem directa, est tamen revera curva, aut parabolica. Quod quis facile experietur, si curru vectus, manum extra currum protendat; & Auriga equos instigare jussu, lapidem directe sursum projiciat, is in ejus manum recidet: Si vero currum illico subsistere jusserit, lapidem videbit, non sursum directe tendere, neque ad perpendicularum recidere, sed oblique, & quasi arcum, seu lineam curvam describere, cujus unum extremum, sit ea parte, quâ lapidem projiciet, alterum, quâ illum recipiet. Ratio autem cur lapis, ipsi directe sursum tendere videatur, & secundum idem perpendicularum imminens, est quia, quantum ille antrorsum procedit, iter deslexum peragens, tantundem illo antrorsum promoveatur. Causa verò, cur lapis motus, à rectitudine deviet, & curvam sequatur lineam, est ejus compositio, quatenus ex duplici vi motrice originem habet, *brachii* scilicet sursum, illi propria, & ipsius *curvus*, seu *terra*, ipsi brachio secundum Horizontem impressa.

Corpora alterius figuræ, quàm sphericæ, inæquali motu, deorsum feruntur: ut de *Cubicis*, & *Angularibus* patet: quæ licet

III.

Pila è summitate mali delapsa in navis etiam progrediēte ad pedem mali cadit.

IV.

Corpora cubica inæqualiter ad ex-

*Terram descendunt.*

ex eadem Materia componantur, & magnitudine etiam consentiant, nihilominus quoad Motum differunt, & inæqualiter Terram petunt.

Ea Motus diversitas, ex illorum *figura* pendet; quæ licet causa dici nequeat, quare deorsum deprimantur, ad eorum tamen Motus varietatem multum confert. Quæ enim *Aspersa* sunt, tardiùs per *Aquam*, vel *Aerem* dilabuntur, & quo latior est eorum superficies, Corpori, per quod trajiciuntur, obstinatiùs resistunt; quoniam illud inconstanter dividunt, & secundùm planas superficies, quas obijciunt, in latera inclinant. Sic *Aqua* & *Glacies*, in sublimi suspenduntur; & *Nivis flocci* majores frigore contracti, lentius quàm *Aqua gutta* decidunt. Nec alia assignanda est Causa, cur *Aves*, alis expansis, se in medio Aere librent, quàm quòd Aer, planæ extensioni magis oblièctetur, atque ejus descensum impediatur.

## V.

*Cum demersi  
Homines post  
aliquod Tempus  
emergunt.*

Demersorum Corpora, post aliquod Temporis spatium, emergunt, & Aquis, sub quibus diu latuerant, innatant.

Id passim effuso *felli* tribuitur, quod Nonnulli putant, Corpus grave efficere, illudque in fluviorum fundo morari. Sed id *Amicula*rum commentum esse arbitror, aut ab iis confictum, qui phænomeni alicujus rationem reddidisse autumant, si aliquid obtrudant, quod cæteris insolitum apparet. Emergere igitur *submersos* existimo, quòd Aqua in eorum Corpora introducta, laxiores Poros ingrediatur, & membranas extendat; quarum expansione, multæ quoque aliæ Cavitates laxantur, quæ *hausto Aere*, ad majus spatium porriguntur: quippe hujusmodi *membrana*, ob partium suarum nexum, Aquam respunt, & solo Aere repleti queunt. Unde Corpora extensione majori comparata, & solito leviora effecta, sursum propelluntur, & Aquis supernatant.

## VI.

*Ex iis qui submersi sunt, virorum corpora supina, mulierum autem prona natant.*

Sic ratio videtur manifesta, cur submersa *mulierum* corpora, vultu in fundum inclinato fluitent, *virorum* autem supina, atque erecta in Cælum facie. Quia cum mulier ventricosa sit, ut loquitur *Lemnius*, uteroque protenso, ac conceptacula laxiora habeat, alvum nimirum, intestina, meatus urinarios, ubera fungosa ac prætumida, quæ quoniam humore ubertim implentur, ventrem pondere gravari necessum est, atque Aquarum distentione deorsum ferri. Id in *Ovo* animadvertere licet, quod falsugini injectum, fluitat quidem, sed pars, cui pondus inest, premitur,

premitur, ac subsidit: pars Aere oppleta, illa scilicet, quæ rupto putamine, lacunam exhibet, ubi pervetusta sunt, ac sabulida, eminet, sursumque nititur. Viri autem angusta habent ilia, adstrictos ductus urinarios, aqualiculum minus protensum, scapulas amplas, pulmonem fistulosum ac prælargum; Quæ omnia efficiunt, ut eorum cadavera supina sint, & in dorsum innatent.

Hinc Homines, si inter natandum, submersiois periculum immineat, *thorace*, quantum fieri potest, inflato, spirituque cohibito, juvamen capiunt. Hinc *pisces*, quò levius per undas ferantur, vesicas in abdomine inflatas gestant. Pari ratione *Apes*, quò minus graventur, & Aeri nudo commodius innatent, Corporis truncum Aere impletum habent.

VII.

*Qui Homines a submersione se tuentur.*

Experiuntur Figuli *Lateres* post coctionem, è fornace e-

VIII.

*Lateres cocti sunt crudis graviore.*

ductos, ponderosiores evadere, ac fieri seipsis crudis graviore. Oritur nova hæc gravitas, ex eo quod crudorum *laterum* meatus, qui eorum partibus interjacent, coctorum meatibus alii angustiores sint, alii magis pateant, & laxiores quidem Aere duntaxat referti sint, postquam fuerint exsiccati. Quo fit, ut eo tempore sint levissimi: *Angustiores* autem, non nisi subtili materia occupentur. Ubi verò cocti fuerint, quam plurimas Cavitates habent, ejus omnino magnitudinis, quæ apta sit particulis Aquæ recipiendis, quæ in illos influunt, ubi refrigerandi, Aeri exponuntur. Quippe magna semper hujusmodi particularum vis in Aere reperitur, quem non nisi ægrè deserunt, & quæ in laterum poros se intrudendo, eorum gravitatem augent. Cujus rei Argumentum est, quod si idem *later* fervidus, statim ut è fornace extractus est, ponderetur, levior deprehendetur, quam postquam Aeri, aliquo tempore fuerit expositus: Et si postmodum in aqua elixetur, ponderosior adhuc evadet, eo quòd Aquæ partes, quæ ejus meatus subierint, egredi amplius non valeant.

Si *virgula* liquori, exempli causa, *Aque*, in situ verticali immergatur, eo impetu majori extruditur, quo altior liquor fuerit.

IX.

*Virgula im-*  
*pacta in aquam,*  
*eo vehementius*  
*ascendit, quo*  
*altior aqua*  
*fuerit.*

Hujus phænomeni evidens causa, ex ipsa *gravitatis* ratione petenda est: quia quum virgula non sursum feratur, nisi in quantum ab Aqua impellitur, necessum est, ut quo major est extrudentis Corporis Vis, majori cum impetu emittatur.

Verum vis illa, augmentum accipit, quo majus est expellentis Aquæ pondus, cujus scilicet nisu, virgulam expellit; Ac proinde quo altior Aqua fuerit, impetu majori, Virgula foras expellitur, & citius ascendit.

X.

Corpora per impares numeros descendant.

Motus gravium secundum numerorum *Arithmetico*rum ordinem intenditur, sive per numeros impares acceleratur: Aded ut, si *Lapis*, exempli causa, in primo temporis scrupulo, per unam ulnam decidat, in secundo, per tres descendet, per quinque in tertio, per septem in quarto, & sic consequenter secundum succedentes impares numeros.

Hujus *phenomeni* ratio esse videtur, quod Corpus grave, primo temporis scrupulo, sensim, unum celeritatis gradum comparavit. Quippe si à principio, hanc velocitatem obtinisset, duplo quidem celerius descendisset, & ejus, quod peragravit spatii, exempli causa, *exapeda*, aut, si mavis, sex pedum, *duplum* confecisset. Itaque sub secundi temporis initium, gradum celeritatis jam acquisitum habet, & integrum; quo quidem duplum intervallum conficit, ejus quod primo scrupulo peragratum fuit: Cæterum *gravitate* sua paulatim vim nanciscitur, quo spatium ei æquale dimetitur, quod primo temporis momento peractum est. Quare utroque jam impetu simul agitatam, *tripulum* spatium seu sex *exapedas* occupabit. Tertio subinde temporis momento, duos jam habet Celeritatis gradus, & integros, quibus *quadruplum* primi intervalli, seu *exapedæ* metitur. Interea per ingentem gravitatem, qua continuò premitur, sensim gradum alium acquirit, quo alterius *exapedæ* spatium pari modo peragrat. Tribus igitur celeritatis gradibus instructum, quorum duo sunt *integri*, alius sensim comparatur qui *quintuplum* intervallum, quod à principio pervasit, penitus transgreditur, & sic in posterum per impares numeros processit: quod comparati impetus, vigorem suum semper servant, & insita gravitas eadem permaneat. Hinc ea *Vis*, seu impetus, paulatim increfcit: si à principio eam vim nactus esset, quam sub finem obtinuit, duplum intervallum, quod pervasit, omnino confecisset. Celeritatis enim gradus, qui sensim augentur, singuli unam *exapedam* conficiunt: Impetu pleni & jam comparati, eo tempore duplum intervallum percurrunt. Dum interea innata gravitas vim suam exercet, nec otiosa manet, imò paulatim suam etiam pervadit.

pervadit exapedam, quæ cum aliis duabus, quas plenus unus & integer celeritatis gradus, secundo temporis scrupulo conficit triplum ejus intervalli, quod primo tempore acquisitum fuerat, suppeditat, & sic deinceps secundum succedentes impares numeros motus intenditur.

Tempora 1. 2. 3. 4. 5. 6. 7. 8.

Intervalla 1. 3. 5. 7. 9. 11. 13. 15.

Apud omnes receptum est, Animalium Corpora post mortem, Vivis esse graviora.

XI.

An Corpora mortua vivis sint graviora.

Hujus mutationis ratio passim in *spirituum* tam Vitalium, quam Animalium carentiam refunditur, qui cum non agiles modo, sed & leves esse supponantur, eorum gravitatem minuere videntur. Cumque Flamma inter Corpora interiora, pro levissimo habeatur, mirum videri non debet, si hoc phenomenon à nonnullis Flammæ levitati adscribatur, quæ per totum *Animalis* Corpus diffusa, illudque vivificans, Vitalis nomen merita est. Verum etsi hæc ratio verisimilis esse videatur, author tamen sum, ut rei exploratæ prius, quam huc ratiocinio assentiatur. Quippe clarissimus D. Boyle, hujus rei periculum facturus, *murem* trium drachmarum cum dimidia, in exquisita libra imposuit, simul cum funiculo circa ejus collum alligato, quo immediatè post strangulatus est, & peremptus. Mus idem lanci denuò impositus, quamquam nihil ex eo decidisse observatum sit, inventus est prioris gravitatis  $\frac{7}{8}$  unius grani amisisse. Idem vir nobilissimus in *catello* 10 vel 11 unciarum expertus est, qui in una bilancis lance, eodem modo strangulatus, inventus est post mortem non gravior, sed quatuor *granis* levior. Quæ experimenta iis omnino adversantur, qui receptæ Traditioni assentiunt, *Mortua Corpora Vivis preponderare*, & novam gravitatem, spirituum extinctione acquirere.

Sagitta vi sursum emissa, pari celeritate, è puncto elevationis descendit, ac ad illud ab emittentis manu perrexerat, quamvis sit inæqualis.

XII.

Sagitta pari celeritate ascendit & descendit.

Ratio est, quod *Sagitta* in ascensus initio, majori cum celeritate ferantur, quam in fine descensus. E contrà verò, tardiùs in fine ascensus, quam initio descensus; ac proinde necessum est, ut earum descensus æquè citus sit, atque ascensus.

## XIII.

*Cubi diverse  
materiei sibi ip-  
sis impositi  
æqualiter des-  
cendunt.*

Cubus *ligneus*, & cubus *plumbeus*, separatim inæqualiter deorsum feruntur, si verò ligneus plumbeo imponatur, demittaturque, ut plumbeus rectà deorsum tendat, pari velocitate descendat.

Ratio cur Cubus ligneus, & plumbeus inæqualiter seorsum descendant, in promptu est, eò quòd ultra vim Materie subtilis impellentis, vis major Cubo plumbeo inest ad resistendum Aeri, quam lignea. Nam si Cubus plumbeus *sedecim* sit librarum, ligneus verò *unius* libræ, medii resistantia ut *duo*; Cum uterque Cubus ejusdem esse magnitudinis supponatur, proportio virtutis plumbei ad resistantiam medii se habet ut 16. ad 2. lignei vero ut 1. ad 2. Ac proinde necessum est, ut Cubus plumbeus celerius cadat. Ubi verò Cubus ligneus plumbeo fuerit impositus, adeò ut nihil Aeris interceptum sit, debet utriusque *gravitatio* reddi æqualis, cum resistantia communis sit, & utrique simul medium cedat.

## XIV.

*Cur Aqua per  
foramen navis  
sursum ascendit.*

Aqua ad modum Corporum levium, per fundum navis perforatum, sursum erumpit.

Quia cum *Aqua* gravis sit, corpusque cui incumbit, premat, fieri non potest, ut *Aqua*, Navis fundum circumfluente, ab aqua superiore non extrudatur. *Aquæ* enim partes, quæ navis lateribus adhærent, gravitant, eamque, quæ interior est, premunt, efficiuntque, ut foramen penetret, sursumque evehatur. Unde si Tubus foramini navis adhibeatur, haud dubium est, quin fons arte factus haberi possit.

## XV.

*Unde oriatur  
diversa Corpo-  
rum gravitas.*

Corpora gravitate distinguuntur, ut *Argentum Vivum*, multo ipsa *Aqua* ponderosius est; & nulla sunt Metalla, quæ se non gravitate excedant. Hinc *Aurum*, si *Gassendo* fidem habeamus, *decuplo* gravius est *Terra*; *Plumbum septuplo*, *Argentum* magis quàm *quintuplo*, *Stannum quadruplo*, *Magnes triplo*, *Cos* penè *duplo*, &c.

Varia hæc gravitas, à cujusque Corporis fabrica oritur, non extrema duntaxat, & quæ Oculis objicitur; sed & ab intima illa, quam Animo concipimus, in quolibet Corpore inesse. Dubitari enim non potest, quin Corporum omnium particulis, plurimi Meatus intercipientur, quos Materia Subtilissima pervadit, ex quorum multitudine, aut paucitate, Corporum diversitas inducitur. Unde *Argentum vivum*, *Aqua* ponderosius esse intelligitur, si concipiantur pauciores ejusmodi Meatus ipsi



ipsi inesse. Nam licet imaginemur *Aquam*, & *Argentum vivum*, partibus ejusdem magnitudinis constare, earumque Motus esse similes, Earum tamen diversitas clarè apparebit, si quælibet *Aqua* pars supponatur esse funiculi adinstar mollis & laxi. *Vivi Argenti* autem partes, cum pauciores rimas & poros habeant, esse aliorum funiculorum adinstar, sed multò duriorum & constrictiorum. Idem de iis Metallis censendum est, quæ Terram aliquoties gravitate superant: Cum tota eorum differentia, à multitudine aut paucitate Pororum pendeat, qui Materiam Subtilem excipiunt, & ejus Motibus variè se dilatant, aut constringunt.

Plumbum tardiùs in *Aqua*, quàm in *Aere* descendit: & pars lignea, quæ multum ferentem gravat, in *Aquæ* superficie subsistit, & vix ullius esse ponderis videtur.

In Corpore, duplex intelligi potest Pondus: unum *Absolutum*, quod semper indivisum manet, & nulli mutationi est obnoxium; Quippe ab ipso Corpore indiscretum est, & non nisi majus reddi potest, quum ei partes adjunguntur, & intimiori nexu, inter se coherent. Sic *Aurum*, Plumbum pondere excedit, quia ejus partes artius constringuntur, & Poros angustiores habet. Alterum pondus, *Relativum* nominari potest, quod secundum diversam materie positionem variatur; & hoc pacto *Plumbum* in *Aqua*, minus grave dicitur, quàm in *Aere*: quoniam *Aqua* ei fortiùs resistit, & de ejus pondere plurimum detrahit. Sic *lignum* *Aqua* innatat, & non nisi Corruptum demergitur, quia *Aqua* ligno gravior est, & illud sursum propellit.

Sic observatum est, quod Adolescens, mediocriter pinguis, qui centum & triginta libris gravis erat, in *Aqua* autem non nisi octo uncis gravitabat.

Gravia Corpora in descensu, non uno tenore feruntur, sed motum accelerant: ut in *saxis*, & *lapidibus* experiri licet, qui majorem ictum insigunt, quo ex majori altitudine delabuntur. Id quoque *Funependula* testantur, quæ tantundem spatii ascendendo, remetiuntur, quantum in descensu conficiunt; qui recursus, sicut & lapidum gravior percussio, non nisi ex celeriori motu provenire possunt.

Ratio est, quod quando Corpus descendere incipit, non nisi parum movetur: quoniam Materia Subtilis, quæ locum ejus occupat,

XVI.

*Plumbum videtur gravius dum per unum Corpus transit, quàm per aliud.*

XVII.

*Gravia descendendo motum accelerant.*

occupat, quæque sola in ipsum agit, non ea celeritate propellere potest, qua à Centro recedere conatur: Ubi vero, Corpus semel concussum est, & descendere incipit, *Subtilis Aether*, qui sub Corpore est, & qui magno molimine, superiora occupare contendit, illud deorsum continuè depellit, & novos celeritatis gradus, prioribus adjungit.

Sic dum per *tubum* oblongum, ferreos globulos statu emitimus, spiritus è pectore expulsum, obvium globulum sic repetitis ictibus percutit, ut impetus novi accessu augeatur, nec illic evanescit, qui primò impressus est, sed ex aliis atque aliis, qui succedunt, *vehementior* evadit.

Vel aliter dici potest, quòd *Gravium* motus ex eo acceleretur, quòd Corpora decidentia, vim novam acquirant: quia licet primo Momento, tardè incedant, secundo tamen velociùs progredi debent, quoniam priorem Motum retinent, & præterea augmentum accipiunt, à Subtilissimæ Materiæ Actione.

Non tamen fingendum est, gravium Motum, debere perpetuò augeri, & omnes limites transcendere; sed certos habent definitos Terminos: *Aer* enim Corporum motibus oblectatur, eorumque Vires retundit. Hinc *globulus ferreus*, si eminè è Bombarda explodatur, minorem stragem edit, infirmiusque objecta ferit, quam si cominè emittatur, & nullum medium, ejus transcursum impediat. Hinc etiam videre licet in pneumatica D. Boyle machina, gravia Corpora, omni Aere extracto, magno impetu in initio ruere, & omnem *gravitatis* suæ vim exercere. Quemadmodum *projecta*, in ipso sui motus principio, omnem celeritatem, quam admiscere, exerunt.

Situla Aquæ plena, in puteo aut stagno Gravitatem suam amittit; quum levissimo impetu de loco deturbari possit, & non deorsum sursumque duntaxat traduci, sed & ad latera simili facilitate transferri.

Hujus rei Causa est, quòd Aquæ partes, dum intra se miscentur, & mutuo contactu adhærent, nullam pressionem, in se exercent; quia cum omnes eadem soliditate polleant, & unæ aliis densiores non sint, æquali Vi, à Cœlesti Materia, Centrum versùs deprimuntur; & ita *Situla*, ob æqualem earum pressionem, levissimo accedente impetu, de uno loco in alium transfertur. Pari ratione, Homo sub Aquis *demersus*, nullam gravitatem experitur, quoniam Aquæ, quæ ipsi incumbunt, minùs à

Globulis

### XVIII.

*Fit acceleratio  
motus per acquisitionem novi  
gradus.*

### XIX.

*Cur situla non  
in Aqua ponderet.*

Globulis Cœlestibus, qui eas intercurrent, premuntur, quàm *Homo* ipse, qui solidius est Corpus, ac proinde minùs Materię Subtili pervium.

Hinc oritur, quod *Urinatores*, non nisi ponderis appensu ope, ad maris fundum tendere queant, eo quod *Aqua* eos circumambiente, æqualiter premantur, & tam ab inferiori, quàm superiori sustineantur.

## ARTICULUS QUINTUS.

### De Sapore.

**D**ura Corpora, cujusmodi sunt *lapis, ferrum, Calx cornu cervini* &c. Insipida sunt, nec Linguam ullo modo afficiunt. I:  
*Lapis, ferrum  
& alia dura  
Corpora insipi-  
da sunt.*

Quoniam durorum Corporum particulae, ab invicem disjungi nequeunt, & simul cum saliva in ore misceri. Nam cum Corpora ita obfirmata sunt, ut liquefcere non possint, & illa Corpuscula suppeditare, quæ Humoris opera, in Linguam deriventur, haud mirum est, si insipida sunt. Nam licet *Saccharum*, dulci sapore, dum resolvitur, Gustus Organum afficiat: ubi verò, completa infusione, in frusta compactiora redactum est, nullo sapore illud perfundit; quoniam tunc subigi non potest, & eo modo dilui, qui ad Affectionem imprimendam requiritur. Ob eandem causam, *Pilularum* Sapor, dum integrè deglutitur, vix percipitur, quia non satis in transitu morantur, ut partes earum exteriores liquari, & resolvi possint.

Sic *Terebinthina* cocta, & in pulverem comminuta, insipida existimatur, quòd viscus per gustus sensorium diffundi nequeat, nec saliva dilui, cum tamen liquida amaritudinem præ se ferat.

Corpora pene omnia, *Sapore* distinguuntur, ut *Mel* dulce est, *Abstinium* amarum &c. II:  
*Cur Corpora  
sapore distin-  
guuntur.*

Generalis omnium Saporum causa, *Salis* potissimum attribuenda est; cum constet corpora omnia, *Sale* detracto, insipida esse; cùmque Sal multiplex sit, varièque in *mixtis* temperetur, contingere.

contingere potest, ut alio modo in *Melle* temperetur, quam in *Absinthio*. Cum autem variari commixtio non valeat, quin organum diversimodè afficiatur, & mira sit *Salium* varietas, fieri nequit, ut Saporum diversitas non oriatur.

## III.

*Dulcia saturitatem citius quam Acris creant.*

*Dulces* Cibi citius saturitatem ingerunt, quam *Acris*: lactinia, saccharata, *Butyrum*, *Mel*, &c. citius appetentiæ satisfaciunt, quam *Acetosa*, *Alliata*, &c.

Quidam id fieri existimant, quod *Acria* non nisi exiguum alimenti suppedient, multum verò excrementi. Sed parvi hæc ratio videtur esse momenti, quia non statim post cibum sumptum, Digestio sequitur; nec ita citò concoctio celebratur, ut inde Saturitas proveniat. Temporis enim intervallum requiritur, ut hæ Corporis functiones peragi queant. Citius igitur *Dulcia* appetitum explent, quam *Acria*, quia *Acria* ventriculū suā acrimonia vellicando, ultra sollicitant, appetentiamque conciliant: *Dulcia* verò, quum corpusculis *Levis* consent, leniterque ventriculū afficiant, non illum ultra vellicant, aut intra ejus fibras fubeunt.

## IV.

*Ignis Saporem acutiorē in Carne producit.*

Ignis acutiorē Carni Saporem conciliat. Experimur enim, quod *Caro* ad Ignem tosta, acutius linguam quàm antea feriat, Saporemque gratiorem nanciscatur.<sup>(1)</sup>

Quia evidens est secundum *Chymicos*, nullum esse cibum, qui non aliquid *Salis* contineat, æquali propemodum mensura, per eorum massam diffusi. Unde fit, dum *Caro* Ignis calore agitatur, aliqua *Salis* portio, versus ejus superficiem fertur, & instar partium liquidarum exhalat, fumumque, quem è cibis assis erumpere videmus, componit. Verum cum insipidæ duntaxat particule attollantur, valeantque sursum petere, vix *salina* ad duos tresve digitos assurgunt, quin sua gravitate ad descensum adigantur, compellanturque in Carnis superficiem descendere, ex quo *acer* ille sapor oritur, quem in assis carnis experimur.

## V.

*Acerba stuporem dentibus pariunt.*

Quæ gustu acerba sunt, stuporem quandam dentibus adferunt: ut *Pyrum* maturescens, Tortivum, Vinum immite, vulgo *Vin vert*; Succus uvæ acerbæ, vulgo *Verjus*, & similia.

Id oritur quod adstringentia quædam Corpuscula, *gingivæ* obfideant, easque occupent, quæ Dentibus compressa, plus æquo ab iis corpusculis stringuntur, stuporeque afficiuntur. Huic stupori levando, mollior *panis* portio passim adhiberi solet; quia cum

cum panis spongiolæ sit substantiæ, facile filamina ipsi implcantur, ac eorum vis retunditur.

Corpora amara, cujusmodi sunt *cortex Aurangii*, *Theriaca*, & plura alia purgantia medicamenta calefaciunt; Acida verò qualia sunt succus *Aurangii*, succus *Uvæ* acerbæ, refrigerant.

Quoniam *Amara* subtilibus, rotundis, & obtulis partibus constant, quarum agitatione calor excitatur, & conservatur. E diverso cum *Acidorum* Corporum particule longæ sint, & Aquæ indolis participes, motum ignearum partium inhihent potius, quàm promovent; quo fit ut pro Corporibus frigidis passim habeantur.

Fructus *Inmaturi*, & ad quorum temperaturam, Temporis intervallum requiritur, primo gustatu peracerbi sunt, & Linguam asperant, deinde Maturati, dulcescunt, & gratum Saporem ingerunt.

Quoniam Fructus, duris primùm, & oblongis partibus constant, quæ Linguae fibrillas scissim movent, & eas contrahunt. Deinde *igne*, aut *Solis Calore*, maturitatem assequuntur, dum ejus virtute, Succus ille crudior, qui acorem generat, in Aerem exhalatur, & successivis diebus attenuatur. Quis enim in fructibus, dum maturefcunt, continuam resolutionem, ac partium divisionem non deprehendit? quo fit, ut Duritiem suam deponant, & coctione peracta, molliores efficiantur.

Lingua, quæ *exsucca* est, & nimia ariditate constringitur, ægrè solidi esculenti Saporem sentit: neque si ultra modum *humida* est, & liquore aliquo nimium perfundatur.

Causa in promptu est, quòd Sapor, non in *Humido* duntaxat, aut *Sicco* situs est, sed in utriusque mixtione. Unde mirum non est, quòd Lingua nimium sicca, esculentum solidum haud percipiat, quoniam illud, Humido deficiente, subigi nequit, quod ad Gustum efficiendum requiritur. *Lingua* enim, cum spongiola sit, humore indiget, tanquam Saporis vehiculo. In arida enim Lingua, fibræ plus æquo contrahuntur, & inhabiles redduntur, illam Affectionem recipiendi, quam Sapor imprimit. Ratio autem, cur è diverso, lingua nimio *Humore* turgens, Saporem non admittat, est quòd Lingua, quæ rara & mollis est, spongiæque naturam æmulatur, Meatus suos habeat Humore repletos, in quo superveniens Humor devehitur, & à quo impeditur, ne ad intimos Linguae recessus perveniat.

K

Sapores

VI.

*Cur Acerba calefaciunt, refrigerant autem Acida.*

VII.

*Cur Uvæ & fructus immaturi, acerbi sunt.*

VIII.

*Sicca Lingua aut nimium humida, nihil sapit.*

## IX.

Quare Sapo-  
res, melius tempore  
matutino di-  
stinguuntur.

Sapores Tempore *matutino*, exactius discernuntur, præsertim, si nihil in os primo ingestum est, quod Linguam labefaceret.

Quia, eo tempore Lingua, veluti tabula rasa est, quæ nondum alios imbuat Sapo- res. Oportet enim recipiens, à recepti indole liberum esse, & ab ejus Qualitatibus esse denudatum. Quod non in *Gustu* modo, sed & in *Auditu*, *Offectu*, cæterisque aliis Sensibus observatur: Noctu enim Auditus acutior est, & cæci fidelius relata mente retinent.

## X.

Idcirco laboran-  
tes, nullum Sa-  
porum valde  
percipiunt.

Qui iætero laborant, vitiatos omnes Cibo esse credunt, & quod dulce est, amarum esse opinantur.

Id ipsis contingit, ob flavam bilem, quæ Linguae salivam inficit; Quia cum illa ex acribus Particulis componatur, salivam ita corrumpit, ut quicumque ingeruntur Cibi, ingratus Sapor, qui ab inæqualibus illis Corpusculis oritur, alium depraveret, & totam suam amaritudinem, aliis effulentis affricat: periinde, ac si nonnihil *fuliginis* aut *fellis*, *Pani*, aut *Carni* admisceatur. Tanta autem depravationis Causa est, quod Humor crudus, qui per Venas & Arterias vagatur, ad *Linguam*, ob ejus carnem spongiosam, se recipiat, & ejus cavitates occupando, quicquid Saporis supervenit, vitiat & corrumpit. Hinc *Medici*, Linguam sibi ostendi deposcunt, quia cum illud membrum, pro sua magnitudine, multum Sanguinis contineat, plurimum quoque succi morbifici admittit, qui Colore vim ejus prodit, & Corporis infirmitatem revelat.

## XI.

Unde oritur  
Omphacii  
acribitas.

Si ex immitibus Uvis Succus exprimat, is *Omphacium* tantum conficiet, quod quodam acore, Linguam vellicat. Si verò ex maturis uvis exprimitur, *mustum dulce* habetur, quod Linguam lenit, eamque grato acumine penetrat.

Omphacii acerbitas, ex asperitate, inæqualitateque partium, quæ succum component, provenit; quia cum ille, qui ex immitibus uvis exprimitur, nondum sit probe decoctus, quandam cruditatem retinet, quam longis & inflexilibus particulis ferunt acceptam.

Hinc *Omphacium* ex malo sylvestri confectum, maximè oculorum infirmitati auxiliatur, cujus particulæ, veluti tot tenuissimi *sabuli* granula, Oculorum sordes abstergendo, pristinam videndi facultatem restitunt. Pari modo de certis quibusdam *Fontium Aquis* philosophandum est, quæ sua acrimonia, non oculos

oculos modò, sed & vitra Optica mundant, obstaculaque amovent, quo luminis radii liberiùs transfundantur.

Mustum verò dulce est, quoniam à Calore sufficienter decoctum est, & omnes ejus partes æquantur & lævigantur. Non obest, quòd adhuc turbidum sit, & Luminis actionem non recipiat; Id enim *heterogeneæ* ejus partes impediunt, quæ nondum secretæ sunt: quæ ubi cum sæce in fundum descenderint, vel sursum, purgatione sublata fuerint, Vinum limpidum evadit, & Luminis globulos admittit.

XII.  
Unde mustum dulce est.

Fructus serè omnes, Sapore distinguuntur, adè ut nonnulli *Acerbum*, *Austernum* alii, alteri *Acidum*, & omnes *dulcem*, cum maturuerint, *Saporem* referant.

XIII.  
Sapor in fructibus varius est.

Ea Saporum differentia, ex diverso corpusculorum plexu, diversaque Plantarum organizatione oritur. Non enim omnes eadem textura, eademque partium dispositione constant. Hinc insitæ *Abores*, Fructus delicatiores ferunt, quia in gemino fibrarum plexu, Succus Alimentarius meliùs percolatur, & magis irregulares meatus pertransit. *Austernus* igitur Sapor, in Fructibus percipitur, dum illorum partes, nondum probè subactæ sunt, & percolatæ. Alii fructus *Acrem* linguæ Saporem imprimunt, quoniam partes habent oblongas, rigidas, & maximè subtiles: quo fit, ut Linguam pungant, ac partiantur, & cum aliquo Caloris sensu dilatent. Maturati fructus, ut dictum est, *dulcescunt*, quia Succus Plantæ poros permeat; & accuratè percolatus, Solisque Calore agitatus, omnem cruditatem exuit. Unde hujusmodi Fructus, Linguam placidè liniunt, & quodam levore internas ejus partes subeunt.

Cibus, non eundem omnibus Saporem profert, & non rarò contingit, ut qui uni gratus est, alteri displiceat.

XIV.  
Unde provenit quod idem cibus non aequè omnibus gratus est.

Id ex diversa Organi dispositione provenit. Si enim alicui rigidiores, & minus dociles insunt *fibræ*, minùs Saporem percipiet: quoniam vi majori opus est, ut illæ fricentur, & affectionem recipiant. Si verò delicatioribus fibris gaudeat, vehementiùs Saporem percipiet; quoniam illæ faciliè pulsari se patiuntur, & levi affictu vollicari. Aliquid simile in Agrestium *manibus*, experimur, quæ callo obducto, tribulos & spinas citra ullum doloris Sensum tractant, cum teneræ Puellæ manus, vix illa attingere, sine molestia possit.

Unde oritur, quod in eodem homine non rarò contingit, ut gustus

XV.  
Ut res eadem diversi Saporis

esse percipi-  
atur.

gustus organo, vel per ætatem, vel morbum immutato, res varii Saporis esse existimentur, eo quod textura *organis* immutata, Corporum particulæ non ei amplius conveniunt, & quandam stragem in eo procreant. *Ibi* enim ut loquitur *Lucretius*,

*Fit, prius ad sensum ut quæ Corpora conveniebant,  
Nunc non conveniant, & cetera sint magis apta,  
Quæ penetrata queunt sensum progignere acerbum.*

Id in *puellis*, & *pregnantibus*, primis præsertim mensibus contingit, ut iis cibis maxime delectentur, quos aliàs rejicerent, & averfarentur.

## XVI.

Sapor non est  
in rebus, quæ  
sapida appel-  
lantur.

Ex quibus contra *Aristoteles* clare evincitur, Saporem non rebus inesse, sed *ex rebus*. Sapor enim non nisi in ore reperitur, qui varius est, pro organi varietate, & diverso Linguae atque palati statu. Aliàs quidni idem omnes saperent, parque fieret omni organo impressio? Non nisi *in rebus* igitur, quas sapidas passim appellamus, Sapor esse dicitur, ob corpusculorum configurationem & contexturam, quæ eadem manentia, in diversis organis, diversum Saporem procreare possunt.

## ARTICULUS SEXTUS.

## De Odore.

## I.

Animalia odo-  
re explorant  
quid illis con-  
veniens est, aut  
noxium.

**T**anta est inter Saporem, ac Odorem affinitas, ut iisdem ferme modis generentur, & organa stimulent. Animalia enim *Olfaetum* cibos venantur, & quos ipsis gratos Natura reddit, quasi Odoratu cognoscunt. Hinc Feles ad *Calamentham* feruntur, *Fæniculus* Serpentes allicit, *Ocimus* Scorpionem delectat, mustela *Rutam* expiscatur, &c. E contra quicquid eis adversatur, ejusdem organi ope, fugiunt, & non nisi vi ad illud trahuntur. Ut Serpentes *galbani* odor offendit, Scorpiones *Aconitum* horrent, inimicum Muscis est *Sulphur*, *Ocimus* Capris noxam adfert, *Origanum* formicæ averfantur.

Hujus *Sympathia*, *Antipathia*ve Causa, in Olfactus organum refunditur; quod Odorum diversitatem recipit, prout ejus fibræ



fibræ afficiuntur. Si enim Halitus, qui ex re odorifera manat, delicatus est, & leni affricu Narium nervos præterlabatur, *gratum* Odorem excitabit, & quadam suavitate organum afficiet: si verò Nervi, qui Naribus inferuntur, acrius pulsantur, & complexu asperiori stringantur, *ingratus* odor sentitur. Quippe aliud non est Odor in Corporibus odoriferis, quàm tenues & Insensibiles eorum Partes, quæ à se invicem secretæ, in Aere volantes, & intra Narium cavitates, ope Aeris inspirati receptæ, motum in Nervorum extremitatibus excitant. Motuum igitur diversitas, diversos Odorum Sensus efficit, & prout Organi fibræ lenius, aut acrius feriuntur, affectionum varietas exurgit. Hinc ex *Rosa*, & *Moscho*, & similibus, suavis Odor emanat, quoniam Halitus, qui ab iis proficiscitur, filamina subtilia & flexilia habet, quæ faciliè Cerebri appendices penetrant, & absque ulla asperitate, se ipsis insinuant. *Sulphur* verò, acrem imprimit Odorem, ob filaminum quibus constat, horrorem & inæqualitatem. Quia cum *Sulph.* & faciliè inflammetur, supponendum est, multis pinguibus Halitibus constare, qui acriori Materiæ admixti, non possunt non filamina aspera, & spinarum instar horrida reddere, à quibus necessum est, fibras dirè vexari, & morderi.

E diverso, si *Sulphuris* vis, alterius Corporis mistura retundatur, gratus odor procreatur. Nam licet *Zibetum* purum, acriter oleat, si tamen tria ejus grana cum decem *Ambre* granis, instillata succi Alimonii gutta, teratur, unguentum obtinebitur suavissimum. Ita *moschus* si purus est, ingratus spirat odorem; aliquot tamen spiritus rosacei ardentis guttis admixtus, maximè fragrat, naribusque valdè blanditur.

Si quis propius ad Corpora Odorifera accedat, non probè eorum effluvia, sive manantes Vapores percipit. Unde flores magis grati sunt odoris, si paucillùm distent, quàm si nimium prope Organo admoveantur.

Causa est, quòd Odor, non in crassioribus, & humidioribus, ut antehac de *Sapore* dictum est, partibus consistit, sed in tenuibus & siccis, unde qui in propinquo est, non solum Florum, sed & Herbarum, imò etiam ipsius Terræ halitus haurit. Si verò paululùm distet, non nisi Subtiles, & magis vividas excipit; quippe Crassiores longè avolare nequeunt, & post levem excursum subsidunt. Quare quædam distantia necessaria est,

ut.

II.

Ut ex male olentibus, suavis odor procreetur.

III.

Ad Odores percipiendos, quædam distantia requiritur.

ut vividiores Odoratorum Corporum particulae, liberè vim suam exerceant, & gratum Odorem procreare possint.

## IV.

*Suffimenta minus è propinquo sentiuntur.*

Hinc oritur, quod *Suffimenta* è propinquo minùs sentiantur, quàm ad certam distantiam. Quia cum *Suffimentum* in *halitu* consistat, ex Corpore odorifero vi Ignis oducto, magis expurgantur à crassioribus ac terrenis illis corpusculis, quæ odorem ut plurimam obtundunt. Quemadmodum *Vinum* Aqua dilutum, minus sentitur, quoniam Aqua vim ejus frangit ac hebetat.

## V.

*Plantæ in Syria & Arabia, nostris odore excellent.*

Plantæ in Regionibus calidis, fragrantiores Odorem emittunt, quàm quæ sub Cælo asperiori radices agunt. Ut in Syria, & Arabia, Caloris beneficio Aromata gignuntur, & Arborum fructus qui illic nascuntur, tenaciores & acutiores Odores referunt.

Ratio est, quod Calor, multum ad Odorem fragrantiam conferat. Illius enim opera, *Plantarum* Succus optimè digeritur, & uberiori copia in altum sublatus, in Vaporem odoriferum ducitur. Certum enim est, omnem Odorem *sulphure*, aut *Sale* contineri, & illa Corpora plus Odoris fundere, quibus plus *Salis*, aut *Sulphuris* inest. Nam Calore, partes sulphureæ magis inter se conciliantur, & Vim suam efficacius exerunt. Quia expressis Aquei Humoris partibus, quod romanet *Substantiæ*, exactius concoquitur, ac proinde gratiorem Odorem spirat. Hinc ad hanc fragrantiam servandam, res odoratas oleo communimus, aut pyxidibus recludimus, ne Vapor continuo fluxu abeat, & viscosi halitus penitus erumpant.

## VI.

*Calor ad odoris suavitatem plurimum confert.*

Hinc oritur, quod *Fructus* eò majorem spirent odorem, quo magis igne coquantur; & res quæcumque, aestu dominante, magis olent, quàm dum frigore confringuntur; quoniam tunc *sulphureosa* substantia, quæ Corporibus inest, quodammodo hebescit, & intra sua repagula coercetur. Aere autem calido, agitatæ Corporum partibus, dissolvitur, & in auras erumpit. Undè pauca reperi semina, quæ odorem aliquem effarent; quia cum plexum pressiore habent, & uliginosa substantia consistant, halitus effusivum difficulter emittunt, nec Vaporem inclusum avolare sinunt. E diverso *confuso* latitantem in Corporibus aridis, odoris suavitatem, ad maximum vigorem reducit. Sic *Citriorum* compuncti cortices, illa magis odora efficiunt.

## VII.

*Unde suavis aut gravis ille*

Homines non eundem Odorem emittunt: nonnulli enim suavam

suavem, & gratum afflant, ut de *Alexandro* Historici referunt; cuius sudor maximè excipientium Naribus blandiebatur. Alii autem foetent, & *gravem* tearumque odorem spirant: ut *Simi*, qui plurimum horrido noxioque halitu inficiuntur.

Suavis Odor ex iis Hominibus emanat, in quibus succi alimenticii concoctio accuratè peragitur; quod fit, dum Corporis agitatione, ità Pori laxantur, ut cruda Humoris particula educantur, & à cæteris avolent. Vel ex parte ipsos Temperamenti, oriri potest, si in eo Calor nimium dominetur; nam si is ità probè percolatus, divisusque fuerit, ut nihil superflui Humoris superfit, gratum gignit odorem. Quale Temperamentum in *Alexandro* fuisse, testatur Ira, continua Corporis Exercitatio, cutisque polities, ac tenuitas. Cum verò Succus Alimenticius, non probè digeritur, vel in aliquod peccatis, seu Corruptionis victimum degenerat, necessum est, tetrum Odorem provenire; ut in *Simi* passim experimur, qui foetidum halitum emittunt; Quia Meatus, per quos *Mucus* è Cerebro est trajectendus, nimium constringuntur; ac proinde illic corrumpitur & putrescit. Omnis enim *Corruptio* foetorem generat.

Aqua, ex *Rosa*, *Arantia*, & similium floribus extracta, toto anni tempore, fragrantiam habent; Inodora autem redduntur, ea anni tempestate, qua Flores ipsi maximè vigent.

Id provenit, non quod ejusmodi Aquæ, minus odoris per id tempus spirent: sed quia, cum omnia Floribus plena sint, efficitur ut eorum odor quoquo versus per Aerem fusus, ità olfactus organum occupet, ut ab ipsis Aquarum odoribus percelli nequeat: Et sic inodora habeantur.

Substantia ex *Pomo*, *Rosa*, *Cinnamomo*, & similibus odoriferis Corporibus extracta, & seorsim ab ipsis asservata, eundem præ se fert odorem, quem ipsæ res antea præ se ferebant.

Causa est, quòd Odoris natura in quadam *Sulphuris* contextura consistit. Sulphuris autem nomine, intelligunt *Chymici* pinguem, vel oleosam substantiam, quam è Corporibus educunt, quæ pro conmixtionum varietate, in diversis Corporibus, varietatem subit. Quare quum hujusmodi substantia, ope *Chymica*, à Corporibus avelli possit, mirum non est, si eundem *Odorem* referat, quem ipsæ res antea referebant.

odor, quæ ex  
Hominibus  
emanat.

VIII.  
Cur Aqua distil-  
lata non olent  
eo tempore quo  
flores fragrant.

IX.  
Odor è Corpori-  
bus educitur.

Qui

## X.

*Qui Rheumate  
laborant, odores  
non percipiunt.*

Qui *Rheuma* contraxerunt, infirmi sunt olfactus, nullosque propemodum odores excipiunt.

Quia Rheumatis humor, ita Olfactus organum occupat, ut illos meatus obstruat, quibus se Odoratus vapor insinuare solet. Nam non raro contingit, ut hic morbus nervum odoratorium, *Naribus* insertum corripiat, ut vix ducendo halitui via supersit. Quare mirum non est, si obstructi Rheumate nervi, Vaporem odoris vehiculum haud admittant; aut si illum recipiunt, ab eo, ob insolitam obstructionem, non afficiantur.

## XI.

*Unde minus  
hyeme olfaci-  
mus.*

Tempore *Hyberno*, minus olfacimus, debiliusque odorata Corpora nares feriunt.

Id oritur, quod tempore Hyberno, meatus frigore contrahantur, ac proinde minus halitus e Corporibus erumpat. Ad di etiam potest, quod eo tempore, densior sit *Aer*, quem cum halitus dividendi vim minorem habeat, mirum non est, si minus olfacimus. Hinc provenit, quod *congelata* Corpora, nullum prorsus spirent odorem, eo quod poris obseratis, halitus non avolet, & intactum maneat olfactus organum.

## XII.

*Canes Homines  
odoratu vin-  
cunt.*

Bruta Animantia, *Olfactu* Homines superant: Unde illud Maronis, *Odora Canum vis*. Quippe *Canes* acutissimo odoratu pollent, & cætera Animalia, ea facultate antecedunt.

Hujus perfectionis causa, Canum organo adscribi potest, quod illud scilicet, pluribus fibris, iisdem delicatioribus exuberet, & exactius dispositis ad Odores recipiendos. Inest enim *Canibus* Organum siccus, quippe pituita, non in illis via ordinaria defluit; sed per quosdam Meatus, quos in extremitatibus nasi, distinctè cernimus. Vel dici potest, *Canes* olfactu Homini- bus præstare, quoniam non ita crassus Ciborum Vaporibus replentur, sicuti *Homines*, qui fumis ex stomacho, & ex vario esculentorum mixtura emissis, obstant ne tenuiores Corporum particulæ, quæ odorem efficiunt, recipiantur. Unde ipsimet *Canes*, si multum in culinis versentur, aut pastu largiori saginentur, sagacitatem suam amittunt, & Olfactus deterioris evadunt, quàm si in suis latibulis recludantur, & eis duntaxat cibus, venaturis idoneus administretur.

## XIII.

*Cum Homines  
debiliorem  
quàm Anima-  
lia habeant  
Olfactum.*

Imò si Homines solis fructibus, aut radicibus victarent, haud dubium est, quin cæteros, qui lautioribus cibis epularentur, olfactu essent superaturi. Ut de quodam *Johne Leodien- si* refert præclarus *Vir. Kenelmus Eques Digbens* in suo tractatu de *Corporibus*,

*Corporibus, capite vigesimo septimo:* Qui timore in Sylvam, ob appropinquantes milites, adactus, multis Annis illic vitam transegit, sylvestribus pomis, glandibus, & radicibus vescens. Post verò, Agrestium insidiis captus, ubi verba proferre didicit, narravit se odoratu, quandiu inter feras degit, cibos explorasse, ipsum insequentes Venatores percepisse, eorumque insidias non raro elusisse. Quo exemplo notum fit, Narium sagacitatem, generosorum Ciborum Vaporibus corrumpi, & non nisi *Homines* Olfactu, cæteris *Animantibus* cedere, quia Cibis lautioribus pascuntur, & Nares crassius obsoniorum Vaporibus inferciunt.

Vel etiam dici potest, quod Animalium plurima Sensorii vivacitate *Homines* antecedant; quemadmodum in *Corvis, Vulturibus, Canibus* experimur, qui ferarum, Dominorumque vestigia odoratu sequuntur; *Tygridibus*, quæ arreptos catellos, narium ope vestigant; *Columbis hirsutipedis*, quæ ablatos pullos, & in domum aliam ad centum aut ducentos passus dislitam translatos requirunt & expiscantur. Non obest, quòd

XIV.  
*Animalia quædam odoratu eminent.*

*Errant sæpe canes, itaque & vestigia querant;*

Quoniam id tantum oritur, ob temporis aut loci Longitudinem, quo odor diffusus est: vel dum emissi è Corporibus odores, vento distrahuntur, aut alii supervenientes iis admixti, confusionem faciunt.

## ARTICULUS SEPTIMUS.

### *De Sono.*

NON è Corporibus solidis duntaxat Sonus emittitur, sed & ex fluidis, & quæ ob Partium suarum flexilitatem, aliorum Corporum Motibus cedunt. *Aeris* enim pars, ab alia percussa, ad Aures nostras defertur, & Nervos, in intimis earum cavitatibus reconditos, ferit. Unde dum inter se colliduntur, quoddam murmur excitant, & prout per planum vadum, aut lapidibus interruptum, delabuntur, acutiorem, vel obtusio rem Sonum edunt.

I.  
*Corpora liquida etiam Sonum edunt, dum inter se colliduntur.*


L

Ratio

Ratio est, quod *Aeris*, sicut & aliorum Corporum liquido-  
rum partes, mutuo concussu, subsulent, & in innumeras mo-  
leculas dividantur, quæ celerissime agitata, & unæ in alias im-  
pingentes, non possunt non *Sonum* edere. Quippe aliud non  
est *Sonus*, quàm tremulus, & vibratus *Aeris* Motus, undulati-  
oni omnino similis; ac proinde sicuti videmus *Lapidis* jactu,  
multos *Circulos* in *flumine* efformari, & ad ripam uno tenore  
pergere; ita *Sonus* à concussis Corporibus procreatus; in  
orbem diffunditur, & reciprocis vibrationibus, per aerem  
propagatur.

II.  
Ut *Sonus* in  
orbem diffun-  
ditur.

Id in hoc *schemate* clarius apparebit, prout alicubi ab *Ho-  
norato Fabro* ostenditur. Sit *chorda* pulsata, quæ *cylindri*  
adinstar accipi potest, ac proinde ejus sectio, vel semisectio  
recta est *semicirculus*; stantem *M B R*, cujus motus sit per *A B*



rectus, nempe dem  
chorda pulsata sese  
restituit, singula ejus  
puncta motu recto  
moventur; Igitur  
singula puncta hujus  
sectionis moventur,  
per *parallelas*, ipsi  
*AB*; v. g. per *PC*,  
*OD*, *NE*, *MF*. oc-  
currant autem in di-

versis punctis hujus sectionis particule purioris aeris, vel hu-  
moris, quæ adinstar globulorum considerari possunt, *L, K, t, H, G*,  
&c. qui sectionem tangunt in punctis *B, C, D, E, F*; si ducan-  
tur à centro *A* recte per præfata puncta, haud dubie termi-  
nabuntur ad centra globulorum *AL, AH, AG*; atqui si glo-  
bus in globum incidat, illum movebit per lineam connecten-  
tem centra utriusque; igitur globus *L* per lineam *AL*, globus  
*K* per *AK*, globus *I* per lineam *AI*, atque ita de cæteris: Igi-  
tur quadrantis *MB* circuli sectionis diffundit levissimam illam  
materiam secundum Angulum *MAB*, pari modo arcus *BR*  
secundum angulum *BAR* diffundit.

Sic observatur, quod flatus lente è *pulmonibus* emissus, non  
auditur: nec flatus moderatus per *Fistulam* insinuatim sonat:  
Quoniam defant crebri illi pulsus ac repulsus intrà *Arteria*, &  
sistula.

Cur flatus è pul-  
monibus emissus  
non auditur.

*fistula* latera, qui inferendis in sensorio plagis inserviunt. Ad eum modum, quo *malleus* Incudi lentè admotus, nullum sonum odit; quia non sât Aer reperiatur, ut illam motus frequentiam generet, qui ad Aures appellat.

Instrumenta musica, passim Concava sunt, atque etiam interdum, ad figuram sphericam deflectuntur.

Quia Aeris currentis, & recurrentis percussiones, in cavo multiplicantur, & ita diutius Aures demulcent. In cavis enim Corporibus, non tantum externus Aer, creberrimis ictibus agitatur, sed maximè etiam Internus. Juvat quoque in *Instrumentis* musicis profunditas, quod in ea melius inter se Soni admisceantur, & pars una agitata, ceteras facilius reddat suæ motionis participes.

Sic Accipitrum *tintinnabula*, patentibus ad latera foraminibus, tinnitum majorem edunt, quam globulus in *Æs* sub dio impactus: quoniam sonus tintinnabuli parietibus constrictus, integer, fortiorque ad exitus appellit. Ob eandem causam, *Musica* intra aëdes, tempore gelido, gravior evadit, quoniam tum fides, aut lignum in instrumentis, magis crispantur, & *cava* ac porosa efficiuntur. Ex opposito in Cubiculis, quæ *perisotomatiis* ornantur, Sonus minus distinctus percipitur, quam in iis, quæ ligno vestiuntur, ex eo quod Sonus è duro ac terfo corpore magis resiliat, quam ex molli, ex quo non nisi modicum ejus remittitur.

Surdus, aut quicumque alius, cui obstructæ sunt Aures, potest *Barbiti*, aut alterius *Instrumenti* Sonum percipere, modò illius jugum intra dentes habeat, & illud tenaci morfu completur.

Nonnulli imaginati sunt, ab ore ad Aures quosdam Meatus porrigi, qui Sonum ad eam deferant, eisque eandem Affectionem imprimant, quæ per Auditus organi infundibula transmittitur. Sed illud falsum esse, ex eo ostendi potest, quod Ore aperto, idem Effectus non sequatur; quod tamen fieri deberet, si talia essent ab ore ad Aures Soni vehicula. Deinde quidni *frontis*, aut *nasi* contactu, Sonus percipiat, quum ab illis partibus, Meatus ad *Aures* perveniant, & par sit inter illas communicatio?

Dicendum est igitur, *Barbiti Sonum*, posse ab eis, qui pressis dentibus illud contingunt, percipi, in quantum Chordarum

L 2

Vibrati-

IV.

Cur instrumenta  
musica passim  
excavantur.

V.

Instrumentum  
aut locus ad  
soni varietatem  
conferunt.

VI.

Quomodo Sur-  
dus barbiti So-  
num percipit,  
cum illius ju-  
gum dentibus  
premit.

Vibrationes, ex *Barbita* traductæ in dentes, ab eis in *Membranulam*, quæ cavorum dentium radices tegit, transferuntur; mox Aeris inclusi ministerio, *Tympanum* concutientes, demum subjectam *trium ossiculorum Catenulam* quatiant. Quia præcise Corpus sonare dicitur, dum percussum, tremulo motu, plurimas Vibrationes conficit, & Aeris vehiculo, per intercepta Corpora transfunditur. Est enim inter nervos consensus, qui in interioribus oris partibus sparguntur, cum iis, qui Aurium Musculos interfecant. Quod ex eo maxime dignoscitur, quoddã asper, & tetricus sonus hebetes dentes, & eos malè efficiat.

## VII.

*Duorum chordarum unisonarum, una pulsata, alia quoque contramiscet.*

Si duæ *Tessutines*, aut *Cythara*, ad certam distantiam collocentur; quarum duæ chordæ ita tendantur, ut unisonæ fiant: una plectro vehementius percussâ, altera quoque contramiscet, tantoque impetu movetur, ut *paleam*, & quodcumque leve aliud corpus agitet, & excutiat.

Ratio est, quoddã chorda certo excursuum recursuumque numero flagellata, Aerem agitat, qui si in Chordam; pari ratione tentam incurrat, simili modo eam impellit.

Præsertim si secundum *Octavam*, aut *Quintam*, ut appellant, consonæ fuerint: earum enim excursus ac recursus tunc temporis minus sunt perturbati, sed certis crebrisque intervallis conveniunt. Quippe in *Octava* singuli chordæ laxioris vel longioris, cum *secundo, quarto, sexto*, &c. chordæ tensoris aut brevioris conveniunt. In *Quinta* cum *tertio, sexto, nono*, & ita de cæteris.

Unde prædictus tremor nunquam contingit, ubi duæ *Chordæ* diffimiter tenduntur. Consonantiæ autem, non se mutuo tantum, sed aliæ, alias, ob motuum similitudinem excitant; & ita sibi ipsis auxiliantur, ut easdem Affectiones subeant. Ut in omni musico Instrumento licet experiri.

## VIII.

*An detur pulvis Albus, quo tormenta sine strepitu exploduntur.*

Inter sermones, qui apud vulgum sparguntur, communis est, dari pulverem quendam *album*, quo, sine ullo strepitu, Tormenta exploduntur.

Id quamvis magna cum securitate Nonnulli jactitent, scilicet tamen esse constat, & inter Hominum commenta annumerandum. Fieri enim nequit, ut compressus *Aer*, in apertum sine strepitu expellatur: Quicquid enim ejus est virtutis, ut globulum ea celeritatè, qua flamma è pulvere exiliens, expellat, necessum.



necessum est, ut Aerem pari virtute feriat, & similem strepitum edat.

Inter Animantia, soli *Homines*, & *Aves*, Sonos *musicos* edere valent; Cætera enim vocem semper æqualem emittunt.

Hæc diversitatis ratio, à *gutturis*, & *Asperæ Arteriæ* structura petenda est, cujus *Annuli* extendi, & contrahi possunt. Duplex enim in *Larynge*, ut animadvertit præclarus Anatomicus *Thomas Willis*, in *Anatome Cerebri*, nervus recurrens est, qui quatenus circa Arteriam reflexus, *Trachææ* annulos, per quasdam ejus propagines deorsum movet; Et quatenus in nervum à plexu *gangliosiformi* demissum terminatur, *Trachææ* plicas, per alias ejus propagines superius ducit. Hinc dum *Laryngis* annuli per recurrentem nervum adducuntur, & deorsum moventur, Vox gravior efficitur; acutior autem evadit, si iidem *Annuli*, à furculis, quos *sexti paris* vocat, in laryngem delapsi, sursum attollitur: quoniam tunc larynx angustior reddita, Sonum per illam transmissum quodammodo frangit.

Si barbitum juxta fumantem *Candelam* pulsetur, idem fidium motus, in ipso fumo producet.

Vulgaris hujus experimenti ratio est, quod tremulæ chordarum vibrationes fluctuantem Aerem commoveant, quarum iterato appulsu, Flamma ipsa, utpote facile mobilis, concitatur, & ad fidium numeros se accommodat. Hinc si intra tenebrosus cubiculum, Solis radius per foramen excipiat, & prope ipsum Radii ductum, musicum instrumentum percutiatur, videre licebit Atomos in radio volitantes, tripudiare, & ad numeros quodammodo saltare. Idem in *Aqua* deprehendetur, si politam superficiem habuerit: quia fidium symphoniam commota crispabitur, & impetui cedit. Idem in duobus scyphis vitreis cernitur, si *Aqua* ad unius vel alterius digiti altitudinem, imposita, ad unisonum reducantur, (quod Aurium judicio, per circumactum in orbem digitorum facile dignoscitur) quia tunc aptata unius Vitri margini inflexa *acicula*, ad numeros exiliet, prout alterius vitri margines, digito admoto prementur.

Toni minus ad Somnum conciliandum conducunt, quam alii soni, cujusmodi sunt *Bombus Apum*, *Ventus*, *Aqua* strepitus, & grata legentis vox.

IX.

Cur soli Homines & Aves, Sonos musicos edere possunt.

X.

Fumus ad motum fidium, concitatur.

XI.

Toni minus idonei sunt ad somnum conciliandum.

Quia

andum, quam  
Soni.

Quia cum Sonus à Corpore sonoro, ad Anris *Tympanum* diffundatur, à Tympano autem, ad nervum *Acausticum*, ab hoc, ad *Cerebrum*, nervorum centrum, & ab eo demùm ad Arterias, venas, intestina; non potest non Sanguis, vel spiritus moveri: cumque Toni pari tenore ferantur, nec aures praelabantur, magis aliis Sensum perstringunt, attentionemque excitant, quo fit, ut somno inducendo, minus idonei sint.

## XII.

Musica mores  
corrumpit.

Multorum annorum experientia comprobatum est, molliori cantu, variisque musicæ modulis, mores corrumpi: *Buccinâ* verò, *Tympanis*, ac *Tuba* clangore excitari animos, & Homines bellico spiritu impleri.

Quia cum Hominum Affectus, aliud non sint, quam Sensationes, à spirituum motu productæ, sit ut Sonus à Cerebro ad vasa illa derivatus, in quibus Affectus generantur, affectus varios producat. Cum autem mores Affectus sequantur, mirum non est, si Soni plurimum ad corrumpendos, aut reformandos animos conferant. Unde *Plato* in civitate rectè legibus instituta, judicavit molliores illos canendi modos extirpandos esse. Imò *Lacedæmonis*, non levi poena molliores cantus multabant, sanxeruntque, ne plures chordæ quàm *septem* in lyra adhiberentur.

## XIII.

Cur Aure obtu-  
rata, murmur  
auditur.

Digito Auri imposito, adeò ut obstruatur, murmur subito in Aure auditur, obtusi bombi instar.

Quia apud medicos in confesso est, *batitum* ex Auris cochlea continuò erumpere: cui admotus digitus viam obstruens, impediensque, ne sucto ritu egrediatur, tum Aer in Aure conclusus, tum halitus exitum tentans, partium suarum Agitatione, tympanum pellunt, tenduntque: quo ex motu, affectio quædam, instar gravissimi bombi percipitur. Imò Aures interdum, etsi digitus non apponatur, personant, à tinnitu scilicet Aurium ex statu tenuissimi halitus procreato, ex arteriola, vel venula prodeuntis, quo impetitam Tympanum, eo modo afficitur, quo afficeretur à tintinnabuli sono.

## XIV.

Sonus facilius  
per trabem, quam  
per aerem trans-  
mittitur.

Sonus facilius secundum *trabis* percussæ longitudinem diffunditur, quam per *aerem* solum. Nam moto *Trabis* extremo, liquet eodem instanti, motum ad alterum deferri.

Id contingit quòd major sit *trabis* continuitas, quam partium aeris. Quippe si unum *trabis* extremum, exempli causa, A agites, patet eodem temporis momento, motum iri alterum extremum

num B: verum, si Aerem in loco C impellas, oportet ut Aer ad minimum usque ad D progrediatur, antequam maneat E, eo quod ejus partes, haud aliter quam spongia cedunt; Tempus autem impendit transeundo à C usque ad D, atque interea virtutis suae partem deperdit: unde fit, ut Sonus, qui nihil aliud est, quam motus aeris, citius & fortius audiat in puncto D, quam in puncto E.



Vox à Concionatore, in *Templo*, aut ab Histrione, in *Theatro* emissâ, totum Templum, aut Theatrum complet, aliquot Hominum millibus referta.

XV.

*Quomodo vox una in omnium aures diffunditur.*

Id fit, non quod tota unius Hominis vox, ad omnium aures perveniat; Vox enim ore emissâ eliditur, & in frustula abit, sibi similia: non modo prorsus absimili, quo pressus liquor, uris foramine diffunditur, seu quo *Enthones*, Aquam ore exsufflant; quia tunc Aqua in innumeras guttas dispergitur, & spatium satis magnum replet. Loquentis quidem ore, totalis quaedam vox emittitur, sed quæ in innumeras vocolas distribuitur. Ac proinde nulli duo ex Auditoribus eandem vocem excipiunt: sed eandem dumtaxat audire dicuntur, propter similitudinem, ac veluti originem, ex eadem totali & generali voce. Ad eum modum, quo illi eundem *liquorem* haurire dicuntur, qui ex eodem fonte, aut flumine bibunt.

Soni in uno loco excitati, seu magni sint, seu parvi, æquali tempore, ad eundem locum feruntur, e quo excipiuntur.

XVI.

*Soni æqualiter diffunduntur.*

Hujus ratio est, quod cum Aer continuus sit, si percutiatur, in orbes formatur: quemadmodum Aqua tranquilla, lapide injecto in *Circulos*, ut jam antea dictum est, effingitur. Et sicut pari tenore, orbes in flumine diffusi, ad ripam pergunt, seu ab ingenti saxo, seu à lapillo fuerint excitati; ita *Sonus* ad Audientem, æquali temporis spatio pervenit, seu *tormento* bellico excitatus fuerit, seu à *bombarda*, seu alia minori machina.

Contingit interdum ut duo Soni diversi audiantur, quum unica dumtaxat *chorda* plectitur.

XVII.

*Unde oritur duplex in una chorda Sonus.*

Id à chordarum defectu provenit, quæ quum aliquantulum false

false

falsæ sint, & inæquales, duo tremorum genera, uno eodemque tempore admittunt, quorum *unus* nempe, qui graviores sonum edit, quique præcipuus est, à tota chorda pendet: *Alter* vero, qui acutiorem, ex inæqualitate partium chordæ. Cogita, exempli causa, quod si chorda A B plectatur, tum quoties illa progreditur, & regreditur ab 1 ad 6, ut sonum naturalem edat, partium ejus inæqualitas, alium in ipsa minorem tremorem efficiat; quo fit, ut progressa ab 1 usque ad 2, recurat versus 3, atque inde versus 4, atque ex 4 ad 5, & denique ad 6, quod quidem Sonum generat præcedenti acutiorem per duodecimam: consimili modo, si secundus iste tremor sit tantum prioris duplus, dabit *octavam*, si quadruplus *quintam*, & si quintuplus *decimam septimam majorem*.



XVIII.  
Cur Fulgur prius videatur, quam Tonitru ad Aures nostras perveniat.

Sonus tardius ad Aures, quam Lumen ad Oculos devehitur. Hinc *Fulgur* videmus, priusquam *Tonitru* Aures nostras feriat: Et Lignatoris *securis* Nobis longè remotis, ad ictum alterum elevata apparet, antequam prioris Sonus audiatur.

Vulgaris hujus Experimenti causa, ex parte *Aeris* sumitur, qui licet tenuibus, & à se invicem disjunctis Partibus constet, quia verò illæ ramosæ sunt, & flexiles, una earum mota, non eo ipso instanti, succedentes commoventur, sed gradatim: adeo ut, una pars agitata, aliam impellat, hæc porro sequentem, ad instar *Circulorum in Aqua*, qui non eam totam statim percurrunt, sed continua serie pergunt; donec ad ripam perveniant, aut marcescente impetu, extinguantur. *Lumen* verò, celerius ad Oculos nostros devehitur, quia in Globulis inflexilibus ac solidis fit. De ratione enim Corporum solidorum est, ut dum eorum extremitas premitur, in eodem prorsus Temporis momento, pressio in altera extremitate sentiatur. Unde Sonus, facilius per totam *Trabem* defertur, quam per ipsum *Aerem*, ut jam dictum est; quoniam trabis partes, strictius inter se ligantur, & majorem continuitatem servant, quam partes Aeris, quæ flexiles sunt, & aliis Corporibus facile cedunt.

XIX.  
Tormentorum

Nec alia assignari potest ratio, cur *Tormentorum*, aut *Campagnarum*

*narum* Soni, distinctiùs prope fluminis ripas excipiantur, quàm *strepitus meli-*  
in locis à flumine distitis; quàm quodd rigidiore, ac magis den- *us prope Aquas*  
sæ Aquæ partes, aliis Impetum suum illicò impertiant, & Mo- *audiat.*  
tu continuo, in suo cursu perseverent.

Sint duæ Chordæ ejusdem crassitudinis, & æquali pondere XX.  
tenæ; sed quarum una, alteram Longitudine excedat; quæ *Chordæ longi-*  
brevior est, Sonum acutiorem edet, longior verò, magis obtu- *tudine inequa-*  
sum, & minùs ab Aure perceptibilem. *tes diversum*  
*Sonum edunt.*

Hujus Soni differentia, ex crebrioribus, vel rarioribus Chor-  
darum Vibrationibus pendet. Cùm enim Chorda brevior,  
plures excursus & recursus faciat, Aeremque frequentiori ictu  
flagellet, acutiùs sonat, & citiùs ad Aures Sonum transmittit.  
Quia Gravis, & Acuti Soni discrimen, non à velociore, aut  
tardiore motu, ut *Aristoteles* existimavit, oritur; sed ex Vi-  
brationum varietate, quæ si frequentes sunt, & iteratis ictibus  
Aerem verberant, *Acutus* Sonus efficitur. Si verò Chorda,  
rariores itus ac reditus efficiat, non nisi *gravem* Sonum pa-  
riet.

Pari ratione explicatur, quomodo chordarum ejusdem *ten-*  
sionis, sed longitudinis diversæ, minor citius reducatur. Quia  
licet motu æquali, ratione scilicet spatii & temporis, utraque  
*chorda* decurrat, quia tamen minor, motu contractionis, mi-  
nus spatium decurrit, quam longior, & minus spatium æquali  
motu citius decurritur, quam majus, non potest non minor chor-  
darum, citius reduci.

Unde liquet, si Chordæ digitum apponas, statim postquam XXI.  
illam pulsaveris, antequam sæpius recurrere potuerit, strepi- *Quare Sonus*  
tum quidem excipies, sed an *Gravis*, *Acutus*ve sit, discernere *chordæ, digito*  
non poteris: quia manus, Vibrationes impedit, obstatque, ne *apposito, cessat.*  
Chorda Aerem premendo dilatet, & successiva flagellatione  
expellat. Hinc lentus status, qui in *Tibiam* immittitur, nullum  
Sonum procreat; nec similiter is, qui ex *Pulmonibus*, ad os Ani-  
malis defertur, aliquod murmur edit; quoniam intra *Tibia*  
*latera*, uti nec per Arteriam, ipsūque os Animalis, nullus  
pulsus repulsusque Aeris fiunt, qui Sonum gignant, & prout  
repetuntur, illum *Gravem*, aut *Acutum* reddunt.

Echo multoties Voces regerit, & eundem Sonum distinctis XXII.  
intervallis multiplicat. Ut de quadam *Claudianus vi. Honor.* *Qui fit ut Echo*  
meminit, quæ septies Vocem unam reddebat. *pluries voces*  
*repetat.*

M

Plebia

*Plebis adorata reboat frager, unaque totis  
Intonat Angustum septenis vocibus Echo.*

*Gassendus* expertum se testatur in *Charentonii* facello, quod Parisiis, tribus aut quatuor miliaribus distat, unam syllabam in alterutro ejus extremo *decies septies*, quasi ex altero esse redditam; è medio verò prolatam, toties ex utroque esse repetitam.

Hujus Naturæ *Miraculi* Causa est, quòd Sonus ab obice interposito reflectitur, & ultrò citròque agitur. Nam sicut innumeri Radii ex objecto visibili, non modò ad Oculum, sed huc & illuc transferuntur; ita præter Vocem, ad Aurem delatam, innumeri alii Soni, in Aere disperguntur, qui in dura & concava incidunt, & ad Aurem repercutiuntur; quo fit, ut eadem Vox iteratò, ac reflexè audiatur. Quia Sonus non uno momento, uti Lumen, provehitur, sicut dictum est, sed Temporis successu, ad sui propagationem indiget. Et ideo, Sono priore, in proximo Aere extincto, alius in Aere remotè gignitur, qui à solidis, & utcumque lævigatis Corporibus repercussus, Aerem Auribus vicinum pluries diverberat. Multoties igitur Vox in *Charentonii* facello redditur, quoniam loca ita sunt tali ordine disposita, ut propiora prius, & remotiora posterius Vocem referant. Juvat quoque, si loca, sive Corpora, quæ Vocem remittunt, sibi mutuo opponantur, & vicissim reflectant, quod in *Charentonii* facello fiebat, priusquam illic *Carmelitarum* *Cænobium* extrueretur. Quia tunc gemina erat Columnarum series, inter quas emissæ Vox, ultro citroque versabatur, *Pile* ad instar, quæ in unum parietem impulsâ, ad alium continuo reflectitur.

## XXIII.

*Cur Echo non  
nisi in una parte  
auditur.*

Echo quamvis Sonus sit, qui circulariter undique extenditur, non nisi tamen in una parte *circuli* auditur. Quia non nisi ex reflexione partis illius circularum, quæ quàm longissimè porrigitur, ac proinde tantum versus partem illam, versus quam reflectitur, excipi potest. Uti ex lapide in aqua injecto observamus circulos, qui ibi formantur, longius versus illam partem extendi, in quam lapis projectus est, quàm in contrariam.

## XXIV.

*Sonus denso corpore  
impeditur.*

Si quis ad fenestram denso satis *vitro* obductam, sermonem habeat,

habeat, vix ejus verba excipi poterunt: non verò si ad fenestram *charta* munitam loquatur.

Ratio est, quod Sonus Aeris motu peragitur, cumque nihil, aut parum Aeris per *Vitri* meatus subeat, cieri auditus non potest. Quippe supponitur interjacens vitrum, adeo firmum esse, ut à Sono concuti non possit: vel nullæ sint rimulæ, quibus Aer gliscat. Auditur autem is, qui per fenestram *charta* obductam loquitur, quia per Chartæ poros facile Aer ingreditur, & ejus ope, Sonus propagatur: præsertim si tensa sit Charta, quia ea ratione facilius tremit, porosque habet magis laxos, & explicatos.

Refert Nobilissimus *Digbeus*, in suo de Natura Corporum *tractatu*, se in Cubiculo superiori latæ ac rotundæ (sed *ellipticam* potius fuisse crediderim) Turris parietes spectasse, eo artificio extructos, ut duo Viri, ad opposita diametri puncta stantes, facile ac distinctè secum colloqui possent, aliis interim, qui in medio collocabantur, ne syllabam quidem excipientibus.

XXV.  
Quomodo Sonus submissus à distante potius, quam à propinquiori audiri possit.

Id contingit ob Sonorum, qui per totam Cameram disperguntur, coitionem: nam cum totus cubiculi Aer, voce emissa, concutitur, ejus Motus per amplum spatium diffusi, in elliptico pariete resiliunt, & ita per reflectionem, in extrema Cubiculi parte uniuntur; & qui tali loco Aures admoverit, ea est auditorus, quæ in altera parte, submissa etiam voce, fuerunt prolata.

Pari ratione explicari potest, quomodo ope *tubi*, ad modum *coni* contracti, Sonus augeatur, & major procul, quam propè audiatur: quia cum Sonus in ea proportionè augeatur, in qua Tubus contrahitur, necessum est, ut fortior, tubum pertransendo, evadat. Sic qui obtuso sunt auditu, cornu, cujus os unum, alterum amplitudine excedit, *Auri* adhibent, ut Loquentium verba excipiant. Imo si quis princeps, ea noscendi cupidine tangeretur, quæ in hortensi *exedra*, ab iis qui illic umbras captant, proferuntur, id facile exequetur, si ab eo loco Tubos, ad intimum conclave deducat, quorum angustiora ostia, ad illam pertinent.

XXVI.  
Ut Sonus ope tubi augeatur.

Ubi juniorum Apum examen avolat, & priore relicto, alveo excedit, pulsatis *laminis*, *sartaginibus*, *senariis falcibus* listuntur.

XXVII.  
Ut Apes dum volant, strepitu revocantur.

Quidam imaginantur, strepente hoc sonitu Apes delectari, &

& eo allecte, in pensilem uvam, confertumque glomum se colligere: sed id verisimile non videtur, cum si in Aere altius ferantur Apes, quantumcumque illa instrumenta pulsentur, non propterea retinentur, aut descendunt, sed inceptum iter persequuntur. Quare causa alia adinvenienda est, & hæc videtur esse, quod Soni strepitu, plurimum Aer concutitur, everbereturque, cujus motus Apes impatientes, conglomerare se coguntur. Habent enim Apes alas tenuissimas, non plumas, ut *Aves*, sed ex pellicula tenuissima compactas, quibus prædictam Acris Agitationem diu sustinere nequeunt. Quod forte etiam ratio est quòd vento flante, vel nocte intempesta nunquam egrediantur, sed sudo tantum tempore, & cum omnis procella abest.

## ARTICULUS OCTAVUS.

## De Lumine.

I.  
Lumen trans-  
missum per du-  
orum parietum  
foramina, non  
ab eis cernitur,  
qui in Cubiculo  
sunt.

IN uno Cubiculi pariete, foramen excavetur, ea magnitudine, ut *Facis*, aut *Candela* flammam excipere queat; & in illius foraminis regione, aliud paulò latius opponatur; Dein Nocte intempesta, *Candela*, aut *Facis* flamma minori foramini exterius adhibeatur; ita ut radii, per illud trajecti, ab opposito foramine excipiantur, atque illud pertranscant; totum Cubiculum eo modo obscurum apparebit, ac si nullus in eo fieret radiorum transcursus. *Gassendus.*

Hujus Experimenti ea est ratio, quòd nulli ex Radiis, qui Cubiculum pervadunt, ad oculos pertingant, neque illos percellant; quod necessum est fieri, ut Visio habeatur. Unde qui Nocte serena, oculos in altum dirigunt, & suprema speculantur, supra *Horizontem* omnia æquè Tenebris offusa esse aspiciunt, cum tamen, immensa illa Spatia, Terrenæ umbræ cono excepto, splendent, & à radiis solaribus, non minùs trajiciantur, quàm dum Meridies est, & Lumen suum Sol ad Nos diffundit. Quoniam *Radii*, qui per ingentia illa interval- la sparguntur, ad Nos non perveniunt, & nullum in Visus nostri organo Affectum operantur.

Quo.



Quo experimento, ostenditur *lumen* sic ab Oculo pendere, ut si nullus foret oculus, vel nullus esset apertus, nulla *lux* esset, & nullus splendor, qualem dum oculos in cœlum tollimus, præclaramque hanc rerum speciem, vel in ipso meridie deprehendimus.

II.  
*Sine oculo lux non datur.*

Scintilla ignea, aut *Nitedula* per longum spatium, Lumen suum diffundit. *Scintilla* enim *quingentia* procul *passibus* de nocte, absque perspicillis aspici potest: si verò illa adhibeantur, *quinguentia*, imò pluribus forsitan leucis poterit deprehendi.

III.  
*Ignis scintilla ope perspicillorum ad 50 leucas potest videri.*

Nonnullis mirum videtur, tam exiguum *Lucidum Corpus*, tanta Vi pollere, ut interjectam *Materiam* in *recta linea* impellere queat. Sed id mirari desinent, si supponant *Materiam Subtilem*, quæ per *Corporum* diaphanorum meatus diffunditur, esse instar fluidissimi liquoris, cujus pars una premi nequit, quin cæteræ sequentes pulsantur. Exemplo sit *tubus* duplicatus A B C, utrinque *Aqua* plenus, & qui ad quatumcumque velis spatium porrigatur, si dum *Aqua* tranquilla est, & omni Motu destituitur, alia *Aquæ gutta*, in una extremorum, puta A infundatur, nemo concedere abnuet, hujus *Aquæ gravitatem* ad totam *Aquam*, versus aliud extremum *Celevandum* sufficere, ac proinde ad totum hunc liquorem in tubo A B C inclusum movendum.


Similiter Quis non fatebitur, *Scintillam igneam*, posse *Cœlestem Materiam* in *Aeris* meatibus, per ingens etiam spatium diffusam agitare? Cum *Ignis actio* multo *Gravitatis vim* superet, atque etiam *Subtilis Materia*, quæ in *Aeris*, imo etiam *Aquæ* poris recluditur, utroque illorum sit fluidior. Clarè igitur intelligitur, *Candele flammam*, aut *Nitedula Lumen*, debere *Materiam Subtilem*, in globo *quinguentia* leucarum semidiametri comprehensam movere, quoniam vi *Motus* sui, circumambientem *Materiam* pellit, eodem prorsus modo, quo *lapis in funda* rotatus, istius fundæ medium premit, atque vi *circularis* sui *Motus*, funiculum secundum *lineam rectam* extendit. Quippe *Materia Subtilis*, quæ:



quæundique *Nitidulam*, aut *Candelam* involvit, in gyrum etiam vertitur, & ab eo loco recedere contendit.

IV.  
Ut radii lu-  
minis non se  
impediunt.

Non parva tamen ex data luminis explicatione, oritur difficultas, quæ sit, ut scintilla, quæ per lineam rectam, subtilem Materiam in Aeris poris contentam expellit, videri possit, si è diametro, alia similis virtutis opponatur. Nam globulum aliquem Aeris *A B C D* supponamus, cujus centrum sit *E*, supponamus autem in *A* & *B* lucida duo Corpora æqualis virtutis, sequitur, quòd vel lucida illa Corpora ex locis *C* & *D* è diametro oppositis non cernentur, quòd experientia adversatur; vel quòd subtilis materia in centro *E* posita, in pluribus simul locis erit, quòd Corporum naturæ



repugnat. Quod ita probatur: *A* non potest cerni ex *C*, quia materia subtilis centralis *E* impellatur versus *C* secundum lineam rectam: Eademque ratione *B* videri nequit ex *D*, quin eadem materia *E* impellatur versus *D*. Et sic de infinitis Corporibus lucidis in globi istius superficie positis.

Difficultas hæc tantum oritur, ex eo quòd difficulter apprehendamus liquidorum Corporum partes, varias eodem tempore actiones recipere posse, quoniam observare assuecimus, Corpus *durum* non posse eodem tempore versus partes diversas moveri. Cum tamen in *liquidis* ita fieri certissimum sit. Neque id experiri difficile erit in duobus aut tribus tobis, exempli causa, *A C*, *B D*, *F G*, quorum æqualem esse diametrum suppono, quique ita sint decussatim positi, ut spatium in medio *E*, tribus illis commune sit, nec tamen majus, quàm si illorum tantum uni inserviret. Nam supponatur quòd tres homines, tria illorum extrema *A B F*, insint, Aer, qui in medio isto *E* occurret, impelletur eodem tempore versus *C*, versus *D*, & versus *G*. Non quòd idcirco necesse sit, aut etiam possibile, ut partium ejus qualibet moveatur eodem tempore, versus tres hæc partes: sed sufficit ut illarum quædam moveantur versus *C*, aliæ versus *D*, aliæ autem versus *F*, & quidem ter celerius moveantur, quàm illæ, quæ alias tuborum horum partes implent; quòd utique credibile est, cum ter validius impellantur.

impellantur. Jam verò hoc ad materiam subtilem applicando, facile intelligitur, qua ratione, illa diversas diversorum Corporum lucidorum actiones, versus diversas partes eodem tempore transmittat.

Si quis Noctu, dum omnis splendor abest, manu facem ardentem teneat, & illam agitando, in Speculum, quarta milliaris parte distans, oculos conjiciat, non prius Motum in manu sentiet, quam eundem in speculo est deprehensus.

Hujus Experimenti ratio est; quòd lumen, non tam Motus sit, quàm ad Motum præparatio. Nam licet Motus in instanti fieri nequeat, & Corpus ab uno loco in alium, absque tempore transire; non implicat tamen, quominus Luminis actio, minimo momento, ad quamcumque distantiam extendatur. Nam aliud est, Motum in momento peragi, & aliud; eum in momento transmitti. Lumen ad modum actionis baculi transmittitur, cujus partium quælibet, in alterutro Baculi extremo sentiri potest, eodem Tempore exactè, quo in altero produci-  
tur. Ac proinde nihil obest, quominus fax vibrata, eodem profus instanti, in Speculo disito cernatur, quo ejus Motus in Manu sentitur; quoniam Luminis propagatio momentanea est, & ad sui trajectionem, Tempore non indiget.

Est quoddam Lapidis genus, *Litheosphoros* vocatus, passim in Agro *Bononiensi* crescens, qui si leniter calcinatus, Soli exponatur, Lumen ita concipit, ut in obscuro Conclavi positus, non nihil Luminis servare deprehendatur, *Carbonis* instar accensi, modico Cinere aspersi, cujus Lumen paulatim languescit, & demum penitus extinguatur.

Non putandum est, cùm quibusdam, Solis Lumen in *Bononiensi* illo lapide conservari: cùm hujusmodi Lumen, eo absente, omnino pereat, & ita ab eo pendeat, ut nequidem momento, extra ejus præsentiam, subsistere possit. Dico igitur, novum lumen, à radiis solaribus in eo accendi, quod postea in loco caliginoso, sit conspicuum. Cùm enim Solaris Calor, in puris radiis diffundatur, *Litheosporum* faciliè penetrat, & amota prius, per calcinationem, crassiori Humoris portione, quem in intimis ejus Cavitatibus excitat, qui ramosis ac tenuibus Partibus implexus, non nisi successivè elabitur. Unde fit, ut Lumen paulatim decreascit, & non nisi post completam partium divisionem extinguatur. In obscuro duntaxat Conclavi, lumen illud

V.

Dum quis facem noctu agit, eodem instanti, eam in objecto speculo distanti deprehendit.

VI.

Quomodo Bononiensis Lapis, Lumen in tenebris retinet.

illud aspicere potest, quoniam debilissima est, & à fortiori facile impeditur, ne amplius retinam perstringat. Ut patet in *ligno putrido, cicindela*, & similibus noctilucis, quæ interdiu nullum *Lumen* emittunt.

## VII.

*Ars calcinandi lapidem Bononiensem, perijt.*

Quamvis nonnulli *Lithæosphorum* Calcinandi modum, se nosse præsumant, vereor tamen, ne ars illa nunc penitus extincta sit, quum multis jam abhinc annis, penes unum duntaxat, eumque *Sacerdotem* latuerit, quo etiam nuper defuncto, magna subest suspicandi ratio, ne hoc phænomenon non nisi in scriptis, in posterum inveniatur, cum id arcanum, alteri fuisse impertitum non referatur.

## VIII.

*Capite percusso, plurimæ ignis scintilla oriuntur.*

Si caput percutiatur, aut oculo ictus infligatur, plurimas luminis scintillas exhibere videtur.

Quia ea percussione, Humores maximè commoventur, præsertim Sanguis Arteriosus, cujus maxima vis in nervum opticum appulsa, illum vehementer agitat, & afficit. Aliud enim non est sensus *Visus*, quam localis motus, quo exigua *Retina* filamenta feriuntur.

## IX.

*Cur post Solem aspectum, clausis oculis, lumen intueri videtur.*

Affectio, Luminis appulsu, Oculo impressa, aliquandiu durat. Nam oculis post Solem conspectum, paulo post, clausis, varios colores intueri videmur.

Hoc aliundè non provenit, quam quod nervi optici capillamenta, insolito motu concussa & agitata remaneant. Sed cum commotio, qua adhuc post clausos oculos palpitant, & quasi contremiscunt, non satis valida sit, ad reddendum tam illustre *Lumen*, quàm illud fuit, à quo venit, *Colores* minus intensos, & veluti dilutos repræsentat. Hinc propter eandem rationem, nonnulli luce una extincta, post aliquod tempus, aliquod lucis vident.

## X.

*Lumen Candelæ noctu majus apparet, quàm interdiu.*

Candelæ accensæ *Lumen*, majus tempore nocturno apparet, quàm diurno; si Oculus ab ea per aliquod spatium distet, & non nisi eminus conspiciatur.

Hic Error, ex duabus Causis potest oriri. Primum, ex parte *Videntis*, qui cum ejus distantiam non accuratè dignoscat, illam non minùs quàm *Stellam* abesse imaginatur. Accedit quoque, quòd quum Candelæ imago, quæ in Oculi fundo effingitur, *Stella* imaginem multo excedat, occasionem præbeat, illam majorem esse, quàm revera est, existimandi. Altera Causa est, ex parte *ipsius rei*, quæ cernitur; quippe in *Candelæ* noctu

noctu eminus lucente, non Lumen solummodò, quod è Candelà, rectà ad oculum provenit, conspicitur: sed & illud quoque, quod ex Aere crasso, & opacis, quæ illam circumstant, Corporibus, proficiscitur, nam illa receptum in se Lumen, ad oculum remittunt; quod cùm ipsi Candelæ adscribatur, necessum est, eam longe majorem apparere.

Passim creditur quædam esse *Animalia*, quæ Lucem in oculis habeant, eamque de nocte, dum cuncta Tenebris obfuscantur, in oculos eorum reflecti, ut de *Felibus*, *Nocturnis*, *Canibus*, aut aliis passim jactatur, quæ prædam suam noctu venantur, obstacula declinant, & abstrusa quæque rimantur.

Verùm, facile crediderim, eos qui illud asserunt, rem non satis examinasse, imò dicere audeo, illa quæ vocant Experimenta, experimento adversari. Nam si ab Oculo lumen aliquod procederet, posset illud ab alio aliquo deprehendi, aut in lente vitrea colligi, aut speculo; quod nulla adhuc experientia probari potuit. Quare statuendum est, *Animalia* illa, tantummodò per eam Actionem videre, quæ ab objectis advenit. Noctu enim semper aliquid Luminis existit; unde *Nix* Lumen aliquod noctu emittit; quia illa melius quàm cætera alia minus candida Corpora, acceptos radios reflectit. *Noctue* igitur, *Feles* & alia *Animalia*, res objectas noctu deprehendunt, non quia ex oculis Lumen emittunt, quodque in eorum oculos deinde remittatur; sed quoniam eis *Retina* præparatior inest, magisque recipiendis radiis idonea, ut à debili etiam lumine, quod ab objectis resilit, affici possit. Quippe constat pupillam in *Felium* oculis, in *Solis* splendore ita coarctari, ut vix instar fili nigrescat. In umbra verò adeò ampliatur, ut noctu veluti globulus pene ipsius oculi capacitati æqualis cernatur.

Luminis radii *Vitrum* facilius pertranseunt, quàm *Aquam*, & *Aquam* facilius, quàm *Aerem*.

Ratio est, quod Subtilis Materiæ actio, in qua luminis rationem consistere, non semel diximus, magis ab Aeris partibus, utpote mollibus, & male nexis impeditur, quàm ab illis Aquæ, quæ firmitus resistunt & obnituntur. Quanto enim firmiores & solidiores Corporis alicujus pellucidi partes sunt, modo exiguæ sint, luminis transitum facilius permittunt; hinc *Vitrum* aut *CrySTALLUS*, ob partium suarum firmitatem, luminis radios facilius admittunt.

XII.

An noctu Feles  
& Noctue  
videant.

XIII.

Radii luminis  
facilius per  
vitrum tra-  
jiciuntur, quam  
per Aquam.

*Car charta oleo  
peruncta pel-  
lucida evadit.*

## *Historia Naturalis Qualitatum.*

A causa simili oritur, quod chartæ folium oleo, aut alia pinguedine perunctum, lumen facilius transmittat, quam absque liquore, quoniam liquor ille, chartæ meatus subit, qui antea sua inflexione aut curvitate, luminis transmissioni obstabant, opacamque reddebant. Transusum enim per Chartæ poros Oleum eorum figuram, aut magnitudinem, vel etiam utramque variat, ac proinde diversam partium papyri dispositionem inducit.

## ARTICULUS NONUS.

### *De Colore.*

I.  
*An verò sint  
Pavonis cauda,  
& Columbae colli  
Colores.*

**P**AVONIS cauda, Columbæ pluma, mirificè colores variat. Uti eleganter *Lucretius*,

*Namque alias fit, uti claro sit rubra pyrope,  
Interdum quodam fasces fit, uti videatur  
Inter caruleas, virides miscere smaragdos.  
Caudaque pavonis, longa cum luce repleta est,  
Consimili multis ratione obversa colores.*

Nascuntur hi colores, dum Pavonis cauda, & Columbæ col- lum, lumini obijciuntur, & receptos radios reflexione, aut refractione ad oculos remittunt. Verum est, quod nonnulli hujusmodi Colores, *Apparentes* tantum nominant, & inter illes imagines recensent, quæ Nos deludunt, & non nisi specie tenus, naturam habent. Sed rationem, qua id afferunt, non capio. Nam si admittunt Colorem, non aliud esse, quam lumen ipsum in Corporum superficiebus modificatum: quidni fateantur, Colores illos, quos *spurius* appellant, genuinam naturam obtinere? An brevior Causa duratio, *Effectus* Veritatem desinit? An Filius forte geniti nomen haud meretur, quoniam statim ab hausta luce extinctus est? Quis dicet *Herbarum virorem*, qui aliquot tantum diebus oculos delectat, minus verum esse Colorem, quam *Smaragdi*, qui diutius perseverat, & non nisi longo tempore alteratur? Nihil enim ad Colorem veritatem, longa duratio spectat, & non minus illi, qui mo-  
mento

mento evanescent, quàm qui diu oculos afficiunt, genuini *Coloris* nomen sibi vendicant.

Variantur igitur in quibusdam Corporibus *Colores* pro diverso aspectu, ob diversam *refractionem* & *reflexionem*, quæ in tenuissimis pilis plumæ sunt; quatenus luminis radios diversimodè excipiunt. Sic Imagines illæ, plumario opere depictæ, quæ ex *India* devehuntur, pro sitis varietate, tum violaceum, seu splendidum cæruleum, tum smaragdinam viriditatem exhibent: quoniam mollissimæ plumæ, ex quibus contextæ sunt, ita facies habent compositas, ut diversis modis lucem repercutiant.

Sed hæc ultra intentum, ad experimenta pergamus.

Duo specula, unum ex *albo*, aliud ex *nigro* e *Marmore* conficiatur; *Album* radiis Solaribus expositum, distinctiorem clarioremque Solis imaginem referet, quàm *nigrum*, ex quo non nisi languidi radii resiliunt, qui non satis inter se coeuntes, confusam solummodò rei objectæ similitudinem procreabunt.

Id accidit, quod Luminis actio, qua Subtilis Materię partes, à Corpore lucido versùs speculum *nigrum* impulsæ, tendunt, penè ab ipsis partibus extinguatur, & paucae ex illis partibus extrorsum regerantur. *Album* verò, actionem illam remittit, & incidentes Radios fermè omnes reflectit. Nam licet *Album* & *Nigrum* Marmor, iisdem ferè partibus consistat, & nullum in eis discrimen Sensu discernatur; certum est tamen, in *Nigro* alias insuper molliores reperiri, quæ radorum partem absorbeant, & illorum Vim effringant; ac proinde *Nigrum* Corpus, ad instar *tæpetis* se habet, qui *pila impulsæ* Motum quidem recipit, sed illam haudquaquam repercutit. *Album* verò, ad modum *parietis duri*, qui adactam pilam remittit, & absque ullo sui motu reverberat.

Hinc oritur, ut si duas lævigatas laminas, alteram *albi* marmoris, alteram *atri*, tempestate calida, Soli per aliquod temporis spatium exponas, & utramque manu apposita contrectes, experieris nigram *calidissimam* evasisse, candidam verò, maxima ex parte *frigidam*. Quod aliunde oriri non potest, quàm quod *atra* marmoris lamina, ob cavitates suas, luminis globulos liberè admittat; *Candida* autem, ob majorem partium suarum densitatem, receptum lumen reverberet, nihilque ejus, ut ità loquar, sibi retineat. Ulti in conclavibus albis quotidie experimur, quæ plus luminis reflectunt, & illud totum penè

II.

Ut fit Colorum variatio.

III.

Duo specula ex vario marmore confecta, diversimodè objectum Solem referunt.

IV.

Unde lamina alba marmoris minus calefit, quam nigra.

foras amandant. Unde cubiculo undique clauso, Solis lumen, per *foramen* exiguum admissum, splendidum apparet, si charta candida, radii excipiantur: tenue verò, & quodammodo languidum, si in Corpus atrum incidant.

## V.


*Marmor politum  
nigrius apparet,  
quàm scabrum.*

Marmor politum, magis atro colore suffunditur, quàm Asperum, & cui aliqua scabrities inest.

Ratio est, quòd in Aspero, multæ superficies eminent, quæ lucem incurrentem, omni ex parte reflectunt. Aliò enim radius, ab una parte Corporis remittitur, & aliò ab altera. Corpus verò politum, cum una duntaxat continuata superficie constet, pauciores Radios ad oculum reverberat. Deinde, cum nullum sit in natura Corpus adeò Nigrum, ut non plurimas partes contineat, quæ ab aliis sejunctæ, Corpus Album sint composituræ, ut differentia, quæ Polito & Aspero Marmori interjacet, testatur: dici potest, *lævigatum* marmor, maxime nigrescere, quòd albicantes ejus partes, Lumen receptum, versùs eandem partem reflectant, in qua, si non sit Oculus, idem sit ejus intuitu, ac si Lumen extingueretur. Sed in ea parte situs, cernit in Marmore Lumen hoc, una cum Coloribus, & figura objectorum, à quibus lumen provenit; non aliter, quàm ab alio quopiam speculo.

## VI.

*Corpus perfectè  
politum, non  
nisi ab una parte  
videri potest.*



Quòd verò politum, seu lævigatum Corpus, unum tantum radium ad idem oculi punctum reflectat, ita demonstratur: sit B F planum perfectè lævigatum, sit lux in puncto A, Oculus sit in H, sit radius reflexus D H, ita ut anguli A D B, H D F pares sint; evidens est, quod nullus alius radius productus ab A, reflectetur ad H; modò planum B F perfectè lævigatum sit. Sit enī quilibet alius radius incidentiæ, exempli causa, A C, dico angulum A C B esse majorem angulo A D B; est enim exterior triangulo A D C, igitur posito angulo reflexionis æquali scilicet A C I, nunquam radius reflexus C I perveniet in H, nec concurret unquam cum D H, sed potius magis ab eo distrahitur, quo ulterius producitur. Idem de aliis omnibus radiis directis incidentibus inter B & D censendum est. Unus igitur tantum radius reflectetur in H, scilicet D H. Dixi supra, si Corpus perfectè lævigatum sit, alioquin



alioquin secus accidet, mutata scilicet plani ratione.

Quædam Corpora, eundem semper Colorem servant, & quomodocumque Lumini obtendantur, illud semper pari modo remittunt, ut *carbo*, nunquam non niger apparet: *Nix*, mediis in tenebris, *candida* conspicitur.

Tam constantis Coloris Causa, partium dispositioni ac situi adscribenda est; quæ quamdiu eadem in Corporibus manent, ad certos angulos Lumen excipiunt, & illud ad Visus organum remittunt. *Carbones* enim extincti, *nigri* videntur, quoniam superficiem innumeris rugis, incisurisque asperam habent, quæ Luminis radios suffocant, & eorum robur frangunt. Quod non ratione tantum, sed & ipso Sensu probari potest. Si Quis enim levi manu *Carbonem* attrectet, illico Asperitatem quandam sentit, ei similem, quam in *Pumice* experimur, quam antea diximus, nulla posse arte lævigari. Caloris enim Vi, dum *lignum* comburitur, multum fumi ac halitus avolat, ac proinde Ignis, intra Ligni cavitates rarefactus, Carceres suos diffingit, & Poros dilatat; quos subeuntes Luminis radii, illic absorbentur, & ad oculum non resiliunt.

Non tamen cum Quibusdam imaginandum est, Colores formaliter Corporibus inesse, sed effectivè tantum, in quantum, per certam Particularum Insensibilium dispositionem, & Luminis reflectionem, illos in Oculo producant: Non alio prorsus modo, quàm *Acus*, quæ omni dolore destituta est, in Cutim adacta, Motu suo, figura, ac duritie dolorem procreat.

Sic Sulphurea omnia, *Rubrum* colorem referunt. Sic *Terebinthine* spiritus, cum plumbi calce digestus, Rubedinem inducit; Et spiritus *fuliginis*, liquori acido, vel Aquæ communi commixtus, in *lacteum* colorem abit. Sic si duæ laternæ statuatur, una è vitro coccinei coloris, altera cærulei compacta, lumen ex utraque emissum, & in charta alba receptum, *purpureum* colorem exhibebit.

*Vitrum*, dum integrum est, & in laminam extenditur, Pelucidum est, & si aliquem Colorem, *Atrum* magis, quàm *Candidum* refert. Ubi verò pistillo contusum est, Colorem alium induit, & Album oculo exhibet.

Ratio est, quod *Vitrum contusum*, innumeras superficies habeat, quarum singulæ, Lumen excipiunt, & veluti tot specula reflectunt. Nam cum *Vitrum* omni humore careat, & singulæ

VII.

Quædam Corpora constantem Colorem retinent, ut *Carbo*, *Nix*, &c.

VIII.

Quo Sensu Colores dicuntur inesse Corporibus.

IX.

Cur Vitrum contusum, candidum appareat.

ejus.

ejus partes (quod adhibito *microscopio* experiri licet) sphericam figuram habeant, una unam partem Luminis remittit, alia aliam, & ita porò, adèd ut totum Lumen regerant, & illud, eodem quo receperunt ordine, reverberent. Hinc *Alba Corpora*, maximè opaca sunt, quia Luminis radios, à singulis punctis reflectunt, & nullos sinunt, intra cæcas suas Cavitates recondi.

X.  
Unde Albedo in  
nive oritur.

Pari ratione, *nivis* candor explicatur, quæ cum ex *bullulis* contexta sit, lucis radios, pro bullarum, quibus componitur, copia, ad Oculum remittit. Nec obest, quod ex unaquaque *bullula*, unus dumtaxat radius, ad oculum remittatur: quia cum nullo modo sensibiles sint, non impediunt quominus continuorum radiorum copia, ad Oculum dirigatur. Hinc fit ut *nix*, quæ aliud non est, quam Aqua congelata, candidior tamen glacie appareat, quia cum *glaciei* superficies, non sit æquè crispata, ac *nivis* superficies, sit ut cum in nive devertitates ubique sint, ex quibus reflecti lumen valeat, quæ in glacie non reperiuntur, *nix* glacie candidior videatur.

XL  
*Pisces putrescentes in  
machina D.  
Boyle, nullum  
Colorem præ  
se ferunt.*

Ligna putrescentia, sicut & *Pisces* malè olentes, quique in Corruptionem vergunt, *candorem* quandam præ se ferunt, si Aeri exponantur. In machina autem D. Boyle impositi, Aere extracto, omnem Colorem amittunt.

Causa est, quòd Corporis putrescentis particule, eo modo agitantur, qui ad luminis sensum requiritur. Corruptio enim Corporis, non nisi ejus partium motu accidit, è quibus nonnullæ volant, & à cæteris sejunguntur. Quæ autem supersunt, acceptam vibrationem, interjecto *Aeri* impertientes, illum tenui luce perfundunt. Cum autem è machina pneumática D. Boyle, totus Aer extractus esse supponatur, mirum non est, si *piscis*, qui antè radiabat, nullam amplius lucem prodatur. Aer enim virtute sua elastica, luminis agitationi auxiliatur, & ubi vehementior est ejus motus, lux quoque vigore excrefcit.

XII.  
Cur inferior pars  
Sanguinis, in  
disco nigrior  
appareat.

Sic putat *Fracassi*, eam Sanguinis partem, ubi in disco frigidus evadit, nigriorem in imo, quàm in superficie videri, non quia uti vulgus existimat, melancholici humoris portio est; sed quoniam infima Sanguinis portio, non uti superior Aeri exponitur; quod si fiat, non minus *rubidus* ac *floridus*, quàm qui in superficie est, evadit.

Referunt

Referunt viri præclari, & fide dignissimi, quendam *cæcum* organistam, qui prope *Ulerajetum* ad Mosam, vitam traducit, adeo *Tactum* valere, ut diversos Colores, sola manus contrectatione discernat.

Hujus rationem adferre, haud admodum difficile erit, si animadvertatur partium *interruptionem* in Corporibus, plurimum ad Colorum productionem conferre: cum manifestum sit, plerisque colores ex Corporis Asperitate, partium figura, ordine, situ, motu proficisci. Ut in *rubro marmore* patet, cujus polita pars, quam maximè in Colore, à rudi discrepat. Et partes flavæ in *panno serico*, à cæruleis plurimum distingui per microscopium deprehenduntur. Cumque igitur in objectis Coloratis ea sit partium diversitas, quæ radorum tum Reflexionem, tum Refractionem admittunt: fieri potest, ut vir ille, oculis orbatus, ita Tactu polleat, ut objecta *colorata*, ex partium asperitate distinguat.

XIII.  
De quodam,  
qui manu colo-  
res distinguit.

Corpora mixta diversum à priori Colorem adipiscuntur: sic *Anisi* oleum, oleo *Vitrioli* affusum, subito rubrum colorem induit: Spiritus *Terebinthina* cum Saturni saccharo, seu calce plumbi commixtus, rubri Coloris tincturam procreat. Flava bilis, secundum medicos, ex sulphure & sale adustis progignitur, &c.

XIV.  
Corporum mix-  
tio novum colo-  
rem inducit.

Oritur hæc diversitas, ex interna partium Corporis dispositione. Certum enim est, ex partium minimarum unius Corporis alteratione, varium oriri debere colorem. Ut in herbis ad oculum cernitur, quæ in mortario pistillo tunduntur. Partium enim temperatio, seu ordo, est veluti primum Colorum rudimentum; cui lumen superveniens, & ex illis particulis diversimodè reflexum, vel refractum, ultimam addit Coloris perfectionem.

Infusio *gallarum* limpida, solutioni *Vitrioli* permixta, fit *Atramentum* nigrum: hanc si spiritum vitrioli, aut Aquam stagnam adjicias, liquor nigricans instar Aquæ fontanæ, fit denuo pellucidus. Hunc oleum Tartari rursus in *Atramentum* reducit. *Fuillis de Ferment.*

XV.  
Ut ex pelluci-  
dis corporibus  
nigricans  
oriatur.

Cum duo pellucidi liquores simul commisti. Atramentum conficiunt, idè est, quoniam particule in utrisque contentæ, invicem approximantur, & veluti clavis ordinibus collocatæ, radorum lucis transitum inhibent. Cùm ab alio liquore in-

fuso,

fuso, *Arramentum* hoc denuo clarescit, ideò est, quoniam infusi nova corpuscula particulas priores contiguas, ab invicem dispartiant, ac in ordinem clauorum aperturas adiungunt.

XVI. Omne pene *pulveris* genus, candidum est, si siccum fuerit, *Cur pulvis passim Albus sit.* & valde tritum.

Quoniam omnia illa corpuscula, in quæ resolutus pulvis est, *sphærica* sunt, & veluti tot globuli, qui acceptos luminis radios, in idem punctum remittunt. Et si contingat pulveris grana in *mucronem*, vel angulum desinere: non Albedinem, sed colorem alium exhibent. Nam sæpenumerò animadverti insigni microscopio adjutus, Arenæ Candidæ granula, globosa esse, vel conoidica, hoc est, cum superficie curva lævigata: granula verò Arenæ, altero colore imbutæ, aspera esse, & multis Angulis intercepta.

XVII. Caro *vitulina*, sicut & gallinæ, si coquatur, albescit, & rubedinem quam cruda habet, exuit. *Unde Caro vitulina post collisionem albescit.*

Ratio est, quod intromisso in Carnem Calore, humor educitur. Humor enim in Corporum meatibus inclusus, Albedinis est impedimentum, ut perspicere licet in omnibus siccis, quæeducto humore candida evadunt: quia *Humor* fractionem tantam non permittit, quantam *Aer*: Tanta autem fractio ad reflexionem necessaria est. Hinc corpus recens dealbatum, obducta scilicet calce, subnigricare primum videtur, deinde temporis successu albescit; quia initio multum humoris admixtum est, qui ubi avolat, & Calx siccatur, candidum evadit.

XVIII. Colores, qui per tincturam, in pannum, aut sericum inducuntur, facile splendorem suum, si *Soli* diu exponantur, amittunt, & in alium evanidum colorem degenerant. *Pannus Soli expositus colorem mutat.*

Id duplici ex causa oritur: *prima*, quod ex tinctis Corporibus, plurimæ partium, quæ tincturam componunt, *Solis* agitatione, exhalantur. *Secunda*, quod multa corpuscula, quæ in Aere vagantur, se panno exposito intrudant, quæ ejus splendorem obtegendo, pristinum Colorem expungunt. Unde qui rei vestiarie curam habent, multum solliciti sunt, ne indumenta diu Aeri exponantur, sed in loco debito, ab Aeris injuriis immuni recondantur.

Nonnulli ad *Dentes* dealbandos, spiritu *viatrioli* utuntur, arbitantes eo spiritu, nitorem quendam Dentibus conciliari, utpote extersivo &c. Verum

Verum, id inter vulgares Errores annumerandum esse cen-  
seo: Cum constet ex spiritu *Vitrioli*, & *sale alcali*, flavum co-  
lorem exurgere: Cumque ex gingivis, sicut & aliis Corporis  
partibus aliquid *Alcali* continuo transfundatur, necessum est,  
ut spiritus *Vitrioli* dentibus fricandis deputatus, ubi Sali fuerit  
commixtus, simili Colore costingat, sive flavedinem eis im-  
pertiat.

XIX.  
*Spiritus Vitri-  
oli nocivus  
dentibus.*

Vas ex Vitro confectum, & *Cucurbita* adinstar oblongum,  
Aqua repleatur, mox radiis Solaribus ita exponatur, ut ii per  
angustum in superiore parte Vasis foramen, ex obliquo pene-  
trent; In Charta, aut Linteo excepti, varios Colores exhibe-  
bunt. Nam qui supremum locum occupabit, *Ruber* conspicie-  
tur, infimus *Ceruleus*, medius autem, aliquantulum *Candidus*  
apparebit.

XX.  
*Quomodo di-  
versariantur  
in Vitro oblon-  
go, Soli exposi-  
to, Colores.*

Hujus Phænomeni ratio, ex varia Radiorum transmissione  
petenda est: Nam Experientia constat, Radios per foramen il-  
lud oblique transeuntes, refringi debere, ac proinde, omnem illam  
Colorum varietatem, ab eo pendere, quod partes Materię  
Subtilis, quas ad modum exiguarum sphaularum, quę per  
terrestrium Corporum Meatus devolvuntur, concipimus; pro  
Causarum diversitate, quę earum Motus determinant, variis  
modis moveri. Adeo ut *Color* qui superiori parte Vasis pin-  
gitur, *Ruber* sit, quoniam Globuli Cœlestes, qui Luminis acti-  
onem transmittunt, multo celerius circumrotantur, quàm  
secundum lineam rectam pergunt. *Ceruleus* verò, in infima  
parte conspicitur, quoniam iidem Globuli, multo tardius ro-  
tantur, quàm recta procedunt. Causa enim ibi supponitur,  
quę eorum Motui obluetur, & eorundem Circumvolutionem  
impediant. In medio verò, *Candidus Color* apparet, quo-  
niam Materia Cœlestis, æqualem habet circumvolutionis &  
processus proportionem. Quippe Corpora illa *Alba* appel-  
lantur, quia efficiunt, ut Globuli Ætherei, eadem mensura ro-  
tentur. quā secundum rectam lineam pergunt. Adeo ut, to-  
tum Colorum discrimen, ex diversa illorum proportionem so-  
lari pendeat, quę inter illorum motum rectum & circularem  
intercedit. Quemadmodum in Institutione philosophię ex-  
plicatum est.

Refert *P. Athanasius Kircherus*, de *Arte lucis & umbra*, quod-  
dam esse ligni genus Mexicani, quod illius Regionis Incolę,

XXI.  
*De ligno ex  
Mexica ad  
Coati,*

ducto, quod  
varium Colorem  
in Aquam  
inducit.

*Coati*, nominant, quod Aquæ varium Colorem insinuat. Quippe si ex eo Vas aliquod tornetur, eique Aqua limpidissima imponatur, pauco tempore interjecto, eam Colore *Ceruleo* imbuat, qui tamdiu in Aqua subsistit, quamdiu intra Vasis latera continetur: In ampullam autem crystallinam transmissa, & multo Lumini objecta, pristinam perspicuitatem recuperat, ni à radianti illo Lumine, ad modicam umbram transferatur; quippe tunc *smaragdina Viriditatem* exhibet. Et si in minori adhuc luce ampulla traducatur, Aqua *Rubra* videbitur, non multò à *Nigrore* abhorrens.

Aqua prædicto Vasi imposita, *Ceruleum* primò præfert Colorem, quoniam ambigi nequit, quin infusus liquor, Meatus ligni subigat & maceret, ac proinde multæ ligni Particulæ educantur, quæ Humori admixtæ, efficiunt, ut Luminis radii, eo modo frangantur & reflectantur, quo necessum est, ad *Cæsi Coloris* speciem oculo exhibendam. Aqua verò, in Ampullam vitream transmissa, *limpida* denuo evadit, propter Solis, cui exponitur, fulgorem. Quia licet particulæ è lignoeductæ, radios aliquos Reflectione, aut Refractione emittant; adeò tamen Vis Luminis prævalet, ut totam eam partium dispositionem expungat, & inoffenso Cursu permeet. Sic quotidie videmus Solem, per *Prisma vitreum*, lucentem, non Iridis Colores exhibere, quos tamen ipsi radii, in *Charta* recepti, satis exactè referunt. Deinde Ampulla crystallina, ex ingenti luce, ad modicam delata, jucundam & amœnam *Viriditatem* ostendit, quoniam ex Solis splendore, qui multum Luminis suppeditat, è *Cæsi* Colore, quem ipsa Vasis cavitas producit, *Viridis Color* exurgit, qui ex *ceruleo* & *flavo* componitur. Demum imminuto adhuc Lumine, *Pallus Rubor* videbitur, quia ob Luminis decrementum, Rubor ille languescit, & modificatione mutata, in *Pallum*, & quasi *ferrugineum* degenerat.

ARTICULUS DECIMUS.

De Occultis Qualitatibus.

**S**pongia Aqua afficitur, eamque, quasi illi maritari gauderet, attrahit.

I.

*Vulgo censetur  
Spongiam  
Aquam at-  
trahere.*

Spongia improprie *Aquam* attrahere dicitur; cum è contrà, Aqua potius ad *spongiam* ascendat, & in ejus Poros intrudatur. Nam quum Spongia Aquam contingat, illam aliquantulum premit, efficitque ut Aquæ pars compressa assurgat, & Spongiæ fissuras ingrediatur: ut in *Calamo scriptorio* patet, cujus contactu, atramentum illico sursum evehitur, ope nimirum *rimule*, quæ ejus cuspedinem interfecat. Quippe si cuspis Calami insecta, atramento admoveatur, nihil liquoris attollitur: aut si quid Calamo adhæret, confestim delabitur, & defluit, fit igitur Aquæ ascensus, dum *spongiæ* pressione, Aer de loco deturbatur, qui mox Aquæ superficiem propellens, illam sursum deducit, & vi quadam ad incumbentis Corporis ingressum adigit.

Panis recens, si vino, alterive liquori supponatur, ad duos, vel tres digitos, illum attrahet, & contra Naturæ Leges, sublatâ omni pressione, in distans operatur.

II.

*Panis recens  
quomodo Lique-  
rem attrahit.*

Vinum in *Panis* Cavitates transmittitur, quia cum illæ ampliores sint, quàm Aeris partibus tantum recipiendis sufficiant, Aeris partes in ipsis inclusæ, undique à Subtili Materia circumcinguntur, quæ illas concitatiùs agitât, quàm alibi moverentur, si sibi ipsis implexæ remanerent. Cum autem omnia Corpora, quæ moventur è locis, in quibus coarctantur, elabi contendunt; fit ut dum Aeris partes, è superficie liquoris meatibus, quæ illum contingunt, egrediuntur, partes Aquæ, vel alterius liquoris illis succedant, & derelictum locum occupent. Et quoniam etiam liquoris partes, melius *Panis* Cavitates implent, non tam celeriter in illis agitantur, atque Aeris partes; ac proinde ex illis non egrediuntur, nisi ut superiores panis meatus permeent, & *Aeris* locum assequantur, qui è poris Panis exire contendit.

Quippe ambigi nequit, quin in pane recens cocto poris quan-

III.

*Ut Aqua per*

tumvis

calcem plumbi  
evabitur.

tumvis obliqui, liquoris ascensui auxiliuntur: sunt enim velut *Tubuli*, per quos Aqua ab Aere externo pressa sensim transfunditur. Id simili experimento probavit Illustris D. Boyle. Tubum enim Vitreum & oblongum accepit, illumque *minio*, seu plumbi calce replevit, tum imam Tubi partem in Aquam depressit, quæ temporis lapsu, ad quadraginta digitorum altitudinem promota est; per eos scilicet meatus, qui veluti tot syphones Aquam traducunt.

## IV.

Ovis Lupum,  
Pullus Mil-  
vum, Columba  
Accipitrem  
jugit.

Ovis, *Lupi* aspectum horret: Pullus, primo intuitu *Milvum* fugit; & Columba, toto conatu *Accipitrem* declinat.

Solent passim Philosophi hujusmodi Aversiones, in mutuum odium referre, & reciprocae inimicitiae attribuire, quæ inter hæc Animalia intercedit. Sed id jure asseri nequit. Non enim *Lupus Ovem*, sicut hæc illum odit: imo *Lupus Ove* delectatur, & ut sibi conveniens bonum prosequitur: cum ipsi sit in alimentum, & ejus carnibus vitam suam sustentet. Pari modo de *Milvo*, qui pullum insectatur, & de *Accipitre* qui Columbam adoritur, dissendum est. *Ovis* igitur viso *Lupo*, in fugam se conjicit, quoniam talis est in ea fibrarum plexus, ut à *Lupi* Corpore reflexum Lumen, eam Affectionem producat, ex qua fugæ motus sequatur. Evibrantur enim à *Lupi* Corpore radii, qui tenuissima nervorum opticorum fila moleste afficientes, Cerebrum, spiritusque in eo contentos commovent, eosque in Nervos & Musculos deducunt, eo modo, quo ad fugam arripiendam, necessum est.

## V.

An Umbra sit  
corpori nociva.

Quædam *Umbra* malignantis naturæ esse dicuntur, & dolorem, aliudque incommodum conciliare. Sic *Serpens* fraxincas umbras fugit. Sic qui umbras captant, per somnum afficiuntur.

Oriuntur hi effectus, non ab *Umbra*, quæ cum aliquid negativum, seu privativum sit, positivam Virtutem habere non potest; sed à Corpusculorum *profluviiis*, quæ ex Corporibus emanant, ex Arbore nimirum, vel ex *plantis* proximè confitis, vel palude vicina, vel alio quolibet Corpore. Quod verò quis Umbram captans, Affectionis ab illis corpusculis imprimendæ capax sit, ex eo facile colligitur, quod tempore æstivo, Corporis meatus magis pateant, hiantque idonea hujus erumpentis materię receptacula: ac proinde quid mirum, si Corpora facilius afficiantur?

Asserunt



Asserunt passim *Cabalista*, certis verbis virtutem quandam inesse, quibus se multa patrare asserunt. Memini me apud *Paracelsum* alicubi legisse, ad nomen *osy osya* serpentes gradum sistere, & veluti torpentes immotos jacere.

VI.  
Nulla vis nominibus inest.

Verum, id gratis à *Cabalistis* assertum esse arbitror, cum linguæ verba, etiam dignioris, uti vocant, efficaciam nullam habeant; non magis quam viri probitas, aut rei sanctæ significatio, vocibus virtutem inferre potest. Non respondendum est, *Poetas* & *Oratores*, in Auditorum animos, motus excitare, quia non id occultis verborum viribus id peragunt, sed Rationum momentis, aut vocum flexibus. Fictitium igitur est, quod *Plinius* lib. 28. Nat. hist. cap. 2. depromit, *Eruges* scilicet *excantari*, *incantari serpentes*: Cum vocabula nihil operari naturaliter queant, & nullam cum Cœlis, & Intelligentiis, sympathiæ connexionem habeant.

Vulgò jactatur, quod *Nasus*, ex servi, aut alterius Hominis carne excisus, eo extincto, nasus quoque putrescat. Idem de Canis morsu, in rabiem acti referunt, qui ad mortem ejusdem Canis viget.

VII.  
*Nasus* ex carne alicujus excisus non perit, eo pereunte.

Ratio hujus nulla suppetit, cum falsa illa omnia esse existimem, & temerariè à Scriptoribus, chartæ mandata. Aut si quid hujusmodi aliquando contigit, casu evenisse dicendum est.

Pulverè *sympathetico*, Vulnura distantia sanantur, si instrumento, quo impactum est vulnus, pulvis adhibeatur, & telum subindè *fasciis* circumligetur, ac diligentissimè foveatur.

VIII.  
Non pulvere sympathetico, vulnura distantia curantur.

Quamvis id magni etiam Authores tueantur, adduci tamen nequeo, ut credam, vulnura, vi talis pulveris curari. Nam si quod in *chalcanto*, sive vitriolo calcinato experimur, confideremus (si virtutem adstringentem excipias, in Sanguine sistendo, cicatricèque obducenda insignem) nihil reperitur, quod ad curationem vulneris promovendam conferat. Nam licet fortè spiritus è vitriolo erumpentes, ejus sint energix, ut ad modicam distantiam exferri possint, supra omnem fidem tamen est, quòd Vis Naturalis Agentis, per medium, ad plurimum miliarium distantiam transmitti queat. Nec tanti facienda sunt, quæ passim apud vulgum jactantur exempla, quum omnitus notum sit, quam ad credendum humana mens proclivis sit, & quam plurimi inter Mortales sint, qui decipi volunt, ne inter alios

alios *luculentis* habeantur. Si quæ autem vulnera, eâ arte curata sunt, id ad eorum *elutionem*, ac *mundiciem* referendum est, cum præscribatur, ut mundum semper vulnus servetur, & *urina* abstergatur, quæ ratione *Salis* in ea contenti, detergendi, & adstringendi vim habet. Quod ipsi *Canes* præstant, dum lambendo, ac ipsa saliva, tanquam medicamento, vulnera sua curant.

## IX.

Quomodo vetula  
infantes fasci-  
nat.

Fertur passim, Vetulam infantulos fascinare, eisque maleficium inferre. Hinc Virgilius,

*Nescio quis teneros oculus mihi fascinat agnos.*

Id oriri potest, quod *Vetula* malignæ suæ imaginationis auxilio, & nervis musculisque ad contentionem adactis, infestos quosdam spiritus, veluti radios ejaculetur, quibus tenerum infantium corpus læditur, præsertim si in proximo fuerit. *Fit enim fascinus*, teste Plinio, ex spiritu fascinantis, per oculos fascinati, ad Cor ipsum ingresso. Nec multum à vero abest, posse evibratis spiritibus, aliquid noxæ adferri, quum constet *Menstruo* turgentem mulierem speculum inficere: Tussientem in alio tussim excitare; & oscitantem, oscitantiam in proximo inducere.

## X.

Ut Scorpius  
morsus applici-  
tus virus  
educt.

*Araneum*, aut *Scorpius*, si parti corporis, cui ictus aut morsus inflictus est, applicetur, emissum à se virus retrahit, vel remouetur. *Gassendus*.

Causa est, quod *Scorpii* vel *Aranci* substantia, ad modum spongiæ se habeat, dum partes per contusionem distractæ, Nervorum ope sese retrahunt, & venenum adhuc cohærens secum adducentes, id quoque quod irreperat, retrahunt. Id enim modo haud absimili peragitur, quo *oleum*, lixivii ex sapone ope, è panno eluitur: Nam uti Olei particulae, quæ in pannum irreperere, *Saponis* particulis utpote congeneribus, & ad olei naturam accedentibus, facile agglutinantur, & istæ illas abducunt, dum illæ à Sale, cui cohærent, cum Aqua exprimuntur: Sic veneni Corpuscula Vulneri inhærentia, iis facile sociantur, quæ in alio Animalis sunt: ista vero, dum versus Animalis Corpus retrahuntur, illa simul ex vulnere educunt, & quodammodo exsugunt.

## XI.

An Lupus ranc-  
edinem iis, quos

Vulgò creditur, Hominem à *Lupo* primò conspectum obmutescere, atque ipsius linguam ita præpediri, ut non Vocem, proferre, nedum Clamorem ciere queat. Id

Id quidem olim jactatum est, sed vanè, & absque sufficienti examine; quum experienciâ constet, parem in Homine commotionem excitari, seu ipsum *Lupum*, seu ipse *Lupum* prior viderit. Ego ipse in *Artesia* venando, Oculos non semel in *Lupos*, in me obtutum vertentes conjeci, & tamen nullam raucedinem sensi, neque ullam in Voce alterationem deprehendi. Imo illos sæpe solo clamore fuga distraxi. At quorsum igitur Nonnulli, ad *Lupi* conspectum, raucedinem contrahunt, & subito veluti Muli efficiuntur? Dico id timoris interventu provenire, dum de Seipsis, aut de Grege nimium solliciti, metu corripuntur. Nam tunc præproperè clamare nitentibus, *Pulmo* festina nimis demissione, ac elatione læditur, concutiturque *Arteria*, præ nimia Aeris inductione, qui in illa quasi suffocatur. Accedit quoque, quòd relaxati Linguae musculi, ob nimiam spirituum defectionem, haud satis expeditè ad Vocis formationem extendi queant. Quibus omnibus Instrumentis deficientibus, necessum est, quandam *Raucedinem* procreari, & linguam, ad Vocis articulationem reddi inhabilem.

Quædam Plantæ, inter se inimicitias alunt, & mutuam odium testantur: Ut *Quercus* & *Olea*, *Brassica* & *Ruta*, *Filix* & *Arundo*, quæ ita dissident, ut una ab alterius vicinitate abhorreat; nec queant sine alterius detrimento, se continere.

XII:  
Quæ causa Odii  
inter plantas.

Ratio hujus odii est, quòd istæ stirpes unius alimenti sint avidæ, & inæquali facultate illud attrahunt. Hinc fit, ut quæ potentior est, totum Terræ succum depopuletur, illumque sibi alliciat; quo destituta altera, necessum est extenuari, & infelicitè crescere. Vel dici potest, *Plantas* loco vicino constitas, mutuz Nutritioni obstarè, propterea quòd è radicibus, per Terram serpentibus, Corpusculorum effluvia, seu halitus emittant, quæ aliarum *Plantarum* radices malè afficiunt, aut enecant. *Olea* enim, vicinam humum tanta amaritudine replet, ut *Brassicas* & *Lactucas* penitus corrumpat. *Filix Arundinis* insidiatur, halitu per ejus poros insinuato, qui eos obstruit, aut fibrarum plexum turbat.

*Heliotropium*, ob Solis imaginem, quam refert, notissimum, Solem continuò contemplatur, & ita ejus motui obsequitur, ut se ad illum indefinenter convertat.

XIII:  
Quomodo Heliotropium ad  
Solem convertatur.  
Id

Id ipsi accidere existimo, quodd Frutex ille, multa uligine abundet, & crassa Humiditate imbuatur, quæ radiis Solaribus agitata, ob Rarefactionem, intra eodem limites contineri non potest, ac proinde per laxiores Poros, hoc est, per eos, qui versùs *Solem* verguntur, exitum quærit: Cùm verò hujus Fruticis *collum* sit faciliè mobile, agitatus humor, qui in tenuissima filamina prorumpit, illud circa eam partem convertit, in quam diriguntur. Peculiarem hujus Floris uliginem *Ros* ille arguit, qui in ejus medio, dum Sol altissimus & calidissimus est, conspicitur; qui non *Roris* matutini reliquæ dici possunt, quum ille, post paucas horas, ab orto Sole, evanescat & exhaletur. Sed sit Humor ille, qui ad Solis præsentiam, ex ejus trunco, effluit, & usque ad Floris folia evehitur.

## XIV.

*Horologii Admirabilis explicatio.*

Sic mirabilis illius horologii, à P. *Lino Leodii* inventi, quo globulus Aquæ internatans, diei horas indicaret, cœlique motum exactissime imitaretur, ratio reddi potest, Kircheri exemplo, qui suberis fragmento cujusdam Heliotropii grana inferens, invenit suber ab illis in Solem converti, indiculoque apposito, notatas in vase horas designari. Quia cum ad solem, non in Orientem modo, sed & in Occasum Heliotropium convertatur, non potest non horas in vase adnotatas indicare.

## XV.

*An Ossa & Cancri in plenilunio, nova materia replentur.*

*Ossa* in Plenilunio, medulla opplentur, & *Cancris* circa idem tempus, nova substantia turgent: *Luna* verò decrefcente, & medulla & substantia illa minuitur.

Hujus Experimenti ratio, eadem reddenda est, qua à *Plutarcho* Quæstio quædam solvitur: quorsum scilicet, *Equi*, quos *Lupi* sunt infecuti, cæteris cursu præsent: quippe postquam ingessit illos, fortè Velociiores, quoniam qui pedibus eos æquare non potuerunt, à *Lupis* hausti sunt: vel quia laxatis, incusso metu, *Artubus*, novam agilitatem comparavere, qua retenta, celeriores, quàm ante videntur; Tandem aliam addit solutionem, quæ à vero haud multum abhorret, fortè id quod proponitur, falsum esse; quod de *Ossibus* & *Cancris* passim vulgatur eodem modo obtrudendum est: cùm Viri exactissimi, his in rebus, Observatores, testentur se contrarium esse expertos, & *Ossa Cancrosque* omni Anni tempestate, promiscuè plenos, aut vacuos inveniri. Quibus assentior.

## XVI.

*Cur Cervina pellis supra alias emergat.*

Pellis *Cervi*, si à Coriariis in fundo cuppæ constituatur, quæ tam bubularum quàm aliarum pellium acervo sit supposita; ex

ex quo primum Aqua infusa est, non quiescit, donec omnibus evolutis, sese subduxerit, & toto cumulo superiorem se statuerit.

Hujus causam refert *Gassendus* in ampliorem pilorum Cervi, quam cæterorum Animantium cavitatem: (singulos enim pilos canales esse, sive tubos quosdam *microscopia* ostendunt) aded ut illi Aere oppleti & intra Aquam constituti, nixum faciunt, ad modum vesicæ inflatæ. Quod ad Animalis celeritatem haud parum conferre existimat, dum ob calorem à motu excitatum, ea capacitas spiritu diffatur: sicuti probabile est, eam pennæ partem, quæ cava est, multum in *Volucris* conducere, ut facilius in Aere sustententur.

---

P HISTORIÆ

---

# HISTORIÆ NATURALIS PARS TERTIA.

## Mundi & Coeli.

### ARTICULUS PRIMUS.

#### De Mundi Exordio.

I.  
*Quid censuerit  
Plato de Mundi  
exortu.*

**Q**UAMVIS Orbis Universi origo, satis Nobis per Fidem constat, nullique Fideli fas sit, de illius incunabulis ambigere; haud tamen abs re fore arbitror, si Rationis vires explorentur, tenteturque, an ejus ductu, ad Mundi principium, perveniri possit. Inter *Antiquos*, qui illud detexere, & tanto operi Effectorem Moderatoremque assignavere, præcipuus Divinus Plato fuit, meritò eo nomine dignus, qui è rerum genitarum contemplatione, Mundi Opificem agnovit, & ex Effectuum natura, supremam Causam complexus est. *Universum*, inquit in Timæo, *cernitur, tangitur, & Corpus habet; omnia verò talia sensus movent, quæ sensus movent, opinione per sensus dignoscuntur. Hac verò talia esse constat, ut gignantur & genita sint. Quicquid autem gignitur, ab aliqua Causa gigni asserimus. Opificem quidem, & Mundi patrem invenire difficile, & cum jam inveneris, predicare in vulgus.*

II.  
*Partium Mundi dispositio  
Opificem ejus  
asserit.*

Enimverò omnia quæ in Universo spectantur, Creatorem prædicant, & nihil Natura Mortalium oculis objicit, quod non sui Authorem loquatur, & ad ejus venerationem excitet. Quem.

Quem non Mundi partium dispositio, ad ejus exortum asserendum impellit, faterique cogit, non esse Æternum? An casu, cæcoque fortunæ ductu, prodiere hæc omnia, quæ miramur? An Terra, an Cælum, an Sidera spontè, & abique peregrino Consilio, sua loca occupavere? Quæ Atomis vis? Quæ materie potentia, ut mundum tanta varietate insignem efficerent? Si Solem, si Terram, si Planetas componere valuerunt, quidni Urbes, Domos, Tempia, Porticus potuere? quæ minorem operam exigunt, & humana arte quotidie eriguntur.

Machina concinnè elaborata, non nisi à perito Artifice proficiscitur, & ejus præstantiam, solertiamque arguit. At quid hac Universi Machina admirabilius fingi, aut excogitari potest? in qua nihil iners & otiosum reperitur, nihil temere, aut frustra effectum est. Stirpes contemplare, omnibus peculiaris vis indita est. Animalia intueri, cuilibet suum inest ingenium, & attributa naturæ propensio. In Cælum mente conscende, illic Sidera aspicias, sed locis suis disposita, cursum suum æquali tenore perficientia, & non nisi certa vicissitudine munia sua obeuntia. Sicut simulachrum, ait Mercurius Trismegistus, aut Imaginem sine Sculptore, aut Pictore, nullus fieri dicet, hoc autem opusculum sine Opifice factum erit? O multam cecitatem!

III.  
Fabrica Mundi  
Opificem suum  
prædicat.

Totum eadem, qua partes ejus, natura imbuitur, cum ex illis resultet, & ab earum diversitate distinctionem suam mutuatur. Nihil autem constantius, quàm partes, quibus Mundus coagmentatur, dissolvi, & ortui interituique esse obnoxia. Terra Generationis, Corruptionisque theatrum est, quæ rarò eandem faciem refert, quæque secundum Temporum vices, aliam atque aliam personam induit. Ignis quotidie perit, & qui tanto robore pollere videtur, momento evanescit. Aqua à siccis Corporibus exfugitur, & Motu suo quo Corpora penetrat, in flores & gramina degenerat. Nihil in Orbe diu perseverat, & clarè evincitur natum esse, quod aliquando desinere potest.

IV.  
Partes Mundi  
cum sint corrupti-  
biles, illam  
talem efficiunt.

Quidam hujus Argumenti vim eludere nituntur, dicendo Generationem, & Corruptionem, Mundi quidem partibus competere; nihil tamen obflare, quominus Totus idem perseveret, & Æternus habeatur; cum rerum summa eadem maneat, & non nisi quoad exteriora alteretur, non alio modo, quo Cera, quæ non aliam naturam adipiscitur, dum varias sigillorum

V.  
Objeclio.

Impressiones patitur, sed alteri tantum *figura* subest, & retenta Substantia, habitum commutat.

VI.  
*Responsio ad  
Objectionem.*

Ipsis ultrò demus in Mundo, non nisi Accidentariam Mutationem contingere, non tamen inde probè concludetur, *Totum* dissolvi non posse. Nam si unius alteriusve partis ruina fieri potest, quidni viginti, centum, mille, & omnium; cum videamus labe aliis alias in orbe accidere, & multa uno die perire, quæ intacta per plurima secula remanserant. Et quamvis hæc non passim contingant, & multi Anni absque huiusmodi cladibus interlabantur, non tamen inde legitime inferetur, illas evenire non posse. Cum multa sæpe ingruant, quæ longo antea Temporis spatio ignota, inauditaque fuere. Nihil ad rem pertinet, quòd *Cera*, non nisi extrinsecus Mutationem patiatur. Quippe Mundus motione intestina concuti potest, & susque deque subverti. Annon nova quoditiè nascuntur, & vetusta pereunt? uti in Partibus mutatio fieri potest, ita Totum iisdem perturbationibus affici, & aliam prorsus faciem assumere.

Hinc *Lucanus* lib. primo:

*Communis mundo superest rogo, Ossibus Astra  
Mixtura.*

VII.  
*Mundi ortum  
Historia testatur.*

Sed quoniam Naturæ Historiam exarare hic propositum est, lubet Mundi originem ex *Antiquorum* monumentis deducere, & quousque, eæ, quas habemus Historias, porrigantur, aperire. Nulla hominum gesta ante *Thebanum, Trojanumve bellum* commemorantur, & quicquid Posteritas novit, nostrorum Temporum Scriptoribus debet. At, si Mundus æternus est, omnique principio caruit, quomodo factum est, ut qui præexistere *Poeta & Historici*, facta suorum non cecinere? & scriptis mandavere, quæ tam immenso Temporis decursu, ab Heroibus suis patrata sunt, aut à Legislatoribus in Universo fuere condita? Verùm, cum nihil horum extet, tacite innuitur, Mundum creatum esse, & haud multò ante illa Tempora, ortum habuisse.

VIII.  
*Id rerum inventio confirmat.*

Præterea, quis Mundum semper extitisse fatebitur, cum ultrà Historiarum fidem, rerum plurimarum cultus, emendatio, sive etiam inventio recentem esse arguat? Cum barbaros



baros primum Homines, & parùm à ferarum asperitate abhorrentes Antiquitas memoriæ mandet, tradatque non eundem eis, quo nunc utimur, victum fuisse, sed glande prius, & baccis alitos, ut loquitur *Macrobius*, serò de sulcis sperasse alimoniam? Cùmque exordium rerum, & humanæ nationis opinemur, ut aurea primum sæcula fuisse credamus, & inde Natura per metalla viliora degenerans, ferro sæcula postrema fœdaverit? Ac ne totum de *Fabulis* mutuari videamur, quis non hinc mundum quandoque initium habuisse arbitretur, cum ultra duo Annorum millia, de excellenti rerum gestarum memoria, ne Græca quidem Historia exstet? Quippe supra *Ninum*, à quo procreata *Semiramis* existimatur, nihil in Libros celebre relatum est. Si enim *ab æterno*, ut loquuntur philosophi, Mundus incepit, cur per innumerabilem sæculorum numerum Cultura caruit? Cur rerum plurimarum experientia ad aliquas gentes recenti ætate pervenit? Hæc enim Mundi Æternitati adversantur, dum opinari nos faciunt, certo mundi principio singula paulatim ac successivis Annis principium habuisse.

Non obest, quod passim obijciunt *Platonici*, Mundum potuisse ab æterno produci, cum non repugnet quosdam Effectus suis principiis esse coævus, ut *Soli* lumen, *opaco* umbram, & similes. Quoniam non hîc quæstio est, an Mundus æternus esse potuerit, & Deo utpote Creatori coævus; verùm an revera talis sit; cùm manifestum sit Deum non necessitate, sed sponte operari, eo prorsus modo, quo Opifex sui opificii causa est. Nam licet Mundi Idea, in mente Divina admittatur æterna, non indè sequitur opus quoque sempiternum esse, nisi quis asserat, rem conceptam à perceptione esse inseparabilem, & Domum illicò esse constructam, dum illam *Architectus* conceperit.

IX.  
*Dei æternitas non mundi æternitatem arguit.*

Neque minùs quas profitemur Artes, Mundi initium arguunt; cùm quælibet, paucis elapsis abhinc Annis, *Authorem* suum habuerit, & cujusque nomen, patriam, sortem *Codices nostri* referant. Noscimus enim, Quis *Aratro* primus Terram eruerit; Quis *Ferrum* ministraverit in Mortalium perniciem; Quis ludi *gladiatorii* Author fuerit; & Quis etiam in ordinem *saltare*, Quis disjunctis manibus, pedes agitare docuerit. Si verò à principio, imò ante principium factus est Mundus, quomodo.

X.  
*Artes indicant Mundum non diu extitisse.*

quomodo post tam longam Annorum seriem, non eodem, quo nos uti sunt cultu? quomodo neglecta *litterarum* formatio, a qua sola æternitatis Memoria servatur? Quo pacto non prius Agro *Vitis* inserta est, cur tamdiu à campis *Olea* exulavit? Qui *paxis nautica* tamdiu latuit, cujus subsidio, nunc *Maria* trajicimus, & novas Terras, novosque Homines detegimus. Hæc omnia, Mundi æternitati palam adversantur, insinuantque, non longam retro hujus ætatem, productum editumque fuisse. Hinc *Laetius*.

— *Habet novitatem, summa recensque  
Natura est mundi, neque pridem exordia cæpit.*

XI.  
*Quo Anni tem-  
pore productus  
est Mundus.*

Qua verò *Anni* tempestate conditus fuerit Mundus, non certò inter Authores liquet, quibusdam *Veri*, aliis *Autumno* faventibus. Sed quorsum alterutra præferenda sit, non video: cum in orbe, Ver & Autumnus continuò regnent, & secundum diversas ejus partes dominentur. In una, frigore Corpora rigent, in altera, aestu fervescent: In una

*Vere* madent udo *Terræ*, ut cum Virgilio dicam, in alia, *pam-  
pino gravidus Autumno floret ager*. Absurdum autem videtur, Mundi exordium secundum aliquam Tempestatem determinare, quum in eo, quatuor simul Tempestates reperiantur. Si verò, de plaga illa *Boreali* intelligat, in qua Homines primùm nasci, & degere Deus voluerit, probabile est, ejus respectu, *Autumnus* fuisse: quum Rationi consentaneum sit, omnia à Deo esse condita, nihilque ab eo fieri, quod non sit numeris omnibus absolutum.

## ARTICULUS SECUNDUS.

### De Rerum genesi, & partium Mundi digestionem.

I.  
*Terræ & Cæli  
productio à  
Mose descripta.*

**M**oses, cujus narrationi non Neoterici modò Philosophi, sed & Veteres adstipulantur, *Capite primo Genesios*, Mundi Creationem magno cum apparatu describit, oisus à *Terræ*, & *Cæli* productione, quibus veluti Centro, & peripheria, totum

totum Universum complexus est. *In principio*, inquit, *creavit Deus Cælum, & Terram*: Sed *Terra*, quam stagnans Aqua tegebatur, undique Tenebris obvolvebatur, fiebatque *Inanis*, & infœcunda. Quia licet *Spiritus*, sive Subtilis Materia, toti Terræ moli incumberet, ejusque inertiam excitaret, quia verò tumultuariè coibat, & non certo adhuc motu *secebatnr*. *Vacua*, id est Invisibilis tamdiu remansit, donec Omnipotentis *Verbo lux facta est*, quæ Tempora dirimeret, efficeretque, ut quæque suis in locis conspicerentur.

Hoc siquidem verbo, Deus Materiæ partibus Motum in-  
generavit, eisque illam propensionem indidit, ad hunc Motum, II.  
*Opus primi*  
*diei.* in recta linea continuandum, quem *Lumen* appellamus.

Ea enim est Naturæ lex, ut Corpora omnia, quæ in orbem aguntur, à Motus sui centro, quantum in se est, recedant: Et in hoc conatu Naturam lucis consistere, fusè in *Institutione philosophiæ* explicatum est. Verùm, cum in initio, non magna materiæ hujus subtilis copia, in *Vorticum* Centris existeret, ea Actio, qua Globuli Cœlestes premuntur, non longè pertin-gebat; ac proinde ea loca, ad quæ illius effectus non por-rigebatur, obscura manebant, & Tenebris circumsepta.

Itaque ex Lucis, & Tenebrarum mixtura, Mundus in diver-sas provincias distinctus est, & non nisi Materia Subtili, cæ-tera Corpora pervadente, tenuiora à crassioribus, & graviora à levioribus secreta sunt. Hoc *primi Diei* opus, & Supremi: Entis Omnipotentis argumentum. Nam nihil de novo, poste-ris diebus productum est, sed omnia duntaxat in ordinem re-dacta, & cuilibet Corpori suis assignatus motus.

Die secundo, interjecto inter Aquas *Firmamento*, nonnullæ locum superiorem sortitæ sunt, aliæ Terræ superficiem per-currentes, gignendis alendisque *Piscibus* sunt deputatæ. Quip-pe si *Firmamenti* etymologiam scrutemur, nihil aliud quàm magnam, ac maximè diffusam Extensionem significare repe-riemus, quam ex *Vorticum* dispositione ortam esse concipimus, dum inter se sunt adaptati, & ita sibi ipsis adhæserunt, ut unius *Ecliptica* aliorum *Polis* responderet, atque unius Motus, aliorum gyrationem juvaret potius, quàm impediret. Itaque Materia Cœlesti, ingentes illas Corporum moles intercurrente, *Aque ab Aquis* secreta sunt, & quæ Terram tegebant, firmamenti positione, ab aliis, quæ solidis crassisque Corporibus incumben-  
III:  
*Opus secundæ*  
*diei.* bant;

bant, longo intervallo avulsæ sunt: Ac proinde Aquæ, quæ sub Firmamento, ab iis, quæ supra firmamentum, divisæ sunt, ac separatæ. Constat enim Moſen *Cæleſtia Corpora*, noſtri intuitu, ſuperiora exiſtimare, *Terram* verò quam incolimus, inferiorem locum occupare.

IV.  
Opus diſi  
titiæ.

Tertio die, in unum locum congregata ſunt *Aquæ*, & arida facta eſt Terra: quia cùm Terra Aquis undique obvolveretur, nihilque ejus appareret, bonum Naturæ Authori viſum eſt, Aquis in certa quædam loca colligere, quatenus iis nudata, omnis generis *Gramina*, *Plantas*, *Arbores*, è ſinu ſuo erueret. Hinc *Sicca* vocata eſt: Aquarum vero collectioni, nomen *Maris* inditum. Verùm, quoniam Telluris rotunditas obſtabat, nè in unum Aquæ convenirent, nullaque Cavitas aderat, quæ tanto liquori recipiendo ſufficeret, Fide credendum eſt, eo ipſo die, formatos eſſe *Montes*, aliasque Telluris partes aſſurrexiſſe, quæ Vallibus poſt ſe relictis, diſfuſum antea *Æquor* reconderent, & ſuis lateribus tuerentur.

V.  
Opus quartæ  
diſi.

His ſtabilitis, & diſpoſita ſuo ordine Mundi Materia, ad ejus ornamentum perrectum eſt. Quarto namque die, duo Ingentia *Luminaria*, in firmamento poſita ſunt, ut eſſent in *Tempera*, *Dies* & *Annos*, hoc eſt, quibus diurnus, annuusque Terræ Circuitus, Planetarum revolutiones, & ſtatæ Solis periodi innotefcerent. Eadem opera, innumeræ Stellæ adjectæ ſunt, quæ propria Luce gauderent, & Radios undique vibrarent.

Nam cùm primi Elementi Materia, ex aſſiduo particularum Secundi motu creſceret, majorque ejus quantitas eſſet in univerſo, quàm ad implenda illa ſpatia, quæ globulis interponuntur, neceſſe erat; quicquid ex ea reſidui fuit, poſtquam illa ſpatia impleta ſunt, ad *Vorticum* Centra confluit, ubi Corpora quædam ſphærica fluidiſſima compoſuit, nempe *Solem*, & *Fixas Stellæ*. Poſtquam enim particulæ ſecundi elementi, magis attritæ fuerunt, minus ſpatii quam priùs occuparunt, nec ideo ad Centra uſque diſfuſæ ſunt, ſed ab iis omni ex parte æqualiter recedentes, loca ibi ſphærica reliquerunt, à materia primi Elementi, ex locis omnibus circumjacentibus eò aſſuente replenda.

VI.  
Opus quintæ  
diſi.

Quinto die, adjecit Deus, ut ex Aquis moventia Animantia ederentur, fierentque ex Aere *Volatilia*, quæ per æthereæ ſpatia

spatia ferrentur, & in liquida materia, Corpora sua librarent. Eodem verbo, *Reptilia* prodire, quæ absque pedum adminiculo graderentur, & pectore suo Terram ferrent.

Demum perfecto domicilio, instructoque omni rerum varietate Palatio, Microcosmus in Macrocosmum introduci est, *Vita, Sensu, Ratione* præditus; utpote ad Mundi Imperium genitus, & cui *Pisces Maris, Aeris Volatilia*, cæteraque Terræ *Animantia*, obsequium præstarent. His peractis, ab opere cessatum est, & impositus laboribus finis. Hanc totam Mundi genesis paucis Versibus Danæus, in Physica Christiana complexus est, quam hic exscribere non pigebit.

VII.  
*Sextæ diis opus.*

*Prima dies Cælum & Terram lucemque creavit,  
Altera distendit spatium, discrimen Aquarum:  
Tertia secernens undas, dat gramina Terris:  
Quarta creat Solem & Lunam, cælestiaque Astra:  
Quinta dedit Pisces, eadem genus omne Volantum:  
Sexta tulit pecudes, Hominem quoque, quem Deus ipse  
Condidit, inde operis requies Lux septima fulsit.*

Non immorandum est, quod *Hebræorum* nonnulli, à verisimilitudine abesse existiment, quod Mundus sex dierum intervallo conditus sit, ac propterea hanc dierum delineationem *allegoricè* accipiendam esse aliqui Patres duxerint: Cùm *Deus* in mundi productione, non eo modo, quo absolute posset, processerit, sed quo à nobis Mortalibus intelligitur & apprehenditur. Id enim præstare voluit, quatenus nos homunculi nosceremus, nihil absque ordine eum operari, qui capere haud valemus, quî in simultanea creatione, ordinis ratio habeatur.

VIII.  
*Cur mundus sex dierum spatio creatus fuit.*

## ARTICULUS TERTIUS.

### De Mundi interitu.

EX dictis manifestum sit, conditum esse Mundum, & ea esse Corruptioni obnoxia, quæ ortum habuere. Nam quidni principium destructivum nanciscatur, quod productivum habuit?

I.  
*Quod principium habuit, finem quoque habuit?*

Q

vere necessum  
est.

buit? Et esse aliquando desinat, quod semel esse incepit? Annon *Materia*, ex qua totum Universum conflatum est, interitus origo & causa est? Quid unquam ea substante, sempiternum fabricatum est? Cuncta quæ spectamus, quotidie labuntur, & veluti destinato cursu ad finem properant.

Is enim primis labris physiologiam gustasse haud videtur, qui æternum esse putat, quod semel ortum est, ut loquitur *Velleius* de Platonis sententia, apud *Ciceronem lib. 1. de Nat. Deor.* Quæ enim est coagmentatio non dissolubilis? Aut quid est, cujus principium aliquod sit, nihil sit extremum?

*Nam veluti privat a cibo natura Animantium  
Dissluit, amittens corpus, sic omnia debent.  
Dissolvi, simul ac defecit suppediare  
Materies rectâ regione aversa viâ.*

Lucretius libro primo.

II.  
*Præcorum opi-  
nio de Mundi  
duratione.*

Verum obstabis, non defuisse *Philosophos*, qui Mundo æternitatem asseruerint, putarintque ingentem hanc *Machinam*, tam affabrè esse confectam, ut pati aliquod exitium nequeat. Hujus Sententiæ fuere *Zenophantes*, *Melissus*, *Aristoteles*, & alii, impietatis eos insimulantes, qui Mundo Durationis terminum adscriberent, & aliquando esse perituum profiterentur. Neque *Plato* & *Pythagoras*, huic Opinioni adversati sunt: Quia licet Mundum finem habiturum esse crediderint, non tamen nisi à Deo corrumpendum esse censuerunt; ea ratione nixi, quod tanto Opifice indignum sit, opus suum destruere, & tam miro artificio elaboratam *Machinam*, aliquando dissolvi. Parentis esse fœtus suos servare, & nullo pacto, ad eorum perniciem impelli.

III.  
*Mundus naturâ  
est corruptibilis.*

Sed cæcorum sunt hæc Judicia, qui non probè ad Mundi constitutionem attendentes, rati sunt, inter ejus partes, vincula intercédere, quæ nulla ætas, nulla secula perrumpere sufficerent. Sed ut Authoritatem Authoritati opponamus; Annon aliter *Epicurei* & *Stoici* senserunt? quorum ultimi, præter *Jovem*, nihil immortale esse sunt opinati, & hanc Terram, Mare, Aerem, Cœlumque ipsum æqualiter interitura affirmant, & in alia Corpora degeneratura. Ut vaticinari videtur. Tragicus poeta in *Here. Oct.*

*Cœli*

*Cæli regia concidet ,  
Certos atque obitus trahet ,  
Atque omnes pariter Deos .  
Perdet nox aliqua, & chaos.*

Sed quorsum Veterum Philosophorum testimoniis, ad Mundi Corruptionem asserendum opus est? quum quæ præsentibus nobis accidunt, decrementa, ejus arguant, & senescentem ætatem loquantur? Quare advocanda Scripturæ Autoritas, ut sciamus omnia, quæ in mundo sunt, delabi, & ad finem properare? Quis nescit *Tempestates* deficere, & à pristinis viribus declinare? Decrescit quotannis *Æstatis* fervor; non *Hyems* solitos imbres seminibus alendis suppeditat; non ita fata *Vere*, læta prodeunt; nec *Autumnus* talem tenero dat *palmitum fructum*. Omnia denique minuuntur, & à primæva virtute paulatim deflectunt. Si Terram scrutamur, si Montium radices subeamus, quàm tenuis *Auri Argentique* vis, quàm raræ Metallorum venæ reperiuntur, si eas cum illis conferamus, quas præci referunt, & Historiæ etiam nostræ testantur.

Neque minora sunt aliis in rebus decrementa; nam Quis non experitur, pauciores quàm Majorum temporibus extare Homines, & Arva *Agriculis*, Caltra *militibus*, *Maria nautis* pene destitui? Quid autem tam generalis Rerum defectio, aliud quàm mundi Senium arguit, & omnes Creaturas ad extrema vergere? Occidi necessum est, quod paulatim decrescit, & occulto tramite, ad exitum decurrit. Hæc igitur inconcussa Dei *Lex* est, ut omnia, quæ originem accepere, denascentur, & quæ longo Tempore aucta sunt, senescant; & emorian-  
tur.

Sed quorsum tot sermones, ad imminentem Mundi Senectutem ostendendum, cum videamus Hominum *Vitam*, indies minorem fieri, & paucis Annorum curriculis terminari.

*Et genus hoc, vivo jam decrescebat Homero ;  
Terra malos Homines nunc educat, atque pusillos.*

Lucretius lib. 1.

Quondam ultra octingentos, & nongentos Annos Homines

Q<sup>2</sup>

Aura,

IV.  
Generalis rerum defectio,  
Mundo finem  
imminere portendit.

V.  
Solito brevior  
Hominum vita  
Mundi senium  
prædicat.

*Aura*, ut cum Poeta loquar, *vescebantur aethera*: nunc vix centenarium Annum attingunt, & si fortè cò pervenerint, tanta Animi molestia, tantoque Corporis dolore vexantur; ut nihil magis exoptent, quàm Vitam suam, cum Morte commutare. Qui igitur cum continua *Mundi* labe, *Tempestatum* defectione, *Mortalium* senio, mundi Æternitas consistere potest, & quod perpetuò alteratur, esse sempiternum?

## VI.

*Elementa ad  
Mundi destru-  
tionem con-  
spirant.*

Aliud Argumentum ex particularibus Mutationibus desumi potest, quæ semper mundo labem inferunt, & diversa ratione ad ejus exitum conspirant. Quas non strages Ignis mundo attulit? quot Regiones Sol, quem *Vita parentem, universique Animam* appellamus, corripuit, & quæ antea produxisse videbatur, extinxit? Quoties *Aqua* mundo infesta fuit? Quot contigère diluvia, quorum Aquis obruta Tellus, infœcunda per aliquot menses reddita est, incolis orbata, & in pristinum chaos tantùm non redacta. Quoad Nos, licet mortem nondum simul experti, & longiorem nobis Vitam, quam aliis speremus: Ratione tamen ad credendum adigimur, illam Nobis quondam adfuturam, quum iisdem corporeis Infirmitatibus subjiciamur, quibus ii, qui nos præcessere, fuerunt obnoxii. Similiter, quamvis totius *Mundi* Ruinam non viderimus, nihilque adhuc oculis objectum est, quod ejus Interitum præfagiat, par est tamen conjicere, illum ipsi imminere, quum iisdem morbis teneatur, quibus cætera, quæ periisse referuntur.

## ARTICULUS QUARTUS.

## De Rerum Generatione &amp; Corruptione.

*II.  
Quomodo ex  
Ligno Ignis  
generetur.*

**N**IHIL apud nos solentius, quam Ignem ex ligno generari, & Corpus subtile ac fluidum, ex crassa ac dura materia procreari.

Generatur Ignis ex ligno, non *novæ formæ* exortu, ut *Aristotelici* putant, sed sola partium dispositione, situ, cæterisque aliis modis, quæ cujusque Corporis formam constituunt. Nam nihil ligni deperditur, dum ardet, & in *flammam, carboneve* convertitur,



convertitur, sed alia tantum sit partium connectio, & alius à priore existendi modus. Ut enim Ignis excitetur, debent Globuli Cœlestes, qui omnia intervalia circa Terram occupant, vi aliqua expelli ab intervallis nonnullarum partium terrestrium, quæ deinde à se invicem disjunctæ, atque in sola materia primi Elementi natantes, celerrimo ejus motu rapiuntur, & quaquaversus impelluntur.

Ab eadem partium dispositione, figura, motu, textura, pulli in ovo generatio proficiscitur: Cum albumen, quod ante gallinæ incubatum, non nisi insipidus liquor, diaphanus, similis substantiæ, & in aqua frigida facile dissolubilis erat, Gallinæ calore accedente, in *Animal* convertatur, cujus partes alix opacæ, alix rubæ, flavæ alix, quædam fluidæ, & quædam consistentes sunt, &c. Nec mirum quibusdam videri debet, quod ex sola partium dispositione, figura, &c. tanta corporum varietas in Mundo oriatur, cum ex viginti quatuor Alphabeti Litteris, tanta dictionum diversitas procedat, ut incomprehensibilis propemodum videatur.

Ex frusto Ligni cremato, Sal generatur, ut *Chymici* testantur, qui in distillationibus *Mercurium, Sulphur, & Salem*, extrahunt, Cujus ultimi partes Aquæ immiscentur, & veluti cum illa incorporantur.

Hujusmodi educationibus, Generationis nomen non nisi improprie tribuitur, cum in iis nulla partium adaptatio secundum figuram, quantitatem, & motum, fiat; quam ad genuinam generationis rationem requiri antea diximus, sed partium tantum discretio. Salis enim particulæ, cum minutæ sint & exiles, facile à ligni partibus obruuntur, quæ nunquam pungunt, sapidæque evadunt, ni prius seorsum ponantur, & à cæteris, Caloris vi secernantur. Manifestum est, *Argentum* unciam, cum ingenti massa *Auri*, ita posse coalescere, ipsique ita intimè commisceri, ut nulla *Auri* pars detur, in qua non aliqua *Argentum* portio reperiatur: Nemo autem, qui sanè philosophatur, affirmabit *Argentum*, dum *Aqua* forti, ab *Auro* separatur, generari: sed solum ejus particulas, quæ in *Auro* commiscebantur, extrahi, & suæ naturæ libertati que restitui. Sal igitur ligno commistus, naturam suam retinet; etsi non sentiat, vimque suam exerat; id provenit, quod ab innumeris ligni partibus obducatur, & ejus aculei, aliorum

II.

*Ex sola partium dispositione albumen ovi in pullum convertitur.*

III.

*An Sal è ligno, aut alia materia generetur.*

aliorum Corpusculorum occurſu, quodammodò refringantur.

## IV.

Ut Metalla ſolo  
vapore ſolvun-  
tur.

Metalla ſolo vapore nonnunquam ſolvuntur, ut apud *Chymicos* ſolenne eſt, *Aurum*, & alia duriffima corpora, Calore externo, per *balneum Maria*, hoc eſt, aquam calidam, in quam ex parte, vas immergitur: vel *balneum roſis*, id eſt, vaporoſum halitum, ſolvere.

Id fit, dum Halitus per vaſis meatus tranſmiſſus, & in Metalli poros deductus, ejus partium plexum ſolvit. Nam licet Calor ille *lentus* ſit, quia tamen diurnus eſt, ad modum guttæ aqueæ ſe habet, quæ lapidem cavat, & ſenſim ad intimas ejus partes penetrat. Hinc *Chymici* tantum Caloris hujus vim experti, miras nobis fermentationes pollicentur, nec ambigunt, quin ſint aliquando *Aurum* & *Argentum* confeſturi.

## V.

Pomum putri-  
dum alia ſana  
corrumpit.

Pomum putridum, ſi ſincero admoveatur, illud corrumpit: imo nonnunquam contingit, ut plurima ſana, ab uno ſolo putrido depraventur.

Id ab Halitu, è Pomo putrido erumpente provenit, qui ſatis validus eſt, ut ſincera Poma ingreſſus, à ſubtili materia, in illis exiſtente agitated, eorum partes ſimiliter, ut in pomo putrido ſunt conſtitutæ, diſponit; atque ſic per contactum, putrido illo halitu mediante factum, parem in ſinceris *pomis* putredinem ingenerat. Simili ratione, pomum ex pomo maturitatem contrahit, nam *citro* conſciendo, poma cumulatiſſimè confunduntur, & una contacta una, feſtinatam maturitatem inducit, juxta illud, *Botrus contra Botrum citius matureſcit*.

## VI.

In Aceto Vermes  
generantur.

In Aceto, paſſim *Vermes* generantur, cum illud corrumpi, viſque illius debilitari inceperit, qui exigui admodum, oblongi tamen, & Serpentium ritu, liquori innatant.

Quia cum in Corruptione, partium compages ſolvatur, & particulæ ſulphureæ, ut cum *Chymicis* dicam, cum ſalinis fluorem adeptis, evaporentur, ſit, ut earum plurimæ foras erumpendo, alicubi in vicinia coeant, & invicem conjunctæ, ea Animalcula producant. Eadem ratione, Vermes in *Cafeo* gignuntur, & in *fructibus* ſimilia Animalcula, cute etiam integra, oriuntur; quia haud dubium eſt, quin mollia inteſtinos motus patiantur, & inſenſibiles eorum particulæ, agitationem

gitationem suam habeant, qua in confusionem aguntur.

*Aromatibus* vis incst, Corpora à putredine servandi: hinc mortuorum Corpora *Aromatis* imbuuntur, ut diu intacta in sepulchris supersint.

VII.  
*Aromata servantur Corpora à putredine.*

Ratio est, quod *Aromata*, iis partibus constant, quæ facile à subtili materia commoveri queunt, ac proinde novam fermentationem in Corporibus excitantes, otiantem materiam, in agitationis suæ societatem adsciscunt, & plurimas eorum particulas effluentes cohibent, impediuntque ne avolent. Sic *Flores* & *Fructus*, melius saccharo asservantur: Nam id tenues volatilesque eorum particulas mulcendo, intus retinet, & gratum eis saporem conciliat.

Tritici *grana*, molarum compressione, in *farinam* abeunt, quæ mox Aquæ admixta, manuum opera, furnique calore, in *panem* degenerat, quique in ventrem immissus, & acido penetrantique succo diminutus, in *sanguinem* tandem convertitur.

VIII.  
*Quaratione Triticum in panem, & postea in sanguinem convertitur.*

Hujus progressus causa, à solo motu petenda est, qui omnem penè mutationem in Corporibus generat, & illam diversitatem inducit, quam in Cœlo, Terræque spectamus. Non enim existimandum est, in *Rerum Generatione* aliquid novi acquiri, aut earundem interitu, quicquam deperdi, quod in ipsis antea, non continebatur, sed novam tantum partium connexionem oriri, & alium à priori existendi modum. Addeò ut, dum Tritici grana, in *farinam* primum, deinde in *panem*, & demum in *chylum*, & *Sanguinem* commutantur, nihil aliud, in toto eo progressu reperiat, præter motum localem, quamvis species ipsa mutari videatur. Ut appositè *Ovidius* describit *decimo quinto Metamorph.*

——— *Omnia mutantur, nihil interit,  
Nec perit in tanto quicquam, mihi credite, mundo.  
Sed variat faciemque novat: nascique vocatur  
Incipere esse aliud, quàm quod fuit ante, morique  
Desinere illud.*

Ubi verò talis partium seu insensibilium, seu sensibilium Mutatio non contingit, nulla fieri potest Mutatio, ut in *Talco*, *Auro*, *Hydrargyro*, & Aliis, quæ tam arcto vinculo copulantur,

tur,

tur, ut nulla vi se jungi queant; aut eo modo subigi, quin pristinae formæ restituantur.

## IX.

Quomodo dicuntur Vapores in Aquam converti, aut è contra.

Nihil communius apud Philosophos, quàm *Aquam* in *Vapores* converti, & vice versa *Vapores* si frigore ita condensari, ut *Aquæ* naturam denuò assumant.

Scio Aristotelicos non arbitrari, hanc mutationem esse mutuatam, cum sibi fingant, in omni generatione, novam Substantialem *Formam* acquiri, & aliam interire, ac proinde ut *Aristotelis* verbis utar, secundo de generatione, capite ultimo. Si ex *Aere Aqua* fiat, & ex eadem *Aqua* rursus *Aer*, fore *Aerem* specie eundem, non verò eundem numero. Sed id verisimile non videtur, cum in iis Mutationibus, earundem prorsus partium restitutio fieri possit. Nam sicuti *Macbina* centum aut ducentis partibus constans, ubi dissoluta fuerit, à perito *Artifice*, refarci, & in integro reformari potest: ita quidni *Aqua* penitus eadem, pristinam formam denuò induat, si eadem *Vaporis* particulæ, ad se invicem accedant, & iterum uniantur? Quis dicet *Aquæ* guttam, quæ per *Alembicum* evaporatur, & eadem vase excepta concrevit, specie distingui? cum omnes ejus partes colligi denuò possint, eidem *figura* subijci, similemque *locum* occupare. Tota igitur, quæ *Aquæ* & *Vapori* interest, differentia, ex solo Motu & *Figura* pendet, quoniam *Vaporis* partes magis agitantur, magisque à se mutuò dissident, quàm partes *Aquæ*, quæ minùs cientur, minùsque spatium occupant.

## X.

Mutatio corporum à partium transpositione pendet.

Sic *lignum* ex multiplici partium transpositione, in flammam ac fuliginem, ac demum in *Cineres* fatiscit. Sic *Vegetabilia*, ubi putrescunt, in *Vermes*, aut pulverem, vel uliginosam substantiam abeunt. Nec intelligi potest, quo alio ritu, infinita illa *Animalcula*, quæ per *Telescopium* in *caseo* putrescente deprehenduntur, proveniant, nisi quia *Corporum* illorum, quæ mutationem subeunt, partes, quoad *situm*, *figuram*, &c. mutatae sunt, & diversas affinitates inierunt.

ARTICULUS QUINTUS.

De Cælo.

CONSTAT Corpora in Cælo, non minùs quàm supra Terram mutari, & novas figuras, novosque Colores acquirere; ut *Phases*, quæ in *Venere* contingunt, testantur, quæ haud multum à *Luna* phasibus differunt, & eodem penè modo oculis obtenduntur.

I.  
Novæ phasēs  
in Venere quan-  
te contingunt.

Hujus varietatis Causa, ab ipsius *Veneris* motu pendet, qui fluido Cælo innatans, circa Solem volvitur, & prout supra, infra, aut ad latera ejus fertur, novas phasēs procreat. Cùm enim *Planeta* mutuato à *Sole* lumine illuminentur, diversas Nobis facies exhibent, prout circa Solem excuriunt, & in ejus oppositione sunt, aut Conjunctione.

Quippe constat *Venerem* uno tempore quadragesies se majorem exhibere, quàm altero: Et eandem, quum maxima conspicitur, *corniculatam* formam gerere, *sphericam* autem, quum minima est. Quod phænomenon, arguit *rotundam* *Venerem* in celsissimo esse situ, & *corniculatam* in humillimo. Quæ apparitiones sat indicant *Venerem* sicut & *Mercurium*, non Terram ambire, sed per circulum, circa Solem converti, ac proinde *Terram* nostram *Venerem* inter a & *Martem* esse collocatam.

II.  
Unde fit quòd  
Venus aliquan-  
do major, ali-  
quando minor  
videatur.

Cometæ diversas Cæli regiones peragrant, & ita cito motu feruntur, ut intra paucos dies ex Oculis penitus evanescant. Quippe deprehenduntur ingentia ultra Solem spatia trajicere, & ex uno cælo, in aliud transire.

III.  
Cometæ ex uno  
Cælo, in aliud  
transmigrant.

Hoc phænomenon, demonstratam à nobis in *Institutione philosophiæ*, Cæli fluiditatem evincit, sine qua, non Corporum motus, non trajectio fieri potest. Nam quo pacto Sidera, aut Cometæ, ab uno loco, in alium transferri possent, si ubique solida adsint Corpora, quæ eorum cursum remorentur, aut impressum impetum retundant? *Cometa* igitur celeriter per Cælorum spatia vagantur, quoniam Cælum, Aeri nostro simile, licet multo purius, solidis Corporibus cedit, & facili se penetrari sustinet.

R

Corpora,

imo maximè tenebrosum à Nobis visum iri, nisi alia Corpora interjacerent, quæ aliquot radios ad Nos reflecterent; sive quæ globulos Secundi Elementi, quos *Sol*, aut *Stella* in ipsa propulerunt, versùs oculos nostros remitterent. Nam cum illi Vapores rari sint, plurimùmque dilatentur, Cœlestes Globuli non satis multas particulas offendunt, ut æque celeriter in *gyrum* ac secundùm *lineam rectam* ferantur, ac proinde contin- git, ut Cælum Colore cæruleo tinctum appareat, ut antehac de illius natura dictum est.

Quod verò Cælum ipsum, *Ceruleo* colore tinctum non sit, ex eo constat, quod Sidera omnia trans ipsum spectata, à Nobis cærulea aspici deberent, quemadmodum ea, quæ trans *Vitrum* coloratum ponuntur, ejusdem cum vitro Coloris appa- rent.

VI.  
Cur tamen  
cæruleum  
non est.

Plures Stellæ in Cælo nascuntur, quæ antea visæ non fue- rant, uti de *Merope*, seu *Electra* narrant Mathematici, quæ diu ante Trojanum bellum conspicua, paulatim posthac extincta est. Aliam *Tycho Braheus* in Cygni constellatione adnotavit, quæ etiam in Cælo, per multos Annos apparuit, & demum ex oculis veluti Senescens evanuit.

VII.  
Qui sit ut que-  
dam Stelle, in  
Cælo evanes-  
cant.

Horum, sicut & aliorum Siderum de novo orientium Causa, passim à *Mathematicis*, in Cœlorum corruptibilitatem refun- ditur. Quod enim in alio generatur, ab-eo suæ procreationis materiam mutuatur, & ex ejus dissolutione provenire neces- sum est. Majus enim Corruptibilitatis rei alicujus Argumen- tum adferri non potest, quàm si dicatur, in ea multa oriri & interire; & genitorum moles decrescere, & minui, quod in novis Stellis contingere, posthac manifestius reddetur.

## ARTICULUS SEXTUS.

### De Sole.

**S**OLIS Effectuum præcipuus, maximèque communis est Calor, quem per diffusa undique spatia, ad nos transmi- tit. Quippe nullibi Solis radii appellant, quin Calorem illic ingerant, & eas mutationes inducant, quas à Flamma produ-

I.  
Quo pacto Sol  
calidus esse  
dicitur.

ci quotidie cernimus. Hinc *Parmenides* & *Heraclitus* apud *Stobæum*, credidère Cælum Ignem esse, & *Stellas* veluti inflammatos centones, in eo locari, quibus ad Nos *lumen* devehitur, & tanquam è fontibus, rerum inferiorum vigor profluit.

Qui *Aristotelem* sectantur, hunc Effectum Solis virtuti duntaxat, non verò illius substantiæ acceptum referunt, quem ignea natura præditum esse inficiuntur, & Vi sola, non autem ad tactum Calidum esse. Ad instar *Zinziberis*, & *spiritus vini*, quæ Calorem in ore & in stomacho excitant; quo tamen destituuntur, si manui apponantur. Verùm, undè illis constar, Solem *eminenter* tantum, & non reipsa calidum esse? An Sensu aliquo id percipere? An fortè tam propè, Soli admoti sunt, ut illum manu contingerent? Quidni potius *nativum* ei Calorem attribuant, cum in omnibus, Igni assimiletur, & ejus naturam omnimodè referat? Nihil hic supra Terram *flamma* mobilis cernimus, quum omnia penè Corpora agitet, & sua activitate dissolvat. Annon idem *Mathematici* ope *Telescopii*prehenderunt, qui Solem *Auri* instar in fornace fervescentis, aut *Maris* undique igneis fluctibus acti, ebullire vidisse testantur? Quid verò aliud est *formalis* Calor, quàm varius exiguarum partium Corporis motus, dum diversimodè agitantur, & aliter atque aliter inter se feruntur. Quod Soli contingere, nemo inficias ibit, nisi qui ejus naturam penitus ignorat. Quod autem de *Spiritu vini* & *pipere* adferunt, non tam in illorum, quàm nostram rem facit, quum illa calida esse non percipiantur, nisi in illorum partibus, Subtilis Materia, primò motum excitet, & illas à se invicem disjungat. Solis verò particulæ, in perpetuo sunt motu, & quamvis ultra terminos, quibus includuntur, non excurrant, situm tamen variant, & ad partes diversas feruntur.

## II.

Cur Sol sphericam habeat figuram.

Sol libero oculo intuenti, Sphæricus apparet, præsertim si oculus eximio *telescopio* muniatur, cujus vitrum concavum, diluto aliquo liquore, exempli causâ, *Ianthino* tingatur; quippe tunc non disci duntaxat, ut antea figuram referet; sed totius sphærici Corporis convexum detegit. *Gassendus*.

Hujus Phænomeni ratio est, quòd Materia primi Elementi, quæ Solis Corpus componit, ab illius Centro, omni ex parte recedere conatur, & æquali nisu circumjacentem materiam premit.

premit. Nam *Natura Lex* est, ut Corpora quæ circulariter moventur, à Centro circuli, quem describunt, quantum in se est, recedant, & per amplius spatium dilatari contendant: ac proinde loca post se relinquunt sphærica, ab alia Subtiliori materia replenda. Cùmque etiam *Vortex*, in quo Sol formatus est, à circumambientibus aliis Vorticibus undique prematur, & à Motu suo, per lineam rectam persequendo impediatur, necessum est, ut ~~Rotundus~~ *Rotundus* maneat, & aliam figuram nunquam adipiscatur. U. patet in *Vitro*, quod in orbem effingitur, dum transmissus per tubum *Aer*, Vitri partes æqualiter premit, & non minus ad fundum, quàm in latera protruditur.

Nullam adhuc in Sole mutationem *Mathematici* deprehenderunt, quem eadem constare magnitudine, iisdemque polere viribus, cum quibus formatus est, agnoscunt. Quod Nonnulli adducunt, ad probandum *igneæ* naturæ non esse, cum pabulo non indigeat ad sui Nutritionem, & eo deficiente non extinguatur.

III.

*Sol sub eadem  
semper magni-  
tudine & figu-  
ra conspicitur.*

Licet Sol pro *Ignē* habeatur, & iisdem quibus flamma, videatur defectibus obnoxius, non tamen inde concluditur, pabulo, quemadmodum hic, qui apud Nos est *Ignis*, quo alatur indigere. Nam secundum Naturæ Leges, quodlibet Corpus, in eodem semper statu permanet, donec à peregrino agente inde deturbetur. Unde patet *Ignem*, cùm fluidæ ac mobilis sit naturæ, facile supra Terram à circumjacente materia arripi ac destrui, & proinde ipsi Alimento opus esse, quo amissa refaciatur, & dum aliquid ejus Materiæ evanescit, altera in ejus locum substituatur. Tali autem definendi genere, Sol non periclitatur, cujus ruinam non ita vicinæ Cæli partes machinantur, nec ita ad ejus destructionem conspirant. Aliquo tamen pabulo eget, ut unus semper esse existimetur, sed illud ipsissimam primi Elementi Materiam esse dicimus, quæ sicut per *Eclipticam*, sive loca à polis solaribus remota elabitur, ita nova semper materia, in Solem per polos ingreditur, & ad locum similis abeuntis, perpetuo accedit. Unde sicuti *flumen*, idem semper manere dicitur, si Aquarum substitutione reparatur: ita Sol novæ materiæ ingressu, idem perseverat, & eandem molem, eandemque figuram semper tuetur.

IV.

*In Zona torrida  
Sol servatione*

Quamvis Sol varias per orbem Terrarum tempestates pro-



sentitur, dum  
ab illa remo-  
tior est.

creet, & præsentia sua Calorem ubique producat: contrarium tamen in *Zona Torrida* passim contingit, in qua summus æstus potissimum viget, dum Sol maximè remotus est: minuitur autem, debiliorque evadit, dum Sol perpendiculariter imminet, & illam directioribus radiis ferit; adeo ut, qui inter Æquinoctialem lineam, & *Tropicos* vivunt, circa *Christi nativitate*, Æstatem ordiantur, Hyemem autem, circa festum Sancti Joannis.

Provenit hæc Tempestatis diversitas, ab ipso Sole, qui *Zonæ Torridæ* habitantium capitibus directè imminens, plurimos *Vapores* attollit, eosque ad tantam altitudinem allicit, ut Aeris frigidi occurso, illico in *aquam* convertantur; ac proinde continuam propemodum pluviam suppeditent, quæ Aerem refrigerat. Distante autem ab eorum verticibus Sole, desinit pluvia defluere, & refrigerio destitutus Aer, ita incalescit, ut vix tolerabilis reddatur.

V.

Cur Sol quosdam  
Homines deni-  
grat, non au-  
tem Ignis.

Solis Calore, Homines in quibusdam Terræ locis, *Nigro* Colore tinguntur, ut qui in *Quinea*, *Ethiopia* vivunt: Quem effectum *Ignis* non præstat, quamvis in Corpora acrius impingat. Hinc qui Vitris conficiendis continuè occupantur, non tam nigri quam pallidi sunt Coloris.

Id oritur, quòd Ignis in Sanguinem & spiritus operetur, ut exhalent; quo fit, ut Homines ita pallidi ac subfusci reddantur. Benignior autem Solis Calor, Sanguinem in extimas Corporis partes tantummodò prolicit, eumque concoquit potius, quàm eliquat. Hinc omnes *Ethiopes* carnosio quidem, sed inconcinno Corporis habitu sunt, crassisque labiis, quæ humidum detentum, non elicitum arguunt.

VI.

Unde fiunt cre-  
puscula, & eo-  
rum diversitas.

Mane, priusquam Sol oriatur, & vesperti postquam occidit, *Crepuscula* fiunt, quæ in quibusdam terræ partibus perpetua sunt, nullamque regnare Noctem sinunt.

Oriuntur *Crepuscula*, dum *Solis* radii, in *Aeris* & *Atmosphæræ* superficiem obliquè incidentes, versus Terram refringuntur, & illam subeuntes, ab occurrentibus Aeris & halitusum particulis eodem etiam reflectuntur. Incipiunt autem & desinunt *Crepuscula*, quando Sol ab *Horizonte* octodecim gradibus abest. Quod si humilius perrexerit, nocturnæ diffunduntur tenebræ. Hinc manifestum est, quod in iis locis, in quibus Sol, æstivis mensibus, octodecim graduum humilitatem non acquirit,

acquirat, continua vigeant post ejus occasum Crepuscula, & nox perfecta non succedat.

Ab hac radiorum solarium refractione pendet, quòd Sidera Horizonti vicina, tantillum hæere videantur, & quodammodo reluctanter occidere; quòd in *Sciothericis horologiis*, vespertinæ umbræ lineas horarias tardius attingant, sicque præter solitum horas protrahant: Quòd Sol quandoque, cum Luna, dum deliquium patitur, appareat, quanquam necessum sit ad Eclipsim procreandam, ut Luna illis interponatur. Quòd *Batavi* in *nova Zembla*, post continuam trium mensium noctem, Solem supra Horizontem intueantur, & ad ipsummet Meridianum, diebus circiter quindecim maturius quàm propositu sphaeræ deberet, evertedum videant. Quia radius, qui est inter Oculum, & punctum Atmosphæræ, in quo refractionis peragitur, non ad Solem, sed aliquantò supra ipsum terminatur; quo fit, ut Sol in loco altiore existere, quàm revera est, cernatur.

Solis Eclipsis semper ab Occasu incipit, Lunæ autem ob Ortum. *Gassendus.*

Ratio est, quia Luna motu suo in Ortum, parte sua Orientali, partem Occidentalem tam umbræ terrænæ, quàm Solis subit. Unde fit, ut ipsa quidem sui parte Orientali, propter Occidentalem umbræ partem deficere incipiat. Sol verò è diverso, occidua ob Orientalem Lunæ. Et quoniam pars ultimò deficiens, lucem ultimò recuperat, fit ut defectus in Luna ad Occasum desinat, in Sole autem ad Ortum.

In Solstitio, dum magis perpendiculariter in Terram nostram Sol radios suos vibrat, non tantus calor sentitur, quàm post dies aliquot, cum Sol scilicet ab hemisphærio nostro declinare incipit.

Ratio est, quod Sol Horizontem nostrum ascendendo, Aerem directis radiis, vel magis perpendiculariter, diebus singulis calefacit, & longiore mora supra Horizontem, usque ad Solstitium permanet. Cumque hujusmodi radiorum directio ac mora, per dies aliquot sensibiliter perseveret, & acquisito jam Calori consimiles gradus continuò addantur, fieri non potest, ut illum non intendat. Adeò ut, nisi radii à pristina directione sensibiliter deflectant, Solisque mora supra Horizontem decreseat, Calor minui, seu remitti non potest.

Sol Horizonti proximus, major apparet, quàm ab eo distans, dum

VII.

*Sol sept in loco esse apparet, in quo revera non est.*

VIII.

*Eclipsis Solis incipit ab Occasu, Lunæ autem è contrâ.*

IX.

*Cur Solis calor post solstitium est vehementior.*

X.

*Cur Sol Oriens*

vel Occidens  
major appareat  
quàm circa me-  
ridianum.

dum scilicet, circa Meridianum in Cœli vertice versatur : quippe tunc altior, evectiorque esse concipitur.

Hujus deceptionis ratio, à radiorum refractione petitur, quæ in Vapore rorido peragitur, quorum inflexio, Angulum visorium dilatat, & rei magnitudinem auget. Quia cum Vapor non nisi modicum supra Horizontem evehatur, in cujus tamen plano maximè extenditur, fit ut radii solares, plures hinc inde, quàm sursum coeant, efficiantque, ut longior Solis *diameter*, quæ tunc cernitur, plano Horizontis parallela reddatur. Sol autem, circa Meridianum in Cœli vertice evectior apparet, quoniam radii, qui à Sole proficiunt, cum per diversæ raritatis Corpora, Cœlum scilicet *æthereum* & *Aerem* pertranseant, versus perpendicularem, hoc est, illum qui a Sole, ad Centrum *Atmosphære* tendit, refringuntur, ac proinde, maxima refractione, in oculum incidunt. Quo fit, ut *oculus* multo evectiorem esse Solem, quàm revera sit, apprehendat : Oculus enim objecti magnitudinem metitur, secundum lineam rectam, quæ ejus Retinam ultimò attingit. Accidit quoque, quòd radius, qui à puncto *Atmosphære*, in quo refractione fit, & ad Oculum continuari intelligitur, non ad Solem terminetur, sed aliquanto supra illum porrigatur; quod occasionem Sensui præbet, illum altiore, quàm sit, apprehendere, & loco eminentiori contineri.

Vel dici potest, quòd Sole Horizonti proximo, ob Vaporum seriem, qui Solis radios retundunt, *Oculus* minùs conniveat, ac proinde magis amplificetur, quàm dum Sole sublimi, rari Vapores interponuntur, & ita directa in illum *pupilla* contractior evadit. Evidens autem fit, quòd introducta per latiore pupillam imago, majorem quoque procreet Objecti apparentiam, quàm per pupillam contractam eodem intromissa.

XI.  
Circa Ortum &  
Occasum Sol  
tremere vi-  
detur.

Sol præsertim circa Ortum & Occasum, *tremulus* conspicitur, & veluti vertiginem pateretur, circa proprium Axem circumduci, & aliquo modo subsultare apparet. Unde *Clandianus* primo de Stiliconis laudibus,

Tunc & Solis Equos, tunc exultasse choreis  
Astra ferunt.

Quam ob Causam, inter Plebeios receptum est, *die Paschatis*,  
cam

eam undulationem attentius circa vesperam observare ; quod credant omnia Creatura, eo die, ob Domini *Resurrectionem* exultare, & Solem peculiari quodam gestu, Lætitiâ suam testari.

Quidam hunc Effectum Solis *turbationi* assignant, quali ejus lumbus revera tremulo Motu concutiatur, & ita circa Axem suum volvatur, ut quandam palpitationem pariat. Sed id falsum esse deprehenditur, quod Motus Solis, circa Centrum suum, insensibilis sit, & non nisi post repetitas observationes deprehendi queat. Causatur igitur hic apprensus Tremor, ab interpositis Vaporibus, qui Calore agitati, tremorem quendam præ se ferunt ; ac proinde eos trajicientes radii, eo modo Oculi retinam concutiunt, ut subsilire Sol, & tripudiare videatur. Eo planè modo, quo Sol in *charta*, aut *pariete* cernitur, si lucernæ fumi ejus radios intercipient, & medium inter illos locum occupent. Vel quo, *Lapis* in fundo fluminis quiescens, ob superfluentis Aquæ cursum tremere cernitur, & quandam Vertiginem habere.

Si Cælum Sole Oriente rubescat, Ventum, aut *Pluviam* præfagit ; è diverso ista *rubedo* serenitatem pollicetur, si Vespere deprehendatur.

Apparens Mane Rubedo *Ventum* aut *Pluviam* prænuntiat, quoniam hoc testatur, paucissimis Nubibus ibi in Ortu existentibus, Solem ante Meridiem multos posse Vapores evchere, atque Nebulas, quæ illum exhibent, jam surgere. E contra hæc rubedo *serenitatem* Vespere protendit, quia per id indicatur, nullas aut paucissimas Nubes esse in Occidente coactas : Unde fit, ut Venti Orientales dominantur, & Nebulæ noctu deorsum ferantur.

XII.

*Rubedo in Cælum in Ortu Solis pluviam indicat, in Occasu autem serenitatem.*

## ARTICULUS SEPTIMUS.

### De Stellis fixis.

STELLÆ fixæ scintillant, eamque Vibrationem præ se ferunt, qua Sol emicat, & propria luce fulgere deprehenditur.

Hujus ratio est, quod Stellæ veluti tot Soles, in suis Vorticibus

I.

*Stellæ fixæ propria luce fulgent.*

S

tibus

ticibus sunt, qui ex Materia fluidissima constant, quæ circa Centrum suum, summa velocitate gyrat: Unde fit, ut Materiam illam, quæ ab Astris ad Oculos nostros continuata extenditur, premant, efficiantque, ut eam *pressionem*, quam *Lumen* appellamus, sentiamus. Id Stellarum à Sole distantia confirmat, quæ tanta est, ut iis illuminandis, Sol nullo modo sufficere possit. Nam si Sol inter fixas existeret, non major nobis esset appariturus, quam illarum minima; & vicissim si *Canicula*, exempli causa, quæ inter Fixas minima numeratur, ex orbe suo eriperetur, & Solis locum occuparet, haud dubium est, quin & magnitudine & luce Soli æqualis videretur. Ex quo colligitur, non satis virium suppetere, ad lumen Stellis impertiendum, ac proinde propria luce fulgere, nec ulla Astra illis quicquam scenerari: Ut quondam *Plinio*, *Metrodoro* & aliis placuit, qui Solis admiratione capti, ipsum toti Mundo illustrando parem esse existimarunt.

II.

Quomodo Stelle  
apparent in iis  
locis, in quibus  
non sunt.

Multæ Stellæ, in suis locis non conspiciuntur, imo interdum contingit, ut una & eadem in locis diversis appareat.

Id à Stellarum Vorticibus, qui Cælum nostrum circumstant, provenit: Quia cum angulosas superficies habeant, non ita inter se aptari queunt, quin radii à Fixis venientes, & in illas incidentes, varias refractiones patiantur: Unde fit, ut ex Terra, tanquam in locis, in quibus revera existunt, non videantur, sed tanquam in locis superficiei nostri *Vorticis*, per quæ transeunt illi radii, qui ad Terram perveniunt. Cum vero illa loca, ab eo tempore, quo ab *Astronomis* observata sunt, immutata fuisse non deprehendantur, dicuntur Stellæ fixæ, eundem semper inter se situm servare, & in eadem regione collocari. Unde *Macrobius*: *Ecce vergiliæ neque à sui unquam se copulatione dissergunt, nec Hyadas, quæ vicine sunt, deserunt; aut Orionis proximam regionem relinquunt. Septentrionem quoque compago non solvit. Anguis, qui inter eos labitur, semel circumfusum non mutat amplexum.*

III.

Cur Stella non  
nisi noctu red-  
duntur conspicuæ.

Fixæ non nisi noctu deprehenduntur, & interdum Hominum oculis fugiunt.

Lux Fixarum die extinguitur, quoniam radii Solares ad Terram appulsi, & mox ab eadem per Aëræ reflexi, majori virtute pollent, Fixarum radiis obluendi, quam ut illi oculos nostros

nostros ferire queant. Unde fit, ut quanto Oculi Soli vicini-  
or extiterit, tanto minus sit Fixarum lumen excepturus:  
quoniam illarum vires, Solis occurſu, languſcunt ac debili-  
tantur; juxta illam Regulam, quæ ſemper in Corporum oc-  
cuſu locum habet: *Quæ aliis, viribus præpollent, ſuum effectum  
fortiuntur.* Quanquam interdum contingere poſſit, ut Stellæ  
interdum ſub aſpectum noſtrum cadant, ut referunt Hiſtorici,  
quæ Commodi temporibus, per totum diem apparuerunt, ac  
ſi Aëri eſſent infixæ. Sed id contigſſe arbitror, quod Sol  
tunc temporis, caligine offuſus, exiguos, aut pene nullos ra-  
dios tranſmiſerit, qui ſufficerent ad Fixarum aſtioni obniten-  
dum, ac proinde Hominum oculi Tenebris undiquaque im-  
plici, Stellas conſpicere potuerunt. Sicut in alto & tene-  
bricoſo puteo exiſtentibus Fixæ apparent, quamvis ſudum ſit,  
& Sol per Aërem radios ſuos fortiter vibret.

Semper eædem nobis Stellæ *Verticales* apparent, nec un-  
quam magnitudinem ſuam augment, vel minuunt. Unde Stel-  
læ, quæ ſupra Verticem noſtrum in *Cancro* tranſeunt, eædem  
in *Capricorno* videntur.

IV.  
*Stella ſemper in  
eodem ſitu con-  
ſpiciuntur.*

Id provenit quod axis, circa quem Terra diebus ſingulis  
movetur, ſemper invariatus maneat, nullamque variationem  
ſubeat. Quo ſit, ut punctum Vertici noſtro imminens, quan-  
do Terra in *Cancro* eſt, tantum ab eo diſtet, quod nobis im-  
minet, dum Terra eſt in *Capricorno*, quanta diſtantia eſt, in-  
ter duos Tropicos, in ipſo magno Orbe acceptos. Verùm,  
quoniam tota ea diſtantia, & totus magnus Orbis pro pun-  
cto habetur, ideo quoque in Cœlo illud intervallum, inter  
duo verticalia puncta, pro puncto eſt reputandum.

Stellæ novæ, non raro in Cœlo naſcuntur, quæ tamen poſt  
Tempus aliquod, extinguntur, & ex oculis penitus evane-  
ſcunt. Ute ea quæ in *Cyeno*, Anno milleſimo ſexcenteſimo vi-  
ſa eſt, haud multum à Tertiæ Magnitudinis Stellis abhorrens.  
Alia Anno milleſimo ſexcenteſimo quarto, in *Serpentario*, pa-  
ris ſerè cum Venere molis; Quarum prima per multos An-  
nos ſubſtitit, altera verò poſt Annum è medio exceſſit.

V.  
*Quomodo novæ  
Stellæ naſcuntur.*

Novarum Stellarum origo, à *Macularum* diſſolutione pen-  
det, quæ ita aliquando Sideri ſuperinducuntur, ut omnes il-  
lius radios, ſua denſitate aut duritie impedian. Si verò con-  
tingat Stellam iis maculis liberari, novæ Stellæ imago nobis

apparet, quæ forte ante multa secula, visa non fuerat. Fit autem *Macularum* dissolutio, dum *Vortex*, qui *Maculas* ambit, majori impetu *Vortices* vicinos premit, quàm ab illis impellatur; quia tunc, limites suos latius diffundendo, efficit, ut *Materia* primi Elementi, quæ ex aliorum *Vorticum Eclipticis* egreditur, ad tenebrosum *Sidus* majori copia affluat, aut ita supra *maculam*, qua tegitur, se diffundat, ut in *Globulos Cælestes* impressionem faciens, vim *Luminis* in oculis imprimat.

VI.  
Ut *Stellæ* diu  
conspiciæ eva-  
nescent.

E contra, contingit non raro, ut *Stellæ*, quæ diu appa-  
ruerunt, post aliquod temporis intervallum, obscurerentur, &  
se non amplius conspicuas reddant. Sic olim *Astronomi*  
septem *Pleiades* numerabant, cùm nunc sex duntaxat visan-  
tur.

Quoniam circa illas ita *Macula* coeunt, tantamque craf-  
sitiam adipiscuntur, ut à *Stella* subigi nequeant, nec *Globu-  
los Cælestes* impelli. Quippe nihil magis unumquemque  
*Vorticem* tuetur, cùmque à destructionis periculo vendicat,  
quam si *Stella* in ejus Centro posita, secundi Elementi *Glo-  
bulos* propellat, impediâtque ne vicini *Vortices* suos limites  
transilient, & debilioris vorticis *Globulos* furentur, & secum  
abripiant.

VII.  
Ut *Stellæ* inter-  
diu aliquando  
apparent.

*Stella*, Sole totalem *Eclipsim* patiente, aut spectatore in pu-  
tei fundo collocato, interdum conspiciuntur.

Quia, cùm *Solis* radiorum reflexiones, tunc temporis nul-  
læ sint, & tenebræ nocturnis similes spectatorem involvant,  
*Pupilla* dilatatur, & nervo optico à diurno splendore immu-  
ni, aut saltem non compresso, possunt quamvis exiles *Stel-  
larum* radii, sic eum percellere, ut *Stellæ* sensibiles evadant.  
Uti dictum est.

VIII.  
Stellæ aliquando  
in Cometam vel  
Planetam ver-  
tuntur.

*Stellæ* nonnunquam in *Cometam*, & *Planetam* degenerant,  
& propriis radiis exutæ, aliorum duntaxat Corporum lumen  
remittunt.

Ratio hujus Phænomeni, ex præcedenti deducitur: quippe  
ubi *Sidus* omnino *Maculis* obductum fuerit, & vi materiam  
Secundi Elementi propellendi fuerit destitutum, contingere  
potest, ut ejus *Vortex* à cæteris *Vorticibus* gyrationem obti-  
neat, & ita à propinquo potentiore absorbeat. Absorpto  
autem *Vortice*, *Stella* *Maculis* undique involuta, & in alium  
Vorticem

Vorticem transacta, vel ulterius pergit, & in alium Vorticem propellitur, & fit *Cometa*; Vel ob minorem ejus soliditatem, infra illum terminum descendit, & certam à Stella, quæ illius Vorticis Centrum occupat, distantiam servat, & in *Planetam* facessit; quæ circa illam continuò volvendo, Lumen ejus reflectit; & ita fit, ut Corpus, quod antea lucidum fluidumque erat, Macularum accessu, duritiem adipiscatur, & durum solidumque evadat.

## ARTICULUS OCTAVUS.

### *De Luna.*

**E**Adem semper Lunæ facies. Telluri objicitur, nec adhuc ullo *Telescopio* deprehendi potuit, ejus Corpus fuisse inversum, & à priori situ recessisse.

I.  
*Luna eodem  
semper modo  
Terra obver-*  
*satur.*

Id provenit, quòd pars ejus à Terra remotior, magis *solida* sit, hoc est, plus *Materiæ Tertii Elementi* in se contineat, & pauciores meatus habeat, qui *materià Primi & Secundi Elementi* occupentur. Constat enim Corpora solida, à Centro Vorticis, in quo gyran- tur, longius recedere, quàm ea, quæ minùs densantur, quæque pluribus foraminibus excavantur: Quoniam vim majorem habent, ad Motum suum continuandum, & in eo statu remanendum, in quo prius posita sunt. Ut in *Auro, plumbo*, & aliis Metallis notari potest; quibus major est propensio, ad impulsu retinendum, quam *lignis & lapidibus* ejusdem magnitudinis ac figuræ. Eadem igitur nobis Lunæ facies semper obvertitur, quoniam illa, quæ ex Terra Lumen reflectit, minùs solida est, minùsque Tertii Elementi *materiæ* includit: ac proinde minorem ambitum requirit, in quo spatietur. Quòd verò Lunæ pars illa, quæ Terram spectat, sit *ravior*, minùsque soliditatis habeat, quam alia superior, probant *Areolæ, maculæ, & umbra*, quæ illam intercipiunt, quæ, cùm Solis radios transmittant, tenebras pariunt, & obscurum Corpus efficiunt.

Luna in omnem partem, splendorem suum diffundit, & ita illum reverberat, ut in unum radii non coeant, sed sparsim remittantur, *Terram remittit.*

II:  
*Luna ab omni-  
parte radios in-*  
*Terram remittit.*



mittantur, & undequaque projiciantur.

Illud, *scabra* Lunæ superficies, & umbellis permixta efficit, quæ receptum Lumen dilatat, & omnibus illam intuentibus se lucidam exhibet. *Aspera* enim Corpora, ex multis superficiebus componuntur, quæ ita dispositæ sunt, ut multæ in hunc, aliæ in alterum locum radios reverberent. Si verò Luna, quam sphericam omnes *Philosophi* admittunt, tersa foret, & speculi convexi instar, polita, non ex omnibus suis partibus, sed ex uno duntaxat puncto Lumen versùs Spectatorem remitteret, ut in præcedentibus demonstratum est: ac proinde non tam conspicua, quam invisibilis dici deberet. Quia licet Hemisphærium totum esset Solari lumini expositum, non tamen nisi minima Lunæ pars certi Spectatoris oculis Lumen ingereret, quod ob suam tenuitatem, ingentemque ab eo Sidere distantiam, necessum esset extingui, priusquam ad ejus oculos pertingere quiret.

### III.

*Sole lucente  
Luna discus  
minor quàm  
noctu apparet.*

Solis Lumine per Acrem diffuso, Luna minor quàm noctu conspicitur. Quod Telescopio expertum se *Gassendus* testatur; qui deprehendit Lunæ discum, pleno orbe lucentis, nocturno tempore, diametro quinque minutis ampliorem. Quod etiam familiaris quæ experiiri poterit, si Lunam, dum primum sit vesperi conspicua, contempletur, Sole adhuc radiante: quippe tunc falx ejus, adeò tenuis apparebit, ut exiguo duntaxat filo circumducta videatur: Sole vero penitus delapso, fit latior, prout tenebræ sparguntur, & densiores evadunt.

Hoc Luminis incrementum, non ipsi Lunæ disco adscribendum est, quasi Corpus Lunare radios ex se emittendi vim habeat, & illos Noctu dilatandi: sed solum, quòd Æther, sive Materia illa Aeri nostro analoga, quæ Lunam circumdat, à radiis Solaribus, quos illa remittit, illuminetur, & idem luminosum cum ipso Sidere conficiat; quia quum illi intimè jungatur, ad eundem Circulum putatur pertinere. Admoto autem Telescopio, faciliè adulterinum illud Lumen deprehenditur, cum id spatium, quod radiari æstimatur, obscurum appareat, & ab Arcu partis luminosæ, nullo modo attingatur. Alienum autem à Ratione videtur, rem *libero oculo* aspicere, quam *Telescopio* non licet.

### IV.

*Cur Luna in con-  
junctione non  
conspicitur.*

Luna, dum Soli congregitur, nihil luminis in ea deprehenditur, & non nisi quum illa à Sole, sextante zodiaci, sive *duobus*

*bus signis* abest, videri incipit. Quæ postmodum pro vario ad Solem aspectu, *phases* variat.

Procedit hæc *phasium* diversitas, ex eo quod Luna lumen suum à Sole mutuatur, & non alio pacto quam *speculum* luceat, quod transmissos in ipsum radios reverberat. Unde mirum non est, quod Luna *globosa*, nihil partis illustratæ à nobis discernatur: quia tunc tota Solem respicit, reliqua ejus parte ad nos conversâ. Sequentibus autem diebus, dum in latus deflectitur, & à Sole in aspectu *sextile* distat, quædam ejus portio, in cornua tenuata advertitur: Septima, aut octava die, five in aspectu quadrato, quum Luna *Zodiaci* quadrante elongatur, quoad ejus medium fit conspicua. Dum autem à Sole *Zodiaci* triente abest, dimidio amplius videtur. Die autem decima quarta, aut decima quinta, dum *Luna*, nobis interpositis, ipsi Soli directè opponitur, integra & plena conspicitur.

Luna, dum *Eclipsim* patitur, lucē adhuc, quamvis subobscura, conspicua redditur.

Verisimile est, lucem illam *secundariam* à Solis radiis, à Terra per reflexionem derivari; si ea spectetur, quæ in nova ac vetere Luna deprehenditur: per eorundem verò refractionem ab Aëre circum terreno, quæ in ea apparet, dum *Eclipsim* subit. Quia cum Sol radios suos continuo in Terram dirigat, ita ab ea excipi nequeunt, quin denuo Solem versus remittantur: & quoniam Luna dum *recens* est & *vetus*, in ea regione versatur, radios tanto magis excipit, quanto fit Soli propinquior. Quare necessum est Lunam, à lumine reflexo illustrari, ea potissimum parte, qua à Sole non directè illuminatur: simili prorsus ratione qua *Terra* ipsa per Lumen à Lunari corpore reflexo illustratur, ea parte qua à Sole non illuminatur. Quod vero hujusmodi Lumen secundarium, ab Aëris Terram ambientis *refractione* proveniat, ex eo manifestum fit, quod ipse Terræ Globus *Atmosfera* circumdatus umbram conicam projiciat, ejus longitudo est semidiаметrorum Terrenarum circiter ducentarum & quinquaginta. Et quia Solis radii in *Atmosphæram horizontaliter* at lapsi, angulo, secundum *Tychonem* triginta quatuor minutorum refringuntur, & ab ea digressi, hunc angulum conduplicant, fit ut in umbræ Axem uniantur, ibi decedant, & porro

v.


Unde proveniat:  
Lumen Lune secundarium.

discedant, & conum Umbrae, cujus fastigium, à Terra non plusquam quadraginta tribus Terrenis semidiametris attollatur, citra decussationem producant: & ultra decussationem conum inversum, qui deinceps cum residuo majoris coni confundatur. Cum igitur constet Solis radios ab *Aëre*, seu Atmosphæra refringi, Luna refractis, qua umbra terræ diluitur, ab Atmosphæra radiis trajecta, illustratur, ac conspicua evadit.

VI.

Cui Luna citius  
quàm Terra mo-  
vetur.

Luna  $\epsilon$ , quæ in peculiari vortice ABCD Terram T



ambiente, volvitur, duplo celerius circa Terram movetur, quam Terra circa Axem suum. Quippe Luna, sui Cæli ABCD circumferentiam, quæ Terræ T Ambitum *sexagies* superat, percurrit, dum Terra *tricies* tantum circa suum Axem, motu diurno circumfertur.

Quamquam nonnulli gloriantur se hujus Phænomeni rationem reddidisse, nulla tamen mihi videtur assignari alia posse, quàm ipsius Lunæ parvitas. Nam cum non minus Terra, quàm ipsa Luna, ab eadem Cœlesti Materia moveatur, nulla causa fingi potest majoris in Luna velocitatis, quàm quòd Terra minor existat. Ea enim est Corporum, quæ moventur,

Regula,

Regula; ut dum unum duplo celerius, quàm alterum movetur, & hoc alterum, duplo majus est, quàm prius, tantundeni Motus in minore, quàm in majore reperiri : & quanto unius Motus lentior fit, tanto Motum alicujus alterius, ipsi æqualis, celeriores fieri. Cùm autem Lunæ C & Telluris T celeritas, à materiâ cœlesti sit, quæ præterpropter eadem est, juxta Terram, ac juxta Lunam, deberet Terra duplo celerius convolvitur, ut circiter *sexagesies* Circulum suum absol- veret, eo tempore, quo Luna semel percurrit suum A B C D *sexagesies* majorem, ni Magnitudo impediret.

Luna non semper æqualem in cursu suo tenorem servat : Quippe cum Soli primùm conjungitur, vel ei ex adverso *oppo- sita* impletur : sive cùm *nova* est, & *plena*, celerius movetur, quàm in aliis suis phasibus.

VII.

*Luna celerius in Novilunio & Plenilunio movetur.*

Hujus inæqualitatis Causa, ex ejus peculiari Cœlo A B C D desumitur, eo quòd, ejus Circulus non perfectè sphericus est, sed ad *ellipsis* figuram accedit. Nam cùm globuli Secundi Ele- menti, qui in ambitu A B C D continentur, Motu & Magni- tudine differant, & soliditate alii aliis præstent, necessum est, ut qui solidiores sunt, liberius versùs A & C, quàm versùs B & D se diffundant, & ita figuram ovalem, sive *ellipticam* conficiant. Ex quo fit, ut Cœlestis Materia, lentius inter A & B, quæ est pars Cœli ambitus latior, moveatur, quàm illa, quæ est inter B & D, quæ angustior est. Rationi enim consentaneum est, ut Materia *Planetam* deferens, lentius in spatio latiore fluat, & in angustiore celerius. Id in *fluminibus* experiri licet, quorum Aqua eò celerius decurrit, quò constri- ctior fuerit alveus, & eò tardior, quò amplius diffunditur.

Efficet quoque ovalis illa itineris, per quod *Luna* defertur, figura, ut Luna minùs in *Conjunctione* & *Oppositione*, à Telluris globo recedat, quam in quadraturis, ac proinde in Conjun- ctione & Oppositione, sub majore diametro aspicjatur.

VIII.

*Cur Luna sub majore diame- tro videatur in Conjunctione & Oppositione.*

Una circa hæc *Phænomena* difficultas oritur : Si *Luna* ob su- am parvitatem, celerioris Motus capax est; quomodo fit, ut dum à Cœlesti Materia eam ambiente defertur, *Terram* versùs non descendit, & relicto circulari suo Motu, dum ad C per- venit, non ad Z potius declinet, quàm sursum denuò eveha- tur.

IX.

*Quomodo Luna in Terram non decidat.*

Ad hanc difficultatem enucleandam faciet, si consideremus

T

*Lunam,*

*Lunam*, Materiæ Cœlestis motum omnino sequi, quamvis non omnem ejus Celeritatem obtineat. Cum enim *Terra*, & omnis Materia Cœlestis, quæ in *Vortice* *ABCD* continetur, circa Centrum *T* volvatur, necesse est, ut *Luna* quæ ab illa Cœlesti Materia circumducitur, cursum suum versus centrum *Terræ T* continuat, & ubi punctum *C* attigerit, non versus *Z* pergat, sed versus *D* retorqueatur; eo quod Materia Cœlestis illam eo propellat, & veluti *vehiculum* transferat.

## X.

An *Lunæ* colores  
aliquid nobis  
prænuunt.

Vulgò jactatur, *Lunam* secundum varios, quos præ se fert *Colores*, varia præfigere tempora. Hinc communis ille apud omnes versus.

*Pallida Luna pluit, rubicunda flat, alba serenat.*

Non existimandum est, varium hunc colorem *Lunari disco* inesse: sed ipsi *halitus*, inter oculum & ipsum *Lunare* sidus interjecto. Hinc si nubes interpositæ imbriferæ sunt, *subnigra* *Luna* apparet, eo quod tales nubes nigrescunt. *Rubra* vero videtur, si multa exhalatione ventosa, & modico vapore circumambiatur. Constat enim ex medii diversitate, objecti colores utique variari, seu ut volunt alii, modificari. Quare si ab omni halitu immunis *Aër* fuerit, *candida* *Luna* apparet, ac serena.

## XI.

Cur planeta se-  
cundarii circa  
*Saturnum* lentè  
moveantur.

*Planetæ secundarii*, qui veluti tot *Lunæ* circa *Saturnum* versantur, lento admodum motu, ac vix sensibili circa ipsum feruntur: Qui vero circa *Jovem* celeriter gyran, & quisque tanto velocius, quanto ad *Jovem* propius accedit.

Hujus diversitatis causa (quantum de corporibus aded distantibus conjici potest) esse potest, quod *Saturnus*, quemadmodum *Luna* & *Cometa*, eandem sui partem, versus centrum *Vorticis*, in quo continetur, semper convertat: *Jupiter* autem, sicuti *Sol* & *Terra* circa proprium axem agatur. Ac proinde mirum non est si *planetæ*, qui juxta *Saturnum* esse dicuntur, lentissimo, vel propemodum nullo motu circa ipsum ferantur.

## XII.

Eclipses *Lunæ* æ-  
qualis ab iis qui  
in eodem hemi-  
sphærio sunt,  
videtur, non au-  
tem *Solis*.

*Lunæ* Eclipsis, ab omnibus, qui in eodem *Terræ* Hemisphærio versantur, & *Lunam* supra *Horizontem* habent, eadem quantitate cernitur: Secus autem Eclipsis *Solis*, quæ nonnullis partialis, aliis autem totalis, aut nulla apparet.

Ratio

Ratio ex dictis in *Institutione Philosophia* evidens videtur, Nam cum Luna proprio Lumine destituatur, non potest non tantum aliquibus apparere, quantum ab alijs lumine cassâ deprehenditur. Sol vero cum ingenitum lumen habeat, & à Lunari corpore duntaxat occultetur, quod Soli ac Terræ interponitur, quodque utrique in magnitudine cedit; fieri potest, ut quædam Terræ pars Soli æqualis aut eo etiam major apparens, totum Solem ei abscondat, alia dimidium, alia majorem, aut minorem ejus portionem, alia nihil omnino ejus tegat. Sic Eclipsis illa, quam spectasse *Thaletem* commemoratur, ad Hælespontum totalis fuit, Alexandriæ tamen in Ægypto, fuit duntaxat digitorum novem cum tribus quintis, seu ut refert *Cleomedes*, quatuor quintarum diametri.

## ARTICULUS NONUS.

### De Solis & Fixarum Maculis.

SOL licet libero oculo deprehensus, splendidus videatur, vultumque uniformem præ se ferat, admoto tamen *Telescopio*, ex duabus lentibus *convexis* fabricato, tantam Corporum lucidorum umbrosorumque diversitatem exhibet, ut quodam quasi *damasceno encaniso opere* variegata appareat. Uti ex celebri *Scheineri Gassendi* refert.

Tam varia in Corpore Solari commissio, non à lentibus vitreis, ut quidam finxere, producit, quæ forte ob suam impuritatem, oculis umbras ingerunt, & proprias notas imperiuntur: quia iis circumductis, non pariter illæ remouentur, sed eundem inter se situm retinent, & ad quamlibet Vitri circumductionem, immotæ remanent: Imo quæ uno die, versus Orientem sunt, in sequentibus, promouentur, & versus Occasum apparent. Oriuntur igitur hujusmodi Solares Maculæ, à particulis striatis, quæ ejus Polos ingressæ, ad Centrum conflunt, ubi propter irregulares suas figuras, quas triangularia spatia transeundo acquirunt, motui Subtilioris Materię, quæ in ejus Centro volvitur, obsequi non valentes, expelluntur, & spumæ adinstar, ab effervescente liquore extruduntur. Ibi

I.  
Sol per Telescopium obscurus & umbrosus apparet.

cùm figuras *Angulis* asperas habeant, tardiusque cæteris, quæ cum Sole circumaguntur, gyrent, faciliè implicantur, & in magnas moles assurgunt, quæ Soli contiguæ, illiusque faciei incumbentes, illum tegunt, & caligine obruunt.

## H.

*Maculæ sunt veluti sumi è Sole egressæ.*

Dubitari enim amplius non potest, quin uti ex Terræ globo, ita & ex ipso Solis globo fumi quidam, ac vapores nostris analogi exhalentur, ac dissipentur: nam cùm totus Sol interdum sit ab omni labe immunis sæpius, tamen ita maculis conspurcatur, ut quadragenas aliquando *Gassendus* observaverit: imo ad tantam quandoque magnitudinem excrescunt, ut citra Telescopium decerni queant; quales illæ fuere, quæ non modo *Caroli Magni* tempore, sed nuper etiam, priusquam Telescopium prodiret, ipsimet *Keplero* Mercurii suspensionem fecerunt.

## III.

*Cur interdum Macularum extrema fulgida sint, & medium obscurum.*

Extremæ Macularum partes, nonnunquam fulgent, *Coloresque* referunt; cùm interim earum medium opacum est, & nullis radiis pervium.

Id à materia Solis *maculas* ambiente provenit, quia licet fortè omnes Macularum partes, æque stipatæ sint in initio, & pari nisu Luminis vim obtendant, contingere tamen potest, ut in *circumferentia* priùs, quàm in *medio*, extenuentur, & in acutum postmodum desinant: sicque lux Solis per hos margines refracta, Colores exhibet, & ad oculum dilabitur. Cùm interim pars illarum media, maneat opaca, & radiis Solaribus impervia. Quoniam Subtilissima Materia, quæ in Sole, aut in quacunque alia Fixa dominatur, non satis virium habet, ad Actionem suam transmittendam, & omnis ejus *vigor*, mollium partium occursum frangitur. Aut si fortè Globuli Cælestes, materiæ primi Elementi impetu, in orbem circumacti, à Centro recedere nitantur, & *luminis* actionem oculis impertiri; ea tamen impulsio non satis valida est, ut *Sensum* afficere possit, nisi continua adsit *Solis*, aut *Fixæ* pressio, quæ hanc reluctantiam superet, & ad Actionem recipiendam disponat.

## IV.


*Maculæ Solis circa eclipticam potius quàm circa Polos conspiciuntur.*

Solis Maculæ in partibus *Eclipticæ* vicinis, potius, quàm versùs ejus *Polos* deprehendi solent, ut testantur *Mathematici* penè omnes; quorum aliqui ita exactè earum progressum describunt, ut asserant, Maculas per Solis discum, viis non omnino ad Eclipticam parallelis, sed cum inclinatione ad illam, *trium* circiter *graduum* cum *semisse* incedere.

Hujus

Hujus Apparentiæ causa est, quod licet minutæ illæ, ex quibus *Macula* componuntur, dum ex aliorum *Vorticum Eclipticæ* adveniunt, fati. actionis habeant, ut Solis polos pervadant, atque ad ejus Eclipticam ferantur; postquam verò subtilissimæ Solis materiæ permiscantur, cum tantam Agitationem refugiant, communique ejus Motui obsequi non possint, tanquam rebelles versùs Cælum, in quo minor est motus, expelluntur: Ut antehac de *spuma* dictum est. Cur autem versùs *Eclipticam*, potius quàm versùs *Polos* excutiantur; id ex eo potissimum provenit, quòd nova Materia, quæ per *Polos* Solem indefinenter ingreditur, particulas *striatas*, aliàsque omnes, quæ sibi facilè connectuntur, extrudat, & versùs superiora propellat. Res exemplo manifestior reddetur, si duo

*flumina* ab oppositis regionibus fluere supponantur, quorum unum ab A versùs S, & aliud à B versùs idem S feratur, quorum Aquæ in S occurrentes, & sese propulsantes, vim parem habeant magnam fossam *d e f g* excavandi, in qua simul mixtæ torqueantur, & peractis aliquot



Circulis versùs M & Y effluant. Supponatur præterea, mutuo Aquarum concussu, *spumam* generari; quæ *Vortici* superficiei S innatet, & Aquarum Motum sequatur: nullo negotio capiemus, hanc *spumam* non posse ad A, aut B tendere, id est, versùs *Polos*, sed completis aliquot supra Aquam S Vorticibus, inde versùs M & Y, hoc est, versùs *Eclipticam* debere effluere.

Maculæ Solis nonnunquam in *faculas* degenerant, & illæ partes

v.



*Macule Solis  
interdum in fa-  
culas abeunt, &  
e contra.*

partes, quæ antea obscuræ caliginosæque videbantur, Lumen induunt, & splendidæ apparent. E contra *Faculæ*, in *Maculas* interdum abeunt, & in atras Solis partes convertuntur.

Hujus mutationis causa, à Solis *ebullitione* procedit, quæ aliquas Corporis sui partes ejicit, & easdem mox resorbet. *Maculæ* enim in *Faculas* abeunt, dum Solis materia, circa illas fluendo, supra earum extremitates evehitur, in quas vires suas exercendo, illam actionem elicit, quam ad oculos nostros productam, *lumen* vocamus. Nam cum Solis materia, inter ipsas *Maculas*, & Cæli vicini superficiem intercipiatur, ob loci angustiam, redditur Motus celerior: unde sequitur Solis lumen aliquanto intentius esse debere. Quemadmodum in *fluminibus* experimur, quorum rapiditas magis increfcit, fitque valentior, quo arctiora sunt loca, per quæ transeunt, & magis interjecta lapidibus vada, quæ prætergrediuntur. *Faculæ* autem in *Maculas* convertuntur, & quæ lucidiores erant Solis partes, obscuræ redduntur, quando Subtilior illa materia, quæ earum superficiebus incumbbat, à Sole absorbetur, cui magna *nova materia* Copia ex alia parte succedens, ejus particulæ sibiipsis adherentes, densum Corpus efficiunt.

VI.

*Quomodo Sol aliquando per dies multos absque Luce fuerit.*

Memoriæ proditum est, Solis Lucem nonnullas fuisse interceptam, & ita paulatim defecisse, ut non multo Lunæ splendorem excederet. Imo referunt *Historici*, *Plinii* tempore, per duodecim Dies quæsitum esse Solem: Et Constantino ex-cæcato, per septendecim non fulsisse, & non nisi tenebras, eo temporis intervallo *Telluris* incubuisse.

Hanc obnubilationem non in quicquam aliud, quam in *Maculas* referri posse existimo; quæ in Solis superficiem irrepserunt, & illius Lucis diffusionem impedierunt. Nam licet *Maculæ*, dum primum coagmentari incipiunt, mollia admodum ac rara sint Corpora, quæ vim *Materiæ* Subtilissimæ frangere queant, continuo tamen Solaris substantiæ, cui contiguae sunt, concussu, *lavigationem*, & duritiem acquirunt; alia interim earum superficie, quæ Cælo obversa est, eundem mollitiei, & raritatis gradum, quem primò habuerunt, retinente. Idcirco, quæ illas non nisi difficulter dissolvi, ex eo quod Solis *Materia* interiorum earum *superficiem* lambat; sed contra potius semper augeri, quamdiu isti earum margines, qui supra Solis superficie

perfectiorem eminent, ejus Materię occurſu non obdurantur, atque denſantur; ac proinde mirum non eſt, cum hoc contingit, ſi una & eadem macula, ita ſupra Solis ſuperficiem diffundatur, ut ibi per Dies plurimos, imo Menſes aliquot, ejus Lucem intercipiat, & *Diei Sidus*, in medio *Diei* quærat.

## ARTICULUS DECIMUS.

### *De Maculis in Orbe Lune apparentibus.*

**D**uplicis generis Maculæ in Luna percipiuntur, quædam *I.*  
*Perennes* ſunt, quæ à prima rerum origine, per ejus *Quid perpetua  
& temporaria  
Macula in Lu-  
na.*  
 Corpus fluxere, atque ita putantur ipſi adhærere, ut nunquam non faciem ejus diſcolorem efficiant. Aliæ *Temporariæ* ſunt, quæ tantum ejus ſuperficiem veluti libant, & poſt modicum Temporis, diſparent, & extinguntur. *Perpetuæ*, & quæ Lunam aſpergere ſemper videntur, *Astrum* ſemper, & fulſum Colorem retinent, & quomodocunque Soli objiciantur, longè cæteris obſcuriores ſunt.

Hoc Phænomenon, magnam noſtro Orbi, ac Lunari aſſinitatem intercedere arguit, atque ſimilia in utroque reperiri Corpora. Quippe tam conſtantes in Luna *Maculae*, nihil aliud eſſe ſuſpicari poſſumus, quam *Maria*, quæ ejus ſuperficiem incumbunt, & per ejus globum diſſunduntur. Conſtat enim Lumen ab *Aquis* reflexum, multo debilius eſſe, quàm quod à *Terra*, aut ſolida alia Materia remittitur; uti in *Mari* noſtro cernimus, quod non albicante, ſed cæruleo Colore perfunditur. Imò videmus res albas, Humore aſuſo, obſcuriores effici, & nonnihil ad nigrorum accedere. Aliquid *Aqua*, (ut *Galilæi* exemplo utar) in pavementum eſſundatur, ut pauci inde lateres humefiant, videbimus *lateres* perſuſos, præ aliis, opaciores reddi, & Luminis vim debiliùs reflectere: quoniam illa perſuſio, laterum Meatus opplet, eſſicquet, ut earum ſuperficies *planâ* reddantur, è quibus reflecti radii uniuntur, & non nili verſus unum locum pergunt. Cum verò ex ſuperficie *Convexa*, minor ſemper radiorum portio, quàm ex *plana* reſultet, Lumen quod ex lunari ſuperficie, ad oculos noſtros.

stros reflecti potest, aded tenue est, tamque exiguo robore præstat, ut recta suppositione habita, non quaterdecies millesima diametri Lunaris esse queat.

## II.

Que est causa  
partium lucida-  
rum, que non-  
nunquam in Lu-  
na apparent.

Luna quasdam partes cæteris Lucidiores ostendit, quæ ita acriter Oculos nostros feriunt, ut ab aliis, quibus imminet, sejunctæ ac separatæ videantur. Unde Gassendus: *Cum Luna recens est, & sub tertium aut quartum diem, observare plerumq; licet, ultra cuspidem inferiorem, tanto intervallo, quanta est pars circumferentiæ, circiter vigesima septima, punctum quoddam lucidum, ac etiam aliquando aliud, tertiumque ulterius, ipsis interstitiis nondum illustratis.*

Qui nostra ætate *Telescopio* Cœlestia explorant, ambigere nequeunt, Montes in orbe Lunari reperiri, cum illic summum dorsa, satis dilucida intueantur, quæ *umbram* densissimam spargunt, eamque majorem, aut minorem, prout illæ eminentiæ magis, aut minus, à consinio removentur, quod illustratam Lunæ partem, ab obscura ac caliginosa separat. Deprehendunt utique tales Umbras decrescere, prout irradiatio augetur, donec penitus elabantur, & Luce per totum *Hemisphærium* diffusa, ulla earum nuspian appareat. Postmodum ubi *Lunares radii* in aliud pervenerint, eadem illa *Cacumina*, quæ in priore observata fuerant, iterum occurrunt, & Umbras sed modo contrario projiciunt. Quæ Apparitiones evidenter probant suos etiam Montes Lunam habere, quorum juga, à Solis radiis illustrentur, magnamque lucem præ se ferant, humilioribus interim ejus partibus obscuris, & ad nigrorem vergentibus.

## III.

Unde oritur in  
Luna vultus de-  
muncionis, que  
formitas, que  
circa diem sex-  
tum videtur.

In Luna circa diem sextum, versùs partes occiduas, *Homoncionis* cujusdam vultus deprehenditur, qualem ferme pictores *Thersiti* tribuunt, lata fronte, naso curvo, ore patulo, atque oculis intra Cavitates suffollis.

Totum hoc Monstrum plures *Macula* conficiunt, quæ intra nominatos cuspides deprimuntur. Cum enim Montes, qui in Luna deprehenduntur, nostros altitudine multo excedant, magnas umbras projiciunt, quibus illorum interstitia obscura redduntur, & Macularum instar, ejus partibus inhærentium apparent. Illud in partibus *montosis*, quæ sylvarum dorsis junguntur, experimur, quæ semper nudis sterilibusque *Arboribus* obscuriores videntur, quoniam plurimum umbræ *Arboribus*

boribus interjicitur, & Corporum objectu, radii, ne ulterius pergant, impediuntur. Ita in Luna, cum non Scopuli modo, & Aggeres, sed excelsi etiam Montes detegantur, talis fieri potest umbrarum, inter illos projectarum dispositio, ut quædam *Homuncionis nasum*, aliæ *frontem*, nonnullæ *oculos* & *labra* referant; Quæ ubi inter se quis comparaverit, & tanquam unius Vultus partes perpenderit, illiberalem quandam Homuncionis faciem sibi repræsentabit, haud multum à vultu *Thersitis* abhorrentem. Quippe haud dubium est, planas Lunæ partes, quæ Montibus interponuntur, caliginosas esse, nullumque ad Nos Lumen reflectere, ac proinde Maculas quæ Nobis, deformis cujusdam Vultus partes referunt, non ab ipsis Montium cuspidibus provenire, sed illorum potius interstitiis esse tribuendas, inter quæ Umbræ projiciuntur.

Verum, quis fortean rogabit, unde oritur, quod Lunam aspiciendo, Oculos, Nasum, Os, ac proinde Hominis *Vultum* intueri videamur, quum in Corpore Lunari nihil eorum sint, quæ nos spectare arbitramur.

Certè hujus Aspectus alia ratio assignari non potest, quam quòd *Faciei*, seu Hominis Vultus vestigia, altè in Cerebro nostro impressa sunt; quoniam Vultus sæpius, ac magna cum attentione spectamus: adeo ut Spiritus animales, qui per Cerebrum vagantur, cum alias ejus partes, ob earum resistentiā penetrare non possint, à directo Lunarī Sideris Lumine ipsis impresso, facile deflectuntur, ut vestigia illa subeant, quibus Vultus idæ à Natura alligantur. Quod si nonnulli sint, qui in Luna alia contemplantur, ut *Hominem equo insidentem*, aut quodcumque aliud ab Humano Vultu diversum, id ab eorum imaginandi facultate provenit, quæ à talibus objectis vividè antea percussa, quædam vestigia reliquit, quæ ab iis rebus facilè referantur, quæ & minimam etiam cum ipsis affinitatem habent.

Si Luna dum crescit, Tubo optico inspicatur, *serrata* quodammodò, & *denticulata* apparet; quasi in ipsa, partis luminosæ confinio, aspera quædam, & inæqualia Corpora, faciem ejus terminent.

Causa est, quòd Sol tunc primum Oriens, & radios suos transversim duntaxat vibrans, ad regionem oppositam umbras producat. Unde si umbræ sectio maximè inæqualis est, ob

U

Montium

IV.

*Chy Vultus Hominis potius quam quodcumque aliud in Luna cernitur.*

V.

*Luna crescens cur denticulata apparat.*

## VI.

*Cur Luna in  
Plenilunio tota  
nitida cernatur.*

Montium varietatem, in quos Solares radii feruntur, Lunæ facies *ferrata* exurget, & *denticulata* apparebit.

In Luna, dum in orbem circumducta *Plena* conspicitur, nullæ Umbræ, aut Maculæ cernuntur: imo quædam ejus partes, quæ nigerrimæ erant, dum cum Sole congregiebatur, in *Plenilunio* nitescunt, & in candidissimas convertantur.

Ratio est, quod quicquid nobis tunc Temporis Luna detegit, à Sole illuminetur, qui ipsi ex adverso oppositus, omnes ejus abstrusiores recessus irradiat. Aut si aliquæ ejus partes, ratione devexitatis deprimantur, Solisque aspectum fugiant, illæ, à ceterioribus partibus, quæ nobis & illis obvertuntur, teguntur, & in conspectum nostrum, eo Tempore, non veniunt. Accedit etiam, quod illa intervallo, quæ antehac umbras patiebantur, non solum directos in Plenilunio, Solis radios excipiant; verumetiam, ex ipsis Montium lateribus remissos, quibus ad nos reflexis, omnia in Lunari orbe candida, & luce offusa apparere necessum est.

## ARTICULUS UNDECIMUS.

## De Cometis.

I. *Cometa diversam Cæli plagam percurrunt.* **C**ometæ nullam certam Cæli plagam permeant; sed modò in hac, modò in altera, Cursus suos ordiuntur & perficiunt. Quidam enim Sole oriente, alii deficiente, nascuntur. Is qui anno millesimo quingentesimo octuagesimo quinto, in conspectum nostrum venit, pene *Soli* adversabatur, & directè ejus radios tantum non excipiebat: cum interim alius anni millesimi sexcentissimi septimi, ad *Ursam* primum visus est, Sole per hibernum *Tropicum* versante.

Harum Apparitionum Causa clarè innotescet, si advertamus *Cometas* potissimum oriri, dum *Sidas* macalis obducitur, & immoto illius *Vortice*, in alios vicinos distrahitur, & absorbetur. Cum id verò, in qualibet Cæli regione contingere queat, potest *Cometes* modò unam, modò alteram partem permeare, nec ullam esse, per quam non possit, eo pacto, aliquando transire.

Ex

Ex quo manifestè colligitur, cur *Cometa* sub initio, mole major videatur, aut paulatim decreseat, atque tandem è conspectu nostro elabatur: Quia cum lumen suum à Sole accipiat, ubi è Vortice nostro discessit, & alium ingressus est, non potest non ab oculis nostris se subducere.

Cometæ maximè à nobis distare videntur, adeò ut (si non nullis credimus) adhibito *Telescopio*, non augeantur, sed eandem semper magnitudinem referant, seu optico Tubo, seu libere oculo, explorentur.

Quidam recentiores autumant *Cometas*, non multum ultra Aërem nostrum gigni, atque ita, ejus circumgyratione deferri, ut non nisi raro, supra Lunam evehantur. Alii volunt *Cometas* ex materia ætherea procreari, quam fingunt in orbiculares quasdam moles concrefcere, quæ ætheris Motu agitatæ, & radiis Solaribus ictæ, in *Cometas* evadunt, qui pro diversa loci ratione, modo in *Austro*, modo in *Borea* videntur. Sed hæc opinioniones faciliè falsitatis convincuntur, si perpendatur, unum *Cometam* eodem tempore à diversis Spectatoribus, longissimo etiam terrarum intervallo, dissitis deprehendi, qui tamen nullam *parallaxim* ipsis exhibeat. Quod tamen necessum est accidere, si *Cometæ* in *Aëre* nostro versentur, & supra ætheream auram non assurgunt. Maximè igitur *Cometæ* à nobis abesse, *Telescopio* deprehenduntur, quod ultra Cælum nostrum evehantur, sive in immensa illa distantia collocentur, quæ inter *Saturnum*, & *Fixas* esse supponimus. Nam *Cometæ* tam immania sunt Corpora, tantoque impetu feruntur, ut vastum illud spatium, ad omnes suas excursions absolvendas requirant: neque adinveniri alia loca queant, quæ commodius illorum motibus inservire possint.

Quomodo autem fieri possit, ut diversis Spectatoribus, longissimo etiam Terrarum tractu, à se invicem distantibus, nullam aspectus variationem seu *parallaxim* efficiant, ex sequenti *Schemate* facile cognosci poterit. Nam ponatur quod Corpus aliquod luminosum, exempli causa, A vel F in cælo humiliore positum ab Homine D dissitis, exempli causa, D & B eodem tempore deprehendatur; sicutum est ut Corpus luminosum A ab Homine D conspectum, è regione corporis luminosi E videatur, & luminosum corpus F ab eodem Homine conspectum, è regione corporis luminosi H appareat. Item verò corpus lumino-

II.


*Cur Cometa tandem evanescunt.*

III.

*Cometæ semper sub eadem magnitudinis conspiciuntur.*

IV.

*Cometæ cum sint in summo Cælo, nullam habent Parallaxim.*



sum A, ab alio Homine distante B deprehensum, ipsi in Cælo circa corpus luminosum C videbitur. Et Corpus luminosum F, eodem tempore, ab Homine B visum, ipsi è regione corporis luminosi G. Et sic illorum duorum Corporum aspectus A & F, pro vario eorum situ, magnam aut parvam parallaxim procreabit, qualis est C & E, vel G & H. Si verò luminosum Corpus in Cæli summitate, exempli causa, circa I collocetur: utrique Homini, à se mutuo longe distant, eodem tempore fit

fit conspicuum, nimirum è regione Corporis luminosi K. 1310

Cometæ brevi tempore deficiunt, & intra paucos Menses, aut Dies, è conspectu nostro evanescent. Unde *Plinius*, longissimum non nisi *centum & octoginta dierum* esse asserit: cum is, qui sub *Nerone* visus est, quique longissimi ævi ab Astrologis est habitus, *sex* duntaxat menses conspicuus fuit: cum interim, vix mediam Cæli partem percurrerit.

Hujus ea est ratio, quòd Cometæ ab uno Vortice in alium transeundo, ob suam soliditatem versùs Circumferentiam propellantur; Et quamvis eandem ubique celeritatem retineant, tamen quia plus Agitationis habent, quàm ut à materia *Vorticis*, per quem transeunt, cohiberi possint, in alium elabuntur; eo ferè modo, quo *Navis*, contra fluminis cursum impulsæ, aliquousque fluminis Motui obsequitur, inde tamen ad littora appellit: Ita *Cometes* modò hanc Cæli partem, modò alteram peragrans, à Cæli Centro recedit, & tantum in ejus extremitate vagatur; quo fit, ut intra paucos menses, aut dies, nostro Cælo relicto, ad alios elabatur, qui conspectum nostrum fugiunt. Unde si spatium, quod Cometæ percurrunt, metiamur, inveniemus rarò ad Cæli Semicirculum accedere, & sæpiùs non ultra quadrantem extendi. Quamvis is quem *Regiomontanus* describit, à *Libra* per *septentrionem* decurrens, ad *Arietem* usque pervenerit.

Cometæ circa initia sui Motus, velocissimè rapiuntur, & non nisi lentè in fine procedunt, ut de eo, qui anno millesimo quingentesimo septuagesimo secundo apparuit, referunt *Astrologi*, qui in sui Motus principio, *quinque gradus* in dies singulos conficiebat, in fine vero, vix gradus unius dimidium.

Ratio hujus, à Cometarum distantia petitur, nam licet Cometæ per Vorticum extremitates transeundo, eandem semper celeritatem tueantur, quia tamen ab uno, in alterum sensim delabuntur, & à conspectu nostro paulatim recedunt, celeriores sui cursus initio apparent, quàm in fine. Eo modo, quo si *Viatores* spectaremus æquis passibus progredientem, quamdiu à Nobis non multum abest, nullam in ejus gressu differentiam animadvertimus; donec ad certam Distantiam promotus fuerit; Ita Cometæ, quamvis ejusdem sint *Magnitudinis*, & ferè semper æquè celeriter moveri videantur, quamdiu in extremis nostri Vorticis partibus versantur, ubi verò progressi fuerint,

V.

Cur Cometæ intra paucos menses evanescent.

VI.

Cometæ longè tardius in fine, quàm in initio progrediuntur.

VII.

Cometæ longè tardius in fine, quàm in initio progrediuntur.



fuerint, & in alios Vortices migraverint, necessum est, ut lentius; ob *elongationem*, moveri videantur.

## VII.

Vultu cauda & Barba in Cometis.

Cometæ passim prolixos diffundunt Crines, præsertim in parte à Sole magis averfa: sed modo vario, quippe nonnulli *Caudam* trahunt; Alii *Barbam* præmittunt; Aliqui *Rosa* imaginem referunt, Capillis in omnes partes dispersis.


Tanta phænomenorum varietas, à globulorum Cælestium diversitate, qui in Cælo nostro reperiuntur, provenit. Suponimus enim, illos, qui Centro nostri Vorticis viciniore sunt, minores esse, sed sensim usque ad *Saturam* orbitam paulatim augeri, ultra quam, omnes mole æquales sunt, & pari celeritate circumacti. Cum igitur Cometæ, in extrema Vorticis parte ferantur, luménque suum à Sole mutatum ad Nos remittant, sequitur Luminis radiòs, qui per majores ex istis *Globulis* communicantur, cum ad minores deveniunt, non modo secundum lineas rectas progredi, quibus utpotè præcipuis, Cometæ *caput* apparet; sed etiam ex parte ad latera refringi, & dispergi. Ut si *Vas* globulis plumbeis ita repleatur, ut majores minoribus incumbant, facillè experiemur, *vase* in fundo *perforato*, globos superiores, in suo descensu plures è minoribus premere, atque illos per lineas rectas impellere. Similiter in *Cometis* observatur; Quippe quum Sol Cometæ & Telluri penè medius sit, ejus radii in Cometam impingentes, & in omnes partes diffusi, *Comam* ejus procreant. Si verbò Tellus à recta lineà, qua Solis & Cometæ centra connectuntur, recedat, radii Solis ad nos reflexi, Cometæ *Corpus* seu *Caput* nobis exhibent: qui verò ad latus diffunduntur, *Barbam* ejus, aut *Caudam*. Quæ tales nominantur, prout Corpus ejus antecedunt, aut sequuntur.

## VIII.

Quomodo Cometa caudati, traheales vel rosi appareant.

Schemate res dilucidior evadet. Sit Sol S, orbita per quam Terra anni spatio devolvitur 2 3 4 3, secundum ordinem notarum 2 3 4. Terminus à quo Cælestes Globulos minores gradatim ac minores evadere suponimus sit DEFG, & Cometa Cælum nostrum percurrens C. Manifestum est Solis radiòs in hunc Cometam vibratos, versus omnes sphaerosidis DEFGH partes, inde ita reflecti, ut qui in F perpendicularitè desabuntur, Magna quidem ex parte, usque ad 3 pergant, sed etiam ex ipsis nonnulli hinc inde diffunduntur, & qui in G oblique incidunt, non tantum recta versus 4 pergant, sed par-

tim versus 3 refringantur : & denique qui in H incidunt, non ad terræ orbitā 2 3 4 5 recta perveniant, sed tantum reflexi, versus 4 & 5. Unde evidens fit, Terra in orbitæ suæ parte 3 existente, Cometam C ex ea visum iri, cum *coma* in omnes partes distracta. Quod Cometæ genus, *Rosam* passim nuncupant. Radium enim directi à Cometa Cad 3 transmissi, ejus *caput* ; debiliores vero aliqui ex E & G versus 3 remittuntur, ejus *comam*, seu *crines* exhibebunt. Si Terra autem in 4. versetur, idem Cometa per rectos radios C G 4 deprehendetur, & ejus *cauda* versus unam duntaxat partem protensa, per radios ex H, & aliis locis, quæ sunt inter G & H versus 4 reflexos. Ac pari modo Terra in 2. existente, Cometa rectiorum radiorum C E 2 ope, ex ea cernetur, & ejus *Coma* ope obliquorum, qui inter C E 2, & C D 2 ponuntur. Nec ullum interveniet discrimen, nisi quod spectatore in 2. collocato, Cometa mane apparebit, *coma* ipsum præcedente : spectatore



verò,

verò in 4 posito, Cometa vesperi cernetur, caudam suam post se trahens.

## IX.

An Cometa ali-  
quid certi de  
Mortalium casu  
bus præannuntient.

Calamitatum præcursores passim Cometæ habentur, qui *tempestates, clades, famem* portendunt; atque bella *Populis, Regibus* interitum, pestem *Provinciis*, & minantur & adferunt. *Vespasiani ævo*, Cometa ei mortem, si *Jonstono* credimus, prædixit. Alii *Roma* ab *Alarico* captivitatem, miserum *Mauritii* fatum, *Mahumetis* perniciem nunciavere. Unus *Carolo* magno *ultimum diem*, *Tartarorum* in *Sileciam* impetum, & *auricularum abscissionem* indixit.

Jamdudum inter *Vulgus* hæc decantata fuere, & ab iis etiam credita, qui supra alios sapere videbantur. Quæ verò si ritè examinentur, nullum cum rebus, quæ contingere, nexum habere reperiemus. Nam si Cometæ *bellorum, cadum Principium*, &c. signa sunt, quorsum illa absque eorum præmonitionibus, aliquando contingunt? Et Reges moriuntur, invalescit *fames*; *pestis* per integra Regna grassatur, cum nulli visi sunt Cometæ. Hæc quidem aliquando præcurrentibus *Cometis* accidunt, sed sæpius sine illis. Deinde, cum Cometæ per totam Terram circumeant, & omni Mortalium genti immineant, quomodo uni *cladem*, alteri *victoriam* spondent? qui sit, ut iis Homini- bus *salutaria*; aliis *noxia* præfagiant? Cometarum vis fortassis agnosci posset, si soli Reges interirent, si Personas discernere possent, aut Magnates duntaxat intuerentur. At cum mixta sint Principum, & Plebeiorum funera, quum iidem Casus promiscuè illos maneant, non plus in hos, quam in Mortalium cæteros potentiam habere statuendum est.

## X.

Humana res in-  
volucris circum-  
scripta.

Verùm, dicit aliquis; Constat aliquando hujusmodi Sidera, *divinitus* ad aliquid Nobis denuntiandum impendi: Absit ut id abnegem: sed quo Argumento convinci potest, in particulari alicujus apparitione ita fieri? An id *Deo revelante* dignoscitur, ab externis Nobis esse cavendum, si ad *occursum* Cometa pergat, & ab internis, si versùs *ortum* dirigatur? nihil in Nos potestatis habent Cometæ, & à dementia, aut ignorantia nostra pendet, quòd iis terreamur, aut illis malignitatem esse arbitremur.

*Sape Domi culpa est, nescimus credere Cælo.*

ARTICULUS DUODECIMUS.

De Siderum Productionibus.

**A**B omnibus fermè hucusque creditum est, Sidera in hæc Inferiora dominari, & diffusa undique Virtute, veluti rebus Humanis præsidere. Hinc attributus *Marti* Calor, *Frigus Mercurio*, *Luna* Humiditas, quòd iis regnare maxime videantur, & subjecta cuncta moderari. Unde *Solem* Universi parentem, operumque naturalium Effectorem appellant, eo quòd videant *sublunaria* illo præsentè vigere, illius autem absentia, tabescere, & tantùm non emori.

Nonnulli in Sole, nescio quas *Influentias* fingunt, quibus ad rerum productionem, quas supra Terram cernimus, concurrat. Sed revera si ad Solis actionem attendant, nullam in eo, præter *Illuminationem* reperire poterunt, & si quas alias deprehendant, ad eam tanquam ad originem referuntur. Nam quòd Sol Corpora calefaciat, exsiccet, urat, ab *Illuminatione* proficiscitur, quæ varios illos Effectus, pro diversa subjectorum dispositione operatur.

Si Quis regerat *Humorem & frigus*, quibus Corpora afficiuntur, à Solis lumine derivari non posse.

Dico, illa etiam à Sole ex accidenti provenire, in quantum illius Absentia, *Humor* non ampliùs discutitur, & extenuatur; ac proinde Vapores, magna sui copia, aut frigore accedente, denudè concresecunt, & humescant.

Sol Tempestates & Serenitates gignit; unde circa mediam *Sagittarii* regionem, fufis, qui constiterant, Humoribus, ac Terra illis diluta fecundos *Favoniorum* status producit: *Pleiadum Hyadumque* in *Tauro*, & à Septentrione *Hædorum*, à meridie vicini *Orionis*, atque ex adverso *Arcturi*, extimulat vires, quæ Austrinos status exascitant, & aliquot dierum continuis pluviis condita rigant femina. *Pencernus* in *Astro*.

Hæc & similia non à Sole, tanquam à causa speciali proficiscuntur, sed tanquam à Generali, qui, cùm radios suos quoque-versum diffundat, omniâque Corpora promiscuè illuminet, non ad hunc potiùs Effectum, quàm ad alterum determinatur.

X

Quòd

I.

Quomodo Sol pater dicitur eorum naturalium.

II.

Quo pacto Sol dicitur causa humiditatis, & frigiditatis.

III.

Quomodo Sol serenitatem & tempestatem producat.

Quòd si verò in hac Terræ parte, *tempestatem*, in alia *serenitatem* gignat, non tam ipsi, quàm partium *situi*, ac *dispositioni* adscribendum est, quæ ejus radios aliter excipiunt, & iis variè afficiuntur. Quòd enim apud nos placidum *Ver* sit, & *vario nectantur flore corona*, quòdque eodem tempore *Antoeſis Antipodibusque* nostris ignava sit *Hyems*, & frigore Terra fluviiq; concreſcant, non à Sole pendet, qui constanti tenore *Zodiacum* peragrat, & eodem modo Calorem suum diffundit. Quis dicet *Tempeſtates*, & *Serenitates* ab eo provenire, quum eodem, *inquam*, tempore, ultra citraque *Æquatorem* idem sit, & nullam mutationem patiatur? Causa igitur cur Sol, dum apud nos æſtas regnat, Lumen suum impertiatur, radiſque ſuis capita noſtra feriat, Terræ ſitui, quam calcamus, imputandum eſt, qui nos ab *Antipodibus*, apud quos *Hyems* eſt, dirimit; non verò ipsi Soli, cui merè accidentarium eſt, quòd illi algeant, dum æſtuamus, aut obliquè radios in ipſos emittat, dum nobis perpendiculariter imminet.

## IV.

Quo ſenſu dicuntur ſtelle eſſe in ſigna & tempora.

Non obeſt, quod ſacræ Litteræ dicant, *Solem, Lunam, Stellas*, à Deo eſſe creatas; *ut eſſent in ſigna, & tempora, & dies, & annos*. Quoniam non alio modo *Sidera* hæc indicant, quam *Hirundines*, quæ ſuo ad nos adventu ac diſceſſu, *Ver* & *Hyemem* præſagiunt: Aut quomodo *Iris, fulgur, obſcuritas*, aliæque *Aëris* mutationes, imbrem, tonitru aut ſerenitatem prænuntiant. Nam quemadmodum *Hirundo Veris* non eſt cauſa, nec *Iris ſerenitatem* efficit, ſed ſignum duntaxat: Ita *Canicula*, exempli cauſa, non cauſa eſt cur æſtus orientur, ſed temporis duntaxat ſignum, quo contingunt. Ut mox dicetur.

## V.

An Luna quicquam domini habeat in hæc inferiora.

Luna multum ad rerum inferiorum mutationes conſert: quippe quæ *Ventos* impetuoſos excitet, *Tempeſtates* ciëat, & conſtipatos *Vapores* in *pluvias* redigat. Illius quoque opera, ſata propagantur, *fruges* matureſcunt, & prout incurvata fuerit, aut in gibbum ſinuata, *Aquam* allicit, aut diſſipat.

Hæc omnia, quamvis pro indubitatis apud plurimos habentur, dici tamen poteſt, ſine ſufficienti ratione admitti; quoniam non magis *procella* orientur, *Imber* Terras irrigat, & *Planta* incrementa, ac *progreſſus* ſuſcipiunt, dum Luna Soli expoſita eſt, quàm dum falcata eſt, aut in occidens deprimitur; niſi dicatur, debili ſuo Lumine, quod à *Sole* haurit, *Humorem* ciendi vim habere, cui diſcutiendo cum impar ſit, ſo-

vere

vere illum, & augere dicitur. Sed qualiscumque Vis illa sit, immeritò illi tribuitur, quæ Soli tanquam Causæ Generali attribueda est; qui suis radiis omnes Temporum ac Rerum vicissitudines producit, quas in Terrarum orbe contingere cernimus. Unde Astrologorum præcepta, ut *miliun* mense *Aprili* Terræ committatur, dum Sol est in *Tauro*: Et frumenta in *Octobri*, dum Sole cum *Scorpione* exoriente, *Pleiades* occultantur: uti eleganter *primo Georg.* describit *Virgilius*.

——— *Milio venit annua cura,*  
*Candidus auratis aperit cum Cornibus annum*  
*Taurus, & adverso cedens Canis occidit Astro.*  
*Ac si triticeam in messem, robustaque sarra*  
*Exercebis humum, solisque instabis aristis,*  
*Ante tibi Eoa Atlantides abscondantur,*  
*Gnosiâque ardentes decedat Stella Corona,*  
*Debita quàm sulcis committas semina, quàmque*  
*Invita properes anni spem credere Terra.*

Hinc Poetæ, qui cuique rei propria assignant nomina, *Tempestuosum* *Orionem* appellant, *Vergilias pluviosas, infernas Hyades*, quodd illæ, *Maria* ac *Terras* imbris ac procellis infestent. *Sidera* quidem, mutationum tempestatûmque signa dici possunt, nullo pacto autem *Causæ*, quasi eorum beneficio sata propagentur, & incrementa accipiant, sed solum Tempora designant, quibus Sol frumenti incrementum adjuvat, & fluctus in Mari concutiuntur.

*Canicula* summum Calorem excitat, imo interdum adeò maligna est, ut *Morbos* pariat, & diffuso per *Aërem* contagio indiscriminatim pene omnes corripiat. Unde *Virgilius*.

——— *Aut seirius ardor*  
*Ille sisim morbosque ferens mortalibus agris*  
*Nascitur, & lævo contristat lumine Cælum.*

Hoc Experimentum, eodem modo, quo cætera explicandum est; intentum scilicet illum Calorem, non à *Canicula* proficisci, quasi vis quædam illi insit, calidissimis spiritibus excitandis, quibus Corpora inflammantur, aut temerentur: Sed quod hæc *Stella*, eo Tempore oriatur, quo Sol Terræ vicinus, maximè illam exsiccat, exhalationesque educit, quæ vitiato primæ Aëre, labem Corporibus inferunt, & contagio corrumpunt.

punt. Hinc Cælum *Romanum*, circa id tempus insalubre, maximèque Hominis sanitati noxium est; Quod in *Romano Agro*, plurimæ cryptæ, specusque existant, à quibus educti, Calore Solis, halitus, Corporum harmoniam depravant, morbosque generant. Hos autem Effectus, frustra quis *Canicula* assignaverit, quum illa, dum æstus potissimum vigent, non tam ad nostrum, quam ad *Antipodum* verticem vergat, ac proinde illos potiùs, quàm nos, acriùs ferire deberet. Omnibus enim Sideribus commune est, ut illa plus efficiant, in quæ directiùs lumen suum remittunt, & in quæ radios acriùs jaculantur. Quod cum in *Canicula* non contingat, imo potius Antipodes eo tempore frigore premantur, quo Cælum nostrum ardet, credendum est, Calores, non à *Canicula* provenire, & aliud esse æstus nostri principium.

## VII.

Quam absurde morbi acuti *Canicula* tribuuntur.

Illud ex eo potissimum ostendi potest, Quod quum *Canicula* ante Annos plus minus bis mille, (ut observavit Clarissimus *Gassendus*) oriretur viginti tribus, aut viginti quatuor diebus post Solstitium, hoc est, diem circiter decimam septimam Julii (Stilo novo) nunc quoque existimetur eo prorsus die oriri; Cum tamen *Canicula* exortus, factus sit jam mense posterior, ob motum fixarum in ortum, secundum signorum ordinem. Et nihilominus morbi acuti, febres, &c. diebus prioribus à decimo septimo scilicet decurrentibus passim tribuuntur. Verum quis credat, summos illos æstus, qui circa medium Julii oriuntur, in medium Januarii translatum iri? cum tamen post decem annorum millia, si tantum Mundus perseveret, eo tempore *Canicula* exorietur.

## IX.

## VIII.

Planeta non ad aliqui Frigus incutiant, alii Calorem, alii sub hoc aspectu Humorem, alteri sub altero siccitatem procreant. Unde Plinius, cum creverunt Herbae, & humore iterum, ut justa obveniat magnitudo, opus est, eundem, per Cancræ Stellæ accessu vocatas suo (Sol) promit ac suppeditat.

Certis experimentis, Planetarum vires probantur; ut quod aliqui Frigus incutiant, alii Calorem, alii sub hoc aspectu Humorem, alteri sub altero siccitatem procreant. Unde Plinius, cum creverunt Herbae, & humore iterum, ut justa obveniat magnitudo, opus est, eundem, per Cancræ Stellæ accessu vocatas suo (Sol) promit ac suppeditat.

Illud etiam sano sensu falsum esse dici potest, Quia, cum omnia Sidera, non nisi mutuato à Sole lumine agant, & illa idem reflectant, non potest ex ejus variatione, Effectuum diversitas colligi. Totum igitur, quod ex eorum cum Sole coitu erui potest, est quoddam Aer tempore æstivo calidus sit, hyemali frigidus. At qualis futurus sit Cæli status, dum Anno sequenti,

sequenti, Sol siderum *Domos* subibit, dum *Canicula* orietur, aut ad occasum *Arcturus* perget; an *Venti* ruent, an candescet *æstas*, nullo certo Augurio dignosci potest: Cum non raro contingat, ut Anni Tempestates confundantur, ut *æstate* Aër rigescat, lucida sit *Hyemis* aura, in *vere* regnet Calor, & *Autumnus* ingens frigus corripiat. Non ullo præfixo ordine, mundus stat, & omnia quasi casu reagentur, fortuitò eveniunt, & elabuntur.

Concludendum est igitur, evanidos esse Siderum Influxus, & *Sole* excepto, qui per Lumen Calorémque suum operatur, nullam Astris inesse in Inferiora potestatem: Ac proinde frustra illos ex Luna orbiculata, aut gibbosa, Ventos aut pluvias colligere, sorbendam esse *Potionem*, aut *Vena sectionem*, æstuante, aut sedato Mari, esse celebrandam; plantandas Arbores, rigandos flores, dum Luna crescit, aut Lucis expers redditur. A quibus observationibus aliquando liberandos iri Homines spero, ubi vanas esse intellexerint, & non nisi iis suppositionibus nixas, quatum veritatem nemo seridò, & prout Philosophum decet, expertus est.

IX.  
Concluditur nihil posse Sidera in hæc Inferiora.

## ARTICULUS DECIMUS TERTIUS.

### *De Prædictionibus Astrologicis.*

Nemo ignorat *Thaletem* philosophum, Astrologiæ præceptis imbutum, Temporum ambitus, Stellarum motus, & reciprocos Solis *mentus* compertos habuisse, quorum inspectio-  
ne, haud dubiè futuram *Olei* inopiam intellexit.

I.  
An Thales ope Astrologia, olei caritatem prævidit.

Quamvis illud, cum quadam fiducia ab *Astrologis*, in suæ scientiæ gloriam asseratur, ostendi tamen potest, *Thaletem*, non id ex Astrologorum placitis coniecisse, sed potius ex assiduo rerum Naturalium studio. Quippe cum Physicam profiteretur, & vim *Aque* (quam rerum principium esse affirmabat) apprimè nosceret, scire potuit, qui fructus maximè Humore gauderent, quantum ad eorum incrementa, pluvia conferret, & qua potissimum Anni parte lætiores provenirent. Hæc omnia absque Astrologiæ præceptis nosse potuit, quæ, quémque  
solentem.

VI



solentem, & Naturæ arcana rimantem *Physicum* non latet. Verùm, si motus Siderum, coitûsque contemplando *Thales* ventura prædicere valuit, cur & ipsi, qui eandem Artem callere se jactitant, non idem experiuntur? cur *Æuopes* semper, & penè *Mendici* vitam ducunt? cum & divitias, sicut *Thales*, comparare queant? nisi quia, non satis firma præcepta sua existimant, quibus innitantur, & famam suam in discrimen, positiva Asseveratione adducere non audent.

## II.

Unde Stelle nomina sua pumpe.

Non magni faciendum est, quod *Asterismi* ab antiquis Poetis, *Ursi*, *Persei*, *Leones*, *Hercules*, *Archinaves* &c. nuncupati sunt: Quoniam non nomina illa sortiti sunt, quod *Ursinæ*, *Leoninæ*, &c. naturæ forent; verum ob mirabiles aliquos casus, aut in Principum quorundam gratiam: Uti à *Galileo* nuper *Stellæ Mediceæ* appellatæ sunt, non ob vim illis medendi inditam, sed in gratiam magni *Hetruriz Ducis*, è *Medicea* familia oriundi.

## III.

Plurimis à Mathematicis prænantia Mortis est, sed absque certitudine.

Multis diu antequam Mortis tempus, fatum ab Astrologis pronuntiatum est; ut de quodam *Seneca* me morat, qui cum à Mathematico, ipsi interitus imminere denuntiaretur, domum posthac reversus, intra biduum extinctus est.

Non hic eventus Prædictionis veritatem arguit; potest enim quamvis inane, & vanum Augurium, timorem Homini parere, easdemque ægritudines adferre, ac si certam Mortem sponderet. Si interitum infirmari contingat, in limine Mortem esse imaginatur, & ejus horror correptus asciscit, quam tantoperè aversatur. Quoties hoc pacto Vitæ finis acceleratus est? Quot metu Mortis, è vivis excessere? non enim semper mali acerbitate cruciamur; sed non raro ejus specie, cui nisi tempestivè occurramus, miseros nos efficimus, & deficiente animo, ultrò ad mortem properamus. Quis non *Archelaum* derideat, qui, referente *Seneca*, quo die Solis defectio fuit, Regiam clausit, & Filium, quod in luctu, ac rebus adversis moris est, totondit? Quis non *Thebanorum* Superstitionem contemnat, qui clamores tollebant, æra fatigabant, tintinnabula pulsabant, ut *Luna* laboranti succurrerent, quam è Cælo surripere *Veneficas* arbitrabantur? non enim Homines re, sed ipsa opinione torquentur; & sibi iis fingunt affici, quibus non tanguntur.

## IV.

Inspecto *Divi Augusti* Horoscopo, constat asseruisse *P. Nigidium Mathematicum*, Terrarum Dominum esse genitum, &  
Julii

Julii-Cæsaris fore successorem. De Tiberio adhuc in cunis v-  
 gente, vaticinatus est *Scribonius*, aliquando regnaturum, & vera ab Astro-  
 logis prænu-  
 tiata.  
 multis difficultatibus feliciter superatis, futurum novarum pro-  
 vinciarum Domitorem. *Largius Proculus* diem obitus Domi-  
 tiani indicavit. *Aseletarius* genus addidit, & quæsitus ab eo,  
 quis eum maneret exitus, à *Canibus* devorandum esse respon-  
 dit. Quod evenisse constat, quamvis *Domitianus* ad fidem co-  
 arguendam, exuri subito jussisset; jamque comburebatur, cum  
 ortus repente nimbus, rogam exstinxit, ad quem accedentes  
 Canes, semiultum cadaver laniaverunt. *Sueton. in Domit.*

Ad hæc dicendum est primò, non absque ratione, de *Histo-*  
*riographorum* fide ambigi posse, non quòd omnes falsitatis ar-  
 guam, existimémque consultò scriptis suis Mendacia inferu-  
 isse, sed quòd nimis colligendis *Vulgi* rumoribus, sedulos fu-  
 isse putem; præsertim qui de *Regis*, aut *Imperatoris* natalitiis,  
 aut interitu spargebantur. *Secundò*, evidens est, ex *Histori-*  
*cis* plurimos maximam operam dedisse, ut Principum gra-  
 tiam inirent, sibi que eos devincirent; quod alio pacto effice-  
 re non poterant, quàm aliqua comminiscendo, quæ illis ar-  
 riderent, utpote ostendendo ipsos à *Deo*, administrandæ Rei-  
 publicæ destinatos esse; omnia his regnantibus fore prospera,  
 & illos longam Vitam, indefessamque felicitatem manere.  
 Sed ne videar Historicorum fidem nimium labefactare, pro  
 me *Seneca* loquatur, qui eorum Temporibus vitam agens, me-  
 lius eorum ingenium, & mores calluit. *Nec magna molitione*  
*destrahenda est authoritas Ephora: Historicus est. Quidam in-*  
*credibilem relatu commendationem parant, & lectorem aliud a-*  
*cturum, si per quotidiana duceretur, miraculo excitant. Quidam*  
*creduli, quidam negligentes sunt; quibusdam mendacium obrepit,*  
*quibusdam placet. Illi non evitant, illi appetunt, & hoc in com-*  
*mune de tota natione, que approbati opus suum, & fieri populare*  
*non putat posse, nisi illud mendacio aspersit. Ephorus vero non re-*  
*ligiosissima fidei sepe decipitur, sepe decipit.*

Et certè, multos alios præter *Ephorum* decepisse, aut dece-  
 ptos esse, in iis præsertim, quæ de *Augusto* retulere, probari  
 potest. Nam cum *Augustus* Regni frænum tenere non posset,  
 nisi *Cæsare* & *Pompeio* interfectis, quos tamen *Chaldei* non in  
 Senatu, aut in *Ægypto*, sed domi, sed annis graves, sed glo-  
 ria insignes è vivis excessuros asseruerint. Quandonam igitur

tur.

## V.

Quo pacto *Ascle-  
tation* Domiti-  
ani mortem præ-  
scire potuit.

tur illis fides habenda est, si contraria pronuntient? & forte in uno veri, in cæteris fallant, aut decipiantur.

At obtendent *Ascletarionem* certò, instantem Domitiano exitum prædixisse, seque à Canibus brevi esse lacerandum: Unde illi nisi ab Astris tanta futuri evidentia?

Non hic hæreo, quòd Nonnulli *Authores* vanam esse hanc prædictionem existimaverint, & inter illas fabulas recensuerint, quæ apud vulgus sparguntur. Unum duntaxat innuo, *Ascletarionem*, Domitiani mortem potuisse absque Astrologiæ ope, certis Signis coniecisse: primo, invisos pene omnibus esse Tyrannos, & ex iis paucos placida morte, & medio excedere. Secundo, multos *Domitiano* insidiari, & undique ab Hostibus impeti. At se laniandum excerpendumque à Canibus prænuntiavit; sed id ab *Ascletarione*, nisi conjectura, prævideri non potuit, imò potius à populo effectum esse credendum est; quum & ipsi Astrologiæ periti, sua præfagia ultra Mortem non extendant, arbitrenturque Sidera, nihil posse in funera; unde imaginandum est *Ascletarionem* sensisse non cadaver suum esse devorandum, sed vivam potius, in temeritatis pœnam à Canibus esse torquendum, & inter laniatus expiraturum. Quod cum non contigerit, constat quàm vanæ sint Astrologorum prædictiones, aut si quæ futura quondam præviderint, non cognitione certa, sed casu, & conjectura fecisse.

Uti quidam omnia prædicere pollicebatur ex prima die Januarii.

*Rorida* (inquit) si nubes confixerit *Iridis* arcum,

*Pacatum* mundo sedere numen erit.

Si micet à Cælo lampas, fax, lancea trabesque;

Fervebit longo tempore Terra nimis.

Si rugiat tonitru, transcendent flumina ripas;

Et Nauta insansum fluctibus Equor erit.

Insonet horriferum sive intremat inclyta Tellus;

Exul erit pietas, exul & ipsa fides.

Si glacies gelidas condenses saxea lymphas,

Parturiet sobolem fœmina queque marem.

Quis ni demens, iis fidem habeat?

# HISTORIÆ NATURALIS PARS QUARTA.

De Terra, Aqua, Igne, & Aere.

ARTICULUS PRIMUS,

De Globo Terra.

**Q**uamvis Terræ moles tanta sit, tamque vasta occupet spatia, ut ejus ambitus circiter 7200 leucarum Gallicarum sit, sive secundum nuperam Wilhelbrordi Suelii opinionem, milliarium vicies quater mille sexcentorum viginti quatuor: Nihilominus, si Astronomis credamus, *Puncti* duntaxat nomen obtinet, si cum toto Orbe conferatur, & ad Cœli magnitudinem comparetur.

Non suo sensu caret, hoc Astronomorum effatum, *Terram* universi comparatione, pene *nihilum*, & veluti *punctum esse*. Tanta enim est inter fixas, & Terram distantia, ut nulla certatione elici possit, cum omnem Calculationem excedat, & vix Imaginatione queat apprehendi. Planetarum distantia, ex *parallaxi*, sive aspectus variatione, quam Spectatoribus exhibent, colligi potest: *Fixæ* autem tanto locorum intervallo absunt, ut ex earum intuitu, nulla *Parallaxi* giguatur, & Terræ semidiameter ad illas collatus, pro nullo habeatur. Unde si quis nostrum supponatur, in *Terra loco* manere, ipsam  
Y autem

I.

*Terra si cum  
Cœli magni-  
tudine compa-  
retur, Punctum est.*

*III.*  
*III.*

autem sursum attolli, & Cælum versus erigi, haud dubium est, quin ut primùm assurgeret, veluti ingens globus sit apparitura : Paulatim tamen decreveret, prout versùs *Lunam*, mox *Solem*, dein *Saturnum* perget : Aded ut ad *Solem* elata, tanquam una ex minoribus *Stellis* sit apparitura, ulteriùs verò pergendo, scilicet versùs *Stellas Fixas*, omnem prorsus conspectum nostrum fugiet. Ac proinde *Terræ*, quæ tot *Mariæ*, tot *Insulas*, totque *Regna* complectitur, si ad *Cœli* amplitudinem comparatur, adinstar *puncti* habenda est. Imo si ad *Vorticem* nostrum, cujus *Centrum* *Sol* occupat, eam conferamus, aded exigua, tamque parvi momenti videtur, ut qui *Scioterica Horologia* conficiunt, & umbris solaribus *Horas* metiuntur, stilorum omnium vertices, in *Terræ Centro* locatos esse supponant, unde in superficiem *umbras* suas projiciunt; quasi aded tenuis sit differentia, ut non alias hinc, quàm illinc *umbras* projicere queant.

## II.

Quam vani igitur  
Homines, qui  
pro puncto milit-  
ant.

Hinc videre est, quam deridenda sit *Mortalium* cupido, qui pro uno puncto tot bella gerunt, tantum sanguinem fundunt. Hæc est *Materia* gloriæ nostræ, inquit *Plinius*, hæc sedes. Hic honores gerimus; hic exercemus imperia; hic opes cupimus; hic tumultuatur humanum genus; hic instauramus bella, etiam civilia, murisque cædibus laxiorem facimus *Terram*; & ut publicos gentium furores transeam; hæc, in qua conterminos pellimus, furtoque brevi cespitem nostro solo assodimus, ut qui latissime rura metatus fuerit, ultraque fines exegerit accolas, quota terrarum parte gaudeat? Vel cum ad mensuram *Avaritiæ* suæ propagaverit, quam tandem portionem ejus defunctus obtineat? Sed surdis hæc canimus, ad *Terram* revertamur.

## III.

Quomodo Terra  
in Aëris medio  
constat.

*Terra* in *Cœli* medio pendet, nullis columnis innixa: imo veluti *Immotæ* consisteret, æqualem semper ab *Orbibus Cœlestibus* distantiam servat.

*Ponderibus librata suis*—Ovidius.

Id *Terræ* contingit, non ex eo, quòd *Universi Centrum* existat; ut quidam passim existimant, & circa ejus ambitum, ceteri *Orbes* volvantur; Quoniam ea ratione data, adhuc inquiritur, cur *Terra* à loco suo non deturbetur, & in *Aëris* medio

medio librata, impediatur, quo minùs avolet, aut deorsum ruat. Nam si nativo pondere gravis est, quo pacto non deciderit? si levitate donatur, quò sit, ut sursum non fertur? Dicendum est igitur, Terram in *Aëris medio* suspensam detineri à Materia Subtili, circa eam gyrante, & omnes ejus poros pervadente. Cùm enim Cœlestis Materia, quæ undique Terram ambit, æquali Celeritate circa eam rotetur, ejusque Motum multoties excedat, non potest non impedire, ne labatur, aut ascendat; ac proinde in medio librata permaneat: Nam sicut *Aves*, ab Aëre sustinentur, ne cadant: ita *Terra & Luna*, quæ in eodem Vortice volvuntur, ab eadem materia, quæ ipsas deserit, fulciuntur, impediunturque, ne à Centris suis deflectant, aut alio amoveantur.

Terra quamvis gravis, non ad Vorticis Solis circumferentiam pellitur, sed à globulis Cœlestibus eam circumfluentibus, detenta, ad certam distantiam remanet, & semper inter *Martem & Mercurium* media, nunquam ulterius provehitur.

Ratio est, quod *Planetae*, de quorum numero est *Terra*, ob variam eorum Soliditatem, à Vorticis Centro, magis, aut minùs removeantur: aded ut *Saturnus*, qui omnium maximè à Sole distat, cæteros Soliditate excedit. *Terra* vero quamvis densum compactumque Corpus esse videatur, non tamen ea soliditate pollet, ut magis versùs Vorticis sui circumferentiam recedere debeat; cùm *Mars*, qui ipsa multo minor est, ob arctiorem tamen suarum Partium nexum, solidior sit. Nam licet Terra, quoad ejus superficiem, maximè compacta, solidaque videatur, levis tamen pro magnitudine sua, est æstimanda; quia illa Superficies, non nisi duorum, aut trium miliarium Crassitiem habet, quæ vix alicujus est momenti, si ad eas Cavitates conferatur, quæ intra illam reconduntur. Ac proinde sicut *Naves exiguae*, & quæ parum Agitationis habent, facile in flumine detinentur, ejusque Motu feruntur: Ita *Terra* in Solis Vorticem delapsa, pro suæ Soliditatis ratione, eundem semper locum retinet, nec ulterius ad Solis Vorticis peripheriam potest detrudi.

Terra vim Magneticam *Ferro* tribuit, sed aded debilem, ut eam facile amittat, & contrariam nanciscatur: ut si laminæ ferreæ extremitas, nulla adhuc tali virtute imbuta, Terræ obversetur, statim in illa extremitate versùs Terram depressa,

Y 2

vim

IV.

Cur Terra suo pondere, non ad Solem propius accedat.

V.

Virtus Terra magnetica, non nisi ferrum debilius afficiat.

vim *Poli Australis* in Borealibus plagis acquirat; quam momento postea amittet, & contrariam comparabit, si eadem ejus extremitas elevetur, & opposita inclinetur.

Hujus ratio ex imbecillitate Virtutis *magnetica*, quæ in Terra reperitur, desumitur: Quia cum particula *striata*, quæ è Terra egrediuntur, per interiorē ejus superioris regionis Crustam, ex qua Metalla cruantur, revertantur, sit ut pauca, aut forte nullæ per Aerem nostrum regrediuntur, iis solis exceptis, quæ transitum interius non inveniunt. Hinc fit, ut *lapides magnetici*, qui idoneos iis particulis recipiendis meatus habent, vim majorem *Ferrum* attrahendi, habeant; quoniam particula *striata* in ipsis, eodem modo dispositos meatus reperiunt, ac meatus *Terræ inferioris*: redeundo autem per Aerem, aut alia Corpora Terræ exterioris, in quibus nullos hujusmodi Poros offendunt, difficilius moventur, & pauca ad nos perveniunt.

## VI.

Qui iter in Austrum à Borea faciunt, Boream deprimi deprehendunt.

Qui à Borea in Austrum pergunt, partes Cœli Borealis supra horizontem, magis ac magis deprimi conspiciunt. At qui ab *Austro Boream* versus proficiscuntur, Boreæ partes sensim erigi deprehendunt. Adeo ut superatis septuaginta tribus Italicis recti itineris milliaribus, aut Gallicis leucis communibus 24 proximè, *Polus Borealis* sit ipsi futurus, gradu integro elevatior.

Id Terram *rotundam* esse, atque in globi modum confectam esse arguit; nam Terra *plana* existente, talis mutatio contingere non potest. Licet enim ponatur cum quibusdam, Aliquem directè sub *Polo* constitui, non tamen altitudinis *Poli* mutatio oriri potest; quippe si secundum rectam lineam recedat, non equalis tunc depressio continget, nec post septuaginta tria milliaria, gradus unus post ipsum relinquetur; sed minor semper ac minor recessus ejus evadet, propter decrecentem minùs, ac minùs Angulum. Adeo ut, tandem septuaginta tria milliaria, non unius gradus, sed vix unius minuti de pressionem factura sint: Quod quotidianæ experientiæ adversatur.

## VII.

Montes non offuscant rotunditatem Terræ.

Non Terræ Rotunditati adversatur, quod montes varii exuperent, ut *Olympus*, qui supra nubes, ventorumque originem porrigitur. *Arbus*, cujus vertex ab imbris immunis est. *Picus* Tenariffæ Insulæ unius Canariarum, cujus altitudo, ad

ad quinque, aut sex milliaria extenditur. Quia non *Mathematica* rotunditas, Terræ competit, quasi ab ejus centro ductæ in superficiem lineæ, forent perfectissimè æquales: Sed *Physica*, hoc est, qualem rerum universitas exigit, cum hujusmodi inæqualitates, parvi adèd momenti reputentur, ut in tanta corporis amplitudine, evanescere censeantur. Quo pacto *Rima* in pila, aut in pomo *Arantio*, granola, non efficiunt, quominus ab omni parte, paria esse dicantur.

Quod evidenti experientia demonstrari potest: Quippe si quis *Boream* aut *Austrum* versus progrediatur, inveniet *Poli* altitudinem constanter variari, non modò dum per planum, sed & per acclivem, & declivem locum incedet: Adeò ut ad montis pedem, *Poli* altitudine observata, totum diem versus *Austrum* pergat, non propterea *Poli* altitudinem increvisse sit deprehensurus, sed decrevisse potius, ubi ad Montis Verticem pervenerit. Nec simili modo, non decrevisse, sed auctam esse advertet, si factam prius in cacumine observationem, in ima valle denuò repetierit. Quod certe argumento est, quod Telluris devexitas ubique sentiatur, & perpendiculum in alia, aliaque seu acclivitatis, vel declivitatis puncta incidens, per alias, aliasque & coituras in centrum lineas deorsum contendat.

VIII.

*Variatio altitudinis Poli rotunditatem Terræ arguit.*

## ARTICULUS SECUNDUS.

### De Aqua.

**D**ebes singulis, experimur *Aquam* difficiliùs quàm *oleum* congelari, & non nisi magno frigore concrefcere. *Oleum* enim, aura tantillum solito asperiori, obrigescit, & firmum constituitur; Item *Aqua* citius quàm *Oleum*, in Vapores convertitur, si ambo soli exponantur, & æqualem ab eo Calorem recipiant.

I.

*Aqua difficiliùs quàm Oleum congelatur.*

Quod *Aqua* fluida sit, & difficiliùs in glaciem concrefcet, ex eo potissimum oritur, quòd partes *leves ac lubricas* habeat, *Anguillarum* figuras referentes, quæ licet inter se implicentur, & ad invicem accedant, nunquam tamen ita nexæ coherent,



hærent, ut non faciliè sejungantur. *Oleum* verò, ex partibus constat, quæ sibi faciliè adhærent, *Arborum ramis* similes, quæ ita implicari non possunt, quin illicò mutuo nectantur, & veluti impeditæ, sibi interjiciantur. Unde fit, ut *Oleum*, non ita citò in Vapores abeat, quàm *Aqua*, cujus partes, *Materiæ Subtilis* agitatione, faciliè à se invicem separantur, & nonnisi levi nexu vinciantur.

## II.

*Aqua natura sua frigida non est, ut placuit Aristoteli.*

Hinc clarè contra *Aristotelem* deducitur *Aquam*, quam Elementum vocat, *Natura sua frigidam* non esse, cum Calorem admittat, nec illum deponat, nisi in quantum *Aeri*, utpote gelidiori illum impertit. Videmus etiam flumen, dum gelu concrevit, glaciem à superficie oriri, sive ea parte, qua ab *Aere frigido* contingitur: Quod indubiè accidere non deberet, si *Aqua natura sua frigida* esset; imò potiùs glacies, vel à fundo, vel à medio fluminis incipere deberet, aut saltem non tardiùs in medio quàm in superficie formari: Cujus tamen contrarium accidere annua experientia cernimus.

## III.

*Homo sub aquis constitutus, non earum gravitatem sentit.*

*Aquæ gravitas* in fundo fluminis non sentitur: Unde si quis sub *Aquis* collocaretur, minimè pondus earum experiretur: ut testantur *Urinatores*, qui *Aquarum* mole, eorum *Capitibus* impendente, non deprimuntur, sed sua in eis, ac si in *Aère* nostro versarentur, exequentur.

Id potissimum ex eo provenit, quòd non plus *Aquæ* in Corpore immersum gravitet, quàm quantum *Aquæ* descenderet, si corpus illud suo loco cederet. Nam collocetur *Homo* ille in Vase B, qui Corpore suo ita foramini A incumbat, ut exitum *Aquæ* impediatur, experietur totum *Cylindri Aquæ* ABC



A

pondus sibi impendere, cujus basim suppono esse ejusdem magnitudinis cum foramine A, qui si ipse per illud foramen descenderet, totus etiam ille *Cylindrus Aquæ* descenderet; sed si paulò altiùs supponatur, ut ad B, ita ut non prohibeat amplius egressum *Aquæ* per foramen A, tum nullam gravitatem sentiet ex *Aqua*, quæ inter B & C ipsi superincumbit, quia si ipse descenderet versùs A, nequaquam descenderet *Aqua* ista cum illo, sed contrà pars *Aquæ*, quæ

quæ illi versùs A subiacet, paris cum ejus Corpore magnitudinis, in ejus locum ascenderet; unde fit, ut Aqua illum sursum evehat potiùs, quàm deprimat, prout *Urinatorum* exemplo comprobatur.

Aqua si diu stagnet, aut in Utre, per aliquod tempus re-

IV.

*Unde putrescit aqua, aut corrumpitur.*

ponatur, putrescit, & *fœtidum* odorem spirat. Quia licet in Aqua, modicum Salis & Sulphuris esse deprehendatur, quia tamen Aqua stagnante, fluorem illa acquirunt, facilè evaporant, ac putredinem inducunt. Aqua autem in *motu* permanente, Salis & Sulphuris particulæ cum aliis admiscuntur, & implexu mutuo detentæ, impediuntur, ne a-  
volent, & sursum ferantur.

Aqua in Vase vitreo contenta, aut tubo, quem ad summum non implet, depressior in *medio*, quam in *marginè* cernitur. E-

V.

*Aqua cur deprimatur, aut attollitur in Vase.*

diverso, si Vas impleatur, Aqua in summo intumescit, & sphæricam figuram affectat. Ratio est, quod in Tubo non impleto, partem mediam undique Aër comprimit, & non nisi oblique, in extreimas partes, vim suam exerit. Ubi vero vas impletum est, præterquam quòd Aqua firmiùs Vitro implicatur, mediæ illius partes, ab *Aère* supraposito duntaxat constringuntur, extremæ verò, tam ab *Aère* superiori, quam ab eo, qui circa margines est, comprimuntur.

Ex *Aère* nonnunquam *Aqua* efformatur: Quippe videmus in generatione Fòntium, quibus veteres assignabant, (admodum probabiliter) ex Versione *Aëris* in *Aquam*, facilitata per quietem, qua gaudet in hisce Terræ partibus *Aër*, ut dissipari non possit, & à rupium frigiditate. *Fontes* enim iis in locis maximè generantur. *Bacon. Hist. Natur.*

VI.

*An ex Aère aqua efformari possit.*

Solerter adverbium illud, *probabiliter*, adjunctum est, cum non desint, qui illud tenaciter negent, contrariùmque facta experientia fulciant. *Vas* vitreum, collo oblongo, duarum pintarum capax, Vir nostri seculi magnus rerum Indagator, hermeticè sigillatum, & in quo nihil præter *Aërem* continebatur, dolio *Aqua* repleto, & in cavea profunda asservato, recondidit, in quo Annorum trium spatio latuit, nec unquam inde avellebatur, nisi explorandi gratia, si quid novi *Aëri* contigisset. Nunquam tamen ab eo deprehensum est, *Aërem* degenerasse, & illius tantillum in *Aquam* fuisse conversum.

Quod

Quod proculdubio accidere debuisset, propter humiditatem frigiditatemque, qua Aer undique ambiabatur. Unde probabile non est, uti existimavit *Verulamius*, id quod Aquam in Glaciem convertere potest, posse quoque Aerem in Aquam convertere. Cum hæc Verlio non aliquorum Mentium spatio tentata sit, sed & annorum plurium, quæ tamen nunquam successit. Et ratio hujus est, quod *Aëris* particule, cum valde subtile sint, vi agitationis materiæ subtilis, eas percurrentis, ita moventur, ut semper inter se volent, ac proinde nunquam in Aquam à frigore etiam intensissimo commutari queant.

## VII.

Cur funis aqua  
asperfus contra-  
hitur.

*Funiculus*, si Aqua aspergatur, ita ut humor ejus interiora penetret, contrahitur, minúsque quam antea spatium occupat.

Hujus causa est, quod fila, quæ funem componunt, veluti tot tubuli sunt, quæ intromisso liquore inflantur, & breviores evadunt. Hinc *Tesudinis* fides, gravi & humida tempestate, etiam intacti disrumpuntur, si plus æquo intendantur. Quoniam eorum fila, spiratim ritu *cochleæ* circumducta, quæ circa majores cylindros volvuntur, contrahuntur, & aliquid de sua longitudine amittunt.

## VIII.

Quomodo Aqua  
dicitur insipi-  
da.

Aqua præsertim pluvialis, insipida est, & nullum aut non nisi exiguum Saporem præfert.

Et si nulla sint in Universo corpora, planè insipida, quædam tamen talia dicuntur, quia non eminenti aliquo Sapore afficiuntur, cujusmodi sunt *Herba* quædam frigida, crudum *Ovi albumen*, & *Aqua communis*, quoniam eorum particule superficiebus glabris constant, & lævigatis, quæ linguae meatus non ingreditur, illamque nullo modo vellicant, aut penetrant, sed supra ipsam quodammodo natant & illabuntur. Sic *Aër* insipidus habetur, quoniam supra Salivam natat, nec se ei immiscendo, ullam in linguae nervos impressionem facit. Ob eandem rationem pingues liquores minús sapiunt quàm macri.

## IX.

Ad filtrationem  
peragendam, re-  
quiritur ut pan-  
nus humore im-  
buatur.

Filtratio non peragitur, nisi *panno* per omnes partes Aqua imbuto: Sive, Aqua non per pannum lineum ascendit, & per protensam alteram, è vasis superficie partem destitit, nisi pars illa sit, probè liquore perfusa: Aded ut, sicca parte panni extra vas remanente, omnis filtratio cesset.

Hujus

Hujus ratio est, quod in *filtratione*, exteriores Aquæ partes, quæ imbutus est pannus, ita se illius filis implicant, & intimè illius Poros penetrant, ut quandam *Pellicula* speciem ibi conficiant, per quam interiores istius Aquæ partes, quæ in continua sunt agitatione, defluunt, & versùs illam Panni partem feruntur, quæ demissâ est, & extra *Vas* prominet. Data autem aliqua parte Panni sicca, & nullo liquore extensa, non formari ille *Tubus* potest, qui ad partium Aquæ transmissiōnem requiritur, ac proinde necessum est, totum Pannum maderieri, & Aquam per totum illius Corpus decurrere. Nam non est putandum, partem foris eminentem, per Aquæ propulsionem in vase contentæ humefieri, & madorem recipere : hoc enim fieri Naturaliter repugnat : sed illi *Humiditas* accedit, quòd filtri pars Aquæ primùm immergitur ; quoniam tunc, illius Poros Aqua ampliante, & eam sensim copiosius subeunte, illius quoque partes dilatantur, & viam insequenti Liquori præbent.

Advertunt illi, qui in Aquis natant, & fluviorum abdita scrutantur, *undam* in *fluminibus* inæqualiter decurrere, & lentius in *fundo*, quàm in *superficie* procedere.

Id non omnibus fluminibus contingit ; sed iis duntaxat, quorum alveus inæqualis est, & fossis quibusdam intercipitur. Nam si omnes ejus Partes æqualiter sitæ sunt, nec ulla supra aliam exuberat, non apparet quorsum flumina in fundo tardius, quàm in Superficie ferrentur. Illa igitur solùm impari *Cursu* aguntur, quæ in una parte, quàm in alia, profundiora sunt, & quorum Fundus, partes habet aliis prominentes. Quoniam Aqua, dimissiora illa loca subeundo, in illis aliquantulum detinetur, & inæquali cursu, cum illa quæ in superficie est, rapitur.

Hinc apparet Aquam, quacunque patet *declivitas*, defluere, quia cum superiores illius partes, sua *gravitate* suppositas premant ; istæ verò præ fluxitate, ni ad latus cohibeantur, sese subducant & exsiliant, necessum est, ut Aqua in declivi loco versante, inferiores illius partes, à superioribus pressæ, loco cedant, & in partem depressiorem, in qua liberius decurrant, ferantur. *Declivitas* enim ipsa planitie patentior est ; & cum aliud non sit, quam perpendiculorum continenter brevium series, oportet ut Aqua compressa, atque per declive spatium

X.

*Cur Aqua in fundo fluminis lentius decurrat.*

XI.

*Cur Aqua non nisi per declive fluat.*

extensa, in fundum perpendiculi brevioris delabatur, & eo versus sponte prorumpat. Unde manifestum est, nullam Aquam supra Terræ superficiem fluere, quæ non in humilioris magisque declive spatium, ac proinde Terræ centro ob perpendiculum brevius, deferatur.

## XII.

*Aqua contenta  
in vase inæqua-  
lis crassitie,  
non propellitur à  
copiosiori.*

Vas Vitreum aliquod conficiatur, cum *angusto brachio*, & illud Aqua impleatur: illa, quæ in Vase continetur, aliam paucam, quæ in *brachio* est, loco deturbare non poterit, neque sublimius evehere; quamvis hac multo copiosior sit, eamque pondere excedat.

Hic effectus Materiæ Cœlesti debetur, quæ circa Terram citissime rotatur, & Terrestria Corpora, versus sui motus Centrum propellit. Quippe quum Aqua in *Vase*, & in ejus *brachio* contenta, æqualem superficiem habeant, æqualiter à Cœlesti Materia premuntur, & deorsum detruduntur; ac proinde Aqua copiosa, in ingenti illo vase, nullam vim habet exiguum illud Aquæ, quæ in angusto brachio recluditur, loco suo deturbandi, & sublimius attollendi.

## XIII.

*Cur Acus chaly-  
beæ summæ A-  
quæ innatet.*

Aquæ superficies difficilior dividitur, quàm ejus interiora: *Acus* siquidem exigua *chalybeæ*, transversim summæ Aquæ innatant, ad fundum verò pergunt, ubi Corpus ejus penetraverint, & tantillum ejus interiora libaverint.

Illud ex eo oritur, quòd Aquæ partes, licet uniformi Agitatione inter se moveantur, & lævem, æqualemque Superficiem component; quia verò Aeris partes Aquæ circumfusi, alia ratione & mensura feruntur, nec in eundem Motum consentiunt, sit ut superficies *Aeris*, & *Aquæ*, poliantur: Quem admodum aspera Corpora videmus, mutuo attritu lævigari, & politiem induere. Constat autem lævia Corpora multò asperis, ad resistendum, aptiora esse, & vim majorem alijs propulsandis exerere. Ac proinde mirum non est, si *Aquæ superficies* cum difficilior, quàm ejus interiora separaretur, *chalybeam Acum* sustineat, & eam non patiatur demergi. Requiritur tamen, ut *Acus* in *Aqua* sublidat, neque supra modum crassa sit, & transversim incumbat, quoniam aliter accideret, si diverso modo imponeretur, & unum illius extremum, aliud multò crassitie superaret.

ARTICULUS TERTIUS.

De quarundam Aquarum Proprietatibus.

Quædam Aquæ calidæ scaturiunt, & veluti Ignem in Terræ visceribus conceperint, Calorem referunt, cumque aliis Corporibus impertiuntur. Quidam putei ita incallescunt, ut demissum in eo, per aliquod tempus, ovum, coquatur, & ad duritiem adigatur.

L  
Qui nonnullæ aquæ incallescunt, ut Thermae, &c.

Nonnulli *Thermarum* Calorem, à subterraneis Ignibus oriri autumant, qui in Terræ penetralibus latent, & per quosdam canales diffunduntur, quos *Aqua* pertransiens, incalescit, & fervorem comparat. Verum, id rationi consentaneum non videtur : quippe non apparet, unde suppetat hæc Ignium materia ; qui fieri queat, ut Ignium alimenta in flammam sub Terra convertantur ; aut si veri Ignes illic regnant, quomodo ab erumpente fumo non suffocantur, aut se dilatando, ex latibulis demum non erumpunt. Verisimilius igitur videtur, nullum illic Nativum Ignem residere, sed diversorum liquorum mixturam sufficere, ad Calorem illic producendum ; ut in *Aqua* & *Calce* experimur, quæ per fermentationem incallescunt, & Ignem sola mixtione generant. Illud idem in *Oleo Tartari*, & *Spiritu Vitrioli* animadvertitur ; item in *Aqua forti*, & *Tartaro* ; *butyro Antimonii*, & *Spiritu Nitri* ; quæ etsi ad Tactum sunt frigida, tamen si immisceantur, incallescunt, & quidem ita, ut si repente *Aqua forti*, in qua Ferrum solutum est, *Oleum Tartari* infundatur, non solum ebulliat, sed & flammam mixtura concipiat. Quod etiam accidit, si *butyro Antimonii* dicto, confertim *Spiritus Nitri* infundatur.

Provenit ergo *Thermarum* calor, ex *Bituminis* & *Sulphuris* mixtura, quæ dum inter se confunduntur, per quandam fermentationem, Calorem concipiunt, & fervescitiam adipiscuntur.

Aquæ stigiæ, seu *Fortes* passim nominatæ, durissima Metalla penetrant, atque illa brevi temporis spatio exsolvunt : In *Cera* verò, quæ mollis est, nihil agunt, & eam veluti intactam prætereunt. Eædem Aquæ, facilius *Ferrum*, & *Chalybem*

II.  
Aquæ fortes Metalla perfodiunt, & in dura potius quàm in mollia agunt.

dissolvunt, quàm *Plumbum*, quod illis mollius est, & ad divisionem proclivius.

Ejus ratio est, quod Aquæ fortes, cedentia Corpora sine injuria perlabuntur, distinguunt autem, ac imminuunt quæ illis obstant, & earum transitum impediunt. Id ab iis facile capietur, qui norunt omnia Corpora, non iisdem partibus componi, neque illas inter se, eodem modo conjungi; sed secundum figurarum & magnitudinum variationem, quibus afficiuntur. Nam sicuti *scyphorum*, aut *fistilium* acervus, si baculo feriat, in mille, aut amplius frustra frangi potest; *Lana* autem baculo eodem, parique impetu percussa, nullam mutationem sortitur: & sicut forcipum, aut cultrorum acie, *fistilia*, & *scyphi* scindi nequeunt, *Lana* vero statim abrumpitur, & in partes exilit: Ita facile intelligitur, quomodo Corpora aliqua, ab Aquis fortibus dividantur, & in multas partes abeant: alia verò, earum transitu, nullam Mutationem subeant, aut sensibili modo diffingantur.

## III.

*Dodon fons facies accensas exstinguit, extinctas accendit.*

Referunt Historici, Fontem in Epiro esse, qui effectus contrarios operatur. In *Dodone*, inquit Plinius, *Jovis fons cum sit gelidus, & immersas facies exstinguat, si extincta admoveantur, accendit.*

Id fieri prima fronte, quodammodo impossibile videtur, quum soli Igni comburere competat, & frustra frigido Corpori *inflammatoria* tribuatur: dici tamen potest Epiriei fontis *Aquam*, cum *gelida* sit, faciem immissam extinguere, id enim Aquæ proprium est, Ignem obruere, & motarum partium vim retundere: immeritò verò extinctæ facis impressus Ardor illi adscribetur, quum ille non ab Aquis, sed ab Exhalationibus, quæ Aquis supernatant, proveniat. Effluunt enim à supposita Fonti Terra, Vapores ex *Sulphure*, *Bitumine*, & *Nitro* conferti, qui per Fontem tanquam per caminum ascendentes, inflammabiles in ejus superficie evadunt. Extinguuntur igitur facies, dum immerguntur, accenduntur verò, dum Fonti admoventur, & iis Halitibus occurrunt, qui ex locis cavernosis, & per fontem penetrantibus erumpunt.

## IV.

*Causa interruptionis fluxus in Collismartiensi fonte.*

*Gassendus* occasione Fontis, qui Authore *Plinio*, ter in die stans auctibus & diminutionibus crescit & decrescit, cujusdam *Collismartiensis* nomine meminit, qui octies intra Horæ spatium fluit, totiesque fluxu inhibito, sistit. Quippe imminens

&c

& jam eruptura *Aqua*, levi murmure se prodit, sensimque in Alveolo per minuti ferme dimidium augetur, deinde per minuta ferme sex : cùm verò nullum amplius decrementum sub finem percipitur, aliqua interponitur mora, priusquam *Aqua* denuò effluat. Non tamen Intervalla ab una eruptione, in aliam æqualia sunt, sed quandoque plura, interdum pauciora intercurrent; cùm interim rarò accidat, ut non unius Horæ spatium, octo effluxiones, & totidem cessationes numerentur.

Tam interrupti *Aquarum* cursus rationem reddere arduum est; quicquid ex *Epirotici* Fontis exemplo præsidii comparare possumus. Nam quòd in hoc, *Aqua interdum* copiosa sit, *nocturnu* verò deficiat, in Solis Calorem refundi potest, cujus vi exarescere Fontes æstivo tempore videmus, hyemali verò exundare. At simile quid in *Collismartienfi* fonte comminisci nequit, quum non minùs diurnis, quàm nocturnis horis, interruptas suas effluxiones servet. Si tamen de re tam abstrusa quicquam suspicari licet, facile crediderim, intra Montem exiguam quandam *Lacunam* contineri, ad quam aecedens rivulus, cursu continuo replet : quoddam etiam spiramentum inesse, è quo subterraneus Halitus, aut modicus ventus incessanter reflans, *Aquam* cohibeat, remittatque in locum, à quo proficiscitur, adversum; & illic intumescere, quoadusque proprio pondere victa, vim Venti superet; & cum impetu, perlabatur, ac decurrat : donec *Lacuna* pene exhauriatur, & sicca remaneat. Deinde, Ventus recuperato spiramento, eodem modo, quo ante effluxuram *Aquam* retinet, continuòque propellit, donec irruimpentis aquæ vi, iterùm propulsetur, & ejus impetui cedat.

Similis fontis meminit *P. Maignam Tolosus*, in Perspectiva sua Horaria, qui per æstatem horis singulis ab ima specu vastissima, eademque profundissima, quadrante paulatim succrescit, non sine multo *Aquarum* rugientium fragore; mox quadrante in uberrimum fluvium exundat : dein alio quadrante subfidit; ac demum quadrante etiam interquiescens, aret.

In Cyrenaica provincia, *Solis fons* media nocte fervet, mox sensim tepescit; deinde ad primam lucem friget : & quo Sol magis attollitur, eo fit frigidior, aded ut, *Meridie* rigeat : rursus *grat & caleat*.

V:

Similis huic fluvius.

VI:

An Mammonis fons alternis temporibus frigus grat & caleat.



fus paulatim tepescit; deinde ad *primam noctem* calet, & quo magis ille progreditur, eo fit calidior, ut habet *Lucretius*,

*Esse apud Ammonis sanum fons, luce diurna  
Frigidus, at calidus nocturno tempore fertur.*

Philosophorum Nonnulli, hujus Proprietatis rationem reddere conati sunt, innucendo quædam *Aqua* Caloris inesse semina, quæ *Terra* nocturno frigore oppressa devehit, & eadem diurno Calore laxata resorbet; quod cum alternis vicibus fiat, Fons *lucè* frigidus evadit, & *nocte media* fervet, calidiorque redditur, quo magis Sol dimittitur. Sed vereor, ne fictæ rei vera Causa quæratur, nimiumque solliciti simus, in ratione Effectus detegenda, qui nullibi extat, & non satis sincera referentium fide firmetur. Cum *Arrianus*, *Curtius*, *Plinius*, *Mela*, aliique Historici, & Geographi, qui Fontem illum describunt, illum nunquam aspexerint, & solo rumore adducti, id asseruerint. Quis nescit *Ammonis* Sacerdotes, esse *Alexandro* adulatos, quum sanum illud inviseret, & multa ei impostura, aut simili Arte exhibuisse: ut locum illum magis celebrem redderent. De rei veritate primum constet, antequam illius Causa investigetur.

## VII.

*Unde oritur Calor, in hyeme, in Aquis putealibus.*

Aquæ puteales æstivis Temporibus frigida sunt, hybernis verò incalescunt, aut ad minus, Teporem fortiuntur.

Hic Calor frigufve, non tam ab Aqua, quam à Sensu nostro procedit, quo existimamus illam æstate, quam hyeme frigidiorē esse. Ufu enim venit, ut quæ manu frigida contrectamus, calida esse arbitremur; & è contra frigida, quibus calidam manum apponimus. Id *Thermas* ingrediendo experimur, quæ Calore distinguuntur, & variis gradibus differunt: quippe primum balneum ingressi calidum illud arbitramur, dum adhuc frigescit Corpus, & nondum alia subit: ubi verò à summè calido gradatim ad primum denuò revertimur, illud tunc gelidum existimamus, & veluti à se ipso diversum. Ita de *Cryptis* & *Cavernis* differendum est, quæ semper eandem Temperiem, quolibet tempore, servant, & ex eo solo *frigidiores* æstate sentiri, quod fervescēte Aëre relicto, illas subimus, cujus comparatione, frigida percipiuntur. In *Hyeme autem calida*, quod ab Aëre exteriorē, qui iis multo frigidior

frigidior est, ad illas accedimus, cujus intuitu calidæ apparent, ac sentiuntur. Uti antea Olei exemplo declaratum est.

Non cum quibusdam Aristotelicis imaginandum est, *halitum* illum, qui hiberno tempore, Aquis putealibus incubat, aliquem eis calorem conciliare; Quia halitus ille, si manu exploretur, non minùs frigidus sentietur, quam *Aër*, qui illum circumambit: Aqua verò, manu in eam injecta, calida sentietur; quod sat indicii est, Aquam nihil Caloris, à fumo, seu halitu ipsi incumbente mutuari. Præterea, videmus non minorem summi quantitatem Aquæ calidæ scaturienti incubare, quam *putealis*, & tamen nemo agnosceret illum Calorem ab halitu proficisci, quum is vix Aquam contegat, & momento præterlabatur. Aqua igitur putealis ex eo duntaxat *calida*, hybernis mensibus, esse existimatur, quod ab *Ære* exteriore, qui longè frigidior est, ad illam accedimus.

Hinc meritiò in dubium vocari potest, quod ab *Hippocrate* supponitur, Ventres scilicet Hyemali tempore calidiores esse, & illorum æstu, Ciborum digestionem faciliùs peragi.

Nam si id verum est, quò fit, ut frigida appetamus, & versus cibos illos propendeamus qui plurimum refrigerant. Præterea ex dictis in *Institut. Philos.* constat, Calorem digestionis instrumentum non esse, quandoquidem Pisces, qui maxime voraces sunt, Calore destituantur, aut saltem si aliquem habeant, nequaquam Sensum nostrum afficiat.

Quædam Aquæ *Ebriatatem* conciliant, & eas fumentes ita afficiunt, ut instar Vini temulentos titubantésque reddant: ut de *Lethe* fluvio memoratur,

*Quem quicumque parum moderato gutture traxit, .....  
Haud aliter titubat, quam si mera vina bibisset.*

*Aliæ* haustæ *limphaticos*, & à Mentis statu deturbatos efficiunt, hebetudine per totum Cerebrum irrepente.

Causa in Bitumen, quo Aquæ illæ refertæ sunt, refunditur. Caput enim maximè *Bitumen* ferit, & Nervorum Meatus obstruendo, Sensuum hebetudinem contrahit, ad eum fere modum, quo pastinacæ sylvestris semina, ut ait *Agricola*, de rebus à Terra effluentibus, libro secundo, Linteolo involuta, & in vinum posita; Atque pulveres florum *Hermodactyli*, quibus

VIII.  
*Fumus Aquæ incubens nullum ei calorem præstat.*

IX.  
*Ciborum digestio non Calore perficitur.*

X.  
*Quædam Aquæ inebriant, aliæ limphaticos hæmorrhoides efficiunt.*

Turcæ

Turcæ utuntur, cum eodem sumpti, faciunt, ut ocyus & fortius inebrient. Ita *Bitumen* Aquis permistum, inebriare solet, & grave Corpus reddere.

## XI.

*Fons, qui bibentibus Vini odium ingenerat.*

Quidam Fontes in *Clitorio*, Arcadiæ Civitate memorantur, qui sumentibus, *Vini* aversionem ingenerant, quemadmodum *Ovidius* testatur:

*Clitorio quicumque sitim de Fonte levarit,  
Vina fugit, gaudet meris abstemius undis.*

Id ex eo provenit, quòd sicuti Vinum, non *Ebriis* tantummodò, sed etiam postquam *sobrii* facti sunt, nauscam aliquam adfert; Ita qui ex Fontibus illis *Bituminæ* refertis, Aquam hauserint, aliquamdiu capitis gravedinem experti, eo modò afficiuntur, quo illi, qui *Febre* correpti, Vinum refugiant, & ejus Odorem averfantur.

## XII.

*Aquis nonnullis morbis curantur.*

Quædam Aquæ medicata vi pollent, & quibus *Medici* ad certos quosdam morbos curandos interdum utuntur.

Hanc virtutem Aquæ mutuuntur à metallica, vel minerali materia, per quam defluunt: Cujusmodi sunt *Sulphur*, *Sal*, *Vitriolum*, *Alumen*, *Nitrum*, *Bitumen*, &c. E quibus Aquæ particulas suffurantur, & secum abducunt. Hinc illa Aquarum diversitas provenit, quam in ipsis deprehendimus. Quippe *Sulphureosa* calefaciunt: *Bituminosa* caput & sensus hebetant: *Alumina* ulcera exsiccant, *Acramentosa* poros, quibus humor in ulceris locum confluebat, adstringunt. *Alia* pro indita sibi, à metalli qualitate virtute, brevissimo tempore, in vesicam traducuntur, laxatis scilicet prius meatibus, qui tali humori viam faciunt.

## ARTICULUS QUARTUS.

## De Fontibus &amp; Fluviiis.

## I.

*Unde oriuntur fontes in cacuminibus Montium.*

**N**ihil frequentius, quàm à Terræ penetralibus, Fontes erumpere, & contra Aquarum pondus, sursum evehi, & in montium jugis scaturire. Id omnis ferè fert Tellus, dum Humore gràvida, adventitia Corpora enititur, & luci exponit. Fontium

Fontium effluentium ratio, non eadem apud omnes est. Quidam enim volunt Aquam in terreno orbe, per canales ascendere, non modo prorsus ab simili, quo *Sanguis* in *Animali*, per Venas discurrendo, totum Corpus pervadit, & eadem vi, in Caput, & in tibias effunditur. Huic sententiæ favet *Plinius* libro secundo, capite sexagesimo quinto. *Cum enim Terra arida est, & sicca, & sine humore per se constare nequeat: nec rursus Aqua nisi sustinente Terra, mutuo implexu jungatur, necessum est venas admittere, quibus tanquam vinculis Aqua discurrat, & ad montium juga nitatur.* Verum, probabile non videtur, Aquam per Tubos subterraneos seu Canales, velut in *Animalis* Corpore, sanguinem deferri. Quia quamvis Aqua è Mari, in specus propulsetur, & vi ipsi impressa, sursum ascendat; non apparet tamen, cur dum ad Maris superficiem pervenit, non illic consistat aut relabatur, quum impetus quo sursum deferebatur, desinat, & ulterius non extendatur.

Verisimilius igitur videtur, Fontium originem *Vaporibus* deberi, sive Aquæ particulis, vi Caloris subterranei, ab invicem disjunctis. Nam cum infra campos & montes, magnæ Cavitates existant, Aquis oppletæ, ambigi nequit, quin magna earum copia in *Vapores* resolvatur, & ad Terræ exteriora, elatorumque Montium cacumina attollatur: ubi frigore succedente, Vapores in Aquam conversi, cum per eosdem meatus, per quos ascenderant, reverti nequeant, vias alias latiores inveniunt, in *Crustarum*, seu corticum intervallis, quibus tota Terræ superficies conflata est.

Hinc nonnunquam oritur, ut in Cavernosis Terræ partibus, *Oleum* ad Aquæ modum erumpat, dum Calor in Terræ visceribus inclusus, sat virium habet, ad crassas exhalationes attollendas, quæ gelidarum partium montis occursum, se connectentes, liquorem crassum componunt, haud prorsus ab *Olei* specie abhorrentem. Sic in valle quadam in *Alsatia*, nomine *Leberthal*, pinguis crassusque liquor defluit, quo passim Aurigæ, vice *axungia* utuntur, ad axem ungendum. Verum, non nisi rarè huiusmodi Fontes scaturiunt, cum exhalationes longè difficilius quàm Aqua assurgant, & non nisi multo Calore promoveri queant.

Omnium Fontium Aquæ si *Sorga* in Venascino comitatu

III.

A a

Gallia Fontes præter

*Sorgum dulces  
habent Aquas.*

*Gallia* excipitur, dulces sunt, & non Maris salfedinem, à quo derivantur, sapiunt.

Hujus rei ratio est, quod *dulces* Aquæ marinæ *particulæ* duntaxat, in fontes ascendant: quoniam illæ tenues sunt, & facile inflectuntur. *Salse* verò, cum rigidæ sint, duritiæque quandam habeant, in Vapores mutari non possunt, nec ullo modo obliquos Terræ meatus perlabi. Dulcescunt igitur *Fontes*, quia non nisi Aqua constant, quæ per exiguos Terræ anfractus percolatur, aut in *Vapores* Caloris vi attollitur. *Sorgo* verò fontis *salse* sunt Aquæ, quoniam patulos Canales percurrunt, & priusquam rigidas, inflexilisque partes exuere possint, sursum contendunt.

## IV.

*Cur quidam fontes tantum hyemescaturiant, & siccantur æstate.*

Quidam *Fontes*, toto hyberno Tempore scaturiunt, & largo gurgite se diffundunt; accedente verò *æstate*, & nimio perurente Terram Calore, exarescunt, & paulatim deficiunt.

Fontes hujusmodi, ex pluviis, & nivibus originem trahunt, quæ liquatæ, in eos confluunt, & diurnum alimentum suppeditant. Sunt enim intra Terram, & maximè sub montibus, *Cavernæ*, receptaculæque varia, quæ imbribus, aut nivibus quotannis oppletæ, pro capacitatis ratione, tardiùs, aut citiùs se exonerant: Aded ut, post multos imbres, Fontes passim scaturiant, & novæ Aquæ è Terra eliciantur. Summo autem æstu succedente, Fontes siccantur, imo penitus exarescunt, donec profundas easdem *specus* imbres repetant, & novam fluxui materiam suppeditent. Unde tempore *Elie*, Fontes qui antea perennes habebantur, exaruerè, quoniam clauso Cœli ostio, non *imbres*, non *nives*, pro more in Terram cadebant, quæ liquatæ effusarum Aquarum locum supplerent.

## V.

*Quare flumina non nisi in plano declivi decurrunt.*

Omnia Flumina in *plano declivi* fluunt, & ubicumque talis Inclinator abest, Aquæ immotæ manent, & in neutram partem feruntur.

Ratio est, quod in *plano declivi*, partes Aquæ superiores suo pondere suppositas premunt, quæ cum fluxæ sunt, & Corporibus imminentibus facile cedunt, in inferiora delabuntur, in quibus liberiùs expanduntur, & cum minori coactione decurrunt. Inclinator enim, veluti quædam *perpendicularium* continua series est, in qua comprimi Aqua nequit, quin in brevioris perpendiculari imum incidat, & sponte propria agatur. Nam si *Alvum*, per quem flumina decurrunt, inclinatus non foret,

foret, nulla assignari ratio posset, cur in hanc potius, quam in alteram partem ferrentur, & cur magis versùs *Occasum*, quam versùs *Orientem* pergerent. Deindè, cur Mare intumescens in æstu, non æqualem in fluminibus altitudinem haberet, si illa in plano *horizontali* fluerent, & non per declivia raperentur.

Majora Flumina versùs *Occasum* defluunt, nulla autem versùs ortum.

VI.

*An flumina versùs Occasum semper decurrant.*

Id incautè à Quibusdam creditum est, sed absque sufficienti examine: cum constet *Rhenum*, *Nilum*, *Obi* in Boream deferri: *Rhodanum*, *Indum*, in Austrum: *Danubium*, *Fluvium Amazonum*, *Fluvium Sancti Laurentii*, in Ortum. Hinc colligitur in nullam certam Mundi partem Flumina decurrere, sed in quamcumque indifferenter ferri.

Contingit interdum in Mari, ut inter Aquas salvas, non procul tamen à littore, *dulces* Aquæ scaturiant. Imo narrant *Historici* ad *Incatami* oram, in novo Orbe, Venam Aquæ dulcis, unius cubiti altitudine, supra maris superficiem erumpere.

VII.

*Dulcis Aquæ interdum è salis erumpunt.*

Id oritur, quod vicinorum Montium receptacula, quæ *Aquas* continent, sic ostia habeant disposita, ut non ad eorum verticem, sed ad imum convertantur: Adeò ut, effluentes ex ipsis Aquæ, in largo quodam canali confluant, ubi *Fontem* componentes, non nisi in locis humilibus scaturire possunt, & exonerari: Quo fit, ut in Maris *fundum* cum impetu, mox è Maris superficie emicent, & attollantur. Quod si interdum contingit, ut *fluvii* in Mare labentes, dulcedinem suam, ad longum satis intervallum tueantur; id provenit, quòd adeo celeriter, & efficaciter decurrunt, ut Maris motui oblectentur, vel ei saltem subjici nequeant, donec altè satis illud subierint, ubi ei *salsedinem* suam Mare impertit.

*Nilus*, qui *octodecim* duntaxat *pedes* altus est, interdum ad *octodecim cubitos*, hoc est, viginti septem *pedes* excrefcit; interdum ad *duodecim* tantum cubitos: sed ejus inundatio adeò constans est, ut statis temporibus semper accadat, nimirum post *Solstitium æstivum*.

VIII.

*Causa constantia Nili inundationis post Solstitium æstivum.*

Communis Antiquorum opinio fuit, *Nilum* ab *Ethiopia*, qui per id tempus flare solent, incrementum accipere, qui in fluminis ostia impacti, cursum ejus remorantur, efficiuntque, ut

alveo completo exuberet. Hinc *Lucretius Libro Sexto.*

*Nilus in æstate crescit, campisque redundat,  
Unicus in terris Ægypti totius amnis;  
Aut quia sunt æstate Aquilones ostia contra  
Anni tempore eo, quo Etesia flabra feruntur,  
Et contra fluvium flantes remorantur, & undas  
Cogentes sursum replent, coguntque manere.*

Sed genuina Nili inundationis hæc ratio esse non videtur, cum constet, Nilum interdum exundare, priusquam molles isti Venti spirent, & ejus ostia claudere queant: Atque etiam intumescantiam cessare, antequam flare desinant, & ejus fauces concutere. Causa tanti Incrementi in Imbrium frequentiam potius referenda est, quæ à medio circiter Junio, in Septembrem usque in Æthiopia decidunt. Quippe illic Hyems maxime eo tempore viget, à Maii fine, ad Septembris initium, continuato rigore. Simili ratione fluvius Paraguaii, sive Rio de la plata exundat, præcipitantibus se ex Peruanis montibus pluviis: Unde incolæ trium mensium spatio in scaphis, sive Canois vitam agunt.

## IX.

*Unde subito  
fontes oriuntur  
aut evanescent.*

Fontes in Montibus interdum subito nascuntur, qui antea non apparuerant: Et è contra, nonnulli statim deficiunt, & vix Tempore aliquo interpolito evanescent, & extinguntur.

Id non rarò Terræ motu accidit, dum scilicet Aquarum scaturigines aperiuntur, fractis aggeribus, qui Humorem illo tractu superiorem continebant. Siccantur autem, dum novi opponuntur Aggeres, aut in altis cavernis excepta Aqua, evahi amplius non potest. Quoniam tunc, cursum suum mutare cogitur, & alio deflectere. Quis ignorat in Montium specubus, magnam Aquarum vim recludi, quibus Terræ agitatione apertis, Carceres illi referantur, & delitescantibus Aquis exitum præbent?

ARTICULUS QUINTUS.

De Mari.

**M**oles *Maris*, Terra altior esse conspicitur, & multo supra ejus superficiem videtur attolli. Unde qui oculos è littore in Mare conjiciunt, ipsis Terrâ altius videtur; & è Mari spectatum litus, humilior, ac depressius apparet.

I.  
*Mare altius  
Terra esse videtur.*

Nonnulli omnia *Visu* metientes, existimant Mare ob suam, quam cum Terra habet *Convexitatem*, paulatim assurgere, & Terram supergredi; ac proinde non Terræ fundo solum, cui incumbit, eminere; sed supra Insulas & Continentes attolli. Sed revera hic *Visus error est*, qui cum in remotiores Maris partes tendat, in illas per radios dirigitur, qui, quanto magis à perpendiculari, & ad pedes vergente recedunt, tanto magis remotiores, altiores, ac veluti in fastigio positas repræsentat. Id non in Mari solum, sed in quacumque planitie contingere experimur. Quod autem è diverso, litus è Mari humilior depressiusque videatur, vulgaris est apud *Opticos* effectus. Nam cum littoris altitudo, sub minimo visorio Angulo contineatur, quem hinc & inde provoluti fluctus intercipiunt, & illius prospectum furantur, mirum non est, si litus infra Aquas deprimi videatur, & infra ipsos fluctus subidere.

At Ratio, quæ adigit ad asserendum Mare, secluso fluctuum tumore, non Terra altius esse, maximè evidens est, quoniam dato Aquam super Terram fluere, sequeretur quòd illa propria gravitate exundaret, & relicta superiori parte Terræ, inferiorem duntaxat occuparet. Aut, cum Aquæ partes se mutuò impellant, & quæ superiores sunt, humiliores propulsent, tota Terræ superficies illicò tegetur, & sic nullæ amplius in Mari Insulæ, nulli Montes conspicui forent, sed Terra Aquis undiquaque obruta, rerum aliarum conspectum tolleretur. Præterea, quo pacto flumina ad Mare deflecterent, & ad suæ originis locum reverterentur, si Mare Terræ emineat, & infra Maris superficiem, Terræ superficies collocetur? nihil enim grave proprio instinctu sursum attollitur, & ascendit potius, quàm descendit, quod Corpus se sublimius petit.

II.  
*Ratio cur Mare  
non sit Terra altius.*

Unde:



## III.

*Mare Rubrum  
non altius est  
Mediterraneo.*

Unde frustra Reges Ægyptii *Mathematicorum* consilio deterriti sunt, ne ex Mari Rubro alveum in *Nilum*, aut Mare Mediterraneum deducerent, eo quod Mari Rubro tribus Cubitis altiore existente, metuenda foret Ægypto inundatio. Quoniam si vel digito uno foret Mare Rubrum excelsius Mediterraneo, quâ Ægyptum alluit, non totius Africæ ambitus obstaret, quin eo usque raperetur, quousque ambo Maria in eodem libramento constituerentur. Sic quia *Hircanum* Mare *Euxinum* altius est, in ipsum exoneratur. Et quia Mare *Euxinum* superficiei evectioris est, quàm *Ægenm*, in illud infunditur.

## IV.

*Cur Navis difficulter è portu deducitur.*

Forte Quis dicet: Si Mare non est supra Terræ superficiem, quomodo sit, ut Navigia difficilius ex portu solvantur, quàm ex Mari in portum devehantur?

Respondeo id oriri, non quia Mare Terræ eminet, sed quia, dum Navigium ex portu in Altum transfertur, Ventus, cujus afflatu provehitur, non nisi modicus est; ejus enim vim circumcincti aggeres debilitant, obstantque ne in Vela pleno impetu adigatur. Dum autem Navis in portum deducitur, Ventus liberè afflat, nihilque ejus impetum remoratur.

## V.

*Cur flumina ad Mare citra ejus inflationem revertuntur.*

Flumina continuò in Mare se exonerant, & peragratissimos quot Terræ tractibus, in illud denuò revertuntur; cum interim Mare non augeatur, neque solito magis exundet.

Id fieri evidentissimè constat, mutua Transformatione, qua Aqua Maris in Vapores, & ii vicissim in Aquam transmutantur. Nam sicut in Animali, videmus sanguinem è Vena Cava, in Cor delabi, mox ab eo per Magnam Arteriam in cæteras Corporis partes dispergi: Ita Vapores è Mari, per Terræ meatus, in Montium verticem deferuntur, ubi in Aquam frigore succedente conversi, in flumina abeunt; quæ, per decliviores exterioris superficiei partes, denuò in Mare labuntur, & primum originis suæ locum repetunt: Adeò ut, quantum ex Terræ Cavitatibus evaporatur, tantum ad eadem loca è Mari, devehatur; & quantum per Terræ meatus, è Mari elabitur, tantundem per flumina ressuat.

## VI.

*Maris Aqua in æstate magis salsa deprehenditur.*

Æstate fervida, Mare solito salsius evadit, & acrius linguam pungit. Hinc qui sub *Æquatore* & *Zona torrida* degunt, Aquam maximam eo tempore asperiores experiantur.

Quia Sol, qui illic maximè fervescit, è Maris superficie, tenuiores

nuiores dulciorefque partes attollit, & in Vapores exagitat, rigidis crassioribus relictis. Unde quo vehementior est Solis æstus, eo magis Aquarum exteriora concutuntur, pluresque ejusmodi Vapores educuntur, qui in *Aëre* concreti, & in *Aquam* iterum reversi, non eundem semper ex quo profecti sunt, locum relabuntur: Sed quandoque per *Aërem* exspatiati aliorum deferuntur. Hujus rei exemplum in *Aqua* in *Cacabo* ebulliente habemus, quæ certè eo semper salior evadit, quo diutius subjectis prunis imponitur, & quo plus ex ea humoris effluit.

Effode *puteum*, paulo superius quàm extremus Maris allapsi fructus excurrit, ea profunditate quæ respondeat ultimo recessui Maris decremento: replebit hunc æstuans Mare *Aqua* dulci, potiusque accommodata. Illud in oris *Mauritanie* populari constat experientia, ubi *Aquæ* dulcis defectum illa sola pensat. *Bacon. Centur. prima, sylv. sylvar.*

VII.

Quomodo *Aqua*  
marina exuere  
*Salem* possit.

*Aqua* marina suo *Sale* exiit, dum multam *Arenam* permeat, demissis intra *Terram* angulosis suis partibus, quæ salugine eam afficiunt: non tamen cum multis opinandum est, ad *Aquarum transcolationem* requiri, ut Pori per quos transmittuntur, angustissimi sint, quoniam eorum aditus confestim à primis *Salis* particulis præcluderentur, & inspidis *Aquæ* partibus omnis transitus impediretur: Sed potius requiritur, ut *Aquæ* per Corpora transfundantur; quæ satis latos & patentes meatus habent, in quibus Anguli & flexus reperiuntur, *Salis* partibus retinendis idonei. Necessarium quoque est, ut Corpus illud, quod prætergrediuntur, satis magnum & compactum sit, ut *Aqua*, quæ paulatim defluit, & omnes salias partes simul deponere non valet, sufficiens spatium offendat, in quo hic unam, ibi alteram exuat, prout Angulis aut flexibus à quibus retardatur, occurrerit, ac proinde aliquod quoque Temporis intervallum requiritur, ut omnes eas deponat, priusquam totum percurrerit.

Rationes quoque adferri possunt, cur à rerum Conditore, assignata sit *Mari* falsedo. *Prima*, ne *Mare* adeò facile putrescat, & Corruptionem contrahat. *Secunda*, cùm gravitatem *Mari* *Sal* conciliet, sit ut marina *Aqua*, *Caloris* vi, difficilior exhaletur, & in Vapores abeat. *Tertia*, ut firmior reddatur *Piscium* substantia. *Quarta*, ut Ventorum impetui fortius obluetur,

VIII.

Cur *Aqua* Ma-  
ris salia sit.

obluctetur, & procellis magis resistat. Aqua enim falsa, firmior est, *Dulcis* autem facile in auras abit & dispergitur. *Quinta*, ut acrius frigori resistat, & non ita facile gelu condensetur. Nam licet Mare congeletur, non tamen nisi summa frigoris vi, cujus mediocri etiam virtute, Aqua dulcis stipatur, & in glaciem transmutatur.

## IX.

*Aqua Maris in Occasum defer-  
tur.*

Experiuntur *Nautæ*, Maris Aquam ab Oriente in Occasum moveri: adeo ut Naves, ejus beneficio, feliciter ad Indias Occidentales provehantur, quam ad Orientales. E diverso Navigationes Orientem versus, difficiles sunt, plûsque temporis in iis infumitur.

Id ab inæqualitate partium, quibus Terra, & Aqua constant, provenit. Nam licet globus terraqueus circa Centrum suum, *Motu* diurno feratur; Quia tamen Terra solidior est, & pondere Aquam excedit, idcirco multò celerius, quàm Aqua Centrum circumvolvitur: Quo fit ut Aqua, quæ tardius defertur, versus Orientem pergere cernatur: pari modo, quo *Cymba* in flumine lentiùs pro vecta versuseundem locum, in oppositum tendere apparet, iis qui motu concitatori vehuntur.

## X.

*Ille motus tantum inter Tropi-  
cos sensibilis.*

Aquæ motus ab Ortu in Occasum inter Tropicos præsertim, ac in Zona Torrida percipitur: extra illos autem vix sensibilis est; Quia licet Terra sphærica sit, quia tamen illa rotunditatis pars, quæ intra Tropicos posita est, utpote à polis remotissima, maximo cum impetu versus ortum circumrapitur, pars autem Terræ, extra Tropicos sita, utpote polis proximior, tardius movetur, fit, ut Motus inter Tropicos tantum sit perceptibilis.

## XI.

*Aqua marinae  
graviora onera  
sustinent, quàm  
fluviales.*

Aquæ marinæ, fortiùs immixtis Corporibus obluctantur, quàm fluviales; Unde *Naves* quas Mare sustinuit, in flumine, aut etiam in *portu* merguntur.

Id ex eo provenit, quòd Aqua Maris *ponderosior* sit, quia crassis & solidis partibus constat, quæ in minus spatium contrahi possunt, ac proinde imposita onera faciliùs sustinet, nec illa sinit demergi: ut patet de *Asphaltite* lacu, qui cum falsissimus est, Hominem manibus pedibusque ligatum dorso suo sustinet. *Hieronimus Florentinus*, Decoctorem de turri in Aquas ligatum præcipitatum, per integram sustentatum noctem vidit: In *Hispania* lateres ex Terra, qua argentea opera absterguntur, formatos, Aquis innataste observavit *Posidonius*.

*Jonst.*

*Jonst.* Nec alia ratio assignari potest, cur *Navis* in *Portu* altius immergatur, quam ubi in altum provecta est; quàm quòd Aqua, quæ portum replet, propter Aquæ dulcis misturam, quæ tum ex fontibus, tum ex fluviis confluit, levior est, multumque suæ soliditatis, ac gravitatis, ea mixtione amittat.

Hinc oritur, quòd *Vinum* per manicam *Hippocratis*, ut vocant, hoc est, lancum, vel lineum colum acuminatum, percolatum, nulla vi propemodum polleat, licet quadam dulcedine imbuatur, quia generosæ illæ particulæ, quæ vim vino conciliant, in *Coli* plexu remanent, impediunturque, ne ulterius pergant.

Aqua salsa minùs quàm dulcis, Incendiis extinguendis, idonea est: imo potiùs promovet, & novam flammam excitat.

Id accidit, quòd *Salis* particulæ, quæ in hac Aqua maximè dominantur, cum rigidæ sint, & inflexiles, facile objectis Corporibus concutiuntur, & ita concussæ, multoque robore pollentes, non modo flammam, si illi immittantur, augment; sed etiam ex se solis, aliquam accendere valent, si à Corporibus, cum impetu exiliant. Accedit quoque, quòd *Aqua marina*, multò fluviatili pinguior est, plusque *uliginis* in se contineat, quæ *Ignis* pabulum subministrat, & flammam nutrit. Unde haud parvum in *Ætiaca* pugna injectus in *Antoniniam* classem *Ignis*, incrementum accepit, dum incauti, rudésque *Maris* naturæ milites, cum Aqua salsa aspergerent, & irrumpentem flammam humore extinguere conarentur.

Imo observare licet, quòd quamvis *Aqua* *Igni* valde adverseatur, & illum è Corporibus, quæ uruntur, arceat; nonnulla tamen sunt Corpora, quæ ubi Aquæ particulas in suis meatibus admiserint, magis inflammentur, & augmentum accipiant. Unde *Fabri*, fossiles *Carbones* Aqua aspergunt. Et parva Aquæ copia, flammis ingentibus injecta, ipsis incrementum conciliat. Id tamen *Salia* efficacius præstant, ob partium suarum rigiditatem, quæ in flammam spiculorum instar vibrantes, & in alia Corpora impingentes, magnam vim habent, ad illorum minutias concutiendas. Hinc *Metallis* liquefaciendis passim *Salia* adhibentur.

XII.

Cur *Vinum* per manicam *Hippocratis* vim suam amittit.

XIII.

*Salis* Aquæ igni extinguendo inutiles sunt, imo illum augment.

XIV.

*Vis* ingentium *Ignium* Aqua injecta augetur.

## ARTICULUS SEXTUS.

## De Maris Fluxu ac Refluxu.

I. *Causa fluxus ac refluxus Mari-  
ni.* **A** Quarum moles, *viginti quatuor* Horarum & *quinquaginta* ferme minutorum spatio, bis ad littus accedit, ac revertitur.

Causa tanti *Miraculi*, in Corpus Lunæ refunditur, quæ Materiam Cœlestem inter ipsam, & Terram intercurrentem premens, Aquam quoque Aëre intermedio propellit, & versûs littora agit. Sicut enim platea, ea parte angustior videtur, in qua crassum aliquod Corpus interjacet; & fortius Ventus in Corpora obvia impingit, quo per arctiora spatia desertur; ita ob Lunæ præsentiam, spatio inter ipsam & Terram angustiore effecto, necessum est Aërem, & Aquam, quæ fluida sunt Corpora, cedere, & versûs littora attolli. Non alio prorsus modo, quo liquor in Vase, majore copia infusus, versûs labra affluit, si comprimatur, & medio, à quo expellitur, relicto, ad extremam defertur. Sed majoris claritatis gratia, ponatur Terra esse T, Aqua verò, quæ Terram ambit, EFGH, Luna B circulum suum mensibus singulis percurrents. NOPQ Cœli vortex, qui pro Centro Terram T habet, quique cum Luna circa ipsam Terram jugiter circumagitur. Nam eadem Cœlestis Materia, quæ ad O pergit, cursu suo ad P & Q continuato, tantundem spatii ex una parte Terræ requireret quantum ex alia, & sic illam undique premeret. Verum, quia Luna in puncto B adest, & Cœli celeritatem non assequitur, oritur ut Cœlestis materia Terram paulò magis versûs P quàm versûs O aut Q comprimat, ac proinde Terra paulum ex Vorticis Centro recedat, & versûs D accedat: quo fit ut Aqua, quæ est ad F & ad H, comprimatur etiam aliquanto magis, ac depressatur, quàm Aqua, quæ est ad E, aut ad G. Deindè, quia Terra viginti quatuor horis circa Centrum suum circumvolvitur, ea Terræ istius portio, quæ nunc in puncto F existit, in quo Mare subsidit, intra sex horas ex puncto G in quo intumescit Mare, futura est, & elapsis duodecim horis in puncto H, ubi iterum subsidit Mare. Jam verò quia Luna nonnihil etiam



rarum spatio movetur, & ab ea recedendo septem consumit. *Guineum* Mare quatuor horis assurgit, & octo relabitur.

Hæ in fluxibus & refluxibus varietates, multis ex Causis oriiri possunt; sed præsertim ab *Alveorum*, in quibus Aquæ continentur, *inequalitate*, aut littorum *situ* & *dispositione*; quibus Aquarum cursus maximè juvatur, aut impeditur. Hujus rei specimen in fluminum ripis habemus, in quibus, Aqua pro situ diversitate præcipitatur, aut leniter decurrit, torquetur, aut per vias rectas tendit. Aded ut, si mare ad littus *Aquitanicum* inertius accedat, quàm refluit, id ejus declivitati imputandum est, quæ ejus progressui opitulatur, & refluxum ejus tardat, & impedit. Quod in mari *Hollandico*, Aqua multo citius affluat, quàm resuat, inde fit, quod per *Texellum* in Meridionale Mare, & per *Zelandiam* in *Rhenum* se exoneret. Quod *Amsterodami* tardius affluat, quàm in *Frisio* littore, sinus recessus in causa est, in quem Mare devolvi, eumque tam cito implere non potest, quàm apertæ oræ allabitur.

## IV.

Unde nullus æstus in Mari mediterraneo.

Quod autem in *Mediterraneo* Mari exigua aut nulla reciprocatio fiat, id provenire putandum est, quod multæ Insulæ interjiciantur, quæ Maris æstum arcant, & turbant, atque ob loci angustias, quæ Aquas exspatiari non sinunt, & ultra solitum sensibiliter provehi. Quia licet ea Mediterranei portio, quæ ultra Tropicos est, cum Oceano per fretum *Gibraltar* communicetur, quoniam verò transitus ille, non nisi trium, aut quatuor leucarum est, quicquid sex horarum spatio, illud ingreditur, exiguum habetur, si cum hujus Maris altitudine ac latitudine conferatur. Imo ubi tantillum Aqua promota est, latum Mare, littoræque ita disposita offendit, ut non nisi prope oras feratur, ac proinde necessum est, ut non nisi continuus Aquarum cursus ibi observetur, citra ullam Aquarum elevationem.

## V.

Unde in ora Provincia exiguus tantum est æstus.

In ora autem Gallica *Provincia*, modicus est æstus, præsertim in Noviluniis, & pleniluniis, circa *Æquinoctia*; quia cum à maritimo littore Provinciæ, ad oppositum littus *Africæ*, octo propemodum latitudinis gradus excurrant, nullaque interjaceat Insula; atque ab *Austra* ad *Boream* liber sit aspectus, mare circa *Æquinoctia*, ad duos fere pedes assurgit.

## VI.

Unde in ora A-

Pari modo de aliis littoribus differendum est; Quippe quod

quod Aqua ad multos pedes *Venetis* attollatur, *Ancone* autem quitana & a-  
parum, aut nihil assurgat. Quod ad *Siria oram* longè am- lis variis.  
plius, quàm in certis *Gallia* littoribus, ubi vix ad pedem at-  
tollatur, id oritur quod illic extremum, in *Gallia* vero me-  
dium quasi alvei sit, cum experiamur in navicula, Aquæ agi-  
tatæ elationem & depressionem, in extremis tantummodo  
fieri, sub medium autem simplicem fluxum, vel æquabilita-  
tem constare.

Portus, qui sub eodem *Meridiano* sunt, non omnes Mariti- VII.  
mum æstum iisdem horis patiuntur: ut de celebri illo portu, Æstus in Ha-  
*Havre de graces*, in *Gallia* nominato, qui in Plenilunio, aut vire de Graces  
Novilunio summum æstum hora nona matutina habet, *Diepa* citiùs accidit  
verò, non nisi decima hora; quamvis hæc duo loca parum ab in Plenilunio,  
invicem absint; & vix *semigradu* differant. quàm Diepa.

Id illis accidit, non solum, quòd inter angustias *Oceani Bri-*  
*tannici*, varii & inæquales anfractus sint, qui Aquas defle-  
ctunt, & earum cursum immutant: Sed etiam ob Ventorum  
impetum, qui in illo Mari sæviunt, & à diversis partibus spi-  
rant. Sic *Caletum*, tum *Slusas*, quæ Urbecula est in *Flandriæ*  
confinibus sita, *Brugis* contermina, nova plenæque Luna sum-  
mo æstu implet, hora plus minùs undecima, ea parte illustra-  
ta, quæ in Austrum reflexa est. *Arnemuda* ac *Metelliburgi* tra-  
ctus, hora secunda seu noctis, seu diei. *Zirizeæ* hora tertia,  
Luna in occasum *Brumalem*, seu hybernum conversa, à quo  
*Africus* fiat, & Sol *Capricornum* subit. *Bergis* sesquihora,  
aut duabus seriùs; *Antverpia* ac *Dordraci* Luna inclinata in  
*Æquinoctialem* occidentem, à quo *Favonii*, seu *Zephyri* spi-  
rant, hora propemodum sexta; *Mechlinæ* octava, sic tamen  
ut modo tardiùs, modò properantiùs Mare influat, Aère vel  
tranquillo, vel ventis incitato. *Lemnius de occultis naturæ miracu-*  
*lis*, libro secundo, capite quadragesimo primo.

Majores æstus in Conjunctionibus circa D, & oppositioni- VIII.  
bus circa B, sive *Novilunio* & *Plenilunio* contingunt, quàm in Æstus sunt in  
quadratis Lunæ aspectibus, nimirum circa A & C. Unde Plenilunio &  
Nautæ ob majores & celeriores affluxus & refluxus, Luna Novilunio ma-  
nova & plena, *Mare vivum* nominant, dividua, propter mino- jores.  
res & tardiore, *Mortuum*.

Ratio est, quod Cælum ABCD, non sit perfectè sphæri-  
cum, sed ad figuram *ellipticam* aliquantulum accedat, & ma-  
jora.



jora inter Terram, & sui extremum A C exhibeat spatia, quàm ex diametro ei opposita circa B & D. Cùm verò *Luna* in Temporibus intermediis, in majoribus istis spatiis versetur, ob laxiores Angustias, quas pertransit, necesse est, ut lentius progrediatur, ac proinde minor fiat Aquarum compressio, & sic minor Maris reciprocatio. Cùm autem in *Plenilunio*, aut *Novilunio*, in ellipsis istius diametro minima sit, oportet majorem à Materia Cœlesti interfluente pressionem fieri, ac proinde majorem, celerioremq; æstum provenire.

II

VIII.

An Euripus motus in die reciprocet.

Euripus fluvius, si *Antiquis* credimus, incertis undis defluit, & septies in *Egeo* sinu reciprocatur motus.

Hujus Effectus causa, in *Luna* interpositionem referri etiam potest, cujus pressione fluvius defluit, non in unam Mundi partem, ut cætera Maria, sed quoquo versum: aded ut, pars una in *Ceciam*, alia ad *Boream*, altera ad *Austrum*, &c. feratur, quæ prout in freti angustias, aut littora incidentia inciderint, refluxus acceleratur, aut retardatur. Quamvis non immeritò ambigi possit, an quæ de illo flumine à Veteribus prodita sunt, cum veritate consentiant. Cùm Titus Livius libro octavo decad. 3. id inficietur, & de Authorum fide dubitandi occasionem præbeat. *Fretum ipsum Euripi, inquit, non septies in die, sicut fama fert, temporibus statim reciprocatur; sed temerè in modum venti, nunc huc, nunc illuc verso mari, velut monte præcipiti delapsus torrens rapitur: ita ut nec nocte, nec die quies navibus detur.*

IX.

Cur nullus sit fluxus & refluxus in fluminibus.

Flumina, & *Lacus*, nullam reciprocationem patiuntur, & quantumvis Lunæ opponantur, nullam mutationem præ se ferunt.

Id ex eo potissimum oritur, quòd eorum latera non satis ab invicem distent, minorque sit eorum superficies, ut in unam partem magis quàm in aliam, à Materia Cœlesti premi queat. Nam sicut *Vasa*, quo arctiora fuerint, motum liquoris minorem ostendunt; ita præter vastam hanc Aquæ molem, quæ Terram ambit, nulla alia extat, quæ possit eodem Tempore, in omnibus suis partibus simul, liberiori spatio frui ex duobus lateribus, ut assurgat; ex duobus verò aliis comprimi, ut subsidat.

ARTI-

ARTICULUS SEPTIMUS.

De Igne.

**Q**uidam Ignes dum *lucent*, omni Calore destituuntur. Qui enim in Mari vela faciunt, animadvertunt, nonnunquam fluctibus in scopulos impotenti tempestate adactis, *scintillas* exilire. Sic è *lignis putridis*, & *piscium sale conditis*, radii si ne ardore erumpunt, qui ad oculos delati, nullum Nervis Tactoriis motum ingerunt.

I.  
*Aliqui sunt Ignes lucentes tantum, & non calefacientes.*

Ratio est, quòd Materia Primi Elementi in hujusmodi Corporum meatibus inclusa, licet satis virium habeat ad *Globulos* Secundi Elementi impellendos, & ad *retinam*, quantum ad Luminis perceptionem sufficit, movendam; nimium tamen debilis est, ut partes terrestres à se invicem sejungat, & in illis eam Agitationem excitet, quæ ad Calorem in ipsis procreandum requiritur. Ignis igitur tantum *lucidus* est, dum intervalla particularum Terrestrium ita angusta sunt, ut soli Primo Elemento locum dent, & omne Corpus crassum refugiant. Sic dum *Salis* spicula, angustos *Piscium* meatus ingrediuntur, & *Globulos* Secundi Elementi isthinc expellunt, adeò ut Soli materię Primi Elementi pateant, efficiunt, ut *piscium squamæ*, ad modum *lampyridum* luceant. Historici *musca* nteminere, in novi orbis Hispania, *scarabei* magnitudine, *Coccus* nomine, cujus oculi, noctem illuminant, ut *cerea* candela pro lucerna sit noctu ambulantis, pro *ellyphnio* in cubiculis, ad cujus lumen, scribi legique possit; nec tantum vivæ, sed & mortuæ.

*Forston.*

Quædam Corpora, magnum Calorem exhibent, omnis vero Luminis sunt expertia: ut *Animalium* vivorum *sanguis*, si *Quidam Ignes* *mus equinus* in putredinem vergens, *calx* liquore aspersa, & similia, in quibus latens Ignis urit, citra omnem flammæ emissionem.

II.  
*utunt, & non micant.*

Quoniam in ejusmodi Corporibus, partes, quæ Primum Elementum circumstant, quæque ab eo agitantur, nimis molles flaccidæque sunt, quàm ut Luminis actionem transmittere possint. Nam licet nonnullæ, materię Primi Elementi innatent,

tent, atque ejus Moutibus obsequantur; quia tamen quædam sive Aquæ, sive Aëræ flexiles admiscuntur, vim quidem Ignem excitandi habent, non autem Luminis actionem recipiendi. Hinc spiritu *Vitrioli*, & *Oleo Tartari* permixtis, ebullitio oritur, quoniam impeditus in ipsis materiæ Subtilis comatus, quandam *luctam* inter eos liquores procreat, ex quo vehemens Calor exurgit. Sic *simus equinus*, sic viventium *Animalium sanguis* incalescunt, Primo Elemento, à molliore materia inter partium angustias, intercluso. Ac proinde incalescunt tantum, sive vim habent Nervos Tactui inservientes agitandi; non autem Cœlestes Globulos, in quo Luminis ratio posita est, impellendi. *Calx* autem, Aqua aspersa, Ignem concipit; quia ita adaptati sunt ejus pori, ut partes Aquæ solo Primo Elemento septas recipiat; adeò ut Globulis Æthereis expulsis, sola Primi Elementi materia dominetur. Quippe illa formam *Ignis* habere dicuntur, quorum Particulæ seorsum Primi Elementi motum sequuntur, & ejus Agitationem imitantur.

## III.

Cur flamma sursum ascendat.

Flamma ingenita quadam propensione, *Cælum* versùs fertur, & superiora loca affectat: unde quo faciliùs eo pertingat, crassitiem suam deponit, & *conicam* figuram assumit.

Dici potest Flammam non tam superiora petere, quàm eo extrinsecùs deferri; nam cum undique ab Aère circumcingatur, & ob minorem suam Agitationem quodammodò diverberetur, sursum potiùs, quàm deorsum tendit; quoniam laxiori illic Aère minus constringitur, & imbecilliozem resistantiam offendit. Quomodò autem illud peragatur, sic accipe. Primi Elementi materia, quæ maxime in *flamma* viget, cum in continuo sit motu, ab eo loco in quo est, semper egredi nititur, cumque globulis Cœlestibus levior sit, sursum fertur, & à *Terræ* Centro se removel; verùm, cum Corpus aliquod moveri nequeat, nisi aliud in ejus locum motu Circulari succedat, tantundem Aëris versùs *Flammam* regreditur, quantum *fumi* elapsus est; ac proinde Aër, qui *Candelæ* summitatem lambendo, ad *Candelam* accedit, cereis partibus mixtus, *Flammæ* pabulum ministrat: Adeò ut, vis Ignem exporrigendi, & sursum propellendi, aliquo modo *Aëri* tribui possit. Quorsum verò Flamma *conicam* figuram habeat, & in acumen definit, manifestum est, quia partes *Flammæ*, quæ ejus medium occupant,

occupant, plus agitationis habent, ac proinde fortius moventur, citiusque in altum evehuntur, quam exteriores, quarum agitatio ab Aëris contactu minuitur, & imbecillior evadit.

Unde patet figuram *Pyramidalem*, mirum esse accidens Igni, ex eo quod Aër flammæ latera comprimendo, in eam speciem attenuet. Quoniam si quis, monente illustri *Verulamio*, Cereamumat, & in tubulo ferreo aut æneo statuat. Postea illum erectum scutellæ, spiritu *Vini* plenæ & calefactæ. Deinde Cereâ, & spiritu *Vini* simul Igni impositis, flammam cereæ dilatari videbit, & quadruplo, quintuploque magis intumescere, quam antea soletet, apparebitque in *rotunda*, non autem pyramidali figura.

Hybernismensibus, dum Aër frigore maximè comprimitur, flamma, sive *Ignis* intensius ardet, & calor longius diffunditur. E diverso, cœlo pluvioso, Ignis vis minuitur, etiam dum Solis radii focum illuminant.

Quia ad Ignis conservationem, particulæ *Sulphureæ* requiruntur, quæ ex combustibili materia erumpunt; Atque *Nitrosæ*, quæ Aëri nostro admiscuntur: cum autem frigore brumali, Aër corpusculis illis *Nitrosis* potissimum abundet, necesse est, ut earum copia, flamma acrior evadat, ac intendatur: Sole autem, radiis suis, focum illuminante, nitrum in *Aëre* scatens, dissipatur, sitque ut Ignis vis remittatur, ac extingui quodammodo videatur. Hinc fit, ut lucerna in *Boyliano Vitro* capaci immissa, & accensa, vase obturato, quam primum Aër per Antliam exugitur, flamma expirat, non tam propria fuligine suffocata, quam *Nitroso* Aëris alimento destituta.

Candela cum longiori ellychnio ardens, majorem fumum emittit, quam ubi contractum est ellychnium, & à cera, aut tabo minùs porrigitur.

Ratio est, quòd in longiori ellychnio, partes crassiores sulphureis admixtæ, intactæ repunt, & citra ullam sui jacturam sursum feruntur. Candela autem *emuncta*, pinguior illa materia, quæ fumum componit, cum diu in flamma agitetur, in partes minutissimas redigitur, quod ex iterata earum *crepitatione* faciliè colligitur. Hinc ratio clara deducitur, cur *lamella* flammæ extremitati admota, non nisi modicum fuliginis contrahat, quoniam terrestris materia, adeo est vi Caloris, in partes tenuissimas redacta, ut in egressu amplius non videantur,

IV.

*Pyramidalis figura accidens est flamma.*

V.

*Ignis vehementior hyeme, quam æstate.*

VI.

*Cur candela cum longo ellychnio magis fumat.*

tur, neque ulli corpori adhæreant. *Immersa* autem flammæ lamella, nigra fuligine tegitur, à crassioribus nimirum illis particulis, non probè ab ardore Flammæ subactis, & ipsi in suo transitu adherentibus.

## VII.

Ex duobus liquoribus, Calor excitatur.

Liquor alteri liquori affusus, calorem excitat: ex spiritu enim *Vitrioli*, & oleo *tartari* admixtis, ebullitio oritur.

Id provenit, vel quia ita aptati sunt liquoris unius pori, ut ramolas alterius partes, materia primi Elementi tantummodò circumfusas admittat, ac proinde secundi Elementi *Globulis* abactis, primum elementum dominetur: Vel quia subtile illud corpus, aliter in spiritu *Vitrioli*, exempli causa, quàm in oleo *Tartari* fluere solitum, ubi ejus commeatus impeditur, luctam, & quandam rixæ speciem inter liquores inducit. Unde necessum est, ut ex mutua eorum particularum agitatione, ebullitio fiat, & calor vehemens nascatur.

## VIII.

Cur Ignis afflatu accenditur.

Ignis, *Vento accersito*, *Aëris afflatu*, ore, & aliis similibus modis accenditur.

Quoniam iis modis, cinis, qui carbonis superficiem tegit, laxioresque ejus poros obstruit, amovetur; Quo fit, ut Ignis jam erupturus, introrsum repellatur, & intra novas Carbonis partes adactus, eas ita partitur, ac dividit, ut qui jam accensius est, intimius penetret, & particulas quoque *pingues*, inflammabilesque invadat, ac simul accendat. Hinc modicus afflatæ flammæ *strepitus* oritur, ob partium suarum resistentiam, & mutuum inter eos plexum.

## IX.

Fumus oculos lædit, ac lachrymas commovet.

Fumus, qui ex ligno, dum uritur, sursum fertur, oculos perstringit, *lachrymasque* inde educit.

Id ab acribus, & mordacibus particulis, quibus Fumus constat, procedit, quæ cum Oculorum superficiem vellicent, eamque contrahant, non possunt non lachrymæ exprimi. Quippe illa contractione *Glandula* comprimuntur, humoremque contentum emittunt. Idem *Cepa*, dum in partes dividuntur, præstant, erumpente scilicet halitu, qui ad oculos appulsus, ad lachrymas irritat. Nec forte alia ratione fit, ut quidam *Fumi* levando *Dentium* dolori inserviunt; dum acribus suis corpusculis, gingivarum meatus aperiant, viamque dolorifico Humori faciunt, & ad egressum sollicitant. Talis esse censetur *tritici* *furfurei* Fumus, cui tritum *saccharum* commixtum est.

Ignis

Ignis facile ab uno subiecto, in aliud transmigrat : Candelæ enim ab alia accenditur, & ex uno *ellychnio* in aliud porrigitur.

X.  
*Quomodo candelæ accensa, aliam accendit.*

Quia quum Flamma congeries, seu potius particularum subtilium *torrens* sit, inter se agitata, vim commovendi habet, & separandi *sulphureas* *ellychnii* partes, easque ad eruptionem excitandi : quo fit, ut augeatur Ignis, & separatis postmodum *ellychniis*, in duos Ignes dividatur.

Quidam Ignes, quos *Græcos* vocant, Aquis obluuntur, & ab eis se obrui, aut extinguere nullo modo patiuntur.

XI.  
*Ignes Græci non possunt Aquis extinguere.*

Vim illam ejusmodi Ignes, à suarum partium soliditate mutantur, quæ celeriter agitata, Aquam omni ex parte repellunt. Ad Ignis enim conservationem potissimum requiritur, ut in eo sint particule terrestres, quæ à primo Elemento impulsæ, vim obtineant impediendi, ne ab Aere, aliisque liquoribus supra Ignem positis, suffocetur. Quia virtute potissimum *Bituminosa*, *Oleosa*, & *Sulphurea*, ex quibus Græci Ignes conficiuntur, præstant. Quippe ob suam crassitiem & ramosarum suarum partium coherentiam, maximè idonea sunt, à loco suo dejecti, & Aquam ita movere, ut globulos æthereos, Ignem suo illapsu extincturos arceant, ac repellant.

Contrarium in *Cryptis* vinariis accidit, dum in cuppis musta fervescunt, quoniam illic non inductæ modò lucernæ, sed etiam faces brevi extinguuntur; quoniam earum flammæ non ea materia constant, quæ independentem Aërem reprimere possunt, utpote tunc Vapore exhalato refertum; neque ea vi pollent, ut illum ad subingrediendum in seipsum cogere possint.

Silicis in *Chalybem* percussione, Ignis excitatur, imò *chalybs* *chalybi* attritus, Ignem generat. Sunt quoque lapides, quos *vivos* appellamus, qui clavo, aut lapide percussi, *scintillas* edunt. Neque *vanus in attritione lignorum conatus est*, inquit Ovetan. libro sexto, capite quinto, *quum ipsi Indi, quedam ligna, ut hæreant, componunt, inter utrumque aliud interponunt, motu celerissimo velut terebellum vertunt, Ignem sic excutiant.*

XII.  
*Quomodo Ignis ex chalybe, lapidibus & quibusdam lignis excutitur.*

Causa est, quod *Silicis* partes rigidæ sint ac fragiles, quæ cum à duro etiam Corpore percutiuntur, spatia, quæ inter multas eorum particulas interjacent, & à globulis Secundi Elementi solent occupari, solito arctiora reddantur, ac ideo Cœlestibus globulis vi ictus expulsi, sola restat Materia Subtilis-

lima, quæ crassas eas particulas recipiat, & Motu vehementi in orbem agitet. Sic dum *Chalybis* partes rigidæ sunt ac friabiles, ictus quidem impetu cedunt, sed illicò resiliunt, & mox ab invicem sejunctæ, & à primi Elementi Motu abreptæ, in *scintillas* abeunt, Ignisque formam exhibent. Pari ratione, Ignis ex vehementi *Baculorum* frictione elicitur, quoniam continuato eo Motu, eorum particule primum constringuntur, deinde maximo impetu unæ ab aliis in gyros agunt, quo non solum Aëris partes, sed etiam Globuli ætherei, eas ambientes, divelluntur, ac proinde, à vehementi primi elementi agitatione in orbem actæ, in scintillas abeunt, & *Ignis* speciem referunt. Sic *Apuli* ut ignem eliciant, ferulam tuniculis obvolvunt, quibus celerrimè tractis & retractis, illum ex Motu accendunt. *Majolus colloq. 22.*

## XIII.

Cur fœnum in-  
clausum calefit.

Si fœnum, dum recens est, & antequam siccum evadat, recondatur, Ignem concipit. Quod non accidit, si in area spargatur, & in loco patenti exponatur.

Ratio est, quod dum fœnum recens est, multis adhuc spiritibus, vel succis abundat, qui per viridium herbarum meatus, ab earum radicibus ad superiores earum partes fluere assueti, post earum excisionem aliquamdiu manent. Quæ, si interim loco angusto recludantur, istorum succorum particule ex unis herbis in alias transeuntes, poros, ob fibrarum contractionem, paulo angustiores reperiunt, quàm ut illos nisi materia primi Elementi circumdata, subire queant, cujus rapiditati obtemperantes, vim obtinent crassiores fœni partes agitando, & illas calefaciendi. Sic, exempli causa, si interval- lum quod duobus Corporibus B & C interjacet, unum ex ali-



cujus virentis herbæ meatibus exhibeat, ac funiculi 1 2 3 exiguis orbiculis circumsepti succos à materia secundi elementi vectos repræsentent, intervallum verò inter D & E, meatum alium angustiorẽ herbæ sicciscentis, quem eadem particule 1 2 3 pervadentes, non amplius secundo, sed primo duntaxat elemento innatare possint: Manifestum est, ipsas inter B & C, temperatam secundi Elementi Agitationem sequi debere, illas vero inter D & E, velocissimam primi elementi agitationem.

Dixi

Dixi si sanum ante plenam exsiccationem in angustiiori loco reponatur, quoniam dum expanditur, aut in loco patenti reponitur, succus qui per Herbarum poros fluit, facile in Aëre dissipatur, nec in aliorum funiculorum poros transit, ut ibi calefactionem excitet.

Memorant Scriptores, quondam *Lucernas* extitisse, quæ perpetuò arderent, & in Sepulchris, lumine intemerato, ad multos Annos servarentur. *Vives* ad librum vigesimum primum de *Civitate Dei*, refert eruto olim conditorio, *Candelam* supra millesimum quingentesimum annum arsisse, tactam autem inter admotas manus, in tenuissimum abiisse pulverem. Recenset *Fortunius Licetus*, ante annos centum, *Paulo tertio* sedente, in *Tullia Ciceronis* gnatae Sepulchro, lucernam inconsumpti pabuli esse repertam, sed cui idem fatum contigit, ut luce intromissa, statim extingueretur.

*Gassendus* hujusmodi *Lucernas* inter ludicra recenset, quæ secluso Aëre ardent, admissò autem evanescunt & evaporantur; cùm secundum ipsum, Aëris accessu, denuo accendi deberent potius, & novas vires assumere. Nihil tamen, meo judicio, obest, quominus Ignis in locis subterraneis; ubi non *Venti* flatu, non *Aëris* intemperie concuti potest, conservetur. Contingere siquidem potest, ut multæ fuliginis particulae, undique *Lucernæ* flammam ambiant, & sibi mutuò adhærentes, & immotæ, exiguum quasi fornecem circa illam component, quo *Aëris* partes arceantur, ne in flammam irruentes, illam obruant, ac suffocent. Quippe ita compositus fornix ad vim *Flammæ* infringendam conducit, ne ultiores *olei*, vel *ellyphanii* particulas inflammet & accendat. Unde fit, ut primum Elementum in co, *Stella* adinstar in orbem revolutum, globulos æthereos, qui ipsum circumstant, repellat, & lumen per totum Sepulchrum transmittat; tenue quidem & subobscurum, sed quod loco aperto, vires Aëris externi agitatione reciperet, & amota, qua cingebatur fuligine, *Lucernam* accensam, & lumine radiantem manifestet, & prodat.

Flamma ex spiritu Vini *Linteum* non comburit, sed ipsum duntaxat Vini spiritum.

Ratio est, quod ut Corpus aliquod Igni alendo sit idoneum, plurimas particulas habere debet, pro ratione Ignis conservandi; easque inter se, vel etiam aliis crassioribus ita junctas, ut

XIV.

Quedam Lucerna per multa secula in sepulchris arserunt.

XV.

Cuius flamma ex vini spiritu linteum non comburit.



ut illius Ignis particularum impulsu, cum ab invicem, tum etiam à vicinis secundi elementi globulis seungi possint, & eo pacto in Ignem converti. *Linteis* autem particulæ, non satis tenues sunt, ut à vini flamma agitari possint, & à se invicem separari.

## XVI.

Non omnia pingua eodem modo inflammantur.

Ignis enim ardentior vehementiorque redditur, quo materia, cui inhæret, pinguior, tenaciorque est. Ex iis verò corporibus, quæ pinguedinem continent, alia præ aliis fervorem facilius concipiunt. Spiritus enim vini, quo purior est, & à sæce liberior, magis inflammabilis redditur, ob minorem Aquæ, seu *Phlegmatis*, ut loquuntur *Chymici*, mixtionem. Sic lapis, qui in calcem vertitur, aut liquatur, difficillimè ignescit, quia cum ejus partes arctè ligentur, id quod pingue est, non nisi ægrè excutitur, ut in Ignem abeat.

## ARTICULUS OCTAVUS.

## De Terræ motu, &amp; Ignibus subterraneis.

## I.

Causa Terræ motus in Campania, & aliis partibus.

**C**ampania per plures dies tremuit. Principio Anni, quo *L. Cornelius* & *Q. Minutius* Consules fuere, tam crebros Terræ motus fuisse tradit *Livius*, ut non tantum rei ipsius, sed & feriarum ob id indictarum tæderet Homines. Idem narrat per dies duodequadraginta *Terræ motum* fuisse, libro quadragesimo quarto.

Quidam impetum illum, qui Terræ motum efficit, Soli tribuunt, cum putent illum, *Halitus*, qui in Terræ specubus coguntur, suo Calore educere, & ad Terræ superficiem attrahere. Verum, id fieri non posse ratio statuit, quod Solis radii tantum Terræ penetrare nequeant: quia licet particulæ terrestres, à radiis Solis impulsæ, alias sibi vicinas, ad quas isti radii non pertingunt, agitent, Hæque rursus alias, & sic consequenter, non tamen ea partium Terræ commotio, Igni excitando sufficit. Melius igitur Terræ motus causa, in *Exhalationes* refunditur, quæ in rimas & Terræ cavitates illapsæ, pingues ibi & crassos fumos componunt, non admodum iis dissimiles, qui ex *Candela* recens extincta egrediuntur, & spatium circumvicinum

cum vicinum implent, qui Ignis *scintilla*, fortè *silicium* attritus excitata, confestim accenduntur, Ignemque concipiunt; qui subitis rarefacti, omnia Carceris sui claustra concutiunt, & obstantibus Corporibus vim inferunt.

Sic in *Misena Regione* Germaniæ, referente *Agricola*, Mons Carbonum semper ardet, fossis paulatim in superficie decidentibus, quas si quis intueatur, ardentis fornaces esse apparent. Materiam enim non prorsus admotam, sed ex quatuor pedum intervallo distantem Ignis accendit. Ita in *Insula del Moro* Ignis tanto fremitu eructatur, ut bombardarum ingentium crepitus adæquet, tanta cum Caligine, ut nocti conferri queat; Tanta quoque Cinerum copia, ut pondere ædes nonnunquam collabantur, necentur animalia, & Aquæ dulces in *amaras* convertantur.

Terræ motu, non nisi aliqui Terræ tractus agitantur: unde nunquam Totus orbis concutitur, nisi *Miraculum* adsit, & Divina Potentia magnum quid moliatur.

Ratio in promptu est, quod *Exhalationes*, quæ in Terra grassantur, quæque eam commovendi vim habent, non ubique dilatandi se spatium inveniunt. Cum enim innumeri sint subterranei specus, & varia recipiendis peregrinis Corporibus *diverticula*, non omnia eadem materia opplentur. Quidam enim Aquas continent, quæ ob innatum frigus, partiumque suarum Crassitiem, torpescunt, & absque Motu, veluti in *læto* stagnant. Alii denso Aëre turgent, qui inter angustias reclusus, non nisi vi ex antris suis excluditur. Alii Ignibus occupantur, sed qui Carceribus reclusi, & extra prorundi impares, innoxii manent, & nullos in Terram impetus faciunt. Soli igitur *Ignes* illi Terram concutiunt, qui, Carceris parietibus disruptis, erumpunt, & laxatis *hærentibus* grassantur, ac se expandendi spatium quærent. Cum verò ii pauci sint, nullamque ad Terræ globum proportionem habeant, non nisi aliquas ejus partes agitant, & commovent.

Loca *Maritima* Terræ motibus, ut plurimum obnoxia sunt, quoniam è Mari plurimum uliginosæ Materiæ, per subterraneos meatus effluit, quæ Igni nutriendo inservit. Sic in partibus *Septentrionalibus*, præsertim *Mediterraneis*, raro tales Motus contingunt, quia non sat materiæ succurrit; quum illa vel Solis æstu expressa, non nisi concreta postmodum redeat;

II.

*Regio Misena & insula del Moro subjecta ignibus terrenis.*

III.

*Terræ motus non nisi in aliquibus partibus accidit.*

IV.

*Que loca Terræ motibus subjecta.*

vel

vel quia non nisi sensim è Mari derivetur. Addi etiam potest, quòd iis in locis, pauci sunt Meatus subterranei, qui talem materiam recipiant : Nimia enim Terræ laxitas, ad illos motus procreandos conducit, in quantum per illos, Nova materia facile percolatur, & expirat.

V.

Unde oriatur  
frigor qui Terræ  
motum sequitur.

Ex omni Terræ motu, quidam *frigor* resultat *Tonitru* similis, qui ei ferè semper conjunctus est, aut interdum etiam præcedit.

Id provenit, quòd Ignis intra Terræ *Cavitates* rarefactus, per multas *Vibrationes* & subsultus se reducat : nam cum in Cavernis illis, innumeri flexuosi meatus existant, quos accensæ *Exhalationes* pervadunt, oportet ut *Sonus* per eos delatus, multiplicetur, & additione increascit. Ita *specubus* reboare solenne est ; ita è tortuosis Cornibus, quæ apud *Muscos Serpentis* nomen obtinent, quædam mugitus species emittitur, qui non nisi flexuosis meatibus, per quos ad Aures nostras pervenit, assignandus est. Major igitur minorve *frigor*, è Terræ motu oritur, prout materia citius vel tardius accenditur, & prout rarefacti Halitus fortius erumpunt, & se per plures, aut pauciores vibrationes explicant.

VI.

Unde tantus Ignis  
qui ex *Ætna*  
& *Vesuvio* erumpit.

Terra è visceribus nonnunquam Ignem expromit, & illum per montium Vertices sursum effert. Sic *Ætna* in Sicilia, *Vesuvius* in agro Neapolitano, *Hecla* in Islandia flammæ evomunt, & circumvicinas Regiones cineribus opplent. *Vesuvius Mons*, teste Dion. Cass. in Hæc. arsit, *Tito Vespasiano* & *Flavio Domitiano* vii. *Coss.* Rupto vertice primùm saxa ejaculatus est, post tantas flammæ, ut duo oppida *Herculaneum* & *Pompei* conflagrarent : tam densos fumos, ut lumen Solis obscurarent : postremò tam densum efflavit Cinerem, ut tanquam Nix vicinam regionem tegeret, quem vis Ventorum in *Africam*, *Ægyptum*, *Chyriam* projecisse dicitur.

Dubitari non potest, quin intra Terram *Ignes* gignentur, quum magna illic *Sulphuris* ac *Bituminis* vis insit, quæ præ cæteris succis pingua sunt, Ignemque promptissimè concipiunt, ac retinent. Nullam autem intra Terræ viscera materiam magis creandis Ignibus idoneam deprehendimus, & quicquid ardet, aut calefit, sui conservationem ab eorum mistura habet. Unde nullibi Ignis erumpit, aut aliquo in loco Calor se prodit, quin utrumque illic maximè vigere, aut saltem eorum alterum

terum imperium obtinere inveniatur. Nec parum ad *Ignis*, in specubus latentis, incrementum dilatationemque conferre *Ventus* potest, dum Cavernis afflatus, illum magis aut minùs accendit, efficitq; ut plus correptæ materiæ in flammam abcat, & vehementius exasperetur.

Quando primùm Flamma ex hoc monte erumpere cœperit, haud certò constat; cùm & tempore *Æneæ* Trojanorum Ducis, qui Siciliam peragravit, *Horrificis*, ut loquitur Virgilius, sonaret *Ætna* ruinis, & nubem ad æthera prorumperet, turbine fumantem piceo, & candente favilla. Apud *Thucydidem* quoque legitur, montem hunc 76 Olympiade conflagrâsse, hoc est 476 ante Christum natum. Sic diversis postmodum temporibus, ut *Caligula* regnante, &c.

VII.

*Incertum quando primùm accensa est Ætna.*

Ratio autem, cur flamma subterraneæ montium *Vertices* petant, & relicta humiliori Terra, in superiorem sæviant, ab ipso Igne petenda est, qui cùm vi, intra Cavitates detineatur, & illic se dilatandi copia non fiat, Carceris sui parietes superne potiùs, quàm inferne infringit, quoniam ea parte debilius est Obstaculum, & minùs ejus impulsibus fit resistentia. Unde libertatem nactus, tamdiu perseverat, quamdiu Materia subest, ipsi Alimentum subministrat, & in flammam convertitur.

VIII.

*Cur Ignis subterraneus ad montium summitates ascendat.*

*Ignis* è *Montibus* passim erumpit, & ibi potiùs quàm in locis humilioribus exitum parat.

IX.

*Cur Ignis in montibus, & non in locis depressis erumpit.*

Id duplici ex causa oritur, tum quia sub *Montibus* multæ extant *Cavitates*; tum etiam quia ingentia illa fragmenta, quibus exterior Tellus constat, in se mutuò reclinata, faciliorem Flammæ exitum ibi præbent, quàm in ullis aliis locis. Et licet Telluris hiatus, simul ac Flamma ex eo erupit, claudatur, contingere tamen potest, ut tanta sit *Sulphuris* ac *Bituminis* copia, ex Montis visceribus ad ejus cacumen expulsa sit, ut diuturno Incendio sufficiat. Recentes subinde Fumi in iisdem Cavitatibus denuò collecti, & accensi, faciliè per eundem hiatus viam parant.

Montes accensi, post aliquod Temporis intervallum, furere desinunt, & non diu post, vires suas resumunt, & Ignes alios, aut Saxa jaculantur.

X.

*Montes certis tantùm temporibus, flammam, aut lapides emittunt.*

Quia Igne erumpente, laxatisque vacuis montium lateribus, *Aqua* allabuntur, quæ deserta loca occupant, ostiaq; ob-

D d

struunt,

struunt, ne tam citò alia exhalabilis materia congregetur, & novis Ignibus pabulum præbeat. Accedit quoque ut vehementi flammæ emissionem, montium partes subvertantur, & ruinæ in *barathri* profundum corruant, quibus via halitibus præclusa, expectandum est, donec satis *sulphuris* & *Bituminis* denud colligatur, quæ accensa, eam materiam depellant, & fursum ejaculentur. Unde non eandem semper vomiferi montes magnitudinem retinent; quum ipse *Vesuvius* miræ olim magnitudinis, plurimum mole sua decreverit, & vix ad milliare extra Terram etiam per circuitus & ambages erigatur.

*Nec qua sulphureis ardet fornacibus Aëna,  
Ignea semper erit; neque enim fuit ignea semper.*

*Ovidius* decimo quinto *Metamorph.*

XI.

*Aquam puteis  
imminente motu  
Terra, fit turbidior.*

Terræ motu imminente, *Aqua* in puteis, passim turbidior evadit, tetrumque odorem exhalat.

*Aqua* in puteis turbidior, aut crassior redditur, ab halitu, per Ignem subterraneum producto, qui veluti Fumus è ligno non probè accenso erumpens, per angustos Terræ poros se ingerit, ac Aquis putealibus se immiscet. Tetrum autem odorem hujusmodi Aquæ exhalant: quoniam Halitus ille, è Terræ visceribus assurgens, ex fossilibus sulphureis, ac bituminosis, quorum magna est in Terra copia, educitur; quæ cum ingratum odorem afflent, mirum non est, si Halitus, ex iis educus, similem secum odorem deferat.

## ARTICULUS NONUS.

### *De Vitro.*

I.

*Unde ostenditur pel-  
luciditas Vitri.*

Non ignobilis Effectus *Vitrum* est Ignis, cujus forma, non minus quàm materies, ab eo pendet. Nam cum pleraque Corpora indefesso motu Ignis agitet, & eorum partes, soluta unione diffingat, quasdam in *sumum*, alias in *Calces* & *Cineres* convertit, quæ nova Ignis actione excoctæ, denuo connectantur, & in *Vitrum* abeunt. Hoc Corpus è cineribus assurgens,

furgens, & reliquiis Corporum ustorum exortum, pellucidum est, & liberum radiis Solaribus transitum præbet, nec nisi peregrinæ materiæ mistura opacum efficitur.

Hujus perspicuitatis causa, facile ex *virri* generatione deducitur. Nam cum formaretur, liquidum esset, & ejus particulæ inter se moverentur, Ignis materia circa illas stans, innumeros Meatus excavavit, quos secundum Elementum, undique adveniens, liberè permeans, *luminis* Actionem in omnes partes, secundum *lineas rectas* transtulit. Cum verò iidem pori, peracta generatione, continuo Subtilis Materiæ transcursu illæsi servantur, & simili materia replentur, eodem modo, quo antehac, *lumen* per eos transfunditur, & par in concreto Vitro, ac in liquefacto pelluciditatis remanet. Hoc enim Corporibus Igne liquefactis est commune, ut dum adhuc liquida sunt, ipsorum Particulæ non ægrè se accommodant ad quilibet figuras, & cum postea frigore concreverint, easdem retinent, quas ultimò induerunt. Quod si quedam *Opacitas* Vitro innascatur, id semper ex *Sordibus*, *Nubeculis*, & exiguis *Bullis*, quæ in eo occurrunt, provenit, quæ cum in magna crassitie plures sint, quàm in minori, Pelluciditatem ejus magis impediunt.

Fragilitas Vitro maximè competit, & non nisi ægrè *ductilitatem* patitur. Hinc levi tactu Vitrum frangitur, & in partes varias exilit. II.  
Cur Vitrum sit fragile.

Quia licet Vitrum *durum* sit, & satis crassis partibus constet, quia tamen superficies, secundum quas illæ se contingunt, admodum exiguæ sunt, & non nisi in *Punctis* coherent, si pauxillum à locis suis dimoveantur, *unionem* suam amittunt & in frustra dividuntur. Sic contingit non rarò, ut Vitrum veluti sponte, & citra ullam causam confringatur. Imo *Scyphi Vitrei*, etsi ad usum non adhibeantur, sæpè ultrò in partes abeunt. Multa autem molliora corpora difficiliùs franguntur, quia partes suas sic intextas habent, ut ab invicem seungi nequeunt, nisi pluribus earum Ramulis ruptis, atque avulsis.

Si Vitrum *frigidum* Igni admoveatur, adeò ut, in una parte magis, quàm in cæteris, Calorem recipiat, hoc ipso in illa parte infringetur, & rupto quarundam particularum nexu, integritatem amittet. III.  
Vitrum frigidum Igni admotum frangitur.

Ratio est, quòd intromisso Igne, omnes Vitri meatus, non  
D d 2 eodem

eadem modo dilatentur, ac proinde Subtilis Materia eos penetrans, quum non satis patulos ea parte, qua *frigidum* est Vitrum, ad egrediendum Meatus inveniat, per ejus fracturam eos sibi aperit, & facto *impetu*, elabitur. Si verò lento primum Igni, ac deinde gradatim potentiori apponatur, *Vitrum* integrum remanebit, nec ullum damnum patietur; quia omnes ejus Meatus ita copiosè laxabuntur, ut libera Materiæ Subtili via pateat, & absque obstaculo egrediatur. Sic usu venit, ut *pocula vitrea*, si ejecto calido liquore, statim Vento frigidiori exponantur, crepent, ac diffringantur; quia nempe subtilis Materia, in *poculorum* vitreorum poris inclusa, cum exhalare nitatur, & liberum exitum, ob insidens frigus, non inveniat, latera quibus detinetur, infringit, & per fragiles vitri particulas transitum molitur.

## IV.

Ut Vitrum vi  
attractivâ pol-  
let.

Vitrum vim Magneticam æmulatur; Nam si satis valide fricetur, ut *Calorem* concipiat, vicina corpuscula ad se adducit.

Ratio est, quoniam concitatæ primi Elementi particulæ, continuè à *Vitro* in Aërem demigrant, & aliæ ab *Aëre* in Vitrum earum loco revertuntur; Et cum hæ quæ redeunt, non omnes parem habeant agitationem, illæ, quæ minus agitatione pollent, versùs *rimulas*, quibus nulli in Aëre meatus correspondent, expelluntur, atque unæ in alias quodammodo coærcervatæ, quasdam fasciolas componunt, quæ Temporis lapsu, determinatas figuras nanciscuntur, quæ ægrè Mutationem subeunt. Quare si Vitrum fortiter fricetur, ita ut incalcescat, ipsæ hoc motu excussæ, per *Aërem* quidem vicinum diffunduntur, & corporum vicinorum poros subeunt: Verùm quia non tam facilis ibi via panditur, illico ad *Vitrum* revertuntur, & minutiora, quibus occurrunt corpora, quorum meatibus implicantur, secum devehunt.

## V.

Cum Vitrum ad-  
inflat Arcus sit  
rigidum.

Vitrum rigidum est, & non nisi cum *fractura* periculo inflectitur. Unde si tantillum à vi externa in partem unam inclinatur, statim sibi relictum resilit, & *Arcus* adinstar, ad priorem figuram revertitur.

Ratio est, quòd ea inflectione, figura *Vitri* nonnihil immutetur, & angustiores illius Pori efficiantur; unde primi Elementi particulæ, per illos transire assuetæ, *vias* ibi solito minus commodas inveniunt, & nihilominus quoad possunt, in motu

motu perseverantes, impetum in eorum parietes faciunt, ad figuram priorem ipsis restituendam. Hæc enim *resiliendi* proprietas, non *Vitro* solum, sed & omnibus duris Corporibus competit, quorum particulae immediato contactu, non ramulorum intextu conjunguntur; ut in *Arcu ferreo*, aut etiam *ligneo* incurvato sit manifestum, qui se ad figuram priorem statim reducit, nisi nimis diu, in eo statu cohibeatur, & aliorum *Materia* Subtilis transitum adinveniat.

Vitrum Ignis actione liquefcit, & omnes figuras, dum candet, facile induit.

VI.

Quomodo Vitrum vi Ignis liquefcit.

Quia ejus particulae Ignis vi, antehac attritæ & lævigatæ, facile moventur, atque aliæ supra alias oblique *repentes*, & fluentes in exiguis quibusdam superficiebus, se contingere incipiunt, & se mutuo sequentes, Corpus liquidum componunt, quod pro Artificis arbitrio duci potest, & in quolibet figuras inverti.

Vitrum contusum, si nonnullis *Medicis* credimus, *Deleteriam*, seu venenatam vim consequitur.

VII.

Vitrum contusum Deleteriam generat.

Id fieri existimo, quod vitrea frustra dura sint, & acuta, quæ Ventriculi fortè ac Intestinorum membranas vulnerant, & in tenuioribus vasis stragem faciunt. Quanquam Vitrum integrum, venenum esse non existimem: Cum multi Vitrum ore sumpserint, licet deinde incolumes persisterint.

## ARTICULUS DECIMUS.

### De Cineribus & Carbone.

CIneres tantum *Aqua* hauriunt, tamque profundè eorum penetralibus liquor immergitur, ut vas Cineres continens, eandem fermè Aquæ quantitatem, observatore *Aristotele*, capiat, quantum aliud ejusdem magnitudinis, vacuum & inane complectitur.

I.

Vas Cineribus oppletum tantum penè Aquæ continet, quantum aliud ejusdem magnitudinis vacuum.

Hujus ratio alia reddi non potest, quàm quòd *pori* & *Cavitates*, quæ eorum partibus interponuntur, veluti flocci, & *tenuēs* quædam *exuvie* sunt, quæ infusum liquorem recipiunt, & illum quodammodo exfugunt, & absorbent; aded ut, Ci-

nis.



nis terrestris quædam nix dici queat. Nam sicuti in nive, exquisito *Microscopio*, tenuissimæ congelatæ guttulæ deprehenduntur, in floccorum modum effictæ; Ita in cineribus, corpuscula videntur exiguarum exuviarum adinstar, quæ injectum liquorem hauriunt, & intra tenues suas superficies recondunt. Non tamen inde, cum *Peripateticis* existimandum est, eandem Aquæ quantitatem, in *Vase* Cineribus oppleto, ac in vacuo posse recipi, cum vix quintam Aquæ partem Cineres imbibere queant.

## II.

Quomodo abster-  
gendis è panno  
maculis Cineres  
inserviunt.

Cineres tergendis Corporibus adhiberi solent. Unde qui *Oleum*, pinguemque aliam materiam è panno educere satagunt, *Cineribus* maximè utuntur, quarum ope, quascumque sordes eximunt, & pristinum Corporibus nitorem restitunt.

Id ex eo provenit, quòd Corpora mutuo affrictu lævigentur, & omnem asperitatem deponant. Unde cinerum, aliorumque Corporum attritu, quicquid sordium illis adhærescit, excutitur, & omnia plana efficiuntur, modò *Aqua*, aliussve similis liquor adsit, quo veluti vehiculo Cineres ad intimos Corporis recessus, in quibus sordes degunt, deferantur: quia cum aliquid uliginis & acrimoniæ habeant, illis implicantur, atque iterato affrictu, quicquid asperum est, secum auferunt. Unde ex diluto Cinere, fit *lixivium*, dum *Aqua* per Cinerum Meatus transmissa, & eorum acrimoniam uliginemque suffurata, abluendis Corporibus fit efficax, & iis *sordibus* tollendis, quæ ipsis adhærent, ac immiscentur. Quippe Telæ poros subeundo, & ad intimos ejus cuniculos penetrando, educit quicquid illic sordium offendit, illud scilicet vel secum *vehendo*, vel in eorum superficie *desistendo*.

## III.

Cinis Ficum  
abstergendis sor-  
dibus utilis.

Hinc observatum est, quòd *Ficum* Cineres Virtute peculiari ad tergendà corpora, & sordes ex illis abluendas pollere; eo quod lignum & folia, quibus constant, uliginem, & acrimoniam habent, quibus in intimos Corporum recessus deductis, unà secum *sordes* asportant. Nec aliam ob rationem *Fluoribus* Alvi sistendis prædicti Cineres inserviunt, quam quia obstructions amoliantur, efficiuntque ut Humores solito ritu decurrant, & per Carnis spiracula à Natura destinata liberè permcent.

## IV.

Radices Planta-  
rum à frigore ci-  
neres tuentur.

Plantarum radices, tempore hyberno *Cineribus* muniuntur, ne Frigoris injuriis sint obnoxia, & liquefacta nive aut glacie, quæ stirpibus nocent, perfundantur. Quo-

Quoniam Cineres *aridi* sunt, omnique succo propemodum carent, ac proinde resolutæ, Nivis humorem exfugunt, & intra meatus suos recipiunt, & foveant. Calidi enim Cineres sunt, & intestino adhuc Motu agitantur. Nam sicut *acetum*, & *sax vini* vim calefaciendi retinent; ita Cineres igneæ qualitatis participes sunt, & vim frigus-arcendi habent.

Hinc provenit, quod Cineres terram fecundent, quandamque ei pinguedinem concilient, ob *Salem* scilicet quem continent. Terræ enim pinguedo in *Sale* ac *Nitro* consistit, quod humore exsolutum, & Calore tepefactum fermentescit, ac proventum facit. Unde ii Cineres inutiles sunt, nullique usui, à quibus *Sal* extractus est, vel sic *lixivio* fuerunt diluti, ut *Sal* simul cum *Aqua* excesserit. Quod ex hoc experimento facile deteges : Si ex eadem Terra, præsertim è profundo eruta, & antea nunquam effossâ, duas portiones accipias, & ambas sub dio colloques, sed intactam unam, alteram verò *Aqua*, & veluti *lixivio* aliquoties dilutam ac percolatam. Quippe ex *posteriori* nihil productum iri deprehendes : ex *indiluta* verò plantas pullulescere, vermes generari, imo & lapillos concrefcere, pro temporis diversitate deprehendes.

Carbones Ignem conservant, illumque diu tuentur, præsertim si Cineribus tegantur, & ab *Aëris* afflatu removeantur.

V.

Qua ratione Cineres terram fecundant.

VI:

Cur Ignis in Carbonem conservetur.

Quia Ignis in Carbone latens, quibusdam particulis tenuibus & ramosis inest, quæ aliis crassioribus implicatæ, quamvis celerrimè agitentur, non tamen nisi successive, id est, unæ post alias egredi possunt. Ignis Corporis alicujus meatibus inclusus, aliquo Tempore eget, ad omnes ejus particulas dissolvendas, ut se ab eis extricare, & liberare queat : ac fortè priusquam eo modo egrediantur, *Carbonis* partes longo motu detereri debent, & singulæ in plures alias dividi. Facilius verò, *Aëris* afflatu, Ignis in Carbone dissipatur, quia cineribus excussis denudatur, fitque magis *Aëris* impulsibus obnoxius, qui ejus poros subeundo, eosque solito magis dilatando, igneis particulis avolandi copiam facit, & liberum exitum præbet.

Sic pars lignea vasi Igni apposito inclusa, sic ut ab *Arena* undique ambiatur, brevi tempore interjecto in Carbones abit; modo contextum sabulo vas, non illico refrigeretur, sed consummum Calorem paulatim demittat. Quippe si à vase novissime

VII:

Lignum ubi in Carbones &c. insumum abit.

sime Igni substracto Arena eruatur, lignum, Aere admissò, flammam concipiet, & in Cineres totum dissolvetur. Quoniam Caloris vi, ramosæ ligni particulæ divelluntur, & amoto obstaculo sensim diffiantur.

## VIII.

Carbo modica  
Aqua addita  
magis incal-  
scit.

Si nonnihil Aquæ, Carboni accenso infundatur, vegetior efficitur, majoremque Calorem exhalat.

Quia Humor, accensi Corporis poros ingrediendo, Ignis particulas ad intima loca repellit, cui cum immisceatur, & ob dominantem illic Calorem reverti cogatur, Ignis particulas, quæ in iis latibulis continebantur, educit, & secum ad Corporis extrema desert. Unde Aqua, quæ mediocribus Ignibus alendis inepta est, & vim illorum statim retundit, magnos tamen sua uligine juvat, eorumque Calorem auget, quoniam flexilium partium suarum Motu, ardorem educit, & flammam altius attollit.

## IX.

Cur Carbo ad  
compositionem  
pyrii pulveris  
requiritur.

Ad pyrium pulverem componendum, Sulphuri & Nitro Carbo admiscetur, ex quorum mistura, humore aliquo aspersa, granula, sive pillulæ formantur, quæ Ignem concipiunt, & exigua interposita mora, inflammantur.

Ad pulveris pyrii compositionem Carbo requiritur, quoniam Meatibus abundat, & undique facile penetratur: tum quia plurimi in Corporibus, ex quorum ustione superest, antea fuerant; tum quia dum comburebatur, multum fumi ex iis evanuit. Addi etiam potest, in Carbone duo partium genera reperiri, aliæ tenuiores & ramosæ, quæ Igni admotæ, facile Ignem concipiunt; quia jam ante Ignis vi concussæ fuerunt, sed longis & multiplicibus ramis implexæ, ex eo quoque jam evolassent, nisi ipsa extinctio, eorum fugam sistisset. Aliæ sunt Crassiores, quæ si diutius ignis perseverasset, in cineres abiissent. Itaque Sulphuris ramuli, & Nitri spicula, lutos carbonis meatus subeuntia, ramosis ejus particulis involvuntur, ac constringuntur, præsertim dum humore aliquo persusa, & in exiguas pillulas compacta, postmodum siccantur. Accenditur igitur pulvis pyrius, dum Ignis, Sulphure prius incenso, paulatim Nitri particulas exagitat, ut tandem ipsæ viribus assumptis, & majus spatium ad gyros suos describendos exigentes, Carbonis vincula discerpant, totumque granum confringant. Carbonis enim resistentia valde celeritatem auget, ut Nitri rotata spicula, in flammam erumpant.

Cinis

Cinis passim albescit, coloremque *candidum* refert: si verò Aqua suffundatur, offuscatur, & ad nigrum colorem accedit. X.  
Cur Cineres albi sunt.

Cinis candidi coloris est, quoniam particulæ, quibus componitur, *Sphæricæ* sunt; Quod ipso Tactu deprehendi potest. Lenitas enim citra ullam fere asperitatem sentitur: Ac proinde Lumen acceptum undequaque repercutiens, candidum colorem producit. *Offuscus* autem Aquæ infusione redditur; quoniam Humor ad nigrorem confert. Ut dictum est.

Probatum est à gravibus Authoribus, ex sato *Triticæ* Cinere, *Triticum* pullulasse.

XI.  
Ut ex Cinere  
Triticæ, tritici-  
cum generatur.

Ratio est, quòd cum *Sal* in Cineribus repertus, solida sit substantia, magnamque Terræ portionem, facta ustione, contineat, maximè plantis generandis est idoneus, cum difficulter exhaletur, & caloris vi resolvatur. Quare Rudimenta illa in *Cinerum* granulis inclusa, humore, aut Aeris tepore macerata, faciliè germinant, & novam plantam emittunt. Sic ex *Suillo* stercore, *Sonchus* in vineis, & hortis generatur, eo quòd suis familiaris est, *Soncho* in alimentum uti. Remanent enim in stercore *Sonchi* semina, quæ liquore perfusa, plantam aliam proferunt.

Unde oritur, ut si plantæ alicujus *Cineres* in vase Aqua, aliòve liquore repleto immergantur, *Liquore* præ hyemali frigore concreta, ita se adaptant, talemque inter se partes ejus ordinem tuentur, ut aliquam ejusdem plantæ figuram æmulentur, aut quandam saltem foliorum speciem præ se ferant. Quod satis indicat, superesse in Cineribus aliquod Organizationis rudimentum, & intactum permanere recentis plantæ initium.

XII.  
Inest Cineribus  
plantarum, prin-  
cipium novæ  
plantæ.

## ARTICULUS UNDECIMUS.

### De Aëre.

**E**A quæ Terræ vicinior est Aeris *regio*, calidior est, majoremque æstum consequitur, quàm quæ à Terra longius removetur, & superiorem *Atmosphæra* partem occupat. In hac I.  
Cur Aer Terræ  
proximior cali-  
dus magis est  
quam remotior.

E e

liquidem frigus dominatur, & grando, nives, cæteraque gelida Corpora prodeunt.

Causa hujus Effectus est, quòd Radii Solares, à Terra copiosius reflexi, Aërem acrius diverberent, ac illum magis solito concutiant. Vehementior autem Terrestrium partium *agitatio*, Calorem efficit, præsertim si illa à *Lumine* proficiatur, & aliquo Temporis spatio perseveret. Quia verò *radii* à Terra remissi, non tam copiosè versùs altiore Aëris regionem feruntur, imò qui ab illa ascendunt, vires suas occurrentibus Corporibus impertiuntur, necessum est, imminuta agitatione, *frigus* exoriri, & illic con crescere *nubes*, atque *Nivem*, ac *pluvias* produci.

## II.

Quomodo Aër  
potest reddi gra-  
vior.

Si Aër congregetur, & in vase aliquo per impulsione in-  
trudatur, pondus acquirit, & multo gravior eo fit, qui liberè  
exspatiatur, & nulla coactione detinetur. Id Galilæus Gali-  
læi hoc modo expertus est. *Accepi*, inquit, *lagenam vitream*  
*satis amplam*, cui os obturavi diligenter, præterquam quod inferni  
*digitale coriaceum*, cui *juncta erat strictissimè utri lusorii animula*,  
*quæ deinde, instrumento ad id apto, maximam aëris quantitatem*  
*intrusi*, & quia facile condensatur, *duæ aut tres aëris lagena* in-  
*trudentur*, præter eum aërem, quo primum plena erat. Quippe  
hoc experimento didicit Galilæus congestum Aërem graviore  
reddidisse lagenam, ore autem aperto, imminutum esse  
pondus, & vas minùs grave evasisse.

Hujus experimenti evidens est ratio; quia in corporum  
*Condensatione*, partes ad se accedunt, & intimius uniuntur, ac  
proinde ob majorem suam copiam, necessum est rarefactis  
præponderari. Major enim solito Aëris copia, vas gravius  
efficit. Ut clarè evincetur, si *lagena Aëris*, alteri, *Aqua* re-  
pletæ, adaptetur, quæ ita in fundo perforata sit, ut pro li-  
bitu aditus aperiri queat: Quippe utroque vase ita conjuncto,  
datoque Aëri in lagenam Aquæ plenam, aditu, tantum Aquæ  
effluet, quantum Aëris condensati congestum erat, & violenti-  
us compressum. Ac proinde existimandum est, quantitatem  
Aëris vi in lagenam adaçtam, Aquæ moli æqualem esse, ab ea  
per lagenam expulsa.

## III.

Vi Aëris com-  
pressi glandes  
plumbæ emit-  
tuntur è sclopetis.

Aër in vase aliquo inclusus, & vi quadam externa compres-  
sus, resiliendi vim obtinet, ut in *Sclopetis pneumaticis* experiri  
licet, in quibus opera Aëris compressi, *plumbæ glandes*, tan-  
to

to cum impetu emittuntur, ut pulveris tormentarii vigorem excedere videatur. Similiter nonnullæ aliæ extant *Machinae*, quæ solius Aëris ministerio, Aquas sorsum versùs jaculantur, atque eas fontium adinstar propellunt.

Hoc enim fit, quòd Aère intra *Tubos*, machinasque compresso, unaquæque ejus particula sphaëricum illud spatium, in quo circa suum Centrum gyret, non habeat; sed aliæ vicinæ illud ingrediantur, & eam ab eo extrudere nitantur: Cùmque interim eadem Caloris vis, sive eadem istarum particularum Agitatio, globulorum Cœlestium Motu conservetur, illæ cùm liberè expandi nequeant, & circumobsidentibus vicinis impediuntur, se mutuo Extremitatibus suis verberant, & loco expellunt. Sicque omnes simul impetum faciunt, ut libertati se restituant, & majus commodiusque *Spatium* nanciscantur.

Simili ritu, *Vina* tenuia, aut *cervisia* novella, in lagenis, aut utribus inclusa; iis apertis, magno cum impetu erumpunt: Quia *Tartari* partes, intra vasa coarctæ, à se invicem sejungi, & aufugere nequeunt, ac proinde ita sese exagitant, ut minutissime infringant, ut quamvis mixtæ, nullum tamen inter se nexum servant. Quo fit, ut vase referato, subito cum strepitu egrediantur, & in spumam abeant.

Sic Inflatæ *Vesicae*, solo impactæ, resiliunt, ac reperiuntur: quia cùm Aër in vesica comprimitur, à materia subtili, inter ejus partes interjecta, commovetur; Unde cùm priorem suum statum recuperare conetur, *Vesicam* attollit, & majoris compressionis impatiens, objecta dura corpora percutit. Eandem vim *elasticam* clarè demonstrat vesica *suilla* Aère distenta, quæ machinæ *Boyleana* imposita, ita Aère exhausto intumescit, ut plerumque disrumpatur: Interdum 50 librarum pondus attollit: eo quod inclusus Aër, ab externi Aëris, quem *gravem* esse constat, pondere solutus, majorem dilatationem affectat, & sese evolvendo, in majus spatium porrigitur.

Verùm, inquires, si Aër elastica vi pollet, quomodo in *Bullis Vitreis* admodum tenuibus, & hermetice sigillatis inclusus, tam debilem Carcerem non effringit? Quomodo tam tennes parietes, totius Aeris inclusi expansioni obluatur ac resistit?

Respondeo, Hujusmodi imbecilles *Bullas* non effringi, quoniam

IV.

Ut erumpit liquor in vase diu inclusus.

V.

Vesica in terram impacta, resilit.

VI.

Ut debile vitrum resistit ut elastice Aeris.

niam sicuti Vitrum ab interno Aëre premitur, pari modo Aër externus in idem Vitrum impingit, & cum utrimque æqualis virtus sit, nulla *fractio* contingere potest. Eam ob rationem Bullæ Aquæ innatantes, diu intactæ manent, antequam incluso Aëri viam præbeant. Quod certè non contingeret, amota ambientis Aëris pressione, cum Aer crassâ etiam Vitra vi sua elastica effringere valeat.

## VL

Unde probetur  
gravitas Aëris.

Sit Tubus vitreus tres pedes altus, una parte clausus, altera apertus, per quam *hydrargyrus* ad summam repletionem infundatur, tum in *Vas* subjectum, similiter hydrargyro plenum invertatur, adeo ut, ea extremitate aperta in *vas* defluere possit. *Argentum Vivum* non tunc ad Tubi imum descender, sed pensile ad *viginti septem* digitorum, vel circiter altitudinem remanebit.

Aëris *pondus*, vulgaris hujus Phænomeni causa est; quod *hydrargyrum* in ea altitudine detinet, nec patitur inferius descendere. Quia licet hydrargyrus, qui in tubo est, gravissimus sit, delabi tamen in *Vas* subjectum non potest, quin hydrargyrum in eo stagnantem, mox totam Aëris molem sublevet, & attollat. Obstant autem crassæ, & volantes Aëris particule, ut ad majorem humilitatem flecti, & condensari possint; quia licet complicatæ facile volvantur, & in orbem gyrent, non tamen eadem facilitate compressionem admittunt, nec sinunt se ad minus spatium redigi. Non tamen omni Aëri æqualis vis ad resistendum inest: sed pro raritatis, aut crassitiei suæ ratione, varios sortitur effectus: *Tenuior* enim, & cujus particulas Calor, aut alia Causa debilius dilatat, facilius flectitur, minusque pressioni *Hydrargyri* obluatur, quàm crassior, & cujus particule vehementius expanduntur. Unde fit, ut hydrargyrus humilids *sereno*, quàm *nebuloso* & pluvio cælo descendat, & Aër minus impellenti hydrargyro obstat in *montis vertice*, quàm in *valle*, & umbroso loco; quoniam illic crassiores sunt Aëris partes, exque languidius a calore excitantur. Unde evidens est, Argentum vivum in Tubo contentum, ab Aëris gravitate sustineri, ac proinde ad ejus æqualitatem, quod in vase est, descensurum, nisi ab Aëris incumben-  
tis pondere, impediretur.

## VII.

Ab Aëre gra-

Aëris gravitatem clarè ostendit Corporum contactus, à quo firmitatem, mutuumque nexum mutuari videntur. Quippe  
duo.

duo corpora marmorea polita, & oleo delinita, ita interdum vicatè Corporum  
nexus pendet. copulantur, ut vix major nexus apprehendi queat. Verùm in pneumatica *Boyleana* machina collocata, si Aër exhauriatur, marmor inferius illico à superiori sejungitur, & veluti sponte imum locum petit. Eo quod Aër subjectus, demissus marmor non repellit, imparque est, illud cum superiore agglutinandi.

Hinc concludit Clarissimus *Gassendus*, Vesicam Aëre plenam tanto laboriosius intra Aquam deprimi debere, quanto ad fundum magis acceditur, eo quod Aër ex ipso Aquæ fundo, versùs regionem Aëris, tantò segnius moveatur, quanto ad ipsam Aeris regionem propius accesserit. Et causa est, quod tanto pauciores Aquæ partes illis incumbant, quæ Vesicam aut Aerem infernè sublevantes extrudant. Unde si fingatur flamma per Aërem ascendere, usque ad orbem Lunæ, futurum est, ut semper lentius moveatur, quo altius ascendet, eo quod Ignis non vi sua, sed in quantum ab Aëre circum reprimente adactus, sursum tendit. Aeris enim partes in loco terræ proximiori propter plurimum incubitum compressiores, majori conatu Ignem extrudunt, quàm in loco à Terra remotiore, ubi ob pauciorum incubitum, laxiores sunt minufque impellunt.

VIII.

*Cur Vesica Aëre  
repleta signius  
versus aque fun-  
dum moveatur.*

Si tubus vitreus viginti septem digitis brevior, modo supra explicato; *Argento Vivo* compleatur, nullus continget in eo Argenti vivi descensus; sed vertice tenus repletus remanebit, nulla Argenti vivi facta subsistentia.

IX.

*Quandonam im-  
peditur Hydrar-  
gyri descensus in  
tubo vitreo.*

Quia Aeris externi particulæ, ita agitantur, tamque globulorum cælestium motibus obsequuntur; ut ab hydrargyri pondere pauciores viginti septem digitos, alti comprimi nequeant, ac proinde vim ejus ita retundant, ut omnem ejus descensum impedian.

In *Antlia*, ad motum emboli Aqua sequitur, & per tubum liberè ascendit: sed altius quàm ad unius, & triginta pedum altitudinem evehi nequit.

X.

*Cur Aqua in  
antlia altius  
quàm ad 31 pe-  
des ascendere  
non possit.*

Aqua cum embolo supra attracto ascendit, quia cum nullum sit in Natura Vacuum, & omnia spatia Corporibus repleantur, nullus in Mundo fieri potest Motus, quin integer Corporum circulus moveatur. Unde embolus sursum elevatus efficit, ut Aër, qui supra Antlias erat, circa earum medium moveatur, &



& qui earum medium ambiebat, ad locum in quo stagnat Aqua, succedat, atque hæc per tubum evecta, emboli locum occupet. Quia Aqua eo potissimum fertur, ubi minima Aëris pressio est; nempe intra tubum, quem embolus deseruit, Cur autem Aqua, ope antliarum, ultra unum & triginta pedes attolli nequeat, ex hoc oritur, quod Aër innato suo pondere, citra condensationem, illam sursum propulerit, postea altiorrem Aquæ molem sustinere non valens, emboli motu, solito vehementius concutitur, & hoc pacto flectitur, atque effringitur: Ac proinde Materia Subtili supra Aquam in tubum expulsa, ad unius & triginta pedum justam humilitatem deprimitur, & subsidit.

## XI.

Cur manus in medio Aëris posita, nullam sentiat gravitatem.

*Manus* in Aëris medio posita, nullam experitur gravitatem, quamvis Aër gravis sit, & manum non mediocriter premat.

Ratio est, quod manus à circumambiente *Aëre* undiq; premitur, nec magis ab eo, qui incumbit, quam qui infra eam est, urgetur. Aëris enim columna, quæ sub manu correspondet, ex loco inferiori, gravitate aliarum columnarum Aëris; qui à latere est, pellitur. Quemadmodum *Aqua*, quæ sub onerata naviculæ fundo correspondet, ex imo versùs naviculæ fundum, Aquæ pondere pellitur, quæ eam superius circumambit. Cum igitur una Aëris columna, majori vi non polleat, manum à summo ad imum pellendi, quàm altera inferior, ab imo ad summum; mirum non est, si Aëris *gravitatem*, manu in Aëre expansa, non sentiamus. Hinc fit, quod in *machina*, Aëre extracto, manus posita intumescit.

## XII.

Aër levior imbre imminente redditur.

Priusquam Imber decidat, Aër minùs gravis redditur, imo etiam flante *Austro*, quamvis nullus Imber sequatur.

Id oriri videtur, quod Halitus, seu vâpores, qui è Terra assurgunt, quique cum exiguis Aëris partibus admiscuntur, in nubes præcipitentur: quo fit, ut Aër superior multum dilatur, & permista illa corpora post se relinquendo, tenuior, subtiliorque evadat. Dubium enim non est, quin Aër plurimâs Aquæ partes complectatur, ex quibus coalescentibus, & Nubes, & Imbres formantur. Id in *D. Boyle* machina deprehenditur, nam ubi Aër Recipiens evacuatum ingreditur, illico Nebulâ opacum cernitur.

# HISTORIÆ NATURALIS PARS QUINTA.

## De Fossilibus.

### ARTICULUS PRIMUS.

#### De Metallis in Genere.

**E**Xcusanda videtur Hominum *Avaritia*, qui officii sui obliti, Terram aperiunt, & in eruendis Metallis, communis Parentis sinum perfodiunt, & lacerant. Unde in Terra Metallorum diversitas. Tot enim usibus deputantur *Metalla*, ut iis carere genus humanum commode non possit. Annon Annulis, Numismatibus cudendis, materiam *Aurum* ministrat? Unde vestium, domesticæque suppellectilis ornatus, si *Argentum* mundo exulet? Quis nescit *Æs* rei statuariæ auxiliari? & musicæ fistulis fabricandis *Plumbum* inservire? Hinc providente natura, non unius Metallum duntaxat ferax Terra est, sed multa in eadem etiam fodina reconduntur, quæ indole discrepant, & varias Affectiones sortiuntur.

Multiplicis hujus productionis ratio, à diversis succis in ea occurrentibus, ibique condensatis petitur; cum enim ad Metalla evehenda, *acres spiritus*, oleagineæ *exhalationes*, necnon Argenti vivi *vapores* inserviant, hi ex Terra interiori ad exteriorem delati, Metallorum particulas, quas secum vehunt, deponunt; & pro earum diversitate, quibus constant, varia  
*fossilium:*

*fossilium* genera oriuntur. Nam uti in *Arborum* fructibus, videmus Substantiam crassiorem in unas partes, subtiliorem, & magis defecatam in alias concrefcere: ita in eadem vena, multa generantur Metalla, quorum alia materiam minus elaboratam exigunt; ut *Ferrum*, *Plumbum*; alia verò magis præparatam, & ab omni fæce immunem, ut *Aurum*. Quo fit, ut major vis ignobilium Metallorum in fodina exiftat, quàm præftantium, quoniam plus Temporis in iis formandis Natura impendit, & maiorem curam ad eorum perfectionem adhibet.

## II.

*Metalla in radicibus montium proveniunt, qui sunt versus Orientem & Meridiem.*

Metallorum fodinæ maximè sub montibus frequentes sunt, in illis præfertim partibus, quæ Soli *Meridiano*, aut *Orientali* obijciuntur.

Quia in montium radicibus, multæ infunt Cavitates, in quibus sublata Metallorum particulae congregari poffunt, & faciliùs ad externam Terræ superficiem ascendere, in his præfertim locis, quæ Soli exponuntur, Caloremque ejus impendiùs recipiunt. Nam licet ejus radii, in Terræ superficie terminentur, & abdita ejus non penetrent; haud dubium tamen eft, quin Calor ab eo productus, ad intimas Terræ regionis partes pertingat, & ea loca fortiùs exagitet, in quæ directiùs radios fuos vibrat, ac emittit. Terra enim rimis fatifcente, fucci faciliùs attolluntur, & onera fua, nimirum Metallorum particulas, fufum, fine impedimento deferunt. Hinc *Fluviorum* fcaturigines, in radicibus montium oriuntur, quoniam per eas, Aqua faciliùs percolatur, & liberiùs ad eorum juga ascendit.

## III.

*Ex nemoribus inflammatis detecta sunt Metalla.*

Quancum Metallum ex fuccis diverfis componantur, & è fodinis exuberent, afferi tamen poteft, eorum *inventionem*, ad crematas quondam fylvas eße referendam. In *Hispania* enim, narrante *Aristotele*, incenſis, à quibufdam paſtoribus fylvis, ardeſcenteque exinde terra, aperte *Argentum* eò loci profluxit. Nec id à vero abeße videtur, ſi conſideremus pluribus in locis, Metallorum venas ad majorum arborum radices uſque porrigi, quibus implicantur ac circumducuntur; quare ſi contingat arbores deſlagrare, mirum non eſt, ſi ignis ardore liqueſcunt, & manet

——conveniens *Argenti rivus*, & *Auri*,  
*Aris item*, & *plumbi*.      *Lucretius.*

*Quem.*

Quemadmodum in ingenti ac horribili illo Londinenſi incendio campanas fundi ac liqueſcere vidimus.

Terra, quæ *Metalla* tegit, paſſim ſterilis eſt, nullumque fructum fert. Imo Vapores malignos plurimum exhalat, quibus Incolæ offenduntur, & multos inde *Morbos* contrahunt.

Terræ ſterilitas ex eo naſcitur, quòd ſuccus alimentitiuſ, qui ad *Herbarum*, & *Plantarum* nutrimentum, à natura deputatur, aliò divertatur, ad præparandam ſcilicet Metallis materiam. Cujus defectu, neceſſum eſt *Arbores* langueſcere, ſiccari *Herbas*, & *Terram* ipſam omni vigore ac ornamento deſtitui. Tractus autem illi terrarum, acriùs olent, tetrumque odorem ſpirant, ob halituum diverſitatem, qui ex ipſis exhalantur. Non enim tota illorum materia, Metallis componendis infumitur, ſed ſubtilior eorum pars à ſpiritibus agitata, per rimas tranſmittitur, & Aeri permixta, auram inficit, & illam haurientibus noxam inferit. Id in pleriſq; lacubus paludibuſq; *Zelandiis* experiri licet, ex quibus glebæ bituminofæ ſodiuntur, quæ accenſæ, ut *Naphtha* ardent, non ſine odore tetro ac viroſo. Imo tanta earum vis eſt, ut ubi frequentius ipſis ædes incaleſcunt, *ferrum*, *cuprum*, *ſtannum*, *argentum*, atque *Aenea* quæque deurat, omniaque in ædibus, præter *Aurum*, deteriora efficiat. *Lemnius de occultis natura miraculis, libro primo, capite decimo ſeptimo.*

Metalla nonnunquam in fluminibus reperiuntur, ut de *Tago*, *Gange*, & *Paëtolo* referunt Hiſtorici, qui multas Auri, Argentique, & aliorum foſſilium particulas continent, quæ paſſim ab Accolis colliguntur, & à ſe invicem ſecretæ, diverſorum metallorum maſſas conficiunt.

Metalla non in iis fluminibus generantur, quaſi ex ſuccorum coagulatione, ut in *Terra interiore*, illic producantur, & primam ſui originem habeant; ſed ſolum, quòd eorum Aquæ terram perlabentes, aliqua Metallorum *ramenta* erodant, ac ſuffurentur, quæ ſecum devehunt, & ad longum etiam ſpatium deferunt. *Aqua* enim, ineptum eſt creandis Metallis Elementum, cum quicquid ex ejus cum Terra concreione oriſi poteſt, nihil aliud quam lutum eſſe queat.

Metalla, ſi calcinentur, hoc eſt, Aquarum fortium ope, in minutiffimum pulverem redigantur, non alia ratione, quam ipſa *arena*, fluunt. Si vero eliquentur, id eſt, *Igni* admoveantur, ad modum *Aqua* decurrunt.

IV.

*Terra Metallorum ſerax ſterilis eſt.*

V.

*In quibuſdam fluminibus Metalla inveniuntur.*

VI.

*Metalla calcinata fluunt, eliquata decurrunt.*

F f

Quo.

Quoniam in Calcinatione, non adhuc in minimas particulas fuerunt resoluta; sed tantum in granula, quæ notabilem adhuc molem retinent: Ubi verò eliquantur, granula illa, Ignis actione dissolvuntur, & in ea corpuscula abeant, quæ cum spatia minora occupent, corpus magis continuum componunt, quod instar *Aque* defluit.

## VII.

*Cur metalla in  
vaporum abeant.*

Ob similem ferme rationem oritur, quòd Metalla ratione *acidi Sulphuris*, quo referta sunt, cum illo avolent, & in fumum dissidentur. Quippe dum Argentum simul cum plumbo in Cupella ab Artificibus funditur, injecto paulatim *Sulphure*, Argentum evanescit & in auras abit, ni madente limbo ejus fuga sistatur. Similiter cuprum aereo nummo admixtum, dum in crucibulo alterna serie cum Sale communi, & extracto de lateribus pulvere confunditur, sursum pergit, & non nihil Auri secum desert, nisi testaceo operculo retineatur. Quoniam Metallorum particulae Ignis vi attolluntur, & non nisi frigidi corporis occursum, agitationem suam dimittunt.

## ARTICULUS SECUNDUS.

## De Mercurio, &amp; Sulphure.

*Argentum vi-  
vum cetera Me-  
talla, præter au-  
rum pondere  
vincit.*

**M**ercurius, seu Argentum vivum, maximè *ponderosum*, & si *Aurum* excipias, omnia Metalla gravitate excedit. Unde Corpora omnia illi innatant, & in ejus superficie detinentur.

Ratio est, quòd Mercurio pauciores insint Meatus, quos Materia Subtilissima pervadat. A sola enim *pororum* multitudine, aut paucitate, Corporum *gravitas*, aut *levitas* pendet. Nam licet fortè admittatur, Metallorum aliorum partes, ejusdem esse magnitudinis & figurae, atque etiam earum Motus esse similes; quia tamen plures *Pori* in illis existunt, necessario Argento vivo sunt leviora. Nec alia ratione, *Aurum* Argento vivo preponderat eique immergitur, quàm quòd paucioribus meatibus perforatur, nec tanta copia Primi Elementi illud transgreditur; quanquam etsi non multum, quum teste *Gussendo* deprehendatur solum habere se ad illud, ut *quadraginta quatuor ad quadraginta tria*. Hinc

## IV.

*Argentum vi-  
vum cetera Me-  
talla, præter au-  
rum pondere  
vincit.*

Hinc admirari subit, qua ratione fretus, asseruerit *Plinius* lib. 33. cap. 3. Aurum in pondere plumbo cedere: quandoquidem experientia manifestum sit, *Aurum* duplo esse ponderosius, & ad *nigrum* plumbum comparatum, ut decem ad sex se habere, ad *Cinereum* autem, ut decem ad quinque cum quadrante.

Argentum vivum *liquidum* est, & nisi intra Vasis latera contineatur, per inclinata loca defluit.

Quoniam Argentum vivum in multas exiguas particulas dividitur, quæ Motibus propriis à se mutuo diversis, agitantur, & è locis suis continuò recedunt. Nec obest, quòd non humectet, & nihil sui in attractantium manibus post se relinquat: quia non *Humidum* cum *liquido* confunditur, nec una est utriusque natura. Ignis enim *liquidus* est, & Metalla fusa defluunt; non tamen nisi ineptè quis affirmabit, Ignem humectare, & fusa Metalla, loca per quæ transeunt, madida reliquere. Cum ad Fluiditatem sufficiat, quòd partes Corporum insensibiles commoveantur, aut ita solutæ sint, ut à Subtili Materia exagitantur, & ad motum impellantur. Causa igitur Fluiditatis, quam in *Argento vivo* cernimus, est, quòd particule ex quibus constat tam læves sint & lubricæ, ut nequaquam possint inter se compingi, & quòd cum crassiores sint, quàm Aquæ particule; vix transitum inter se præbent, globulis Secundi Elementi, sed tantùm materiæ illi subtilissimæ, quam *Primum Elementum* appellamus.

Hinc fertur Argentum Vivum super ignem in fumum halituosum non dissipari: sed in vase receptum & custoditum, paulò post in priorem Argenti speciem redire, nec quiequam pristini ponderis detrahi.

Mercurius Auro maximè afficitur; unde qui ex *Luce Venerea* inuncti sunt, si aureum Anulum ore gestent, ac dentibus linguaque hinc inde volutent, Argentum vivum, quòd Corpori, ex unctione innatat, in Anulum devolvitur, sic ut totus argenteus eximatur, & non nisi Igni admotus, pristino nitore restituatur. *Lemnius de occultis naturæ miraculis, libro secundo, capite ultimo.*

Id evenit, quòd Mercurius, quem fluidum partesque commotas habere dicimus, modico Calore exhaletur, & in fumum abeat; unde fuligini, quæ cum flatu ex Pulmonibus extruditur,

II.

Unde oritur fluiditas in Mercurio.

III.

Quomodo anulus aureus attrahat Argentum Vivum.

tur, admixtus, sursum ad os deferitur, ubi *Anulo*, utpote denso, ac frigidiori Corpori occurrens, sistitur, & junctis denud partibus, ad priorem formam redit. Eo fere modo, quo *Aqua* in alembico, Ignis Calore in Vapores convertitur, tolliturque in sublime, donec gelido Corpore excepta, agitationem amittit, & rursus in *Aquam* revertitur. Non igitur *Argentum vivum*, ab *Auro* attrahitur, ut Nonnulli loquuntur, sed illi adhæret, & intra ejus poros se intrudendo, denuo coagulatur, & priorem statum recuperat. Unde consulunt *Medici*, ut qui olim morbo *Gallico* fuerunt infecti, & ejusmodi ceromate delibuti, *Anulum aureum* in ore teneant, imo aliqua *Auri* ramenta hauriant, quum iis magna Metalli hujus copia inhæreat. Aded ut, observatum sit, incisa vena aliquot drachmas profluxisse; atque hinc est, tales tantisper *palescant*, & tremuli existant, quorum Corporibus aliqua hujus Metalli portio inhærescit.

## IV.

*Lithargyrum  
acetii acrimoni-  
am castigat.*

Si *Lithargyrum Aceto* admisceatur, ejus acrimoniam castigat, imo aliquem illi dulcem saporem conciliat.

Ratio est, quod acuminatæ, ac inæquales *Aceti* particule, à quibus ejus *Acrimonia* provenit, *Lithargyri* corpusculis adhærentes, cum illo ad fundum detruduntur, ac proinde mirum non est, si *Acetum* illis spinis, quæ gingivas strangebant, linguamque spiculis pungebant, exutum, dulcedinem aliquam, quam antea non habebat, referat.

## V.

*Mercurius subli-  
matus per Ar-  
gentum vivum,  
exnit suam acri-  
tudinem.*

Si *Mercurio* sublimato, qui maximè corrosivus est, altera *Mercurii* Vivi quantitas adjiciatur, & denuo *Mercurius* sublimetur, omnem *Acredinem* deponit, & inspidus redditur.

Quoniam *Mercurii* apppositi corpuscula, salium spiculis augentur, quo fit, ut eis crassitudo concilietur, & obtuties accedat. Eodem ritu, spiritus *Vitrioli*, & sal *Tartari* deliquatus, qui acerrimi sunt, acridinem amittunt, si commisceantur. Quia cum hi *sales*, diversi sint generis, fluidus nimirum, & alchalisatus, commixti in se invicem agunt. Unde utriusque *Aculei* retunduntur, haud secus, quam si unius *fal-licis* acies, alterius acuitati affricetur.

## VI.

*Mercurius in  
notabili quanti-  
tate sumptus  
mortem adfert.*

Si *Mercurii* notabilis quantitas, ore in Corpus immittatur, Animalis vita in discrimen adducitur, imo ipsi non raro interitus inferitur.

Quia cum *Mercurius gravissimum* liquidumque corpus sit, facile

facile in *Venas* se ingerit, & Sanguini immixtus, motum ejus interruptit, aut sistit. Unde qui illum sepe numero tractant, tremuli efficiuntur, & *Paralysi* obnoxii. Quod hujus Metallii pondere, ita Sanguis condensetur, motusque ejus retardetur, ut è Cerebro non sat spirituum suppeditet, quos inde in Nervos immittere queat. Nam cum Mercurii particulae, ob gravitatem suam, mutuo sibi incumbant, Sanguinem condensant, ejusque Agitationem cohibent; Adeò ut, nimis pauci spiritus è Cerebro ad Nervos traducantur, & non nisi facta interruptione, Musculos motibus inservientes insient, ac repleant. Nec alia de Causa, iis, qui è fodinis *Mercurium* educunt, gingivae laxantur, & dentes tremunt, quàm quòd ille, facile ad imam usque radicem permeet, & partium nexum pervertat ac labefactet.

Advertendum tamen est, *Mercurium* virtutem suam potissimum exercere, cum inamenta, seu particulas exiguas dividitur. Quia cum ejus partes plurimum sint penetrabiles, sanguinis massam conturbant, fermentationem excitant, & non raro in *Ventriculi* membranas impingunt. Quo fit, ut *cruentae deflectiones, vomitiones*, quandoque etiam *termina* oriantur. Quia Sanguis, qui perenni circuitu, per corpus devolvitur, tam incommodi hospitis impatiens, cum eum per sudores, aut urinas amandare nequeat, quod exiles nimis sint cutis & renum pori, qui hujusmodi particulas transmittant, per coeliacas arterias detrudit. Hinc *Dysenteria*, vel *Diarrhœa*.

Sulphur partim in aperto Cælo, & ubi Ignis maximè dominatur, prodit: Unde in agro *Senensi*, in *Atoliis* in *Neapoli* *tano* tractu, in quibus subterranei Ignis grassantur, Sulphur valde frequens est, & raro inquisitores fallit.

Hujus ea est Causa, quòd ramosæ Exhalationum particulae, quæ succis acribus, ac metallicis quibusdam particulis admixtæ, Sulphur constituent, vi Caloris subterranei, his in locis agitantur, atque celeriter motæ, sursum feruntur, & ad externam agrorum superficiem ascendunt, ubi in succum pinguem, vel oleagineum concretescentes, Sulphur componunt. Hinc *adeps*, & *Pinguedo*, quæ similiter ex tenuibus, & mollibus partibus constant, loca calida affectant, nec ullibi magis in Corpore Animantis coagulantur, quàm ubi viget Calor, ut circa Cor, & renes, & alias partes, in quibus major vis Caloris sentitur.

VII.

Ut Mercurius in corpore operetur.

VIII.

Cur Sulphur in Senensi agro, in Atoliis, & cæteris frequens est.



titur. Ac proinde sicut *adeps* in corpore Animantis concre-  
scit, ita *Sulphur* formatur, dum pinguiore partes vi Caloris  
expirant, & in Terræ exterioribus concrefcunt, atque in unum  
Corpus abeunt.

## IX.

Quam ob rem  
*Sulphur* facile  
inflammatur.

*Sulphur* maximè inflammabile est : unde Igne admoto,  
*flamman* statim concipit, & undiquaque accenditur.

Quoniam particulis *succorum* acrium constat, quæ tam te-  
nuibus, ac spissis materiæ oleaginæ ramulis sunt involutæ,  
ut permulti Meatus inter istos ramulos, soli primo Elemento  
pateant. Manifestum autem est, partes tenuiores primùm  
commoveri, & ab intercurrente materia arripi.

Tradunt tamen, rubri *Sulphuris* genus in *Carniola* effodi,  
quod nec ardet ut alia sulphura, nec sætet, sed ceræ instar,  
Igne admoto, fluit, & inter laminas ferreas comprimitur.  
Hinc Romani & Græci *adium* Religionem ejus suffimentis ex-  
piabant.

## ARTICULUS TERTIUS.

## De Sale.

## I.

Tres Salis spe-  
cies, & quo-  
modo à se invicem  
distinguan-  
tur.

**V**ARIÆ sunt Salium species, prout è diversis locis fiunt, aut  
generantur. Quidam *Fossilis* est, qui vel cum *Arena*  
educitur, vel è *Rupibus* vi evellitur. Sunt enim multis in  
locis Montes, Salis nativi, in quibus lapicidinarum modo, Sal  
ferro excinditur, & Arborum adinstar repullulat. Non pro-  
cul *Astracano*, montes duo memorantur, tam ingentis molis,  
tantaque Salis copia, ut quamvis singulis diebus viginti mil-  
lia frustra lignonibus, vel rutris excendantur, tamen ne minima  
quidem pars detracta esse videtur, eadem quantitate indies  
concrefcente. *Petrus Petreius in descriptione Russiæ*. Alius est  
*Marinus*, qui ex Mari derivatur, dum Aqua in alveos dedu-  
cta, Solis calore excoquitur. Alius *fontanus*, qui ex salsa fon-  
tana, vel puteali Aqua, Ignis opera extrahitur, & evapora-  
tis tenuibus particulis, ponderosus evadit. Ea sola inter *fos-  
silem*, & alios interjacet differentia, quod prior indilutus sit,  
nullaque exhalatione opus habeat; *Fontanus* verò Sal, & *Ma-  
rinus*,

rius, ita Aquis immisceantur, ut vi externa indigeant, qua separentur, & aliud distinctum Corpus constituent.

Hujus discriminis ratio est, quod Aqua duplicis generis *particulis* constat, *flexilibus*, & *inflexilibus*, quæ licet inter se confundantur, & unum duntaxat Corpus constituent, diversam tamen naturam retinent, nec ita uniuntur, quin Ignis, aut Solis opera, queant separari. Cum igitur *Sal*, ex Aqua in alveis educitur, non id partium Aquæ coagulatione, ut *quidam* autumant, fit; sed earundem secretione, dum *flexiles* nimirum, & minùs rigide in Aërem evaporantur, solis *inflexilibus* in fundo remanentibus, quæ postea inter se junctæ, & transversim adhærentes, *Salis grana* componunt.

Quomodo igitur in quibusdam Montibus, magnæ Salis moles nascantur, & instar lapidum concrecant, ex eo intelligi potest; quòd Aqua marina eò ascendente, ac flexilibus Aquæ dulcis particulis ulterius pergentibus, Sal solum in Cavitatibus, quæ casu ibi fuerunt, remansit, ipsasque implevit.

Si Sal integer, sive in grana compactus, in Ignem mittatur, *crepitat*, & cum fragore exilit; solutus verò, & in particulas divisus, non item; uti nec ille, qui in lacubus, Solis ardore exsiccat, gignitur.

Illud ex Aquæ dulcis *rarefactione*, quæ in granorum medio includitur, provenit. Cum enim Salis partes, quæ grana componunt, confusè duntaxat inter se complicantur, & non intimè se contingant, satis spatii inter suas extremitates relinquunt, ad aliquas *dulcis Aquæ* partes recipiendas, quæ quamdiu non agitantur, conglobatæ ibi remanent: Verùm, ubi vehementi Calore concitantur, sese dilatant, & vim facientes, carceres suos infringunt, & cum crepitu erumpunt. Granorum autem *fragmenta*, sicut & Sal ille, qui in summa lacuum concrevit, non cum strepitu resiliunt, quoniam illorum claustra effracta jam esse supponuntur, & nihil amplius liquoris inter cæteras partes continent, qui Ignis appositus, rarecat & dilatetur. Unde oritur, ut Salis *particula*, lento Igne exsiccatæ, difficulter admodum liquefcunt, quoniam omni Humore carent, nec liquoris aliquid restat, quod earum emollictionem adjuvet, & eo modo eas inlectat, qui ad fluiditatem requiritur.

II.

Quare Sal in Ignem immixtus crepitat, si integer sit, non autem si fractus.

Sal:

III.  
Sal facile in li-  
quorem abit.

Sal commune, *Nitrum*, *Sal Tartari*, & alia hujusmodi deliquium patiuntur. Sal enim Tartari, exempli causa, infra cellam vinariam asservatus, æstivo præsertim tempore, & in lamina inclinata extensus in liquorem pinguem, cui *Olei* nomen Chymici indidere, solvitur.

Is effectus, Aqueis particulis in Aëre, sub vaporum specie volantibus, est assignandus. Quia cum Sal Tartari, valde ponderosus sit, ab aqueis corpusculis, quæ Aëri ambienti insunt, facile penetratur, quæ Salis particulas postmodum commovendo, eas à se mutuò fecernunt.

IV.  
Ut Sal fluidus  
Metalla dissol-  
vit.

Sal fluidus è *Nitro*, *Sale*, *Aumine*, *Vitriolo*, aut aliis fossilibus, per distillationem extractus, omnia pene Metalla exsolvit, eaque in pulverem minutum dividit, & calcinat.

Quia hujus Salis *spicula*, ad modum gladiolorum se habent, quæ agitata, Metallorum poros subeundo, laxant, ac dirimunt. Nam cum insensibiles Salis fluidi particule, continuo agentur, Corporum quæ ingrediuntur, meatus penetrare non possunt, quin illas à se invicem separent, ac dividant.

V.  
An flores à suo  
sale regenerari  
possint.

Passim inter Chymicos jactatur, *Flores* vi Salis, ab eisdem floribus extracti, resuscitari posse, & novam, ut ita dicam, vitam ab illo mutuari.

Et si id cum quadam asseveratione, à nonnullis ingeratur, figmentum tamen esse existimo, & absque fundamento inter Chymicos fuisse receptum. Cum experiamur *Spiritus* à plantis eductos, aliis prorsus viribus pollere, quàm plantas ipsas, è quibus extracti sunt. Uti in *Aceto*, *Aqua Vita*, *Vino*, & similibus, quæ iisdem uvis educi possunt, & tamen diversis adeo viribus prædita, tamque alienum à priore saporem exhibent, ut nihil prorsus commune inter illa reperiat.

VI.  
Unde maris a-  
qua de noctu  
scintillat.

Aqua salsa, dum noctu in mari agitur, lumen emittit & scintillat.

Quia cum Salis particule, rigide sint, & subtilis matetie actione flecti, convolvique nequeant, si in scopulum impingant, Aquæ dulcis partibus, quibus circumcinguntur, sese expediunt, atque ita solæ, & certo intervallo, à se invicem dissitæ, Ignis scintillas producant, non iis absimiles, quæ è Silice percussio emicare solent. Non tamen omnes id præstant, sed illæ duntaxat, quæ punctim, sagittarum ritu feruntur.

Sal Linguae admotus, & saliva humefactus, eam pungit, ac penetrat.

VII.  
Cur Sal lin-  
guam pungat.

Quia Sal ex partibus *teretibus*, & *rigidis* maximè constat, quæ in cuspides erectæ, punctim in Linguae meatus incidunt, & ejus fibras penetrant. Sunt enim Salis particulæ *telorum* instar, quæ vibratæ, Linguae Poros subeunt, & magna vi ejus minutias concutiunt, ac divellunt. Unde qui negant Saporem *falsum* in eo consistere, quòd partes Salis in poros Linguae punctim incidunt, quum eos transversim attingere possint, notare deberent *Acum* non nisi cuspide pungere, nec *gladium* sine acie scindere, reliquis autem suis partibus nullum posse vulnus infigere : Unde quia in qualibet Salis *mica*, permultæ hujusmodi cuspides inveniuntur, non potest magis contingere, ut illa in ore liquecendo, nullas cuspides in Linguae Poros immittat, quàm si quis nudis pedibus supra *spinas* ambularet, & nullam læsionem pateretur.

Carnes ope Salis diu incorruptæ servantur, Temporisque lapsu, duriores evadunt.

VIII.  
Quomodo carnes  
ope Salis à cor-  
ruptione conser-  
vantur.

Hujus Causa ex præcedenti discursu colligi potest, quia Salis partes *punctim* Carnium meatus ingrediendo, non tantum *Humorem* tollunt, liquidasque partes depopulantur, sed ad modum *paxillorum* se habent, inter earum partes defixorum ; ubi immoti, & non cedentes, illas fulciunt, impediuntque, ne aliæ magis *lubrica*, & *plicatiles* immixtæ, illas concutientes loco depellant, & ita Corpus corrumpant, quod componunt. Sal igitur Carnem, cibosque alios à Corruptione servat ac tuetur, duritiæ suæ nimirum ac inflexilitate ; quemadmodum *claviculis* *Asseres* firmiores redduntur, & *gladii rigiditas* vaginam servat ne frangatur.

Sic nimio Salis esu, *puella* quædam *Hollandica*, adeò rigida, siccoque temperamento evalit, ut membra amplius movere non posset. Quippe cum matre, utpote in Culina potissimum versante, degens, Salem furripere, marsupioque asservare solebat, quo liberius postmodum vesceretur. Pari ratione, affirmant nonnulli *Venetos*, ad conciliandam duritiem arboribus, quas ad *Naves* suas ædificandas deputant, eas adhuc virides in Aquam immergere, atque per plurimos annos ibi asservare : quoniam ea ratione, Sal *Alcali* impeditur, ne exhalet, redditurque eo pacto, lignum durius, & minus corruptioni obnoxium.

IX.  
Duritiem corpo-  
ribus Sal conciliat.

G g

Sal

X.  
Sal Terræ ferti-  
litem, & obe-  
fis mulieribus  
fecunditatem  
conciliat.

Sal ad Terræ fertilitatem conducit, & Agris sterilitatem expugnat. Hinc ejus aspersu, agri feraces efficiuntur, & fructum adferunt. *Obesa* quoque mulieres, & quæ magna ex parte effictæ sunt, moderato illius in condimentis usu, secundæ fiunt, & Conceptui idoneæ.

Ratio est, quod Sal Agrorum meatus penetrando, noxium Humorem exugit, ubi plus satis palustres sunt, & nimia uligine referti. Exsiccandi enim vim Sal habet, & Humorem è Corporibus auiovendi, ut dictum est; unde si *obese Mulieres*, moderato illius usu sterilitatem deponunt, & secundæ fiunt, id ex eo potissimum oritur, quod Sal omnem uliginem abstergat, vulvamque plus satis udam, ac madidam exsiccet, ac demum efficiat, ut *genitale semen* facilius utero, minus lubrico, adhærescat. Non mulieribus modo, sed & ipsis viris lumbos incitat, & acrimonia per eos transfusa, Tentiginem movet. Salem autem fecunditati auxiliari, vel illud argumento est, quod immensa vis *Murium*, *Soricumque* in marinis navibus enasci soleat, & quod Mulieres *salinaria* continenter pruriant, multarumque prolium sint feraces. Sic frequens marinorum piscium esus, omniaque testacea, *Ostrea*, *Gammari*, *Locuste*, *Cancræ*, *cochlea*, *Conchaque Marina*, libidinem concitant, caliditatis mordacisq; naturæ ratione. Ita *Lemnius* de occultis naturæ miraculis, libro secundo.

XI.  
Granum Salis  
oleo admixtum  
impedit, ne tam  
cito lampas con-  
sumatur.

Unum aut alterum Salis *granum* oleo, quo lampas ardens nutritur, impositum, ejus evaporationem tantillum sistit, impeditque ne tam citò consumatur.

Quia Sal lampadis Calore concussus, dilatatur, & adstringentes quasdam particulas subministrat, quæ in *elychnium* immixtæ, *Oleum* in transitu detinent, impediuntque, ne tam citò sursum feratur, & avolet.

## ARTICULUS QUARTUS.

### De Auro.

I.  
Cur Aurum ab  
igne consumi ne-  
quit.

Aurum Ignis vehementia fufum, & quam proximè ad ejus Ardorem accedens, non minuitur, aut quicquam sui ponderis,

ponderis, aut molis amittit. Hinc commune Chymicorum effatum, *Aurum ab Igne destrui non potest*, cum post multa secula fornaci immisum, nullam sensibilem jacturam patiatur.

Quoniam Aurum adco tenuibus particulis constat, tamque intimo nexu firmatis, ut à se invicem dirimi nequeant. Nam licet Aurum, sicut & cætera alia Corpora, Poros habeat, quos Subtilissima Materia intercurrat; non tamen *Secundi Elementi* globulos admittit; quo fit, ut maximè solidum sit, & magnam materiæ crassioris quantitatem, sub parva mole ac superficie contineat. Arcta autem partium connectio, meatuumque paucitas, Corpus *solidum* reddit, & vi externa indissolubile efficit.

Aurum maximè dividi dilatarique potest, utpote cujus *unctia*, ut loquitur Plinius, in septingenas & quinquagenas pluresque bracteas, quaternum utrobique digitorum spargantur. Imo referunt alii, unicam *Auri* unciam, in bracteas diductam, decem Terræ jugera cooperire posse.

H.  
Unde oritur ductilitas Auri.

Tantæ ductilitatis ratio, partium ejus *mollitiei*, singularique earum plexui tribuenda est; efficit enim mollities, ut Partes citra separationem cedant, & quæ antehac compactæ erant, in longum protrahantur. Ut in *Argilla*, & *pingui terra* experimur, quæ laxius ob mollitiem extenduntur, & aliam superficiem, decrecente profunditate acquirunt. Denlitas enim compactioque partes suppeditat, quæ cum in profunditate minuantur, in latitudinem excrescunt. Sic ostendunt *Geometra* dari posse figuras paris capacitatis, quas græco vocabulo *Iso-perimetros* appellant, quæ inæqualis tamen sint ambitus: adeo ut inter æque-capaces, quanto unaquæque à forma *sphærica* recedit, tanto majorem acquirat ambitum, non aucta tamen capacitate, sed secundum longitudinem duntaxat, aut latitudinem divisa, cum antea veluti circa commune punctum esset aggregata.

Accedit quoque peculiaris partium Auri *nexus*, qui divisionem refugit, nec patitur illas à se mutuo separari. Unde quantumvis *malleo*, aut alio quovis modo, Aurum attenuetur, Partium suarum nexum adhuc retinet, & quamvis decimum exiguos aliquos Meatus admittat, ita tamen illi impli-

III.  
Partium Auri connexus confert ad ejus divisionem.

G g 2

cantur,

cantur, fiuntque pervii, ut liquoris particulæ quoquoeversum discurrere possint.

## IV.

*Aurum in Ignem conjeclum non minuitur.*

Ab hoc eodem partium nexu provenit ut dictum est, quod *Aurum* nihil sui per Ignis æstum amittat : quia licet ejus particulæ vi caloris agitatæ, corpus *liquidum* fluidumque component, nullæ tamen ita sejungi separarique ab aliis possunt, ut ab Igne arripiantur, & in auram evolent. Modo Aurum purum, seu *Ohrizum* sit, cujusmodi illud est, quod per ramenta in *Hebro* Thraciæ, *Pactolo* Lydiæ, *Tago* Hispaniæ, *Pado* Italiæ fluminibus defertur. Cum quicquid ex eo egeritur, ipsi heterogeneum sit, & diversæ ab eo naturæ.

## V.

*Calefactum Aurum cæteris Metallis acrius urit.*

Aurum fufum, aut alio modo calefactum, cæteris Metallis acrius urit, Caloremque diutius conservat.

Id ex ejus partium *Cohæfione* provenit, quæ cum pingues sunt, & arctè inter se complicantur, ingestum Ignem diu foveant, & circumvicina Corpora vehementius urunt. Quippe cum ejus Meatus valde exigui sint, & soli Materiæ Primi Elementi pateant, partes Ignis ita implicantur, ut quamvis celerimè moveantur, non tamen nisi longo Tempore elabi queant : quo fit, ut Aurum illas intra se retinendo, majorem Calorem exerat, & admotam *manum*, aliæve ustilia Corpora citius corripit.

## VI.

*Quomodo Aurum Aqua Regia dissolvitur.*

Aqua forti, (cui Regia nomen inditum est) ex *Nitro* & *Vitriolo* confecta, Aurum dissolvitur, non verò si eidem Aquæ (ut præparari solet æquis *Nitri* & *Vitrioli* partibus, pars octava ponderis ex Sale communi, aut quarta pars *Ammoniaci* adhibeatur) quoniam tunc, solum Plumbum & Argentum exsolvit.

Id ex varia horum Metallorum contextura oritur : *Argentum* enim ita Meatus habet dispositos, ut *Nitri* & *Vitrioli* particulæ, faciliè cos subeant, si solæ sint, & Sali non admisceantur. Quoniam inter ipsa *Analogia* quædam est, & in partibus figurarum similitudo. In *Auro* autem, talis analogia abest, imo ita ejus Pori disponuntur, ut nullo modo *Vitrioli* & *Nitri* particulas admittere queant. Salis enim particulæ, *Vitrioli* & *Nitro* admixtæ, corpusculorum ordinem invertunt, & nimis rigidas efficiunt, ut Auri meatus amplius ingredi queant. Inde alia ejusdem generis fortis Aqua adhiberi solet, ex *chalcanto*, *Alumine*, & *halinitro* confecta, ad Aurum ab Ar-

gento.

gento separandum. Quoniam particulæ, quæ in hujusmodi Aquis insunt, plexum illum dirimunt, quo *Auri particula*, cum *Argenti particulis* commiscantur. Adcò ut, dubium esse non possit, quin diversi generis corpuscula, in talibus Aquis reperiuntur, quorum aliqua cum *Argenti* particulis convenient, dissident autem cum *Auri* particulis: alia cum *Auri* particulis consentiant, & cum *Argenti* particulis differant, & discriminentur.

Aurum in pulverem redactum, si incendatur, ingentem strepitum producit, adeò ut, *fulminis* adinstar, omnia supposita penetret, ac perrumpat. Hinc *fulgurans Aurum* passim appellatur.

VII.

*Aurum fulgurans si accendatur, magnum strepitum edit.*

Illud mirum non videbitur, si quomodò is pulvis præparetur, attendamus. Aurum enim primo ab *Aqua forti*, seu Regia dissolvitur, deinde *oleo Tartari* infuso præcipitatur, convertiturque in pulverem, qui exsiccatus, non apposito Igne duntaxat, sed & levi Calore agitur, & in *flammam* cum vehementi fragore abit: quoniam omnibus pulveris granulis, uno momento, in *flammam* conversis; vis illa Ignis circumvicinorum Corporum meatus laxat, & partium plexum solvit, ut avolanti Auro viam faciat, quòd tam celeriter eiumpit, ut *Tonitru* fragorem imitetur, & *fulguris* imaginem referat.

Unde falso à quibusdam existimatur, Fulminans Aurum, *deorsum* duntaxat impetere, & vi sua tabulata crassiora perforare; superposita autem nequaquam agitare: Cum quilibet contrarium experiri possit. Nam duo hujus pulveris *grana*, cochleari argenteo apponantur, thalero contexta, videre licebit, lucerna cochleari subdita, non foveam duntaxat in cochlearis fundo impressam, sed & ipsum nummum sursum explodi, & ad tectum cum impetu ferri. Quod argumento est, hujus pulveris vim in orbem diffundi, & non solum *deorsum* impetere.

VIII.

*Aurum fulminans tam sursum quam deorsum impetit.*

Aurum multis Corporis Morbis auxiliatur. Nam qui ex *Veneræ* sædoque contactu, labem conceperunt, ac contagione Inguinum infecti sunt, ejus usu manifestè sublevantur. *Elephantiasim* quoque, quæ vulgaris lepra censetur, expurgat, aut saltem mitigat. *Dentes* labantes, ac minùs stabiles firmat, omniæque oris ulcera ac pustulas compescit; virus eluit, atque eruptiones exsiccat. *Lemnius de occultis naturæ miraculis, libro tertio.*

IX.

*Aurum multis morbis succurrit.*

Sed



Sed *Lemnio*, uti nec aliis quibusdam *Medicis*, hac in re, non assentiri possum, qui existimem *Aurum* nullo modo Infirmis prodesse, ni prius resolvatur, & in *Ægrotorum* Corporibus digeratur. Quippe *medicamenti* vis in eo consistit, quod particule, in quas *Medicamentum* resolvitur, Corpori se influunt, & Humores noxios expellant, aut affecta membra expresso succo foveant, ac corroborent. At, quomodo id fiet, si *Aurum* semper *integrum* manet, & nihil sui unquam amittat? quomodo medebitur, si nullas partes suppeditat, & semper inviolatum per Corpus deferatur? Annon cotidie experiuntur *Medici* bracteolas illas, quibus *pillulas* suas pharmacopœi contegunt, per Ventriculum, & viscera, intacta transire, & cum fecibus emitti? Illæ nihilominus tenuissimæ sunt, & quæ facile detererentur, si Calore naturali minui possent, & digeri.

X.

An datur Aurum potabile.

Non est quod *Potabile Aurum* suum *Medici* obtrudant, id enim merum commentum est, & à Circulatoribus duntaxat jactatum, ad pecunias lucrandas. Sed dato, id Naturæ viribus effici posse, nullum in Medicina usum haberet, quum inter *potabile* illud *Aurum*, & *solidum*, nihil præter concretionem & fusionem intercederet.

XI.

Aurum potabile si daretur, in-utile foret.

Si regeras, Aquis *fortibus*, & Salibus resolvi *Aurum* posse, quod medica vi polleat. Id non inficior, sed assero solum insalubre illud esse, & sanitati ob hujusmodi Aquarum misturam, officere. Neque juvat, quod multi *Medici*, *laminas*, *Aurique* segmenta, carnibus elixis admisceri jubeant, ad vires spiritusque vitales erigendos; Id faciunt, non quod illud aliquando *Aurum* præstitisse didicerint, sed quoniam ita inter illos receptum est, & talis vis nobilissimo Metallo, consensu concessa est. Nam cum in *elixis* illas carnes, nihil *Auri* traducatur, & ejus substantia semper integra maneat, non videtur quomodo rei medicæ utile esse possit, sed potius inter eas potiones numerandum, quæ sumptæ, neque offendunt, neque juvant.

XII.

An plumbum aut ferrum possit in Aurum converti.

Liquore, à certis quibusdam Chymicis preparato, potest plumbum, imo & ipsum ferrum, in *Aurum* commutari; ut testatur celebris ille clavus in magni *Heiruria* Ducis cimeliarchia asservatus, in ea parte in *Aurum* conversus, qua à *Germano* quodam Chymista, in liquorem sibi notum immersus est.

Quan-

Quamquam facile credant, quicumque Clavum istum intuentur, illius partem, verum esse Aurum, nec alio pacto, quam ex unius Metalli conversione, in aliud potuisse contingere: Haud agrè tamen *Ottom Tachenio* assentior, adducorque ut credam, id factum fuisse, non vera Auri generatione: sed Aureæ potius partis, alteri ferreæ, debite præparatæ appositione. Nam postquam callidus Artifex apprimè, & citra connexionis suspensionem, Auri partem, cum altera ferrea adaptavit, ita ferri colorem Auro impertiit, ut totus clavus à spectantibus ferreus existimaretur: ubi vero Igni impositus est, & postmodum in oleo, ad tollendum superinjectum colorem, aliquamdiu detentus, pars illa verum Aurum apparuit, quod antea occultabatur.

## ARTICULUS QUINTUS.

### De Argento & Stanno.

**A**rgentum Igni summopere resistit, & malleo contusum, in laminas etiam valde tenues ducitur. Diversi tamen ab Auro coloris est, utpote quod candescat, & Luminis radios inviolatos ad oculum remittit. Mirari tamen subit, quod corpus album nigrorem inducat, & atras lineas post se in Charta relinquat.

Argentum, Candorem à partium suarum duritie mutuatur, quæ admissum Lumen totum reflectunt, & eadem, qua receperunt actione, remittunt. Argenti enim particulæ nullam in radios mutationem inducunt, & quamvis ex iis nonnullæ asperæ esse concipiantur, radios tamen quaquaversum repercutiunt, & sine ulla detorsione, ad oculos remittunt. Non tamen constans est huic Metallo color, quippe si lævigeretur, & partium ejus Inæqualitas complanetur, Candorem suum amittit, & splendorem quandam adipiscitur; eo quod albicantes ejus particulæ, acceptum Lumen versùs unam partem rejiciunt, quo fit, ut aliæ plagæ nigrescant, quoniam ob talem Luminis impulsus obfuscantur, impediunturque, ne acceptos radios ad oculum reflectant. Candorem igitur Argentum conservat,

**I.**  
Quomodo Argentum album est, & tamen lineas nigras in charta describit.

servat, quamdiu Lumen in omnibus tractibus recipit, & illud omni ex parte ad organum reverberat. Talis autem *Albedo* non obest, quin *Argentum* in *Charta* ductum lineas subnigras efformet, quia tali affricu, exiguae *Argenti* partes deterruntur, quæ cum tenues sint & asperæ, *Nigrum* Colorem facile inducunt. Nonnihil tamen pristini splendoris retinent, quoniam majores aliquæ particulae eminent, quæ priorem contexturam servantes, eodem modo, quo antè radios repercutiunt.

## II.

*Argentum acutius sonum edit, quam Aurum.*

*Argentum* acutissimum sonum edit, & malleo, aliòve modo percussum, vehementius quàm *Aurum* Aures flagellat.

Quia *Argentum* ad modum *Arcus* tenditur, cujus partes compressæ, illico revertuntur, & ad priorem statum se restitunt. Constat enim *Testudinis fides* eo acutius sonare; quo magis tenduntur, quoniam tunc celerius moventur, sive celerius progrediuntur & recurrunt. *Aurum* verò cum mollius sit, paucioresque poros habeat, facilius percussioni cedit, & tardiùs vicinum Aërem suo tremore commovet. Tremuli autem Aëris celeritas Sonum acutum efficit, & ejusdem tarditas gravem. Ea ratione Loquela, aut Cantus, majorem strepitum creat, quàm Venti, qui cum vehementia flant, quoniam Aër laringem feriens, ad Cantum efficiendum, multo celerius quàm Venti agitur. *Argentum* igitur acutius sonum emittit, quoniam tensæ ejus partes, celerius Aërem impellunt, & majorem tremorem ipsi impertiuntur.

## III.

*Argentum sulphure injecto in pulverem redigitur.*

Liquatum *Argentum sulphuris* injectione, in *Calcem* abit, & in pulverem minutissimum redigitur.

Fit hæc mutatio, dum *Sulphur* Igne concepto, *Argenti* poros subit, & ipsi admiscetur, quoniam tunc tenuiores quasdam ejus particulas frangit, aut à cæteris expellit, crassiori interim, & pene tota ejus Substantia, intra post unctionem remanente. Quippe nihil aliud apud *Chymicos* est, corpus in *Calcem* converti, quàm subtiliori ejus portione avolante, reliquam quasi intactam manere. Inter *Generes* enim & *Calcem*, ea interest differentia, quòd *Cineres* sint eorum Corporum reliquæ, quorum magna pars Igne consumpta est: *Calx* vero, sit eorum, quæ ferè tota post absolutam unctionem, supersunt.

Stannum, quod *Chymici* tanquam *medium* inter Argentum, & Plumbum considerant, suas ab utroque distinctas proprietates habet, quippe illitum Vas, contra Ignis impetum tuetur, impeditque, ne tam citò lique scat.

IV.  
Stannum illitum vas ab Igne defendit.

Id ex eo provenit, quòd Stannum, quod multo *Mercurio* constat, facile vasorum poros, & cavitates obstruit, obstatque; ne Ignis eas subeundo, partes quibus intersunt, agiter, & à vicinis suis divellat, aut separet. Unde passim Stannum Metallorum *defensor* à *Chymicis* appellatur, quòd illa ab Igne intacta tueatur, & vim ejus maximè arceat. Quoniam in eorum meatibus intrusum, veluti radices ibi agit, nec nisi summo Calore inde deturbatur. Cum hac tamen cautela, ne Stannum à Ferro candenti tangatur, quia tunc introductis per majores poros Ignis particulis, statim liquefcit, & ejus partes ab invicem sejunguntur. Distantia etiam exigua interposita, Calorem intensissimum fert, nec patitur se, ob datam rationem, ab Igne subigi.

Stannum inter omnia Metalla levissimum est, calcinatum tamen, altero non calcinato, est gravius.

V.  
Cur Stannum calcinatum sit altero non calcinato gravius.

Stanni levitas, non à minori *Humoris* quantitate, qua forte *Argento* & *Aeri* cedit, sumitur, ut quidam autumant; sed præcisè à *Pororum*, quibus constat, magnitudine. Nam cum Stannum, non Corpus simplex sit, sed multas heterogeneas partes includat, quæ inter se convenire non possunt; necessarium est, ut inter illas lata quædam Intervalla relinquantur, quæ à Materia Subtili replentur. A multitudine autem, vel magnitudine vacuitatum, Corporum *levitas* provenit. Unde Metallum unum non dicitur altero levius, nisi quia in eo plures, aut majores *pori* sunt, qui eorum partes separant, & eas inter se arctius conjungi prohibent. Quòd autem Stannum *Calcinatum*, gravius non *Calcinato* evadat, mirum videtur, cum in aliis Corporibus contrarium experiamur. *Crudus* enim *panis*, sive non coctus, gravior est cocto; & lapis calcinatus alterum non calcinatum levitate excedit: sed quia id Stanno peculiare esse æstimatur, dici oportet inter duas Stanni moles æquales, quarum una calcinata sit, & non altera; calcinatam ponderosiores esse, quoniam majores illi meatus, qui in non calcinato erant, per Calcinationem contrahuntur, & angustiores fiunt; quod sufficit ad reddendum Stannum *ponderosius*, & solidius.

H h

Glaas

## VI.

*Glans flamma  
majus damnum  
Corpori adfert,  
quàm plumbea.*

Glans ex Stanno confecta, Bombarda aut sclopo emissâ, majori incommodo corpus afficit, magisque noxium vulnus infert, quàm plumbea, etiam si illam mole ac figurâ adæquet, & pulveris nitrati eadem quantitate Bombarda oneretur.

Ratio est, quòd partes Stanni exteriores inæqualiter promineant, & nonnullæ veluti quædam *spicula* erigantur. Unde per Carnem transeundo, delicates fibras abrumpunt, & stragem in eis excitant. Vel dici potest, tenuissima illaamenta, quæ *glans* in Carne lacerata relinquit, vim inficiendi habere, & eam suo contactu corrumpere: Ut manifestum sit in *caninis* & *viperinis* dentibus, qui contagium in facto vulnere spargunt, & noxam, ac perniciem brevi tempore per totum Corpus inferunt.

## ARTICULUS SEXTUS.

## De Plumbo &amp; Hære.

## I.

*Cur Plumbum  
facile liquefcit.*

**P**lumbum manu contactum, facile flectitur, & duri Corporis impetui cedit. Hinc Igne appositum, non tantum facile, sed etiam citò liquefcit, & fluidum efficitur.

Id ex infirma partium ejus adhæfione oritur, plumbum enim ex iis particulis conflatur, quarum unæ non difficilius quam aliæ, à vicinis sejunguntur, ac proinde Igne appposito, ejus particulæ non solum in aliquo motu constituuntur, sed etiam quantum ad situm separantur. Mollia enim Corpora à *Duris*, quibus aliquo modo opponuntur, discrepant, quòd Durosum partes mutuo contactu se contingant, & juxta se invicem quiescant; partes verò *fluidorum*, quorum naturam Mollia participant, motibus à se diversis agitantur, & circa sua Centra volvuntur. Liquefcit igitur Plumbum, dum Igne poros ejus subeunte, partes ejus solvuntur, & positionem suam variant. Hinc credidère Nonnulli, *pilam plumbeam*, motu celerissimo liquari posse, quòd ejus particulæ intestino motu concutiantur, & non nisi debili nexu sibi adhæreant. Sed id effici solo motu posse non arbitror, quum videam glandes plumbeas Bombarda emissas, celerrimè deferri, & eorum motum, lon-

gè

gè eum, quem arcus imprimit, excedere, non tamen ea agitatione illas liquari, & in termino defluere.

Plumbum refrigerandi vim habet, & Calorem noxium in Corpore mitigandi: Imo quidam deploratam sanitatem, ad mota Plumbi lamina restituere, ut de quodam Musico fertur, qui vocem conservandi gratia, pectori laminam plumbeam casu adhibuerat, gravem morbum depulit, & ignoto remedio saluti suæ consuluit.

Plumbum enim refrigerat, quoniam illius partes valde remissè agitantur, & unæ aliis impositæ, tantùm non quiescunt. Non enim frigus in omnimoda quiete consistit, sed sufficit si Corporum particulæ tardius moveantur, & organum tactorium magis solito ea tarditate afficiatur. Quippe Corpus vehementer concussum, facilius frigus percipit, & ejus rigore acrius exacerbatur. Plumbi igitur lamina æstuans Corpus refrigerat, quoniam particularum ejus motus imminuit, & Calorem noxium, qui in motu consistit, mitigat ac compescit. Hinc lamina Venercorum subternuntur lumbis, si quando propter crebras Veneris exercitationes, somnis vexati, semen emittunt. Talibus Calvus Orator cohibuit libidinem, ut vires Corporis studiorum custodiret labori. Plinius. Nec minor est apud Medicos plumbi usus, ad Vulnera siccanda, Humoremque superfluum sistendum, quoniam meatus sua frigiditate ostruendo, Humori viam intercludit, impeditque ne ulterius subeat.

Plumbum in vase liquatum, si baculo flagelletur, & continua agitatione pulsètur, disjungitur, & in pulverem minutissimum evadit.

Quoniam vehementi illo motu, partes plumbi tenuiores ac lubricæ, quæ crassiores conjungebant, avolant, & in Aère exhalantur; ut in Aqua ferventi experimur, quæ agitata turbidiorum fumam emittit, quoddam disjunctis per inhaerentem Calorem particulis, earum nonnullæ abeant, & per Aërem ferantur. Igitur sibi relicte pinguiore Plumbi particulæ, ad se invicem accedunt, & firmius quam antè copulantur. Ad eum ferè modum, quo continuo Cremoris concussu, pinguiore ejus particulæ in Butyrum coeunt, & in corpuscula concreseunt, à fero, cui immiscentur, distincta.

II.

Plumbum quibusdam morbis succurrit.

III.

Plumbum liquidum Baculo agitatam in pulverem redigitur.

## IV.

Cut *Æs diffi-*  
*culter lique-*  
*at, ni prius*  
*igne ac-*  
*cendatur.*

*Æs* inter dura Metalla numeratur, quod ob arctiorem partium plexum, diu Igni resistit, nec liquatur, ni prius accendatur, & tantum Luminis diffundat, ut in fornace, *Astri* cuiusdam speciem referat.

Id *Æri* à primo Elemento contingit; quod ita ejus angustias includitur, ut partes insensibiles ei innatent, & ad eò impetuose inter se, ab illo impelluntur, & circa Centra sua gyantur, ut nervum *opticum* eminus, & *Tactorios* nervos cominus moveant. Non tamen ita fufum liquorem patitur; Quippe si ei Aqua, aut aliud Corpus humidum immergatur, subito ingens strepitus oritur, & *Æs* ipsum è vase exilit. Quoniam Aqua, quæ ipso est ponderosior, facile ejus poros ingreditur, in quibus ob intensum Calorem dilatatur, & illic ob loci parvitatem, continere se non valens, cum impetu erumpit, & circumambientes *Æris* particulas secum defert, & dispergit. Non modo valdè dissimili, quo *pulvis pyrius*, lapillis undique contextus, Igne admoto, cum explosione erumpit, & circumpositos lapillos excutit & dissipat.

## V.

Unde *Æs* facili  
lè *aruginem*  
contrahit.

*Æs aruginem* facile contrahit; unde à quibusdam ærugo, propria *Æri* rubigo dicta est, quod ipsi adnascatur, & illud quadam fuligine contegat.

Ærugo ab *Exhalationibus*, & partibus *sulphureis* provenit, quæ ex *Æris* ramentis efflorescunt, & ejus pororum officia obstruunt. Originem suam ab *Aëris* humore, qui *Æris* partibus inseritur, habet, qui à Materia Subtili agitato, foras erumpit, & in ejus superficie retentus, concrefcit. Quemadmodum videmus marcorem in *Carne*, *Corio*, *Pane*, & aliis concrefcere, si in loco humido reponantur, & nonnihil Salis ipsis apponatur, quia Sal earum meatus laxat, & spiritibus *sulphureis* viam patientiorem reddit. Hinc *Cuprum tersum*, & nulla asperitate obductum, facilius *aruginem* induit, quàm *scabrum*, & cui partes aliquæ eminent; quia *Terso* meatus apertiores insunt, quibus se facilius humida aura ingerit, & admovetur.

ARTICULUS SEPTIMUS.

De Ferro.

**F**erro durities maximè competit, quum eo nullum Metallum difficiliùs fundatur, nec intentiori Igne opus est, ut lique scat. Nihilominus *fornaci* immis sum, mole extenditur, majorémque quantitatem acquirit. Accipiat aliquis *laminam ferream*, quæ baculum ligneum adæquet, deinde Ferrum in Ignem injiciat, donec penitus incandescat, experietur, postquam illud extraxerit, longius evasisse, & majorem quàm antea locum occupare.

I.  
Quomodo Ferrum quod durum est, in Igne extensionem acquirit.

Ratio est, quòd Ignis in Ferri *meatus* introductus, eos laxat, & ad majus spatium protendit; cùm enim Corporum penetratio repugnet, & duæ extensæ materiæ in eodem loco reponi non possint, necessum est Ferrum, ignis introductione dilatari, & novam quantitatem acquirere.

Ferrum *Aceto* & *Alumine* illitum, sit Æri simile. Smolnicii (oppidum est montis Carpathi) ex puteo extrahitur Aqua, & in locatos triplici ordine infunditur Canales, in quibus Ferri portiones in Æs vertuntur. *Agricola de Metallis.*

II.  
Ferrum ali-quando in Æs commutatur.

Contingit hæc transmutatio, non prioris *formæ* jactura, ut quidam loquuntur, & *Nova* alterius generatione; sed sola partium accessione, dum scilicet Ferri *meatus*, *Aluminis* & *Aceti* particulae subeunt, & ejus partium nexum immutant. Nam cùm *Acetum* ea acrimonia polleat, qua faciliè Ferri poros penetrat, non potest eos ingredi, quin partium ordinem solvat, & aliam dispositionem inducat: Quo fit, ut novus *Color* in Ferro innascatur, & nigredine deposita, *Rubedo* quædam oriatur. Nec parum ad id efficiendum *Alumen* conducit, quod cùm adstringentem vim habeat, eas particulas transfundit, quæ aliis intimè adhæreant, & firmiter implicentur. Ac proinde mirum non est, si immutata partium textura *Ferrum* Æri simile reddatur, & ejus speciem referat.

Si è fornace candens Ferrum forcipe eximatur, & in *Ære* refrigerandum exponatur, non tantam duritiem acquirit, quàm si statim Aquæ injiciatur, & celeriter frige fiat.

III.  
Cur Ferrum durius evadit, si dum candet, in Aquam projiciatur.

Quoniam



Quoniam dum candet Ferrum, meatus ejus maximè patent, & non tantùm primi Elementi materiæ, sed & exiguis terrestribus particulis replentur, quæ Igni innatantes, continuò illos subeunt & egrediuntur. Unde dum Aëri refrigerandum exponitur, illæ eadem Aëris particulæ, suum cursum per illius poros continuantes, efficiunt, ut Pori non nisi paulatim comprimantur, & Ferri partes eandem texturam & plexum, quem in fornace habuerunt, retineant. Ubi verò candens Ferrum, *Aqua* immergitur, non impedit quidem illa, quominus Primum Elementum è Ferri meatibus erumpat, sed quia nihil est, quod illa loca occupare potest, præter Subtilem Materiam, quæ in Aqua existit, cujus particulæ nimis exiguæ sunt, quàm ut Poros illos eo modo, quo antea apertos teneant; sit ut citissimè coarctentur, & eadem opera ad se invicem accedant. Ex quo ejus durities oritur, quæ nihil aliud est, quàm arcta partium compressio, & mutuus earum Contactus.

## IV.

*Ferrugine sistuntur Mulierum menstrua.*

*Ferrugo*, sive contracta Ferri rubigo, *profluvia* mulierum remoratur, imo si potui admisceatur, & propinanda scemina præbeatur, *conceptum* impedit, obstatque ne imprægnetur.

Ratio est, quod *Ferrugo* ex *sulphureis*, *ramosis*, & *angulosis* partibus constat, quæ maximè adstringunt, & orificia illa in quæ inciderint, occludant. Ut in eorum manibus, qui illam contrectant, videre est, quæ difficulter abluuntur, & non nisi longo temporis tractu, pristinum nitorem recuperant. Menstruos igitur Mulierum *effluxus* sistit, quia Venarum orificia, per quæ delabitur Sanguis, occupando obstruit, impeditque ne ulterius tendat. Sic hausta ferrugine, *Conceptio* impeditur, quoniam occlusis Venularum orificiis, adhærere ingestum semen nequit, aut si fortè adhæreat, Succus defectu, qui ad fibrarum propagationem requiritur, illic decedit, & veluti evanidum, citràque omnem effectum deprimitur.

## V.

*Cur chalybs si lentè refrigeretur evadat mollior.*

*Chalybs* qui fusione fit, magnâque Ignis vehementia perficitur, redditur mollior, si denuò Igni admotus & candescens, lentè postea refrigeretur.

Quia dum hoc pacto refrigeratur, ramenta *angulosa* & *confractosa*, quæ ex grumulorum superficiibus, ad interiores eorum partes, vi Caloris protrusa erant, foras se exerunt, & se invicem implicata, tanquam *uncis* quibusdam perexiguos unos grumulos

grumulos aliis annectunt: quo fit, ut ramenta ista, non amplius tam arctè in grumulis suis compacta sint, atque ut grumuli non amplius *immediatè* contactu, sed tanquam *hamis*, vel uncis quibusdam alligati, sibi mutuo adherent; & ideo Chalybs non *admodum* durus, nec rigidus, nec fragilis, sed mollis & flexilis evadit. In quo non differt à Ferro communi, nisi quòd Chalybi iterum candefacto, & deinde celeriter refrigerato, prior durities & rigiditas reddatur, non autem Ferro, saltem tanta.

Ferunt nonnulli, *Lignum* Ferri naturam interdum assumere, si quibusdam stagnis, aut fontibus immergatur. Ut de Stagno illo Hibernico narrat *Maginus*, in quo si *palum* ligneum defigatur, ea pars quæ limum subit, in Ferrum convertitur; alia verò, quæ Aquam contingit, non nisi lapidis formationem adipiscente.

VI.  
Quomodo lignum in quibusdam stagnis in Ferrum vertatur.

Id si verum est, oritur quòd *Lignum* diu in limo sepultum, halitum Metallicum admittat, qui se intra ejus fibras insinuando, paulatim concrefcit, & ejus poros sensim occupat, adeò ut Temporis decursu, aliquam Ferri similitudinem habeat, & ejus duritiem aliquo modo imitetur.

Simili ratione *Ossa* aut *Ligna* lapideam naturam induunt, ubi succo lapidescenti imbuuntur, & saxeam germen in se admittunt. Sic plurima *Ossa Roma, Amsterodami*, aliisque in locis asservantur, quæ in lapides degenerarunt. Sic *Ligna* nuper ad *Aquam-spertam* in Italia, effossa, nihil aliud esse videntur, quam stipitum fragmenta, quæ diu in Terram ejecta pertenuis ex *Sulphure* & *Bitumine* halitus, ita pertudit, ut fissilia propemodum esse desierint. Ita *Cochleæ* terrestres, in lapides abeunt, dum hujusmodi succo interiùs complentur, qui sensim concrefcendo indurefcit. Nam sæpe in Montibus,

VII.  
Ut in lapides, ossa & ligna interdum convertantur.

*Et procul à pelago concha jacere marina.*

Sic intra Cavernam *Guerineam*, folia ex *queren*, *ilice*, *alno*, *nuce*, *populo*, *laxro*, *hedera*, aliisque Arboribus, reperta sunt, in lapides conversa, ab humore scilicet lapidescente intra illorum substantiam subeunte, qui induratus coagulatusque, continentis figuram induit.

## ARTICULUS OCTAVUS.

## De varia Lapidum generatione.

I.  
Unde lapides in  
Provincia orti  
Rhombi figu-  
ram referunt.

**L** Apides qui in *Ariaticensi*, aut *Sparronio* agro in *Provincia* in Gallia nascuntur, seu rubei sint, seu crystallini, *Rhombi* figuram habent; quos cum frigeris, & in frusta partitus fueris, singula Rhombum efficiunt, & in minores semper ac minores Rhomboidas pro ratione divisionis abeunt. *Gassendus.*

Illud dispositioni Materię, ex qua Lapides generantur, tribuendum est, quę cum maximę elaborata est, adeo regulariter distribuitur, ut singulę ejus particulę, in majoribus conformandis compingantur. Supponendum est igitur, in prima ejusmodi *Lapidum* formatione, quasdam succi particulas, vi Caloris in longum fuisse protensas, quibus alię allabentes, eodem modo se jungentes, paulatim exiguas quasdam tabulas contexerunt, mox aliis supervenientibus, quę ipsis transversę adhærerent, factum est, ut Anguli *Talchi* vel *specularis* lapidis speciem referrent. Ut in cujusque Salis formatione deprehenditur, cujus granorum *basis*, ea particularum dispositione, quadrata efficitur. Ac proinde sicut Sal *gemmeum*, quod tessellatam figuram habet, dum in fragmenta abruptitur, in totidem Tessulas compefcitur, ita *Sparronii* Lapides, qui *Rhombi* figura sunt, latera eadem semper retinent, & in exiguis etiam particulis, inviolatam Angulorum formam tuentur.

II.  
Unde vitrei La-  
pides qui in-  
terdum nascun-  
tur.

In Terra, nonnunquam *Vitrei* Lapides gignuntur, qui cæteros non minüs pondere, quàm duritię adæquant, nisi quoddam fragiles sunt, & in partes citius dispefcuntur.

Talium Lapidum origo, in Arenam refunditur, quę Igne vehementissimę fusă, in *massam* primò colliquatur, mox refrigerata, Lapidum *duritiem* adipiscitur. Eo modo, quo Cinerum particulę Igne valido concussę, lævigantur, & sibi ipsis adhærerent, in *Vitrum* abeunt. Sic usu venit, ut post ingentia Terrę incendia, *Vitrei* Lapides ex ea eruantur, qui varias formas, pro locorum diversitate, in quę liquor dilapsus est, referunt. Imo censuit Plinius Vitrum ab accensis Arcnis initium

tium habuisse : *Fama est*, inquit, *appulsa nave Mercatorum nitri, cum sparsi per littus epulas pararent, nec esset cortinis attolendis lapidum occasio, glebas nitri è nave subdidisse : quibus accensis permista arena littoris, translucentes nobilis liquoris fluxisse rivus*, libro trigésimo sexto, capite vigésimo sexto.

Calculi in Corpore Humano generantur, qui uti magnitudine, ita & duritie discrepant. Nam alii *friabiles* sunt, aliqui omnino *duri*, & non nisi ægrè dissolubiles.

Lapideum in *Vesica*, & Calculorum in *Renibus* nascentium, eadem, quæ aliorum, originis est ratio ; cum scilicet meatibus interclusis, Arenarum granula intercipiuntur, & inter se firmiter coherentia, in quoddam arduum Corpus concresecunt. Certum est enim, *Sanguinem* & lotium percolari, exiguæque Terrestrium Corporum ramenta secum devehere, quæ talibus prædita sunt figuris, ut sanguine, aut lotio tardius in Renibus, & Vesica motis, coherentia, Calculum, vel Lapidem componunt. Arenæ enim, quæ in Corpore Humano procreantur, partes *angulosas* habent, quibus facili sibi ipsis implcantur, & in massam abeunt. Unde fit, ut tantum Doloris dum è corpore emittuntur, adferant, quoniam cum urina devolutæ, membranulam suis *Angulis* contingendo, illam exco-  
— riant, & diffingunt.

Hic morbus, à parentibus in liberos, hæreditario quodam jure derivatur ; quia cum fibrarum plexus, maximè percolandis ramentis inserviat, & talis à prima partium Corporis formatione, seu organizatione profisciscatur, hæc à parentibus traducta, morbus in posteros transferri dicitur.

Lapidis cujusdam meminit R. P. *Mersennus*, qui in Aquam dulcem injectus, totus quiescit, in *Aceto* autem, vel spiritu *Vitrioli* movetur, & magis in spiritu Vitrioli, quam in *Aceto*.

Id provenire existimandum est, quod Lapidi isti, plurimi meatus insint, qui istius liquoris partibus viam facili præbeant : sed quorum figura, particulis Aquæ *dulcis* recipiendis Inidonea sit, aut quorumcunque liquorum, qui illum non agitant. *Aceti* autem corpuscula, poros, qui in illo lapide sunt, subeuntia, latentes ibi Aëris, aut Aquæ particulas indè exturbant, quæ se in exitu dilatando, illum erigunt, & agitant, unde sequitur, ut eo versus impelli debeat, quo impellitur.

III.

Quomodo nascuntur Lapides in Corpore Humano.

IV.

Morbus calcularius hæreditarius est.

V.

Lapis quidam, qui in aqua dulci quiescit, movetur autem in Aceto.

## VI.

An lapis prope  
Romam in lig-  
num converta-  
tur.

Memoriæ mandant Historici, quasdam esse prope Romam lapicidas, in quibus lapides, nativa forma relicta, *signeam* induunt, sive in lignum convertuntur.

Sed facilius crediderim, ejusmodi lapides, non veram ligni substantiam assumere, sed externam duntaxat ligni *speciem* referre. Pari ratione, qua venæ lapidum *Novigenti* ad Sequanam, plantarum figuras æmulantur, & certas quasdam Arbores repræsentant.

## VII.

Unde lapis no-  
vum colorem A-  
que immersus  
acquirat.

Quidam lapis, instar *Alabastris* candidus, quem *Oculum Mundi* nonnulli appellavere, Aquæ aliquandiu immerfus, non modo gravior efficitur, sed pellucet, & novum Colorem adipiscitur.

Ratio est, quod ejus meatibus intrusus liquor, latius lumen diffundit, ejusque radios, eo modo, quo Arenæ granula refringit. Dubitari enim non potest, quin lapis ille, corpuscula pellucida habeat, & interceptum poris Aërem, qui liquoris ingressu, amandatur, & candidum colorem lapidi conciliat. Quippe exsiccatus postmodum *lapis*, albo Colore demisso, pristinum recuperat, & perspicuitate orbatur.

## VIII.

Quæ causa La-  
pidum, qui in  
fluminum fun-  
dis gignantur.

Lapides nonnunquam in fluminibus procreantur, imo fundus qui Aquam sustinet, exiguo Tempore, totus in durum Corpus convertitur. Meminit *Patritius*, dum *Avinionæ* studiis incumberet, Corpori ablundo, non raro in minorem *Rhodani* alveum æstivis mensibus descendisse, & fundum, quem antea placidum, mollémq; repererat, ita induruisse, ut totus asperis lapidibus tegeretur.

Provenire id potuit, ex Terræ motu, qui antea circa vallem *Clausam* contigerat. Apertis siquidem Terræ succussu hiatus, magna Arenarum vis erumpere potuit, quæ à *Sorga* fluvio, in minorem *Rhodani* alveum delata, & illic sensim subsidens ac coacervata, pro varia ejus distributione, diversos Lapides composuit. Nec illud verisimilitudine caret, quum illi qui *Rhodanum*, aut *Druentiam* fluvios frequentant, testentur, se in eorum alveis, non raro Equorum *soles*, *clavos*, aliæque hujusmodi *ferramenta* invenisse, circa quæ, ita Arenæ granula confluxere, tantoque ordine sese adaptasse, ut una crusta lapidea circumcingerentur. Quoniam Arenæ ferramentorum occurfu interceptæ, sibi ipsis adhæserunt, & duritiem mutuo contactu contraxerunt.

In

In Camporum superficiebus, Lapides inveniuntur, iis per omnia similes, qui in *fluminibus* concrefcunt : quippe magnitudine, & figura pares sunt, utpote *ovales*, & nonnihil ad sphæricam formam accedentes.

IX.  
Unde oriuntur  
Lapides in ex-  
teriori Terræ  
parte.

Dici potest, hujusmodi Lapides, Aquarum impetu è montibus in subjectos Campos defluxisse, aut è fluminibus aut stagnis, quæ aliquando exundaverunt, fuisse illic asportatos. Constat enim Lapides, qui in *Crantia* campis sparguntur, non illic natos esse, sed ex *Druentia* & *Rhodani* effluviis, qui sedibus olim relictis, per ea loca vagati, limum & Arenam iis efformandis vexere. Nam non omnes, qui illic jacent, Lapides, æquales sunt, sed magnitudine, quamvis non figura, dissentiunt. Qui enim ad medium accedunt, cæteris majores sunt, minuuntur autem, prout ab eo distrahuntur, ac recedunt. Sed minimi sunt illi, qui extremum versùs porriguntur, quoniam *Druentia* & *Rhodano* illic aliquamdiu stagnantibus, plus Arenæ circa medium devolutum est, quàm versùs partes posteriores. Quod ita contigisse argumento est, quòd planities, quæ procul à montibus absunt, hujusmodi Lapidibus destituantur, & nullum eorum extet ullibi vestigium.

In quibusdam locis haud longe *Bristolio* distitis, Testæ, aut conchæ piscium reperiuntur, varii coloris ac formæ; nam quædam Helicis speciem referunt, aliæ alio modo contorquentur: Verùm maximè vero simile est, hujusmodi Testas non è succo aut humore prodiisse : sed potiùs Telluris concussu, aut Aquarum irruptione; vel peregrinæ materiæ intra earum meatus ingressu, quæ sua adhæsione, illis duritiem, & alias Lapidis Affectiones conciliavit.

X.  
Unde proveni-  
unt Conche pro-  
pe Bristolium.

Deprehenduntur Lapides in fontibus nasci, imo eorum fundus ita intumescere, ut notabiliter excreseat. Scaturiginis *Diniae* mentionem facit *Gassendus*, quæ quos præterfluit Canales, *Tophacea* intus crusta obducit.

XI.  
Origo Lapidum  
in fontibus.

Generantur in fontibus Lapides, dum eorum Aquæ, è rupibus, quas permeant, particulas quasdam deterunt : quippe particulas illas talis figuræ esse supponimus, ut facile inter se compingantur, quando in iis locis coeunt, in quibus Aqua viva minùs minùsque, quàm in rupium istarum venis agitata, finit ut in fundum decendant. Talem partium erosionem testa-

tur Aqua illa Romæ, è fonte defluens, quæ Tubum per quem delabitur, ita incrustavit, ut illum *Alabastride* lapide, jamdudum temporis successu, oppleverit. Idem contingit in Crypta prope *Turonas*, in qua, Aqua inter cadendum plerumque lapidescit.

## XII.

*Novi procreantur lapides.*

Unde cum *Peireskio* existimandum est, non omnes lapides à Mundi initio esse formatos : sed plerosque temporis progressu ita fieri, ut singuli propriis feminibus originem suam debeant, configurationem autem, partim ad naturam, partim ad casum referant : Nam cum variis in locis semen lapideum contineatur, ubi id succo aut liquori immixtum fuerit, ipsum lactis instar coagulat, eique specialem formam imprimit.

## ARTICULUS NONUS.

## De Unionibus &amp; Gemmis.

## I.

*Cur eadem sit Gemmis & Unionibus figura.*

Gemmae & Uniones passim Lapides appellantur, sed *pretiosi* addito nomine, quod eos magni Homines faciant, & diligentiori curâ ac labore expiscentur. In hoc *Gemma* cum *Unionibus* conveniunt, quod eandem figuram habeant, & licet variis in locis orti, nunquam dissimilem formam referunt.

Causa est, quod Uniones in *Conchis* politissimis generentur, in quibus tantus nitor inest, ut procreati in earum cavitatibus Lapilli, eandem prorsus politiem exhibeant. Sunt enim *Uniones* in initio, veluti quidam tumores, *verrucarum* adinstar, ex eadem concharum materia orti, qui post aliquod tempus excreti, Lapides evadunt. *Gemma* verò, succorum percolatione generantur, qui cum paucissimi sunt, nec magna eorum copia parari queat, fit, ut unius guttæ effluvio, singularis *gemma* exurgat, & non nisi auctâ materiâ, sive pluribus guttis accedentibus, plures efformentur. Quæ licet fortè inter se magnitudine differant, ob similem tamen in ipsis *Materiæ Subtilis* actionem, uniformi *figura* donantur.

## II.

*Varia in variis lapidibus figura.*

Hinc fit, ut *Crysellus* figuram hexahedricam habeat, *Smaragdus* dodecahedricam : *Adamus* & *Rubinus* octahedricam, & sic

sic de aliis : quia dum coagulantur, instar granorum spicæ intra vaginam, diffunduntur ac multiplicantur, ob specialia scilicet semina, juxta quæ lapides, non minùs constanter quàm *Stirpes & Animalia* suas configurationes sortiuntur. Sic *Jaspis, Porphyrites, & Marmora*, sponte segmentata sunt, & vermiculato emblemate tessellatim variegata. Sic *nux muscata*, intercurfantibus interveniis striata est. Quod ipsum in *Robore*, tum alterius generis lignis assulatim dissectis perspicimus, quæ multiplici venarum decursu, multisque lituris undulata splendescunt.

Lapides pretiosi penè omnes Colore discriminantur : quidam enim *diaphani* sunt, alii tantùm non ad *opacitatem* accedunt ; neque inter perspicuos est convenientia. Nam Carbunculus *purpureo* diluitur, Smaragdus *viridi*, Sapphirus *cerulco*, Hyacinthus *subflavo igneo* ; Amethystus *violacco*, Opalus *vario*, & cætera.

III.  
Unde diversitas colorum in Lapidibus pretiosis.

Lapilli perspicui sunt, cùm Halitus, sive Vapores, qui in succos mutantur, ita in Terræ meatibus colliguntur, ut lubricis ac fluidis eorum particulis exhalatis, ita motuò sensim adhærescunt, ut globuli Secundi Elementi commodè eas perlabi queant, ad Luminis *actionem* transferendam. Illi autem opaci redduntur, dum Halitus in arctis quibusdam Terræ meatibus intercepti, sistuntur, & ita Terræ particulis involvuntur, ut nullis globulis æthereis aditus pateat. Quòd autem quidam Lapilli diversis *Coloribus* diluantur, à varia corpusculorum mistura procedit, quæ diversimodè lumen reflectunt, & variis modis oculos nostros afficiunt. Id ex Aquæ cum Vino mixtione, dilucidè apparet, ubi utriusque Color ita confunditur, ut Aqua Vini *rubedinem* induisse videatur, & Vinum ad Aquæ *pallorem* deflexisse.

Nonnulli Lapides nævos contrahunt, quasdamque maculas exhibent, ut *Achates* & alii.

IV.  
Cui nævi in aliquibus Lapidibus apparent.

Quia succus ex quo formantur, in receptaculis colligitur, ubi tanquam in Matrice deponitur, tantillùmque antequam concresecat, quiescit : unde quicquid impurum est, paulatim in fundum devolvitur, & tanquam *amurca* subsidit. Si verò, priusquam Heterogeneæ partes in unum petiverint, coaguletur, & in massam unam abeat, fit ut Lapilli maculas quasdam induant, aut lineis variis aspergantur. Sic sæpe intra Crystallum,



quid ex illis detractum, id contingit, quòd aliqua pars Succis per rimas inter concrefcendum delapfa, productionis formæ e-vaferit, & imum verfùs propenderit.

Hinc deduci ratio potèft, cur pretiofi lapides, fundum craffum & obfcu-um habeant; quia cùm liquor limpidus, è quo finguntur in Vafe, feu conceptaculo aliquamdiu contineri, ac conquiefcere debeat, quicquid impurum eft, fubfidit, coagulationemque proinde hebetiorem facit, & fundum quadam obfcuritate afficit.

Quare non Cryftallus modò, fed & Adamas, Amethyftus, & fimiles lapides, limpido liquori originem fuam debent. Cæterùm non imaginandum eft, dum coagulantur, totum liquorem in unam maffam concrefcere, fed tunc ipfi lapides diffinduntur, & granorum Spicæ ritu intra vaginam multiplicantur: fic ut pro fpéciali Seminis indole, variam fortiantur figuram. Ut Cryftallus oblongam *Hexahedricam*; Smaragdus *dodecahedricam*; Adamas & Rubinus *Oftahedricam*, quam tam conftanter fubeunt, quam Stirpes & Animalia, configurationis fuæ tenacia funt.

Paffim jactatur quod Adamas indomitæ fit duritiei, adeò ut nec ferro, neque malleis, aut incubus cedat. Imo ejus natura ita effe Ignium victrix, ut in ardentiffimam fornacem injectus, non incalefcit: nihilominus Hircino fanguine teritur, fed non alio, quàm recenti & calido.

Hæc quidem vulgò credita funt, fed quæ falſitatis Experimenta convincunt. Igni enim & Ferro Adamas cedit, & non minùs unius, quàm alterius viribus minuitur. Nam teſte Bodino *Theatri nat. Libro ſecundo*, malleo in ſcobem redigitur, & ferro atteritur *piſtillo*. Ab Igne quoque ſuperatur, & in Calcem flamma diurna redigitur. Neque magis verum eſt, quod de eo ſpargitur, nempe ejus pulverem propinatum *dyſenteriam* gignere, cùm conſlet quofdam Servos, ut furtum tegerent, integros devoraſſe, quos tamen impunè, citràque Valetudinis læſionem egeſſerunt. Imo *drachma* unius pondere, ſub forma ſcobis propinatus, non magis quàm panis obſuiſſe dicitur. *Cardanus libro ſecundo, tract. 5. contrad. 9.*

Vis electrica non eadem ſemper in Adamante conſtat. Obſervavit illuſtriſſimus *Robertus Boyle*, in quodam, ipſius Anulo inſerto, Virtutem ejus mutari, & aliquando vegetiorem, interdum debiliorem fieri.

VIII.  
*Cur lapidum pretioſorum fundi obſcuri ſunt.*

IX.  
*Pretioſi Lapides ſunt ex limpidoliquore.*

X.  
*An Adamas igni non cedat, & fanguine hircino teri poſſit.*

XI.  
*Vis electrica in Adamante mutatur.*

Ratio

Ratio est, quòd licèt Adamas Corpus sit *solidum*, partésque ejus sibi firmiter adhærere videantur, intestinum tamen aliquem motum patiuntur, nec ulla fortè solida adeò dari Corpora, quæ omnis motûs sint expertia. Ac proinde mirum non est, si immutata partium textura, vis Corporum alteretur: Verùm, quòd partes in *Adamante* agitentur, testatur *Coloris* diversitas, quam in eo deprehendisse asserit Vir Clarissimus, qui nonnunquam magis, nonnunquam minùs, cùm affictus est, radiat ac fulget. Quæ mutatio citra motum peragi non potest.

## XII.

Qui Adamas  
tantum fulgo-  
rem emittit.

Adamas inter cæteras gemmas, maximè *fulget*, & acre Lumen versùs oculos emittit.

Quoniam ex succo defæcatissimo concrevit, cujus partes in percolatione ita dividuntur, ut receptos radios undique reverberent aut refringant. Sunt enim lingulæ ejus particulæ veluti tot *specula*, quæ Lumen retorquent, & visum eo modo quo percutiuntur, referiunt. Id etiam tincturæ, cujus maximè capax est, assignari potest, non propter innatam quandam Similitudinem, ut *quidam* fomniant, sed quia talis est partium ejus dispositio ac situs, ut cuncta *Tincturæ* filamina appositè convenient, & meatus ejus omnes occupent; quod ad Radiorum retorisionem, maximè juvare sciunt omnes, qui aliquid de *Optica* sciunt.

## XIII.

Lapides pretiosi  
non semper ean-  
dem faciem præ-  
se ferunt.

*Turcoidis* meminit Clarissimus D. Boyle, qui Colorem mutaret, variisque modis, oculis objiciebatur. Nam cùm, nè Oculis illusio fieret, depingi accuratissimè curasset, varias ejus, diversis temporibus, imagines deprehendit, atque Maculas non eodem loco, sed semper alio & alio mutatas.

Id alia ratione contingere non potest, quàm quòd Solidorum etiam Corporum partes, intestino motu agitentur, & nonnullam *suus* alterationem subeant; Quamvis is motus imperceptibilis sit, & oculos nostros fugiat. Nam quo alio ritu, *lapides*, *saxa*que ipsa, è quibus ædes construuntur, temporis lapsu, indurescunt, cæmentaque compactiora evadunt, ni eorum partes moveantur, & lentà quâdam agitatione, ad se invicem accedant? Imo observavit Vir Doctissimus Nebulam in *Achate* paulatim evasisse, Electricam Virtutem, sive radiantem, in eodem *Adamante*, non semper eandem manere: sed interdum vegetiorem, interdum debiliorem. Quæ omnia

omnia Phænomena motum aliquem, quamvis lentum, in gemmis arguunt, & non omnimodam earum partium firmitatem. Ut antea tetigi.

Corallium, quod sub *Aqua marina* arborefcit, & in truncum ac ramos expanditur, extra Mare eductum, & *Aëri* expofitum, ftatim in lapidem induratur, & priftinam mollitiem amittit. Ut eleganter *Ovidius*, decimo quinto *Metamorph.* defcribit.

XIV.

*Cur Corallium  
fub Aquis molle,  
ftatim Aëri ex-  
pofitum durefcit.*

*Sic & Coralium, quo primum contigit auras,  
Tempore, durefcit, mollis fuit herba fub undis.*

Id fi verum eft, & Poetæ authoritati ftandum, hujus ratio afignari poteft, quòd Corallium fub Aquis marinis delitefcens, multo Sale imbuatur: Unde in Aërem eductum, humore exhalato, folidum redditur, & firmitatem acquirit. *Fluida* enim particulæ Corporum meatibus inclufæ, illos dilatant, aliâsq; ipforum particulas motu fuo concutiunt, quod eorum mollitiem efficit; fed iis evaporatis, aliæ, quæ remanent, arctiùs junguntur, & firmiori vinculo fibi adhærent. Sic teneriores *Plantæ* ob Humoris & Salis copiam, quibus diftenduntur, *fiffiles* priùs fiunt, fed fenefcentes, humore detractò, Aëreque earum poros permeante *indurefcunt*, & frangi fe potiùs quam duci patiuntur. Sic teftatur Petrus Pellepratus, quoddam argillæ viridis genus, haud procul à fluminis Amazonum oftio reperiri, quæ quamdiu fub undis reconditur, mollis eft, ubi verò Aërem attingit, tantam duritiem adipifcitur, ut ex ea fecures priftinis temporibus incolæ confecerint.

Verum cum Corallium minerale effe exiftimem, & pretiofi lapidis genus, faciliùs crediderim, illud ex glutinofò quodam fucco efformari, & vi *Salis*, quo abundat, in lapidem converfum, in fruticis formam affurgere. *Sal* enim plurimum ad Plantarum incrementa confert, efficitque ut in frondes ac ramos expandantur. Id fe expertum teftatur *Signior Paulo Boccone*, qui cum Coralliorum pifcationi adelfet prope *Meffinam* in *Sicilia*, manu in rete injecta, priùsquàm à pifcatoribus, extra Aquam duceretur, illa omninò dura invenit. Sic planta, dum adolefcit, quoniam humore turget, falémque habet maxime diffufum, fiffilis magis, quam fractilis efficitur: Ubi verò fenefcit, & fale compacto exaruit, fractilis magis quàm fiffilis evadit.

XV.

*Corallium non  
mollefceit fub A-  
quis.*

K k

ARTI-

## ARTICULUS DECIMUS.

## De Magnete.

I.  
Cui Magnes  
versus polum  
Borealem diri-  
gatur.

SI Magnes in Aëre tranquillo suspendatur, aut, *hydrargyro* impositus, liberè supernatet, illicò deprehenditur ita moveri, variisque in partes deflecti, donec se ad meridianum componat, & polorum unus in *Boream*, in *Austrum* alter convertatur. Non tamen æqualiter, quasi in *horizontali* situ listatur, sed ea parte, qua *Boream* spectat, infra horizontis planitiem deprimitur, ut quantum poterit, versùs polum Terræ *Borealem* dirigatur.

Hujus conversionis ratio, à *Materia striata* pendet, à qua Magnes vires suas accipit; cujus particulæ ita sunt intortæ, ut quæ è polo *Australi* egrediuntur, polum oppositum scilicet *Borealem* subire nequeant, ac proinde in Magnetis meatus *hydrargyro* innatantis obliquè irruentes, illum ea qua polleat virtute, impellunt ad suum Motum perseverandum secundùm lineas rectas. Quo demum fit, ut Magnes post aliquot hinc & inde agitationes, ad statum naturalem redigatur. Aded ut, secluso impedimento, polus *Australis* Magnetis versùs *Borealem* Terræ polum tendat, & *Borealis* versùs *Austroalem*. Quia materia illa striata, quæ à polo Terræ Boreali per Aërem interjectum ad *Austrum* pergit, prius ab *Australi* Cœli parte, per mediam Terram venit, & illa à *Boreali* venit, quæ ad *Boream* regreditur. Quòd autem Magnes non se in *horizontali* situ contineat, sed versùs *Borealem* polum declinet, id provenit, quòd Nos in *Boreali* parte versemur, & Polus ejus *Borealis* infra *horizontem* propius, quàm *Australis* demergatur.

II.  
Magnete in par-  
tes diviso poli  
ejus mutantur.

Magnete in duas partes per longum *diviso*, poli eorum immutantur, & illa fragmenta quæ ante sectionem jungebantur, eisdemque polos spectabant, se fugiunt & averfantur. Nam si partes A & a sibi mutuo priùs adhærebant, item B & b in extremo opposito, partitione facta, a versùs B convertitur, & b versùs A, aded ut polus *Borealis* unius cum alterius *Boreali*, nec *Australis* cum *Australi* ampliùs conveniant.

Ratio

Ratio est quòd particulæ striatæ *Australes*, quæ per partem *Borealem* unius segmenti egrediuntur, debent in aliud per *Australem* ingredi, & egredi per *Borealem*. Cum igitur particulæ striatæ, quæ ex majori segmento *A b* egrediuntur, *Australes* sint, invertere debent superius *A b*, & ita illud adaptare, ut liberè per *a* ingrediantur, & per *B* exeant. Supponitur enim *A* esse polus *Australis*, per quem *Australes* particulæ subeunt, quæ ab interiori segmento egrediuntur per *b*, quæque proinde in superius per *b* ingredi non possunt, cum sit *Borealis*, & *Borealibus* recipiendis inidoneus.



Magnetis poli, non semper accuratè versùs Terræ polos dirigitur, sed ab iis variè declinant, ut *Gillebrandus Anglus* nuper evulgavit, prolata observatione *Burrusii*; qui exquisita operatione deprehendit anno millesimò quingentesimo octogesimo, declinationem esse *Limhusii* propè *Londinum*, graduum *tredecim*, minutorum triginta quinque. Itémque *Gunteri*, qui anno millesimo sexcentesimo vigesimo secundo, esse solummodò graduum *sex*, minutorum *tredecim*: Ac denique sui ipsius, qui millesimo sexcentesimo trigesimo quarto, deprehenderit esse solum graduum *quatuor*, minutorum duorum. *Gassendus*.

III.  
Que causa declinationis in Magnete.

Hujusmodi decrementa, à Terræ *Inæqualitatibus* proficiuntur. Constat enim quædam loca pluribus ferramentis abundare, quàm alia, nec *Magnetes* per totam Terram æqualiter dispergi; sed plures simul in uno ejus tractu reperiri. Unde fit, ut particulæ *striatæ*, quæ liberius per *Magnetica* corpora, quàm per alia cætera feruntur, à Terra *interiori* erumpentes, majori copia versùs certa quædam loca fluant, quàm versùs alia. Sicque non rarè, ab itineribus suis devient, & versùs illa corpora deflectant, quæ facilius permeant. Quia verò *polorum* Magnetis, aut extremitatum *Acus* conversio, à solo istarum particularum cursu pendet, versùs illam partem dirigere se debet, in qua est major *Materiæ* quantitas, ad illam trahendam idoneæ. Illius rei in *Magnete*, qui alterius figuræ

K k 2

est,

est, quàm *Sphærica*, experimentum haberi potest : quippe si *Acus* exigua, diversis ejus partibus applicetur, non eodem semper prorsus modo, ad ejus *Polos* se convertet, sed sæpè ab ipsis aliquantum declinabit. Mirum igitur videri non debet, si in uno & eodem loco, Magnetis *declinatio* mutetur, & temporis tractu ejus poli non semper accuratè polos terræ respiciant. Quoniam hæc Materia potest, Nobis insciis locum mutare, exempli causa, in Maris fundo, aut in Terræ cavis, vel etiam Ferrum ex unis *Terræ* partibus, in alias ab Hominibus transferri potest, & diversis usibus deputatum corrumpi, & in aliud Corpus degenerare.

## IV.

Non semper magnetica corpora ab Austro in Borream diriguntur.

Hinc apparet, quàm citra rationem, philosophorum aliqui, ostendere conantur Magnetis declinationem, per *Ursæ* minoris deviationem, aut poli *Eclipticæ* à polo Mundi : Cum multa loca reperiantur in quibus declinatio sit ad occasum : Ut passim ad latus orientale Septentrionalis *Americæ*, ad Occidentalem plagam *nove Zembla*, ad Orientalem *Africa*, ad Occidentalem *Goe*. Imo in Azoribus Insulis inter Europam scilicet ad Ortum, & Americam ad Occasum, neutram in partem distrahitur : Uti in Insula *Trinitatis*, in Promontorio *Acchius*, prope Promontorium Bonæ Spei, *Vienna* in Austria, & aliis.

## V.

Minor Declinatio est in magnete supra politum treflo.

A nonnullis asseritur, in Magnete *Sphærico*, supra unum ex polis suis erecto, minorem esse *Declinationem*, quàm dum ejus poli à Terra æqualiter distant.

Id ex eo oriri potest, quòd striatæ particulæ in superiore Telluris nostræ Regione, non modò per lineas ab ejus Centro æquè distantes, ab uno polo ad alium revertuntur ; verùm etiam ubique (si *Æquatore* excipias) quædam ab interioribus ejus partibus ascendunt, & Magnetis supra polos erecti *Conversio* ab his ultimis, *Declinatio* verò à prioribus potissimum dependet.

## VI.

Magnes ferro vim suam communicat.

Magnes virtutem suam Ferro impertit, & ita illud tactu suo immutat, ut eodem quo ille modo, ad Mundi polos dirigatur.

Id fit ob magnam inter utrumque affinitatem : tanta enim est inter illa naturæ similitudo, ut Magnes crudum indigestumque ferrum dici queat : Ferrum autem decoctus Magnes, & pars ejus defæciat. Nam Ferrum è *Magnete* conflatur, ex quo

quo tanquam ex vena eruitur, & defluit. Hinc in *Anglia*, *Italia*, *Germania*, aliisque locis, ubi *Ferrum* effoditur, *Magnes* quoque passim reperitur, & ambo ab eadem matrice pendent. Quomodo autem *Ferrum* *Magnetis* virtute imbuatur, & ei ad motum, propensionem ejus acquirat, fiet manifestum, supposito, *Ferrum* *meatus* particulis striatis recipiendis idoneos habere, nihilque ad vim comparandam deesse, nisi quod exiguae quaedam ramulorum, ex quibus ramenta constant, extremitates, hinc & inde in *Meatibus* istis promineant: quæ omnes versùs unam & eandem partem inflecti debent, in iis *Meatibus*, per quos striata *Materia* ab *Astro* veniens, & in aliis versùs oppositam transire queat. Verùm, *Magnete* appposito, striata *Materia* ab uno *Terræ* polo ad alterum indefinenter commeans, magno robore, magnaue quantitate, ad modum *Torrentis*, in *Ferri* poros irruens, istas ramulorum extremitates eo pacto inflectit: Ac proinde omnia supplet, quæ ad vim *magneticam* obtinendam in eo desiderabantur.

Hinc *Chalybs* aptior redditur ad vim *magneticam* recipiendam, quàm vilis *ferrum*; quoniam plures & perfectiores *meatus* habet, striatis particulis recipiendis idoneos. Imò eam firmiùs servat ac tuctur, quia ramulorum in iis *meatibus* prominentium extremitates, minus flexiles sunt, & difficilius in partem contrariam adigi possunt.


*Magnes armatus A*, plus *ferri B & C* sustinet, quam nudus: Observavit enim *Galileus* frustulum sex unciiis pendens, vix duas uncias inerme sustinere, armatum vero centum sexaginta, atque adeo octuplo plus attrahere, quam inerme, & quidem pondus, suo pondere 25 vicibus majus.

VII.  
Cui armatus  
magnes plus attrahat, quam nudus.

Major illa attrahendi vis oritur, ex eo quod ferrea *magnetis* *Armatura D E*, *Magneticas* partes habeat ab immunditie terrestri, ac heterogenea depuratas, ac proinde ejus pori, cum *meatibus ferri* appensi *B C* aptissimè congruentes, sit ut *particulæ striatæ*, per hos *meatus* ex uno *ferro* in aliud transeuntes, omnem *Aërem* intermedium expellant, efficiantque ut eorum superficies, se invicem immediatè contingentes, difficillimè disjungantur, & ita pondus *B* vel *C* fortius *Laminæ ferreæ*, *D E*, (quam *armaturam* appellant) adhæret & connectitur. Nullo enim glutino duo Corpora melius adinvicem possunt alligari, quam immediato contactu.

Vid. Fig. in pag. seq.

Magnes



## VIII.

*Calcaſtus  
Magnetis vim  
ferrum attra-  
hendi amiſſit.*

Magnetis ſi probè incaleſcat, omni virtute Ferrum attrahendi deſtituitur, imo non ampliùs verſùs Terræ polos dirigitur. Vidimus non ſine magna animi noſtri voluptate, *Magnetem* accenſis Carbonibus cumulatum, cæruleam flammam ſulphuream, & ferream eructare, qua diſſipata, ſimul cum abeuntis Animæ qualitate trahendi beneficium amiſiſſe. *Porta magica naturalis libro ſeptimo.*

Hæc jactura procedit, quòd Igne Magnetis meatibus immiſſo, multæ tenues, ac lubricæ particulæ abigantur, quarum ablatione, novum partium plexus, novæque pororum diſpoſitio oritur. Quemadmodum in *Baculo ligneo* videmus, quod Igni admotum, paulatim incurvatur, & aliam inflexionem ſubit. Quoniam Caloris vi, quædam ejus partes propiùs ad ſe invicem accedunt, aliæ autem ſecernuntur, & aliam affinitatem cum aliis ineunt. Unde fit, ut Igne *Magnetis* ramentorum ſitum invertente, ſtriata materia illam permeare ſolita, laxior

res




res solito meatus inveniens, exiguum, aut penè nullam Virtutem in illis exercent.

Sic lachryma illa *Vitrea*, quæ extremo apice reflecto, in minutissimum pulverem, cum impetu abit, igni sensim admoda, vim *elasticam* amittit. Quia partes, quæ prius tensæ erant, intromisso calore laxantur, & à se invicem paulatim *evolvuntur*; quo fit ut earum ordine immutato, non tam strictè se complectantur, nec amplius adinstar *baculorum* spiris contortorum se habeant, ac proindè debiliùs incasso malleo obluantur, & *elasticam vim* suam amittunt.

Verum si Magnetis polo, à dextra in sinistram, *Ferrum* applicetur, & postmodum motu opposito, à sinistra in dextram; vim priùs acceptam illico amittit, eo quod contrariò illo subtilis Materiæ transcurso, partium, quibus constat Magnes, contextura immutatur, & pori aliter quàm antè efformantur. Quod celerrimè etiam peragi necessum est. E contra in fenestris, quæ *Boreali*, aut *Australi* polo obversantur, sæpè probatum est, quòd virgæ ferreæ, permanentem magneticam virtutem retineant: quoniam striata Materia, ab illis polis proveniens, temporis successu, viam sibi in ferro excavavit, & non nisi lento motu, se insinuavit.

Lamina ferrea, quam antè diximus, Magnetis polo admotam, vim ejus ferri sustinendi augere, vim ferri convertendi impedit. Quippe lamina ferrea D C D, obstat ne magnes A B, cujus polo adjuncta est, acum E F ad se attrahat, aut convertat. Ratio est, quòd particule striatæ è Magnete egredientes, ferrum potius, quàm quodvis aliud corpus ingrediuntur; unde à B versùs E F progredierentur, si lamina magnetis polo non conjungeretur, quoniam vero per ipsam liberius, quam per Aërem fluunt, fit, ut vix ulla ad acum E F perveniant. Et certè præter ferrum, aut magnetem, nullum aliud corpus in laminæ C D substitui potest, à quo magnes A B impediatur, ne vim suam in acum E F exercent. Ut dictum est in *Institutione Philosophiæ*.



IX.

Lachryma Vitrea vim suam elasticam igni apposta amittit.

X.

Magnes mutatus poli, vim suam amittit.

XI.

Lamina ferrea vim magnetis attrahendi impedit.

Passim:

## XII.

*Quid censendum  
de sepulchro Ma-  
hamedii.*

Passim inter Homines jactatur *Mahamedis* Sepulchrum inter duos Magnetes paris roboris suspendi, & ita medium tenere, ut nec solum, nec culmen attingat.

Sed hæc & similia fabulas esse existimo : humanam enim Industriam excedit, ut duo, aut plures Magnetes æqualis prorsus *Virtutis* comparentur, quisque ita adaptentur, ut interjectum ferrum ea sit figura ac temperie, ut non fortius ex una parte, quàm alia alliciatur : cùm exigua differentia in *Magnete*, *Ferro*, aut in ipso etiam loco, æqualitatem illam invertere possit. Nec cum majori Autoritate recipiendum est, quod de *Bellerophontis* Equo, & de Statua in *Serapis* Templo, à nonnullis proditur. Hæc enim commentitiæ Fabulæ prodi-derunt, & nimia in Hominibus omnia credendi *proclivitas*.

---

HISTO-

---

# HISTORIÆ NATURALIS PARS SEXTA.

## De Meteoris.

### ARTICULUS PRIMUS.

#### *De Vaporibus, & Exhalationibus.*

**V**apores copiosiores à Terra assurgere videntur, tempore *hyberno*, quàm *æstate*, dum Sol directius Terram ferit, & acrius stagna fluviôsq; diverberat. Hinc pluviarum vis major decedit, & Aër nebulis, ac etiam nubibus magis oneratur.

I.  
Cur Vapores copiosiores apparent hyeme quàm æstate.

Hæc vulgi est opinio, qui de Naturæ œconomia solis Sensibus judicat, & citrà examen admittit quicquid magis est obvium. Sed contrarium suadet ratio, quum fieri nequeat, ut Sol cujus præsentia, *Exhalationes* & Vapores in Aërem attolluntur, diutius stagnis, & locis *paludosis* æstate incumbat, & non plures Vapores elevet, quàm hybernis mensibus, in quibus non nisi obliquè, & languidè ea exagitat. Deinde, videmus *Aqua* æstivo tempore, solito magis deprimi & notabiliter decrefcere. Quod autem Vapores copiosiores *hyeme* sint, Aëremque largiùs complere videantur, ex eo oritur, quòd Aëre ob Solis absentiam gelido, multum ascendere non possint, sed illicò condensentur, & graves effecti relabantur, & Terram denuò repetant.

L 1

E quibusdam

## II.

Unde plures  
Vapores ex una  
parte Terræ,  
quàm ex alia  
oriuntur.

E quibusdam Terræ locis plures Exhalationes erumpunt, quàm ex aliis; non solum in iis Terrarum tractibus, quos densæ, & opacæ sylvæ operiunt, sed in iis, qui æqualem à Sole Calorem recipiunt.

Id ab Ignibus subterraneis oriri potest, qui inclusum Humorem agitando, illum per varios *ductus* transmittunt. Non enim ambigi potest, quin in multis Terræ partibus, obscuri quidam Ignes lateant, qui exhalabilem materiam ad ascendendum compellant, & divisis ejus partibus, in *Vapores*, aut *Exhalationes* transmutent. Ut videmus cultos *hortos*, aut aratum *solum*, plura emittere effluvia, præsertim si Calore externo foveantur, & illis Sol impensius incumbat.

## III.

Cur Aqua in  
Vaporem versa  
plus spatii exi-  
gat.

Hinc clarè deducitur, quorsum Aqua in *Vaporem* conversa, plurimum loci occupet, quoniam partes è quibus Vapor componitur, ob concitatam earum actionem, in omnes partes celerrimè rotantur, & eadem opera in longitudinem suam porriguntur. Unde oritur, ut illarum singulæ, reliquas sibi similes, irruptionem in parvas sphaerulas, quas describunt, molientes, dimovere atque expellere possint. Modo haud prorsus ab simili, quo Baculo LM, intra quem funiculus NP traductus est cum magna vi circumvoluto, videmus rectum atque expansum funiculum porrigi, eo ipso totum spatium circulo NOPQ contentum occupantem: ita ut aliud Corpus quodcumque ibi locari non queat, quod non cum impetu feriat, & exturbare conetur.



## IV.

Aër rarefactus  
non in Ignem de-  
generat ut placu-  
it Aristoteli.

Sic manifestum evadit, quàm perperam *Aristoteles* crediderit, posse Aërem ita dilatari, atque ad tantam tenuitatem reduci, ut naturam suam immutet, atque Ignis formam adipiscatur; Quippe experimur quòd si piscis, exempli causa, *Lucii* vesicula, aciculâ perforetur, & mox liquore evacuato, ita torqueatur, ut nihil Aëris remaneat, mox ita foramen obferetur, ligaminèque stringatur, ne quicquam postea Aëris subingredi queat. Dein vesicula Tubo vitreo basis ampliata, orèque repando apertæ imponatur, qui ubi porcinâ vesicâ obductus revinctusque hydrargyrum admiserit, *Lucii* vesica in ejus summitate inclusa, cum spectantium stupore, ita explicabitur, circùmque diducetur, quemadmodum à pisce fuerat

fuerat primum educta, quamvis Aer in vesica inclusus, ultra centuplum dilatetur, & à materia subtilis in ea contentæ, actione, plurimum rarefiat.

Halitus, ex hominis ore emissi, frigido præsertim tempore, circa fenestras concrefcunt, & in Aquæ guttas, aut glaciem convertuntur.

V.  
Quomodo Homi-  
nis halitus in  
fenestris concre-  
fcit.

Id fit, quodd Stomachi Calore Vapores expulsi, ad fenestras devehuntur, quas cum ob crassitiem suam prætergredi, & transire non possint; urgente intrinsecus frigore, in Aquam concrefcant; & si contingat auram nimium exasperari, frigusque solito acris sævire, glacies circa fenestram efformatur, quæ prout Vapores paulatim congregantur, & uni aliis incumbunt, varias figuras repræsentant, aut etiam nonnullis florum imaginibus, fenestras adornant.

Effluvia, quæ è Corporibus manant, odore distinguuntur: quædam enim salubres, alia noxias exhalationes emittunt. Ubi rosarum copia est, totus circumvicinus Aer, rosaceo odore perfunditur. E diverso, vitiosus, putredinque obnoxius evadit, si stercore, aut aliud quid fetidum ambiat.

VI.  
Quædam Corpo-  
ra salutaris, a-  
lia noxias Ex-  
halationes emit-  
tunt.

Ratio est, quodd Effluvia illa, quæ per Aerem vagantur, nihil aliud sint, quàm vividæ, ac subtiles Terrestrium Corporum particulæ, quæ Solis Calore concussæ, in altum devehuntur; ad eum modum, quo madefactus pannus, admotus Igni, vapidos halitus emittit. Salubres igitur, noxiæve Exhalationes sunt, prout sana, aut vitiosa sunt illa Corpora, è quibus extrahuntur. Sic Vapores, qui ex sola Terra assurgunt, sicci sunt, quoniam terrea siccaque corpuscula secum deferunt. Qui è Mari verò effluunt, Humorem quendam, frigiditatemque præse ferunt, quia flexiles ac lubricas Aquæ particulas devehunt, quæ simul junctæ liquidum ac gelidum Corpus componunt.

Non mirum igitur à quibusdam videri debet, quod à Domino Digbae, in suo de pulvere sympathico libello, de Urbe Londinensi refertur, quodd Aer, qui illam circumcingit, hybernis præsertim mensibus, totus fuligine, & sale volatili repleatur, quia cum per vastam illam Urbem, è fossilibus carbonibus foco utantur, per Aerem salis & fuliginis particula volitant, quæ obserata conclavia, cistæque penetrando, lectos, auleas, & omnia quæque munda sordant & corrumpunt. Nec absque ra-

VII.  
Unde tot Phœbi-  
si Londini mo-  
riuntur.

tione censent Medici, innumeros Londini incolas *Phthisim* contrahere, & *peripneumonicos*, seu *consumptos*, aut aiunt, interire. Quia tali Aere attracto, inflammatione Pulmones infestantur, & sensim exulcerationem patiuntur.

## VIII.

Quare quidam  
halitus Corpori  
sunt noxii. }

Inde facile explicatur, quomodo Halitus, sive in Aëre, sive in Animalis corpore, corruptionem inferat; Et idem sanguis, aut flamma præstet. Quippe sicuti *Coaguli* particulæ, per Lactis substantiam diffusæ, ejus particularum situm immutant, & ex liquido fixum, durumque reddunt: Sic exiguae pestilentis *halitus* partes, Aëris meatus penetrando, partium ejus texturam pervertunt, eique insalubritatem conciliant. Unde de hujusmodi halitu insinuari potest, quod habet *Ovidius*,

*Hæc ratio quondam Morborum, & morsifer æstus  
Finibus Cecropiis, &c.*

## IX.

Exhalatio non  
tam facile sur-  
sum fertur quàm  
vapor.

Vapor facilius citiusque sursum fertur, quàm Exhalatio, ut videri potest in *Salis*, *Nitri*, ac *Vitrioli* distillatione, è quibus non nisi cum magna difficultate aliquid educitur.

Causa est, quòd Aqua, quæ Vaporibus materiam subministrat, ex lævibus, longis, ac lubricis partibus constat, ad *Anguillarum* modum efformatis, quæ licet inter se adhæcant, & implicentur, nunquam tamen ita nexæ copulantur, quin facili opera à se mutuo divelli queant. Terra verò, ex qua *Exhalatio* educitur, magis irregulares habet partes, quæ tanquam *virgultorum* rami in sepibus, facile sibi ipsis adhærent, & non nisi ægre divelluntur. Quo fit, ut *Vapor* ex tenuibus, ac lubricis Aquæ particulis conflatus, facilius ascendat, & minori Solis agitatione in altum evehatur, quàm Exhalatio, quæ ob firmiorem *partium suarum* nexum, infra detinetur, & non nisi ab aliis Corporibus sulca ascendit.

## X.

Halitus ore e-  
missus in hye-  
me videtur, non  
autem æstate.

Halitus, qui *hyberno tempore*, ex ore transmittitur, sicut & *Equorum*, aliorumque Animalium sudor, dum calefcunt, magis fit conspicuus, quàm æstate.

Ratio est, quòd Vaporum particulæ, quæ tempore *æstivo*, per Aërem deferuntur, Materię Subtili magis obsequantur, & quibuslibet ejus impulsibus cedant. *Hyemali* verò tempore, quo Subtilis Materia debilius agitur, *Halitus*, aut *sudor*, propter

propter Aeris frigus, specie denſi & obſcuro ſumi craſſeſcunt, & non raro in Aquam abeunt: imo ſi augeatur frigus, & aſperum inclemensque Cœlum fiat, *barbis*, aut *capillis* adhærentes congelascunt. Æſtiva autem tempeſtate, non videntur propter Calorem Aeris, in quo diſſipantur, & liberiùs ſe expli- cant ac expediunt.

Unde dubitari non poteſt, quin Corpora quantumcunq; ſo- lida, aliqua effluvia extra ſe mittant, & ſuam Atmoſphæram habeant. Quod non in *ſuccino* modo, *camphora*, *cera* *Hiſpa- nica*, & ſimilibus cernitur, quæ odorem per diſſuſum circa ſe Aërem expirant; ſed in *ligneis vaſibus*, quæ exquisitæ lancei appenſa, ſui ponderis aliquid amiſerunt. In *Ovis*, quorum ſubſtantia, etiam gelida tempeſtate evaporatur. Imo & in ipſa *glacie*, quæ nocturno tempore, dum frigus potiſſimùm viget, Aëri expoſita, pondere decreſcit, & quoad ſubſtantiam notabiliter minuitur. Si in certis quibuſdam corporibus, hu- juſmodi effluxus non deprehenditur, id forte oritur, quòd non ſatis exquisitæ bilances nobis ſuppetant, quæ id exactè no- bis indicent, cum & lanceſ ipſæ, & pondera, diminutionem etiam patiantur, nec ſemper eadem gravitate conſtent.

XI.  
E corporibus  
quibuſvis efflu-  
vium aliquod  
emanat.

## ARTICULUS SECUNDUS.

### De Ventis.

Circa Solis exortum, *Eurus*, ſive Orientalis Ventus paſſim ſentitur, & circa illius Occaſum *Zephyrus*, ſive Occiden- talis: quam differentiam illi maxime experiuntur, qui in longè diſſito à Terra mari, vela faciunt.

Illud à Solis præſentia pendet, qui Terram concutit, & Va- pores in Aërem elevat: nam cum magna Terræ pars, à Sole ſemper illuminetur, neceſſum eſt, ut ex ea plures Vapores at- tollat, qui, eo decedente, iterum relabuntur, & orientales, atque occidentales plagas petunt, eorum nempe Vaporum ſpa- tium occupaturi, quos nocturnum frigus ibi condenſavit: ac proinde qui partes *Orientales* incolunt, Ventum Orientalem, & qui *Occidentales*, Occidentalem ſentiunt. Res dilucidius ap- parebit

I.  
Mane *Eurus*,  
veſperi autem  
*Zephyrus* paſ-  
ſim ſentitur.

parebit consideranti Terræ ambitum A B C D, & oppositum ei Solem S, qui hemisphærium A B C radiis suis feriens, & Meridiem ad B, & noctem ad D faciens, eodem tempore, respectu populorum habitantium ad A occidit, & respectu habitantium ad C oritur. Quippe Vapores circa B, diurno Calore rarefacti, per vias oppositas versùs D tendunt, nimirum per A & per C, ad spatium illorum occupandum, quos noctis frigus condensavit, Ventum Occidentalem creant, ad A ubi Sol occidit, & Orientalem ad C, ubi exoritur.



Dixi in initio, hanc Ventorum diversitatem ab iis potissimum deprehendi, qui vela faciunt, & diffusiora maria metiuntur; quia multa in terra obstant, ut montium altitudo, climatumque varietas, ne talis ventorum ordo semper observetur.

Venti ab Oriente, plerumque magis sicci sunt, & ad ferenum Aërem, nitidumque reddendum aptiores sunt, quàm Occidentales, qui passim Humidi sunt, & pluribus Vaporibus turgent.

Hujus Phænomeni ratio, ex Aëris motu deducitur, qui circa Terram ab Oriente in Occasum defertur; quia cum Venti in C facti, Aëris agitationem sequantur, Vapores obvios ante se propellunt, dissipantque, ac ita impediunt, ne concrecant, & in pluvias abeant. Qui autem in Occidente A fiunt, quum Aëris motui obnitantur, & alium quàm ipse cursum teneant; Vaporum occurrentium impetum sistunt, & in Nubes cogunt. Ob eandem causam, Venti ab Oriente C cæteris paribus fortiores sunt, vehementiusque spirant, quàm ab Occidente A; quia illi, qui in C fiunt, massæ Aëris cursum sequuntur. Vel etiam quia in parte Terræ, quæ inter C & D posita est, ob diuturniorem Solis absentiam, arctius Vapores constringuntur, quàm in illa, quæ inter D & A sita

A sita

## II.

Cui Venti Orientales sicciiores sunt Occidentales.





A fita est. Vaporum autem *condensatio* ad Ventorum vim conducit, qui indubiè tortiores evadunt, quo graviores sunt illæ partes, ex quibus constant & constantur.

Venti circa loca maritima *interdum* à Mari, *noctem* verò, à Terra spirare deprehenduntur.

Hæc Ventorum alteratio, Solis illuminationi tribuitur, quæ Vapores diversimodè à Mari, & Terra educit. Dum enim Sol splendet, communiter plures Vapores à Mari, quàm à Terra elevat : quia Terra multis in locis arida, & non illi tantum materiæ quantum Aqua suppeditat : è diverso cum Sol recessit, Calor relictus, plures à Terra quàm à Mari attollit : quia Terra utpote compactum Corpus, & multo humore grave, diutius quàm Mare Calorem sibi impressum retinet. Unde validi illi *Venti*, qui è locis mediterraneis in Mari spirant, fortissimi sunt prope littora, sensim autem in alto Mari deficiunt, quo longius provehuntur. Quod *Columbo* primo Indiarum Occidentalium *Detectori* argumento fuit, regiones alias ultra *Atlanticum* Oceanum non procul abesse, dum deprehendit strenuos ac feroces Ventos versùs Europam afflare, quos nimis validos existimaret, quàm ut ab Aquis proficiscerentur.

Quidam Venti, statis Temporibus revertuntur, & eundem semper tenorem servant. Ut *Ethiopia*, qui singulis Annis bi-duo post *Canicula* exortum, quadraginta diebus spirare solent. Zephyri, qui ab *Aequinoctio* verno ad *Autumnale*, in Mari Mediterraneo flant. Australes, qui sub *Zona Torrida* fiunt, vices & reciprocationes *diurnas*, *mensuras*, & *semestres* habent.

Horum omnium unica Causa Sol est, qui pro vario ejus ad varias Terræ partes, situ, Ventorum diversitatem excitat. Nam quantum ad *Ethiopia*, qui post æstivum solstitium observantur, verisimile est eos à Vaporibus provenire, vi Solis à Terris & Aquis, quæ in Septentrione sunt, eductis, postquam jam satis diu ad *Tropicum Cancræ* hæsit. Constat enim illud diutius in Tropici morari, quàm in spatio interjecto : Et cogitandum mensibus *Martio*, *Aprili*, & *Mai*, maximam nubium & nivium partem, quæ circa polum nostrum hærebat, in Vapores & Ventos resolveri ; Ventosq; istos ab initio Veris (quo tempore sunt calidissimi) ad *Solstitium æstivum*, paulatim deficiente

III.

*Circa littus  
Marii Venti à  
Terra nocte,  
interdum à Mari  
proveniant.*

IV.

*Que causa  
Ethiopiae &  
constantium  
aliorum Vento-  
rum.*

ficiente materia languescere. Mense verò *Junio*, nondum ibi Terras & Aquas satis esse calefactas, ut materiam novi Venti suppeditent; sed paulatim Sole ad *Tropicum Cancrum* commorante, magis & magis illas incallescere, tandemque idcirco *Ethias* producere, quum magnæ illius & pertinacis diei, quæ ad sex integros Menses ibidem extenditur, Meridies paululum inclinat.

V.

*Zephyri in Mari mediterraneo certo Anni tempore flant.*

Simili ratione, *Zephyri* in Mediterraneo Mari ab *Æquinoctio* verno ad Autumnale, flare solent, quia magna Vaporum copia, ex Oceano *Atlantico*, æstivis caloribus attollitur, qui aliquot horis, post Solis Ortum, quæ certo Temporis spatio, post noctem mediam respondent, versùs ortum aguntur, & usque ad Occasum, vires suas exerunt. Stati ac certi intra *Tropicos*, sive in *Zona torrida* sunt Venti; quia illic, Sol in Terram directos, & perpendiculares radios mittens, plurimos Vapores excitat, qui Luminis actione agitati expanduntur, & Ventum producunt. Et ita de Ventis aliis, qui certis temporibus oriuntur, ut de *Africo*, qui ab orientali ora *Africæ*, ad *Mozambicum* ab initio *Augusti*, ad decimum quintum *Septembris* spirat: quia à mense *Aprili* usque ad *Augustum*, multos Vapores è Mari *Indico* educit, qui versùs *Africam* deferuntur, & comparato majori spatio dilatantur, & locum majorem occupant.

VI.

*Modus conficiendi Ventos artificiales.*

Arte Venti efficiuntur, ut *Chymici* eo instrumento ostendunt, quo, loco follis utuntur. Paratur enim ex Cupro globus, ita ut *Aqua* repleti, claudique repletus possit. *Fistula* angusti orificiis, ex una parte paratur, *Aqua Igni* admoveatur repletus, *fistula* alteri, loco follis. Ubi globus incalescit, & aërescit *Aqua*, continuo *Aër* exspiratur, & donec *Aqua* tota absumpta sit, follis loco fungitur. *Jonstonus Admir. Meteor. capite sexto.*

Oritur talis Ventus, ex eo quòd *Aquæ* particulæ, *Ignis* fervore agitatæ, inter se colliduntur, & magno molimine ab invicem recedere conentur: & quia dilatare se, & à se mutuò removere non possunt, nisi quatenus aliquæ ex iis per *fistulam* egrediuntur, tota illa vis, qua plures colliduntur, tanquam in unum collecta, id agit, ut proximas per illud exturbet. Atque hoc modo Ventus per *fistulam* spirans excitatur. Et quia continua *Ignis* actione, aliæ semper hujus *Aquæ* particulæ

culæ rarefunt, & in gyros actæ, à se invicem recedunt, dum interim aliæ per fistulam enituntur, sic *Ventus* non cessat, priusquam universa globi Aqua evaporetur, aut Ignis ab eo removeatur.

Venti hyberno tempore præsertim dominantur, Cælumque solito magis procellosum efficitur. Quod Nautæ pene omnes, qui Maria frequentant, testantur. VII.  
*Venti hyeme vehementiores.*

Quoniam Sol ea tempestate Tropicum *Austroalem* versus deflectit, ac proinde debiliior fit, contra Aquilonares Ventos resistencia. Addi etiam potest, quod hyeme *Libycus*, vel *Africus*, gelu gliscente, majori cum impetu, ex Atlante descendit: vel à Syriæ & Arabiæ montibus *Vulturnus*. Maxime autem circa menses Martium, & Septembrem Venti exasperantur. Quia tunc variis mutationibus Cælum obnoxium est, fitque magna humiditatis, & siccitatis, Caloris & Frigoris vicissitudo.

Ventus Australis, ut plurimum *Sanitati* officit, capitique gravedinem conciliat. Hinc flante *Austro*, Homines magis *Morosi* evadunt, & ad studia minus fiunt idonei. VIII.  
*Australia sanitati officit.*

Id ex eo oritur, quod Australis Ventus cum humidus sit, multos vapores devehit, qui laxatis corporis meatibus, illud subeunt, & ad interiora deferuntur. Hinc *Capitis gravedo*, sensuumque *hebetudo* oritur, quibus se affici Homo percipiens, ægrèque id ferens, *Morosus* efficitur, & ad illa minus aptus evadit, quæ mentem serenam desiderant.

*Borealis* Ventus passim frigidus est; è diverso, qui ab *Austro* venit, Calorem præ se fert.

Frigidus est *Borealis* Ventus, quia per tractum *Nivibus* refectum transmeat, è quibus plurimos gelidos vapores secum devehit. Australis autem calidus est; quia ab illis tractibus, qui magis ad *Zonam Torridam* accedunt, nobis afflatur; è quibus plurimas calidas exhalationes, quas Sol educit, secum defert, efficitque ut à nobis calidus sentiatur. Id in Thermometro Clarissimus D. Boyle expertus est, in quo Aquæ pensilis cylinder erat, quod ubi folliis perflasset, non in imum Aqua, uti frigore adaucto contingere solet; sed è diverso Tubus vitreus incaluit, & aliquem Vento perflante æstum concepit. Ubi vero follium extremitas, *Nive & Sale* commixtis circumsepta est, gelidior Ventus erupit, & pensilem Aquam ad de-

M m

scensum

IX.  
*Cur Ventus Borealis frigidus est, calidus autem Australis.*

scensum coegit. Quo experimento sat ostenditur, Ventos halitus quosdam secum deferre, qui variam Aëri, quem pervadunt, temperiem conciliant.

X.  
Venti in Zonis  
temperatis sunt  
irregulares.

Venti, qui in temperatis Zonis regnant, passim *irregulares* sunt, hoc est, nullis certis regulis, aut legibus constringuntur.

Hujus Inconstantiae causa, à Zonarum situ petenda est, quia cum temperatae inter *Torridam* & *Polarem* frigidam collocentur, modò ab hac calorem summum, modò ab illa summum frigus participant. In frigidis autem, aut calidis Zonis, ob rationem contrariam, Ventis regularibus perflantur, qui statim quibusdam temporibus saevire solent. Sic quia *Australis* Venti apud nos, à diversa halituum vi maximè pendent; liberi sunt, & nullis legibus tenentur.

XI.  
Cur Ventus tantum  
in vela possit.

Ventus dum in tabulam ferream, aut etiam ligneam impingitur, nullam vim exerit: secus verò si in navium vela feratur: quoniam ejus impetu, gravissimæ etiam *Naves* 80 ferme leucas 24 horis conficiunt.

Oritur hæc diversitas ex parte *pororum*, qui in velis ex telis confectis reperiuntur. Ventus enim per foramina illa ductus, seipsum quodammodò dividit, veluti adversus singula veli fila, quæ meatus separant, vim faciens: Aquæ torrentis instar, quæ vim majorem in oppositum palorum aggerem, interjectis rimis exercet, quam in tabulam ligneam, aut murum lapideum, qui transitum prorsus intercipit.

XII.  
Cur ventus frigidior  
Aëre sentitur, cum tamen  
non sit illò  
magis frigidus.

Venti Aëre tranquillo, frigidiores sentiuntur, quam *Aër* ipse, quamvis non illo multo sint frigidiores, ut ex *Thermometro vitro* dignosci potest, in quo Aqua fortis inclusa, stante Vento, non magis solito ascendit, quod tamen fieri deberet, si *Aër* internus ab externo Vento refrigeraretur.

Ratio est, quòd Aër tranquillus non nisi externam cutim perstringit, quæ quam interiori carne frigidior sit, minus advenientem frigiditatem percipit: Ventus verò utpote concitator, in Corpus nostrum adactus, *Carnem* penetrat, & ad Corporis interiora defertur, quæ cum calidiora sunt, magisque Cordis æstu agitentur, majorem frigiditatem eo impulsu sentiunt. Ad eum modum, quo *Manus Calida*, ad glaciæ contactum majus frigus percipit, quam *Tepida*, & cojus particula minus agitantur.

ARTI.

ARTICULUS TERTIUS.

*De Nubibus.*

**N**ubes sustinentur libranturque in Aëre, quamvis spissæ, gravesque appareant.

II.  
*Cur Nubes librantur in Aëre.*

Ratio est, quòd glaciei particulæ, vel Aquæ guttæ ex quibus componuntur, exiguæ admodum sint, multæque superficie pro ratione suæ materiæ habentes, sæpè magis ab Aëris resistentia impediuntur, ne descendant, quàm à pondere suo impelluntur. Præterea Venti, qui passim propè Terram spirant, quum crassiori materia consent, quàm illi, qui in Aëre sublimi feruntur, non tantùm Nubes suspendere, sed etiam ultra Aëris regionem, in qua existunt, attollere possunt. Deinde, licet Glaciei particulæ, Ventis impulsæ, contiguæ evadant, non tamen idcirco omnino connectuntur; quinimo Corpus adeò rarum, leve, atque extensum componunt, ut nisi Calor aliquas harum partium liquefaciens superveniat, atque hac ratione illas condenset, ac graviiores reddat, vix unquam ad Terram delabi queant.

Tempore Verno plures *Nebula* conspiciuntur, quàm aliis Anni tempestatibus: Unde Lucretius,

II.  
*Quare frequentiores sunt Nebula in vere.*

*Perfida nubiferi vetat inconstantia veris.*

Quia eo tempore, major est *inaequalitas* inter Calorem diurnum, & nocturnum frigus: quo fit, ut magna Vaporum copia, simul cum Aëris frigore concurrat. Ut enim Vapores in *Aquam*, aut *Glaciem* convertantur, duo requiruntur, *primum*, ut illorum particulæ, ita ad se accedant, ut se mutuo contingere possint. *Secundum*, ut satis frigoris adsit, ad illas, dum propinquæ sunt, sistendas, & uniendas. Nam inutile esset frigus, si Vaporum particulæ à se invicem dissiderent, & dividerentur. Parum etiam illarum *connectio* juvaret, si tanta esset Caloris agitatio, ut illarum nexum impediret. Ac proinde cum in *Vere*, Vapores diurno Calore attollantur, qui succedente nocturno frigore coalescunt, fit ut eo tempore, plu-

res Nebulæ appareant, & iis Terra uberiùs humectetur. Pari ratione, frequentius in locis maritimis, aut paludosis, quàm in locis procul ab Aqua distitis, *Nebula* nascuntur; quoniam Aqua ibi suum Calorem citius, quàm Terra amittens, Aërem frigefacit, in quo porrò Vapores, quos Terræ calidæ, & humentes magna copia exhalant, condensantur.

## III.

Unde oritur Nubium ordo, ut una supra aliam videatur.

In Cælo, sæpenumero *gemine* Nubium acies videntur, quarum una infra alteram defertur.

Causa est, quòd Vapores, ex quibus Nubes gignuntur, non æquali vi in Aërem ascendant, sed nonnullæ *altius*, aliæ *minus altè* enituntur, antequàm satis condensati sint, ad illas formandas. Unde oritur, ut unas remotiores, alias Terræ viciniores intuemur, & aliquando à diversis Ventis agitatae. Quod maximè in montanis locis videre est, ubi sublatis *Vapores* inæqualiùs, quàm in aliis locis, à Calore aguntur.

## IV.

Nubes altissimæ ex particulis glaciatis componuntur.

Altissimæ *Nubes* ex glaciei particulis componuntur; quod ex summis editorum montium jugis colligi potest, quæ media etiam æstate, Nivibus teguntur.

Illud ob *Aërem* illic frigidissimum provenit, qui indubiè eo, qui montium cacuminibus incumbit, gelidior est, aut ad minus æquè frigidus: & quoniam Vapores quo sublimiùs ascendant, tanto plus frigoris ipsos constringentis opperiant, minùsque à Ventis premi possunt; propterea ut plurimum, maximè sublimes nubium partes, tantum ex tenuissimis *Glaciei* capillamentis, longè à se mutuò distitis constant.

## V.

Circa Nebulæ circa Auroram oriuntur.

Nebulæ circa *Auroram* progigni solent, dum serena nox præcessit, & tranquillum Cælum est, & ab omni Vento immune. Et si unum eorum deficiat, non oriuntur Nebulæ, aut statim evanescent.

Ratio est, quòd Nebula ex *Vapore* potissimum assurgit, qui ex Terræ superficie, atque lento Calore educitur, ex locis scilicet *palustribus*, aut *fluviiis*, si tardi sint, & inerte defluant. Unde si Calor nimius est, Vaporem plus æquo dilatat, efficitque, ut sursum efferatur, & avolet. Obest quoque sæviens Bruma, & agitatum Vento Cælum, quoniam tunc à circumstante frigiditate, Vapor cohiberi non potest, & illa crassitudo amittitur, quæ nebulæ maximè competit. Demum *nox pluviosa*, aut *nubila* impedit, quia *Pluviosa* teporem illum extinguit, qui ad halitus emittendos requiritur. Denique u-

bi

bi *nox* *nubila* præcesserit, Nebula non ascendit, quia cum nullo Ros tunc decidat, nulla subest Vaporibus attollendis materia; ac proinde necessum est, ad Nebulæ supra Terram formationem, ut Cælum *quiescat*, adsit telluri *sepor*, & *nox serena* præcesserit.

Dum Nebula collecta sursum fertur, Aquam nuntiat, & Pluviam minatur: secus verò, si paulatim extenuetur, & fo-

VI.  
Quando Nebula est Pluvie nuntia.

lutis partibus ascendat. Quia Nebula dum ita conglobata per Aërem attollitur, innumeras *roris* particulas, quæ in Aëre matutino, & frigido sparguntur, colligit, quæ mox modico Calore excitatæ dissolvuntur, & in Imbrem abeunt. Unde coalescere subito Nebulam observamus, cum paulò antè defæcatum esset Cælum, nihilque minùs quàm Pluviam polliceretur. Partes autem Nebulæ à Sole discussæ, & à se mutuò avulsæ, sursum nitentes, cum in molem unam concrefcere nequeant, *serenitatem* non turbant, nec ullam *pluviam* portendunt.

Si per objectam Nebulam *Homo* aspiciatur, veluti *Gigas* apparet. E diverso per eandem visus Sol, longe *minor* depre-

VII.

Nebula confert ad augmentum, aut parvitatem objecti.

henditur. Ratio est, quod in guttulis illis quibus Nebula componitur, plurimi refringantur radii, qui intra oculum collecti, objectum dilatant & extendunt. Sol vero minor apparet, quia radii ab eo provenientes, ob *magnam* distantiam distrahuntur, nec in Oculum omnes incidunt. Raduntur enim laterales quidam radii quibus solemne est, objectum amplificare, & illud se ipso majus oculo referre.

## ARTICULUS QUARTUS.

### De Pluvia.

**P**luriæ Guttæ, dum decidunt, figuram *sphericam* affectant, & cum circa Terram pervenerint, totæ rotundæ apparent.

I.

Cur Gutte cadentes rotundæ sunt.

Nonnulli id fieri existimant, ab innato ipsius rebus instinctu, quo res quælibet à perniciæ defendere se conatur; aded ut, Guttæ.

Guttæ Aquæ cadentes, in orbem vertantur, ut ab Aeris injuria, aut alterius obfistentis Corporis actione se tueantur. Sed hi nimium rebus Insensibilibus tribuunt, qui illis Intellectum & Voluntatem assignant, arbitranturque inanimata discurre-re, & ratione uti. *Laues* igitur ac *rotunda* Guttæ evadunt, à *Cœlestibus Globulis*, qui illas ambiunt, & intra earum poros se intrudunt. Hoc pacto: Cùm globuli Cœlestes alio modo per *Aqua* partes, quàm in circumambiente Aère moveantur, & secundum lineas rectas pergere affectent, fit, ut illi qui in Aère vagantur, minùs à motibus suis impediuntur, si Aquæ Guttæ, quibus occurrunt, *sphærica* sint, quàm *angulosa*, aut figuram aliam sortitæ. Unde si pars aliqua in earum superficiebus, ultra figuram sphæricam protuberet, Globuli Cœlestes per Aërem discurrentes, majori virtute in illas impingunt, quàm in cæteras; ac proinde illas Centrum versùs adigunt. Si verò pars illa eo impetu protrusa, ad Centrum cæteris proximius accedat, Cœlestes Globuli intra Guttam ipsam inclusi, cum majori vehementia eam à Centro detrudunt; & hac ratione omnes ad guttam sphæricam reddendam conspirant.

## II.

Cur dam unius-  
tur rotundita-  
tem amittunt.

Hinc oritur, ut dum Aquæ Guttæ sese attingunt, rotunditatem suam amittunt, & libi ipsis conjunguntur; Quia in contactus loco, materia ætherea eas debilius comprimit, nec omnes ejus partes æqualiter, ut antea, Centrum versùs detrudit.

## III.

Quorsum in Æ-  
gypto & aliis  
regionibus non  
pluit.

Certis in Regionibus, nunquam, aut rarè pluit; ut de *Ægypto* saltem ulteriore passim ab Historicis fertur. Item de *Libya*, ac *India* Regionibus *Plutarchus* memorat, quæ semper siccæ sunt, & nullo unquam humore reficiuntur.

Non id nimio æstui, qui in illis Terræ tractibus dominatur, adscribendum puto, quum aliæ sint Regionēs multo calidiores, in quibus tamen Imbres decidunt, & statim temporibus pluit. Melius hanc Pluvie inopiam in Terræ *siccitatem*, partiumque ejus concretionem refundendam esse opinor, sub qua nullæ latent Aquæ, quæ evaporentur, & *Pluviam* generent. Aut si quæ inibi sint, ob Terræ densitatem, in Aërem transmitti non possunt. Nam uti *Canes* nunquam sudant, quoniam compactam nimis cutim habent, quæ omnem halitus viam præcludit: Ita in *Ægypto* tantæ duritiei Tellus esse potest, ut ejus meatus nimis angusti sunt, quàm ut à Vaporibus, qui in ejus penetralibus formantur, penetrari queant. Non dicendum est *E-*

thesiam,



*nebulas*, quotannis à Mari Mediterraneo versùs Ægyptum flare, & multas Nubes edè devehere, quæ in pluviam concresecere possint. Verisimile enim non est, Vapores Ventorum vi, posse tam longè deferri, cùm facile dissipentur, & *Ethesia* non continui sint, sed circa *tertiam* diei *horam* oriantur, & nocte sequenti, penitus desinant.

Lac, & Sanguis nonnunquam è Cælo decidunt, & per longos Terræ tractus diffunduntur. *In inferiori Cælo relatum in Quomodo lacte monumentum est lacte pluuisse M. Acilio & C. Porcio consulibus. Plinius Hist. Natural. Capite 56. Sanguineæ etiam pluvie meminit Livius decad. 4. libro nono; quæ biduo in area Concordiæ decidit. Et inter Neotericos authores, Gemma Frisius libro secundo Cosmogr. capite secundo refert in Emdenâ ditione apud Frisios Orientales, nocte quadam, Sanguinem pluuisse tanta copia, ut ad quinque aut sex miliarium spatium Herbæ & vestes expositæ in apricum, ex albo colore penitus in purpureum sint mutatæ.*

*Gassendus* existimat lacteam Pluviam, nihil aliud esse quàm candescentem aliquo modo Aquam, cui nonnihil plumbeæ materię, aut *solis Saturni*, cum *balnario*, & aceto admixtum est, aut similis alterius materię, quæ *Albedinem* Aquæ conciliare possit. Et purpuream pluviam, ipsammet esse *Aquam* admixtis *chalcantinis*, & *asphalticis halitibus*, qui pluvii non in Aëre labentibus, sed in Terra collectis, rubeum colorem impertiuntur, quacum guttæ Herbis, aut Vestibus insidentes, eas quadam rubedine aspergunt. Sed verisimilius videtur, hujusmodi pluvias è Vaporibus progigni, qui exhalant è locis *minio*, aut *rubrica* abundantibus: quomodo *Nix* in *Armenia* quandoque est rubra, ob *minium* quo Regio illa abundat; vel ex locis sanguinolentis post magnas hominum clades; vel Color propter intensum Solis Calorem, quomodo febri laborantium *urine*, aut Aquis per calidos cineres percolatis *rubor* conciliatur.

Quoddam nonnulli asserunt, argenteis Guttis olim pluuisse: non id à vero plurimum abest, cùm fieri potest, ut *Hydrargyrum* ea copia, & in eam usque altitudinem sublimatum fuerit, ut in descensu in Guttas efformatum sit, quæ apud *Pleberum* pro argenteis existimarentur. Cujus rei haud improbabile Argumentum habet *Dion*, dum asserit *Severo Imperatore*, dum

IV.

*Quomodo lacte monumentum est lacte pluuisse M. Acilio & C. Porcio consulibus. Plinius Hist. Natural. Capite 56. Sanguineæ etiam pluvie meminit Livius decad. 4. libro nono; quæ biduo in area Concordiæ decidit. Et inter Neotericos authores, Gemma Frisius libro secundo Cosmogr. capite secundo refert in Emdenâ ditione apud Frisios Orientales, nocte quadam, Sanguinem pluuisse tanta copia, ut ad quinque aut sex miliarium spatium Herbæ & vestes expositæ in apricum, ex albo colore penitus in purpureum sint mutatæ.*

V.

*Quid sit argentea Pluvia.*

dum argentea pluvia decidisset, Nummos Aereos fuisse illo oblitos, quod tamen intra trium dierum spatium delictum est, & ex Oculis penitus elapsum.

## VI.

An Vitulo unquam pluerit prout narrat Avicenna.

Refert Avicenna, *Vitulum* aliquandò pluuisse, & ex alto etiam Cœlo, cum maximo imbre decidisse.

Haud arbitror *Avicennam* duxisse, *Vitulum* in nubibus procreatum esse, & illic materiam Animalibus compingendis idoneam suppetere. Sed solum *Vitulum* aliunde ingenti turbine esse abreptum, & cum Pluvia in distantem aliquem locum delatum. Quis nescit *fluxam* Cœli substantiam, hujusmodi efformandis Corporibus esse ineptam? quomodo tanta moles in Nubibus sustineretur, & ante completam generationem non dilaberetur? An quia *Avicenna* quondam Vitulo pluuisse scripsit, compactus in Nubibus Vitulus est? Sed illi credant, qui Authoritati potius, quam rationi patrocinantur, & qui omnia promiscuè admittunt, quæ ab Antiquis Authoribus aut narrata sunt, aut somniata.

## VII.

Ut Lemnar in Norvegia decidat.

Nec alio modo de Mure illo Norvegico, passim *Lemnar* nuncupato, censendum est: quoniam licet ex Nubibus decidere existimetur, invenit tamen *Olaus* in ipsius stomacho, statim ab ipso casu dissecto, herbulas quasdam crudas: quod sat indicat, ipsum non in Aëre progenerari, sed Venti magna vi arripi, & in Norvegiam transferri: quemadmodum constat *Locustas* interdum auferri, & in locis distantibus decidere.

## VIII.

Quomodo Rana pluat, & quomodo ille generentur.

Nihil communius tam apud Veteres, quam novos Scriptores, tempore æstivo *Ranas* pluuisse, & agros, colles, vias multitudine testæ & infecta esse.

Quamvis inficiari non audeam, *Ranas* in Nubibus gigni posse, non tamen iis facile assensum præbuerim, qui illud nimis confidenter asseverant. Ratio mea hæc est; quòd hujusmodi Animalcula, nunquam in domuum *testis*, aut *tabulas*, vel etiam in ipsis *fluminibus* decidisse deprehendantur, sed in viis duntaxat, aut locis aliis multo pulvere conspersis; in quæ decidente pluvia, exurgunt & efformantur. Conjecturam meam firmat *Emilianns* libro secundo de Animalibus capite quinto. Memini etiam ego in itinere ex Neapoli Italica *Dicearciam* verus, *ranis* pluuisse, quarum anterior pars binis innixa pedibus, repebat, posterior adhuc informis, & tanquam è cæno humido coalita traheretur. Quod sane magnum argumentum est, *Ranas* ex putri

putri pulvere, & delapso imbre oriri, & non tam in ipsis Nubibus, quàm supra terram originem habere. Præterea, unde tanta *Aëri*, vel *Nubibus* materia, formandis Ranis suppetere? qua vi coalesceret? Quibus vinculis tamdiu suspensæ Ranz detinerentur, & quorsum nondum perfectæ generatione deorsum laberentur? Quæ omnia cum explicari nequeant, verisimilius videtur, Ranas ex pulvere & *Aqua pluviali* infuso progigni, & non in Cælo, sed super *Terram* profluere. Sic post inundationes, plurima insecta in agris proveniunt. Sic innumera *limacum*, & *conchiliorum* vis post imbres. *Ofstrea* etiam, & testacea ex limo cum pluvia decedente, nascuntur.

Nonnunquam contingit, ut plueri incipiat, antequam ullæ *Nubes* in Cælo deprehendantur. Uti mihi semel in agris spatiandi accidit, Aëre tranquillo, atque calore urgente, & quodammodo suffocante.

Id evenisse auguror, quòd magna Vaporum vi in Aëre existente, qui haud dubiè à *Ventis* aliunde spirantibus coarctabantur, quemadmodum ex Aëris tranquillitate & densitate conjicere poteram, guttæ in quas *Vapores* illi coalescebant, delabendo increscentes, prout effingebantur, depluerent.

Aer nubibus obductus, futuram *pluviam* prænuntiat, quamvis Sol in ortu sat lucidè splendescat.

Quoniam tunc nullæ aliæ nubes existunt, in Aëris nostri vicinia versus Ortum, quæ impediunt, ne Solis Calor, eas, quæ supra nos hærent, condenset, vel novos vapores, quibus augeantur, è Terra nostra attollat. Hæc autem causa, cum matutino duntaxat tempore locum habeat, si ante Meridiem non pluat, quid in *Vesperam* continget, nullo pacto poterit monere.

Æstivo tempore grandioribus communiter guttis pluit, quàm Hyeme.

Ratio est, quòd in *æstate*, guttæ ex loco eminentiori decidunt, & longissimum Aëris tractum metientes, in via augescunt, & incrementum accipiunt. Duobus enim modis, Pluvia è Nubibus labitur, vel cum *Aër inferior* recessu, vel superior incurfu, illas ad descendendum invitat. Unde Aëre inferiori se contrahente, stillicidium oritur, quæ Pluvia *minutissima* est, & pulveris instar in Terram decedens. Sic in Æ-

IX.

Unde interdum pluit, nulla nube in cælo apparente.

X.

Sol cum luce Aëre nubibus obducto, pluviam portendit.

XI.

Æstate pluvia guttæ latiores sunt quàm hyeme.

gypto, perparvulis guttis ut plurimum pluit. Imber autem, seu etiam nimbus, qui magnis guttis è cœlo ruunt, efficiuntur, quoties nubes solo Aere superiori pressa, descendit, quoniam tunc Aquæ guttæ, è loco altissimo labentes, *alias* Aquæ particulas offendant; quibus sibi adjunctis, crassiores evadunt.

## ARTICULUS QUINTUS.

## De Grandine, &amp; Nive.

I.

*Minora grana  
grandinis per-  
spicua sunt, non  
autem majora.*

**M**inores Grandinis lapilli nonnunquam pellucidi sunt, nulumque Colorem induunt: majores verò, etsi superficie tenus perspicui appareant, intus aliquid *Nivum* continent, & quandam *albedinis* speciem exhibent.

Grandinis *pelluciditas* oritur, dum Ventus frigidus, qui eam efficit, formatas jam Aquæ guttas intercipit, & in Corpus durum constringit. Quoniam tunc meatus inviolati manent, per quos globuli *Secundi Elementi* transeuntes, Luminis actionem in omnes partes, secundum lineas rectas transferebant: ut de *Vetro* antea dictum est. Sed cum hic Ventus floccis liquescentibus appropinquat, Calorem in illorum poros pellit, siue Materiam Subtilem maximè agitatam, quæ tunc in Aere circumstante invenitur; quia ipse *Ventus* non tam faciliè, nec tam citò, atque hic Calor eos pervadere potest. Is autem Calor horum floccorum meatibus inclusus, ad ipsorum circumferentias magis, quàm ad Centra accedere nititur, quia Subtilis Materia (in cujus agitatione consistit) ibi liberiùs movetur, & ita magis, ac magis liquesfacere pergit, priusquam incipiant rursus in *glaciem* concreescere: atque etiam liquidissimar, id est, magis agitatae particularum aërearum, quæ alibi in istis floccis reperiuntur, ad eorum Circumferentias accedunt: iis contra, quæ non tam citò liquescere possunt, circa centra manentibus. Quo fit, ut crassiora *Grandinis* grana in superficie pellucida sint, & intrinsecus alba.

II.

*Unde insolita  
granum Gran-*

*Grando* lapidibus similis aliquando è Cœlo delabitur. Memoratur in *Gallia, Paschali Pontifice summo*, frustum unum duodecim

decies pedum longitudine descendisse : Et aliud trium librarum pondere, *Bomele* in Geldria, anno Domini millesimo sexcentesimo sexagesimo sexto. Novi unum qui Grandinis *pilar* vidisse se aliquando testatur, ovorum non pondere solam, sed & magnitudine æquales.

Grainis magnitudo provenit.

Tanta crassities ab ipso Vento frigido, à quo ipsa Grando formatur, provenit, qui *nivem* è sublimi in inferiora precipitans, plurimos ejus floccos simul compellit, & gelu in unam massam constringit. Vel dici potest, grandineos hujusmodi Lapides, in *altissimis* Nubibus progigni, è quibus descendendo incrementum accipiunt, & in inusitatas moles abeunt. Fieri enim potest, ut plurimum Humor in via occurrat, qui ipsis adherendo, præfenti frigore correptus, congeletur. Unde in Grandine, innumere superficies, veluti tot tunice efformantur, quæ illius magnitudinem augment, & ejus ponderi novam gravitatem infundunt : ut in *Candelarum* formatione animadvertimus, quæ repetita immersione crescunt, & novis partibus adjunctis, *crassitiem* acquirunt.

Grandinis grana *sphericam* figuram interdum referunt : interdum autem *cornutam*, & una ex parte depressiorem.

III.

Grandinis grana variâ figurâ donantur.

Id oritur quum flocci, è quibus grana Grandinis componuntur, Aërem transeundo, à Vento frigido occupantur, qui eos constringit & coarctat. Quippe si frigidus *Ventus* Grandinem efficiens, formatas jam Aquæ guttas deprehendat, glaciei globulos *rotundos* reddit, nisi quod aliquando ea parte qua illos impellit, aliquantò planiores efficiat. Si verò Nivis floccos propemodum solutos intercipiat, sed in Aquæ guttas nondum conglobatos, tunc cornutam figuram refert, ac irregularem.

Nix ut plurimum *stellata* figura, sive sex radiis cincta decedit ; quod quis facile detegat, si nivis floccos sicco panino excipiat, & disjunctis radiis à se invicem separet. Interdum etiam *rosea*, & *pilosa* gignitur.

IV.

Unde fit quod Nix stellata, rosea aut pilosa decedat.

Illâ figurarum varietas ex eo contingit, quod Nivis flocci, priusquam in Terram delabantur, diversas in Aëre mutationes subeant, & secundum Caloris, & Frigoris vicissitudines, diversas figuras fortiantur. Gignitur Nix stellata, dum ejus folia, Calore accedente paulatim liquefcunt, & illud tantillum liquoris, in quod solvantur, per foliorum superficies dif-

fusum, exiguas inæqualitates ibi occurrentes omnes replet; Atque ita planas, & politas illas reddit, ac eæ Corporum *liquidorum* sunt, quamvis ibi statim iterum concreseat. Cum enim tunc *Calor*, non vehementior sit, quàm requiritur, ut exigua illa capillamenta, Aëre undique cincta, reliquis integris in Aquam solvat; Non satis virium habere potest, ad impediendum, ne illud tantillum Aquæ, glacialibus iis superficiebus illapsum, earum frigore iterum adstringantur. Postea hic *Calor* pervadens etiam alia capillamenta, quæ singuli glomi in ambitu, ubi similibus aliis sex cinguntur, habent, ea ex iis capillamentis, quæ maximè à sex vicinis globulis sunt remota, indifferenter huc illuc flectit, & hoc ipso, iis quæ è regione sex horum globulorum consistunt, adjungit. Hæc enim eorundem sex *globulorum* viciniâ refrigerata, non liqueſcunt; sed contra denuò materiam aliorum sibi junctorum protinus glaciant: Atque ita sex cuspides, aut radii, circa singulos glomos formantur, qui diversas figuras recipere possunt, prout hi glomi, magis aut minùs *crassi*, & compressi sunt; capillamenta item densa & longa; *Calor* quo coquuntur, lentus ac moderatus. Unde *Nix pilosa* generatur, dum glaciei particule, quæ floccos componunt, à *Calore* densantur, & mox à frigore denuò congelatæ, circa centrum suum vertuntur, & ab aliis glacialibus fragmentis constringuntur. *Rosea* verò, dum radii è Nive prominentes, à calore flectuntur, & junctis extremitatibus, iterum congelantur.

## IV.

*Nix nocturno  
tempore conspicua est.*

Tempore nocturno, cum omnia pene corpora inconspicua sunt, *Nix* lumen emittit, & præcæteris aliis corporibus, se prodit.

Quoniam *Nix*, utpote ex infinitis sphærulis compacta, radios commodius, quàm quodvis aliud candidum corpus remittit. Nam licet noctu tenue sit lumen, quod super Terram diffunditur, ambigi tamen nequit, quin aliquid existat in nive, quod illud fortius reflectat; illud in sequenti *paragrapho* explicabitur.

## V.

*Unde nivis albedo, & illius mutatio, dum aqua suffunditur.*

Albedo nivis maximè propria est, quam tamen exuit, ubi *Aqua* diluitur, & in Aquam, ex qua concreta est, revertitur.

Quoniam *Nix*, ad modum vaporis in spumam concreſcentis se habet, cujus flocci ex innumeris *globulis* constantes, lumen nodequaque reflectunt: Cum nullum sit, in illis globulis *punctum*,  
Etum,

*Hum*, à quo, ad quodlibet medii punctum radii non remittantur. Unde non alia ratione, *Nix* recens lapsa, subnigrum colorem præ se fert, quam quia nonnullæ cavitates, seu fossulæ inter floccos intercipiuntur, quæ radios absorbent, & foras non repellunt. Colorem autem suum *Nix* omnino mutat, dum *Aqua* diluitur, quoniam *Aqua* floccorum cavitates occupando, radiorum reflexionem, aut refractionem impedit, efficitque ut lumen alia ratione modificetur. Hinc *fructuum* quorundam *albor* non nisi partibus suis in bullas efformatis debetur; cum videamus *poma*, exempli causa, Colorem mutare, si comprimantur, quoniam ea compressione, demissæ bullæ desideratam refractionem impediunt, nec per medium, tantam radiorum copiam reverberant.

Si quis *Nivem* contrectaverit, confestim manus ejus fervescere, & quodammodo *uri* videntur.

Aliqui id fieri per *Antiperistasis* opinantur, quod frigore expulso, Calor inducatur. & Ignis particulæ accedant. Sed cum talem in *Natura* contrarietatem non agnoscamus, dicimus illum fervorem à particulis *Nivis* congelatis procedere, quæ aqueo Humore dejectæ, manuum poros subeunt, & Sanguinem repellunt, obstantque ne per Venulas, quæ in manibus disperguntur, solito cursu diffundatur: Quo fit, ut manus intumescant, & rubore suffundantur. Quamobrem si ita affectas manus Igni fervido admoveamus, acrem dolorem patimur, quoniam Ignis in earum poros vi intrusus, particulas glaciatas plus æquo dilatat, & non nisi cum aliqua strage extrahit. Unde debiliore Calore manus fovendæ sunt, ut sensim denuo incalescant, & in vigorem pristinum restituantur.

*Nivibus* agri sæcundantur, si ipsis per aliquod tempus insideant, & liquorem sensim præbeant.

Ratio est, quod *Nives Terram* tegendo, amicis plantis Succum comprimunt, impediuntque, ne *Soli* vigor exhalatione evanescat. Hinc testantur *Agri cola* uberiores esse Agrorum proventus, ubi *Nix* diutius incubuerit, eo quod erumpentes à Telluris imo pingues Halitus reprimat, & in Satorum nutrimentum transmutet. Vel dici etiam potest, quod *Nives* paulatim liquefciendo, pinguem Humorem suppeditant, quo aluntur *Plantæ*, & vegetiores evadunt. Ut patet dum

VI.

Cur Nivem contrectantibus manus fervescunt.

VII.

Qua ratione Nix sæcunditatem agris conciliat.

## VIII.

*Cur Nix à Plan-  
tarum radicibus  
arcenda.*

dum soluto gelu, Terra detegitur, & tepido diu exponitur. Scio quosdam Medicos aliter censere, dum *Hortulanis* præcipiunt, ut Soli superficies, in quo consistit stirpes sunt, stramentis, & insperlis Cineribus, à Nivium injuriis tueantur: sed id non præcepisse existimo, quasi Nives stirpibus noxias esse arbitrentur, sed solum, ne perfusis stillicidio radicibus, frigus denuo exasperari, & Succum intra illarum poros currentem congelari contingat: Cum constet, eo humore imbutas Radices, marcescere, & extinguui. Quippe nihil stirpibus nocentius, aut magis deleterium procreat, quam Nix, aut glacies liquefacta, si quando gelu soluto, eorum stillicidio radices perfundantur. Terra enim sic relaxata, frigidissimum humorem combibit, quo imbuta radix marcescit, atque extinguitur.

## ARTICULUS SEXTUS.

## De Rare, &amp; Melle.

## I.

*Cur Ros in locis  
humidis potius  
quam siccis co-  
piosior est.*

**R**os copiosior, frequentiorque in locis humidis, & palustribus reperitur, quam aridis. Unde fluminum ripæ passim rore teguntur, cum agri, & exsiccata alia loca, nullo externo humore perfundantur.

Hujus Phænomeni Causa, in Vapores passim refunditur, qui magna copia circa littora ascendunt, & cum ad modicam altitudinem evehantur, in easdem sedes recidunt, unde prius erupere. Non huic rationi penitus assentior; cum editissimi Montes in æstate Rare maceant, & in hyeme Prænu coope-riantur. Non enim prope Terram solum, sed & in sublimi etiam Aere, Vapores concresecunt. Quæ enim in altum, vi Solis attolluntur, frigore nocturno succedente, coeunt, & in Rorem convertuntur. Quod littora magis, quam sicciora loca, circa Auroram humore compleantur, ex eo oritur, quod Terra arida priores Roris guttulas habiat, nec sinat eas in sua superficie concresecere. Ripæ autem quum humore suffundantur, & veluti saturæ turgeant, Rorem supra se detinent, & non patiuntur ultra pergere. Sic roris guttulæ in

*Brassica*



*Brassica foliis* in unam coalescunt, absorbentur verò, dum in *Arenam* delabuntur, & inter ejus grana se insinuant.

Si mane Terra Rore non aspergatur, & Nebula, quæ eam humectare solet, sursum recedens, *aridam* omnino Terram deserit, Pluviz sequentur.

II.

*Terra Rore vacua mane, futuram Pluviam arguit.*

Hujus ea est ratio, quòd id vix contingere queat, nisi quum Terra noctu non satis *refrigerata*, vel mane supra modum *calefacta*, multos Vapores exspirat, qui nebulam in altum pel- lentes, efficiunt ut ejus guttæ, sibi invicem occurrentes jun- gantur, atque ita tam crassæ evadant, ut paulò post, in plu- viam decidere compellantur.

Pruina ubi in quarundam herbarum folia inciderit, eas te- niores efficit, ut *Caulis* & similes, quæ tempore hyberno auræ exponuntur.

III.

*Pruina quas- dam Herbas te- niores efficit.*

Quia frigus superveniens, illas Herbas constringit, efficit- que, ut earum particulis ad se invicem propius accedentibus, earum ordo, & situs varietur. Unde fit, ut Calore in eas ita maceratas agente, plexus earum facilè abruptatur, & fibræ antea *imminutæ*, & ex parte *solutæ* omninò distrahantur. Sic *Caro* frigori nocturno exposita, fit tenerior, quòd strictius conjunctæ ejus partes, postmodum Calore laxentur, & faci- lius ejus Moribus obsequantur.

Partes *Pruina* inter se coeunt, cujus contrarium in *Gran- dine* experimur. *Grandinis* enim lapilli distincta grana consi- ciunt, & nullo modo sibi ipsis copulantur.

IV.

*Unde Pruina partes inter se connecluntur.*

Causa imprimis videtur esse, quòd grandinei lapilli ex alto decedentes, cùm ad interiorem Aëris tractum pervenerint, ob vigentem in eo Calorem, superficie tenus liquefcunt, & prominentes particulas amittunt, quibus asperi reddebantur : non autem *Pruina*, quæ sua spicula semper retinet, & in cu- spides prope Terram definit. Unde ejus partienæ ob mutuam scabritiem implicantur, & sibi adherent. Vel addi potest, quòd *Pruina* viscidiori substantia constet, quàm *Grando*, quo- niam Pluvia, ex qua *Grando* componitur, mera est Aqua, quæ confestim in Aërem ascendit : *Pruina* autem, ex *Rore* concrefcit, qui pinguior est, utpote ex diversis Animalium, Plantarum, Fossilium, Corporibus collectus. Manifestum au- tem est, ex tanta Corporum varietate extractum Humorem, tenaciorem esse, quàm purè aqueum ; ac idcirco *Pruina* gra-  
na

na sibi adhærere, & intimius quàm *Grandinis* lapilli connecti.

## V.

*Mel ab Apibus  
breui temporis  
spatio confici-  
tur.*

Qui Agriculturæ studio incumbunt, & naturæ miracula exactius contemplantur, animadvertunt *Apes* brevi temporis spatio, *Mel* conficere, & alvearia sua adimplere.

Quidam hujus operis exacti Speculatores, notant Alvearia interdum in mensis *Maii* initio, *melle* omnino destitui, atque dum Rores decidunt, & flores cœlesti Humore teguntur, instar cellæ stipata invenisse.

Non satis adhuc evidens est, an *Apes* succum ex floribus extrahant, qui confestim in *mel* convertatur, an quæ collegerunt, insita proprietate, in talem *saporem* transmutent. Quibusdam placet, *Apes* non conficiendi *mel*, sed illud tantum colligendi *peritiam* habere. Alii volunt ipsis *vim* quandam inesse, ea quæ è floribus exsugunt, in *mel* vertendi, & mutata eorum qualitate, novum saporem impertiendi. His facile adstipulor, cum videam in Animalium *uberibus*, quod ex alimento superest, in *lac* mutari, & novum substantiæ genus assumere. Quidni quod in stomachum *Apes* transmittunt, parte una nutrimento destinata, reliquam debitis organis in *mel* convertant, & illam cotidie in alvearia deponant. Difficile quidem exploratu est, an quem è floribus succum ducunt, *ore* evomant, an parte *alia* ejaculentur; sed rationi magis consentaneum esse videtur, parte posteriori ejici, si in *Apum* stomachis efformetur, & suum illic saporem acquirat. Non obest, quod *Apes* in confectum *mel* involent, & floribus desertis, iis locis maximè delectentur, quæ *Melle* intinguntur, quoniam illud tanquam alimentum appetunt, quo nutriuntur, & denuo in aliud *mel* convertunt. Sicut *mulieres* quæ infantibus ubera præbent, *lac* hauriunt, & illud in stomachum traductum, in novum *lac* transmutant.

## VI.

*Unde Manna  
diversitas in  
variis Regionibus.*

*Manna* secundum Regiones, in quibus depluitur, varia est, & non nisi in certis generum Arboribus colligitur. Plinius putat in *Quercu* & *Tilia* potissimum coagulari. Calabri in *fraxino*, Syri in *cedro*.

Ratio est, quod *manna* non nisi in Arborum foliis formetur, quæ ad ejus consistentiam & duritiem juvant. Cum enim ex solis Exhalationibus constet, ejus particulæ talis sunt figuræ, ut cum foliis aliarum Arborum conjungi nequeant. Unde

*Baconus*

*Bacchus* mannam præstantissimam, & uberi proventu *Calabriam* ferre asserit, quodd *Mori* frondibus, ex quibus colligitur, quandam coaguli vim inesse existimet, qua delapsus ros inspissetur. Hanc autem vim *Mori* foliis attribuit, quodd *aspera* sint ac *hirsuta*, & conservando liquori magis idonea. Non tamen hic succus cum Melle confundendus est, cum diversæ sit ab eo indolis, & diversæ ejus operatio. Mel enim *bilem* movet, & ad eam augendam plurimum conducit: manna verò eam abigit, & è Corpore deturbat.

## ARTICULUS SEPTIMUS.

### De Tempestate & Tonitru.

**E**ædem Tempestates acrius in *Mari* sæviunt, quam in *Terra*: ut omnes, qui littora, & altum Mare explorant, testantur.

Ratio est, quodd Vapores ex Aquis sublatis, *humidiores* semper, & crassiores illis sint, qui ex Terris exspirant, quique ex aridis Corporibus abstrahuntur. Unde plus Aëris, atque Exhalationis secum devehendo, Ventis validioribus creandis materiam suppeditant. Eam ob causam, Venti non ubique pari affectione imbuuntur, sed qui in una regione *sicci* sunt, in alia *humectare* possunt. Sic Venti *Meridionales*, qui in omnibus ferè locis *humidi* sunt, *sicci* in *Ægypto* feruntur, ubi *Africæ* Tellus Calore exsucca, & omni Humore destituta, illis materiam præbet, & eorum vigorem tuetur.

Hirundines tempestate imminente, ad Terram accedunt, & solito dimissiùs per *Aërem* feruntur.

Quia Nubes, quæ ex alto decidunt, quæque suo pondere interjecta Corpora deprimunt, *muscas*, quibus Hirundines pascuntur, versùs Terram propellunt, quibus familiare est adblatiente Cælo, & clementi Aere in altum evolare, & liberiora spatia evagari.

Mare rarò, aut nunquam magis concutitur, aut impensius fervescit, quàm dum turbinibus, aut procellis, quas *Travados* appellant, agitur. Illæ enim inter cæteras, maximè Nau-

I.  
Tempestates in  
Mari aciores  
sunt, quàm cir-  
ca littora.

II.  
Quare Hirundi-  
nes circa Terram  
volitant, instan-  
te tempestate.

III.  
Cur Travados i-  
ta sint Nautis  
formidabiles.

tis formidabiles sunt, & quarum furorem omni conatu evitare moliantur.

Earum Tempestatum vehementia, præsertim paulò ultra *Bona Spei* promontorium sentitur; quoniam illic Vapores magna quantitate, ex *Æthiopico* Mari emissi, (quoniam latissimum est, & Solis radiis maximè fervescit) Ventum *Occidentalem* facile producere possunt, qui eorum impetum sistunt, qui à Mari Indico ipsi opposito proficiscuntur, & ita illos in *Nubem* adigunt: quæ nubes, quia ex inæqualitate oritur, quæ inter immensa duo illa *Maria*, & *Terram* hanc, quæ etiam latissima est, interponitur, majorem molem habere debet, quàm quæ in regionibus nostris efformatur, ubi tantum à minoribus istis inæqualitatibus pendet, quæ planities nostras interfecant, & lacus ac montes dirimunt: Ita hæc Nubes sublimis, magno pondere comparato, tota decedit, & magno impetu omnem subjectum Aërem agens, Tempestatem excitat; quæ vehementior passim efficitur, quo minor in initio nubes deprehensa fuerit, quoniam altissima, & maximè remota à Terra esse supponitur. Manifestum autem est, ponderosi Corporis impetum, validiorem esse, quo ex loco *editiori* descendit, & longius spatium dimetitur.

## IV.

*Quæ origo Castoris & Pollucis & quomodo boni augurii esse existimantur.*

In magnis Tempestatibus, quidam Ignes in Malorum fummitate aliquando consistunt, qui *Castor* & *Pollux* à Nautis vocantur, si duo sint: *Helenæ* autem, si unus. Illos felicitis augurii esse existimant, hunc vero infaustum, & qui immitiorem tempestatem portendat.

Nascuntur hujusmodi Ignes, ab Exhalationibus, quæ Vaporibus in nubem coalitis admiscuntur, quæ cum ob partium suarum soliditatem, & irregulares suas figuras, à *Nube* delabente, pari impetu cum Vaporibus propelli nequeant, Aëris agitatione, ab ipsis sejunguntur: ac proinde hæ exhalationes, in varios cumulos congregatæ, quàm altissimè possunt, juxta *nubem* volitantes, *malis* navium, aut *funibus* implicantur; dum nubes ad sui Motus terminum perveniens, illas eo usque detrudit. Duo autem *ignes* melioris *spei* signa sunt, quòd procellæ acriores in fine sint, magisque sæviant, ac proinde multiplicatis Ignibus, franguntur Tempestates, & plures nubes unæ aliis incumbendo brevi disperguntur. Uno autem solummodo Igne conspecto, *acrior* Tempesta, majorque Aquarum cluvies

cluvies expectanda est; quoniam superesse adhuc possunt nubes, quæ in inferiores ruant, & novis viribus Mare concutiant.

Tonitru æstati familiarius est, quàm hyemi, in qua non nisi raro auditur.

V.

Cur Tonitru frequentius æstate quàm hyeme auditur.

Ratio est, quòd Tonitru ad modum procellarum, & nubium lapsu oritur, dum nimirum Superiores magno impetu in Inferiores decidunt; quod certè non contingeret, nisi dum Aer calidior circa Superiores delatus, illam sensim condenseret, & graviolem efficeret. Cum autem hyberno tempore, non tam facilè Calor sufficiens nubibus dissolvendis ad Superiores usque pertingit, manifestum est, frequentius in æstate tonare debere.

Tonitru fragor varius est, & non semper eodem modo Aures nostras percillit; quandoq; enim continuo fragore, aliàs ictibus repetitis auditur.

VI.

Unde varius Tonitru fragor.

Continuatur Tonitru Sonus ob varias corporum Reflexiones, & circumambientis Aeris resonantiam. Nam sicuti unus *tormenti bellici* bombus, continuato fragore auditur, ob *collum, edificiorum*, & aliorum locorum redundantiam: Ita diuturnior redditur Tonitru fragor, ob *Aërem* circumquaque positum, & disposita per ordinem *Corpora*, quæ illum reverberant. Quòd autem interruptis fragoribus interdum tonet, ex hoc solo procedere potest, quòd partes editiorum Nubium, vel simul omnes delabantur, vel una post aliam, vel tardius aut celerius; vel quod inferiores majores, aut minores, crassiores aut tenuiores sint, & magis aut minus obnuntantur.

Post ingentem pluviam, Tonitru desinit, & omnis in Aëre fragor cessat.

VII.

Quare post pluviam omnis fragor desinit.

Quoniam nubes superior in subjectam delapsa, tanta vi pollet, ut illam concutiendo, eam penitus dejiciat; & quamvis fortè non satis virum habeat, ad illam omnino infra deturbandam, ex ea tamen, aliquos nivis floccos excutit, qui per inferioris Aeris Calorem decedentes, in *pluviam* convertuntur. Ob eandem causam, Tonitru vehementiam *Bombardarum* explosione, aut *Campanarum* sonitu, fulminis vim infringere nituntur; Quippe nix Aeris agitatione concussa, discutitur, & ad descendendum adigitur.

## VIII.

*Tonitru post fulgur semper auditur, nisi illo sit prius.*

Tonitru celeritate Fulguri cedit, & quamvis eò sit prius, posterius tamen semper percipitur.

Hujus rei manifesta redditur ratio, quòd Visus ope globulorum Cœlestium peragitur, qui cùm solidi sint, & divisionem non patiantur, non vacillant aut deflectuntur. Auditus verò, sit tremulâ Aeris agitatione, cujus particulæ, cùm flexiles sint, & à se invicem disjungantur, in se reflectuntur, & vacillant.

## IX.

*Tonitru fit in doliis liquore repletis perturbatio.*

Tonitru fragore, *Vinum* in doliis perturbatur, & aliam à priori qualitatem assequitur.

Quia cùm Fluida Corpora, non seipsis moveantur, sed agitationem suam à Materia subtili intercurrente habeant; necessum est, illam motus hujus agitationi debere proportionari. Verùm, quum concussio per Tonitru æthere, intercepta in ejus meatibus materia; plurimum distrahatur, cursusque irregulares subeat, necessum quoque est, liquorum particulas, præter solitum inflecti & confusionem in eo, quod componunt, Corpore inducere. Sic deprehendunt non rarò medici, Sanguinem nihil quoad externam speciem mutatum, venosum *Virus* fovere, aut subito in *febrim* inardescere, à motu scilicet subtilis Materię perturbato, & temerè massam sanguineam pervadentis.

## ARTICULUS OCTAVUS.

## De Fulmine.

## I.

*Cur fulmen in Turres & proceras arbores passim decidit.*

**E**ditiora loca magis quàm humilia, Fulmine feriuntur: Hinc montes sæpius quàm Valles, Fulminis ictus tolerant, necnon proceræ Arbores, ut *Ilices* & *Quercus*, illius injuriis maximè obnoxie sunt. Unde Claudianus.

*Incubuit nunquam cœlestis flamma salictis,  
Nec parvi frutices iram meruere tonantis;  
Ingentes quercus, annosas fulminat ornos.*

Ratio est, quòd Fulmen accensis Exhalationibus constat, quæ ob.

ob suam raritatem & volatilitatem, à Vaporibus secernuntur, & simul cum turbine in Terram irruentes, debent potius *Turris* fastigia, vel *montium* vertices percutere, quàm loca depressiora. Fulmen enim, *Nube* dehiscente, potissimum ex ea parte erumpit, quæ cæteris infirmior est, aut ejus impetui magis resistit. Cum autem *Turres*, *scopuli*, cæteraque alia eminentiora loca, illi magis oblucentur, facilius Nubes talium Corporum occurfu diffringitur, & in illam vim suam exercet.

Lapis interdum in fulmine generatur, & cum eo ex nubibus cadit, qui passim *Cuneus*, seu *fulminis telum* nominatur, quoniam omnia Corpora disrumpit, & obfistentia quæque prosternit. II.  
Quomodo Lapis in fulmine generatur.

Id accidit, si Exhalationibus, quæ Fulmen componunt, multæ aliæ pingues, & sulphureæ admisceantur, præsertim si crassiores etiam adsint, ei Terræ similes, quæ in fundis *vasorum*, in quibus collecta est pluvia, subsidit. Nam quemadmodum experientia discimus, si *hujus terræ*, *nitri*, & *sulphuris* certas partes simul misceamus, misturamque istam incendamus, illam, temporis momento in Lapidem quendam con crescere. Ita Lapis fulmineus, ex viscosis ac Terrestribus Exhalationibus, *sulphure* admixto generatur, quas in ipsa adhuc nube, vel etiam per Aërem descensu sibi adjungere potest. Unde nonnunquam non Lapis modò, sed & ferrum, aliæque Metalla cum fulmine dilabuntur. Testatur *Agricola libro quinto de ortu subterraneorum*; in Persia, cum coruscat, corpora ærea, & sagittis hamatis similia decidere, quæ in fornacibus non liquefcunt, sed quorum humor in *fumum* resolvitur, residua terra in *Cinerem* abeunte.

Aurum, *Æs*, *Argentum*, fulmine liquatur intus, sacculis ipsi nullo modo ambustis, ac ne consulo quidem ceræ signo. III.  
Ut Fulmen Aurum in bursa, Vinum in dolio, illis intactis consumatur. *Dolia* exhauriuntur intactis operimentis, nullòque alio vestigio relicto. *Marcia* princeps Romanorum ista gravida, partu exanimo, citra ullum aliud incommodum vixit. *Plinius libro secundo capite 51.*

Varii illi Effectus, à varia fulguris compositione pendent. Quoddam enim Exhalationibus maximè *subtilibus* constat, quæ *Salis* volatilis vim imitantur, aut Aquæ fortis naturam sunt adeptæ. Et tale, *rara* & tenera corpora intacta relinquit; commi-

comminuit autem & dissipat densiora, & quæ illis renituntur & obfistunt. Unde Fulmen, *Argentum, As, Aurum*, liquefacere potest, *Crumenâ*, aut fassis illæsis: sicuti videmus Aquam fortem per *ceram* liberè transmitti, *ferrum* autem, & simile durum corpus resolvere, & in minutias parti. Cujus rationem adfert Seneca in Quæstionibus naturalibus capite 52. *Valentiora*, inquit, *quia resistunt*, vehementius fulgur dissipat: cedentia nonnunquam sine injuria transit, cum lapide ferroque & durissimis quibusque confligit; quia viam necesse est per illa impetu querat: Itaque facit viam qua effugiat. Teneris & rarioribus parcat, quanquam & flammis opportuna videantur; quia transitu patente minus sævit.

## IV.

Quomodo Vinum fulmine absumitur, dolio intasio.

Quoad secundum de Dolio, quod intactis operimentis liquore evacuatur, dicendum est, per Dolii meatus, subtilissimam materiam subire, quæ acerrima sua agitatione, Vini partes ita imminuit, atque ad eam exilitatem reducit, ut per ejusdem Dolii poros transmitti queant. Unde brevi temporis intervallo, *Vinum* in Vapores conversum, per vasis poros, atque compaginata ejus latera extruditur, & singulari modo exugitur. Unde huic malo avertendo, solent Nonnulli antiquam tempestas ingruat, cados vinarios præmunire, superposita vasis ferri lamina cum sale, aut silicibus, eo quod cum durissimis fulmen conflictetur, & in ea potissimum vim suam exerat.

## V.

Ut Marcia fulmine icta fatum mortuum peperit.

Quantum ad Marciam, quæ fulmine afflata, extinctum foetum peperit, non necessarium videtur ad Fulminis potentiam recurrere: quum id ex Timore contingere potuerit, ut Matriona illa scilicet, vicini fulminis delapsu territa, abortum passa sit: Quod per Urbem Romanam postea vulgatum, Historici occasionem dedit scribendi, ipsa incolumi, exanimatum fuisse in utero partum. Vel si verè fulmine percussam admittamus, causa esse potuit, quod Exhalationes quibus fulmen illud constitit, ad Oleorum naturam accederent, adeo ut, lævem tantum flammam alendo, non nisi teneriora Corpora corripuerint, durioribus relictis intactis.

## VI.

Ut Animalia fulmine suffocantur.

In hujusmodi exhalationes quorundam Animalium interitus refunditur, qui absque ullo exustionis indicio exanimata deprehenduntur. Talium enim exhalationum vehementia, ita prosterni Animalia possunt, quatenus ore naribusque obstru-

ctis.



ctis, musculi ad respirationem destinati comprimantur ac ob-  
rígescunt: Unde mirum non est, si subito cadant, & veluti  
momento suffocentur. Possunt enim exhalationes ita subtiles  
esse, ac adeò defæcatas, ut corpus facile penetrent, ac ejus in-  
teriora præ partium teneritudine lædant, nullo sui vestigio  
exteriùs relicto.

Nihil inter Antiquos vulgatum magis, quàm *laurum* ful-  
mine invictam esse, & tanta vi pollere, ut pestilentem ejus  
spiritum abigat. Hinc *Tiberius* Imperator Tonitrua veritus,  
lauream coronam turbatiore Cælo gestabat. Et *Columella* præ-  
cipit, ut gallinæ incubanti, *laurea* ramulos adversus fulmen, &  
tonitrua supponantur.

VII.  
*An Laurus a  
fulmini istu  
eximatur.*

Hujus immunitatis Causam quidam in Lauri figuram refe-  
runt, quæ maximè *rotunda* est, ac lævi & denso cortice. Un-  
de inferunt fulminis exhalationes, illi inhærere non posse, sed  
intactam præterire. Verùm, infirma videtur hæc ratio, quum  
columnæ marmoreæ, quæ *lauri* truncum *rotunditate* & duri-  
tie superant, aliquando fulmine feriantur, & noxam recipi-  
ant. Ut testatur *Cardanus subtil. libro secundo*. Florentiæ in-  
quit, in æde maxima, seu potiùs in ædis ambitu, videmus co-  
lumnâ fulgure percussam & violatam. Ego enim fabulam  
esse credo, quod de Lauro tamdiu jactatum est, quum Autho-  
res non desint, qui asseverent *laurum* aliquando de Cælo ta-  
ctam esse, ut *Combricienses*; & fictitiâ omnino esse illam im-  
munitatem, ut exemplis ostendit *Vicomercatus comment. in Me-  
teor. Aristotelis*. Ratio forte, cur illam Veteres lauro concef-  
ferint, esse potuit, quòd *lauri* dum virent, spirituofos halitus  
ejaculentur, qui venenatos spiritus abigunt, & contagio ob-  
nituntur. Sed verisimile non est, lauri *frondes*, aut truncum,  
tantæ esse Virtutis, ut erumpentiæ à nubibus fulmina eludant,  
& quos tegunt, aut sustinent, ab eorum impetu liberent, &  
tueantur.

*Phoca*, seu Vitulus marinus creditur nunquam fulmine af-  
fari: Ideò tentoria Imperatorum ex *pellibus* Vituli marini  
fieri solebant: & *Augustus* adeò fulmina expavescebat, ut eas-  
dem secum semper portaret. *Suetonius*.

VIII.  
*Non Phoca est  
fulmini impe-  
netrabilis.*

Quidam eam virtutem raro pellium contextui, minùsque so-  
lido acceptum ferant, quòd *Fulmen* per earum poros trans-  
mittatur, & nullam injuriam ejus penetratione patiantur. Sed  
hæc

hæc ratio non satis solida videtur, ut tantam vim stabiliat. Nam qui immunis à fulgure is dici poterit, qui illis cooperitur? si fulmen per earum poros deducatur, & via ad eum, quem abscondunt, pateat? Hanc igitur phocæ tegmini attributam fuisse virtutem suspicor, ob miram quam habet cum mari *sympathiam*, cujus pili pelago turbato, & in fluctus affurgente, eriguntur; dimittuntur verò, & in planum sternuntur, si Aquæ sublidant, & æstus desluat. Hinc *Nautæ* Aëris mutationibus cognoscendis, hujusmodi *pelles* circumferebant, quod forte nonnullis ansam præbuit imaginandi, *Phocæ exuvias* adversus fulmen prodesse, & tabernacula illa ab ejus ictibus immunia esse, quæ talibus pellibus obteguntur.

## ARTICULUS NONUS.

### De Iride.

I.  
*Primaria Iris*  
*vegetior est*  
*quàm secunda-*  
*ria.*


**I**RIS *primaria*, seu quæ sola plerumq; apparet, vegetior, firmioribusque Coloribus tincta exhibetur, quàm *secundaria*, quæ supra aliam assurgit. Hujus enim Colores debiliores sunt, & non nisi ordine inverso, conspiciuntur.

Illud à radiis provenit, qui ab utraque *Iride* ad oculum pertinent. Qui enim ex interiori emergunt, veluti in *ampulla vitrea* post duas refractiones, & unam reflectionem, ad oculum nostrum perveniunt. Unde radii sub eodem angulo, quem faciunt, cum Axe communi, in eodem oculi puncto occurrunt, ab eodem conii base. *Exterior* autem sive *Secundaria* fit, quoniam radii infimo guttarum quadranti incidentes, post duas *refractiones*, & totidem *reflectiones* emergunt, atque oculo incidunt: Quo fit, ut *rubedo*, *flavedo*, *viror*, cæterique alii Colores qui in *iride primaria* conspicui sunt, debiliores sint, & ordine perturbato in exteriori exhibeantur. Quia radii incidentes, qui post duas refractiones & reflectionem unam, minorem elevationis angulum relinquunt, reflectione addita majorem faciunt; & è diverso qui majorem, saltém majori ex parte, minorem.

Sunt

Sunt qui referunt, *Arcum Caelestem* cornibus everfis, hoc est, versùs cœlum exporrectis interdum aspexisse, qui eandem prorsus ipsis speciem ac aliæ Irides exhiberet; uti in F F F videmus exhibitum.

II.  
*An unquam visæ fuerint Irides inversæ.*



Quidam id somnium fuisse arbitrantur, & inter ea numerandum, quæ à deliris, & Amentibus finguntur. Sed meo iudicio nihil obstat, quin id interdum oriri possit; si Solares radii per reflectionem in *maris*, aut *lacus* alicujus superficiem incurrant; modò sit magna Aëris tranquillitas, nullusque Ventus adsit, qui Aquam commoveat, & inæqualem ejus superficiem reddat. Præsertim si quædam nubes, illi Aquæ superincumbat, quæ impediat, ne Solis lumen rectà ad pluviam tendens, illud quod Aqua eò remittit, supprimat atque extinguat. Verum est, talem Arcum non nisi rarò videri: At non idèò somnium dicendum est, quoniam paucis eum intueri contigit. Sufficit aliquandò apparuisse, ut quo pacto ortus sit, inquiratur, & illius novitatem non miremur tantùm, sed causam cognoscamus.

Sint igitur radii solares à Cœli regione SS. effusi, qui in A. quam D A E, & ab hac ad pluviam C F resiliant, oculus in B collocatus Arcum F F spectabit, cujus centrum in puncto C; ita ut linea C B, usque ad A, prolata, & A S per Solis centrum transeunte, Anguli S A D, & B A E æquales sint, & angulus C B F duorum & quadraginta circiter graduum. Potest tamen Oculus in tali situ respectu Solis & plu-

III.  
*Explicatio Iridis inversæ.*

vix collocari, ut inferiorem circuli partem; quo Iris integra constat, spectet, non superiorem spectando. Atque ita ut illum pro inversa Iride sumamus, etiamsi tunc non versùs Cœlum, sed versùs Terram aut Aquam aspicientibus duntaxat videatur.

## IV.

Quo pacto Iris  
pluviam præ-  
nuntiet.

Iris passim imbrium, nuntia habetur, eo quòd certissimam pluviam promittat. Hinc Claudianus,

*Jupiter interea cinctum Thaumantide nimbis  
Ire jubet.*—

Quamquam id passim à Philosophis pro indubitato recipiatur, non tamen idèd universaliter est amplectendum, quum contrarium experiamur, & non minùs serenitas, quàm pluviosus dies Arcum Cœlestem sequantur. Nam licet Nubes, in qua depingitur, rorida sit, & Aquà turgcat, ea tamen esse potest Aëris temperies, ut quicquid Humor in ea continetur, evaporetur, & Calore accedente in auras evanescat. Unde impedità concretionem, & disjunctis Aquæ particulis, mirum non est, si nulli imbres nascantur, & serenum Cœlum appareat. Ex quo colligitur, non generaliter verum esse, quod asserit *Aristoteles*, Arcum à Meridie ortum, magnam Aquarum vim devehere; circa Occasum autem, non nisi leves pluvias minari. Cùm iis *Signis* non rarò decipiamur, & fulgente à meridie Iride, quandoque serenescat, & versùs occasum, ingentes imbres decendant. Unde Plinio magis assentior, dum scribit, *Arcus frequentes ne pluvias quidem, aut serenos dies cum fide portendunt.*

## V.

Tres Irides ali-  
quando visi.

Conspècti sunt interdum tres Arcus Cœlestes, aded ut, tertius superveniens, duos ordinarios cinxerit, sed pallidior, minùsque aliis vegetus, & tantum circiter à secundo distans, quantum ab illo primus removebatur.

Contigit illa Iris *tertia*, ope grandinis, quæ roranti Nubi admixta fuit. Nam cùm grandinis lapilli, rotundi sint, ac pellucidi, & major in illis quàm in Aëre refractione fiat, *Arcus Cœlestis* exterior, multo etiam major in illis esse debuit, & ita supra alterum apparere. *Interior* verò, qui ob eandem rationem longè minor debuit fuisse, quàm Interior Pluviæ, fieri potest, ut ob insignem hujus fulgorem, nullam sui speciem præbuerit, vel ut uterque limbis commissis, pro uno fuerit existimatus, sed pro uno, cujus Colores aliter quàm in Arcu ordinario

*dinario* dispositi esse debuerunt. Igitur Iris Tertia cum *Primaria* convenit, quod fiat per radios in superiorem guttarum portionem incidentes, ac proinde idem Colorum ordo utrique insit, nisi quod in secunda, Color sensim deficiat, debiliorque sit quàm in prima, & in tertia quàm in secunda.

Observarunt Antiqui, quocumque Iris velut imminens, aut incumbens devertit, suavem exhalari odorem. *Bacon.*

VI.

*Iris suavem odorem spirat.*

Causa est, quorundam Corporum indoles, insita suavitate præditorum, quàm placidus Iridis ros prolicit. Idem efficiunt modici imbres, qui Terram suavitate perfundunt, sed nulli tam delicati sunt, quàm ros Iridis, quemcumque in locum deciduus, forte quod ipsi Aquæ insit suavitas; Cùm Iris nihil sit, quàm agglomeratæ guttulæ, quæ deplui nequeunt, nisi ex Aëre admodum humili, qui fragrantiam herbarum & florum, instar Aquæ destillatæ, retinere integram queat. *Pluvia* enim aliisque ros, ex alto delabens, odorem servare non potest, quem in ascensu dissipatum perdidit exhalatio. Unde animadvertit Plinius Lib. 12. Cap. 24. quod in quocumque frutice curvetur *Arcus Cælestis*, eandem, quæ sit *Aspalatho*, suavitatem odoris existere: sed in *Aspalatho* inenarrabilem quandam.

Iris non omnibus eadem apparet, sed sua cuique videtur: unde tot in nube picti *Arcus* conspiciuntur, quot oculi sunt, qui versùs eam diriguntur.

VII.

*Non omnibus Iris eadem apparet, sed cuique sua.*

Hujus multiplicatis ratio est manifesta, ex eo quod radii, qui unius oculo incidunt, ad alterius oculum non pertingant. Nam licet quælibet gutta, solis radium remittat, nubes tamen coloratam Iridis speciem solum exhibet, dum in eo situ posita est, ut certo Angulo reflectionem faciat. Unde si quis versùs eam progrediatur, aut aliquot passibus ab eo retrocedat, non eandem semper Iridem contemplabitur, sed aliam atque aliam, prout *Angulus* per processum augebitur, vel retrocessum decreset.

Luna interdum Arcum Cœlestem depingit, quem *Aristoteles* die mensis unica, atque etiam in plenilunio contingere asseverat.

VIII.


*Luna etiam Iridem generare potest.*

Ambigi nequit, quin radii lunares in Nubem impingi possint, & eo modo in singulas ejus guttas agere, ut ad oculos nostros reflexi, Iridem exhibeant, Solari quidem debiliorem, nec tantà Colorum varietate decoratam. Talem se Oxoniæ Anno millesimo sexcentesimo sexto, mense Junio vidisse testatur *Bembachius*

*bachius.* Verùm, quòd certis duntaxat temporibus deprehendatur, ut *Aristoteli* placuit, falsum esse existimo, cum graves Authores fidem faciant, se bis illam duorum Annorum spatium aspexisse, idque variis diebus, & Luna non plena, sed medio orbe dissecta. Imo *Scaliger exercitatione octava*, veluti de re communi in insula D. Thomæ loquitur. In *Insula S. Thomæ*, inquit, si antecesserit pluvia, fieri à Luna Iridem, cujus color sit quasi alba nebula. Coloratum ego ipse duobus vix abhinc annis, in Anglia sum contemplatus prope *Amtempcourt* Regis palatium, decem aut undecim miliaribus *Londino* distans, circa medium Octobris, & Luna in cornua falcata. Hujus spectaculi testem habeo Nobilissimum ac Eruditissimum Virum Equitem *Carolus Vualdegrave*, in cujus consortio tunc eram. Qui rei novitatem admiratus, aiebat, se talem Arcum vesperinis horis nunquam aspexisse. Quippe adeò dilucidus apparuit, distinctósque præferebat colores, aut Solarem Iridem aliquo modo æmularetur, & similem, quamvis debiliorem speciem exhiberet.

IX.  
Ut Coronæ circa  
Candelam  
formantur.

Non rarè contingit, ut quis circa lampades, aut candelas Irides deprehendat. Quales per litteras A B, C D delineantur, præsertim ubi quis per tempus aliquod alterum Oculorum clauscrit, altero aperto.



Nonnulli effectum hunc *Aëri* Lucernam circumambienti tribuunt, qui suâ crassitie radios reflectit, eosque transvertit. Sed eos hallucinari maximè evincitur, quum talis circulus, non ab omnibus videatur: quod tamen fieri deberet, si ab *Aëris* crassitie oriretur. Verùm quomodo nascatur, facile dignoscetur, si causa transverforum radiorum, qui ibidem aliquando videntur,

tur, detegatur. Dico igitur id fieri posse, si una tantum aut duæ perexiguæ rugæ sint in aliqua ex superficiebus tunicarum; EMP Oculi FOSMN quæ ob ejus figuram sint circulares, & Centrum habeant in linea EO; quemadmodum ibidem etiam, sæpe aliæ sunt, secundum Lineas rectas extensæ, quæ se mutuo decussant, in hac Linea EO, efficiuntque, ut magis quosdam radios hinc inde sparsos circa faces ardentes videamus: Ut etiam si quid opaci occurrat, vel inter E & P, vel alicubi ad latus, modò ibidem circulariter se diffundat.

## ARTICULUS DECIMUS.

### De Ignibus in Aëre accensis.

**I**gnes fatui non rarò viatores ad lacus & paludosa loca deducunt: Unde fit, ut domum noctu petentes, eos insequendo, in præcipitia non rarò decendant, & fraudulentorum Ducum Lumine, ab itinere devient.

I.  
*Cur Ignes fatui ad lacus & flumina homines deducant.*

Hic Effectus ex iis, quæ antea de Ventis diximus, colligi potest. Nam cum plures Vapores tempore nocturno, e Terra, quàm ex Aquis attollantur, fit ut erratici Ignes illi, qui Aeris cursum sequuntur, versùs Aquas, aut paludes descendant: quoniam illic, ob minorem agitationem, Aër refrigeratur, fitque eo, qui Terræ incubat, condensior, ac proinde hujusmodi Ignes Aeris alis quodammodo fulti, & ejus motibus obsequentes, cò è vicinis Terris devehuntur.

Nihil magis inter Philosophos tritum, quàm Ignes fatuos, accedentes ad ipsos fugere, insectari autem eos, qui fugiunt. Ut multis exemplis apud omnes probatur, præsertim Fromondum.

II.  
*Quomodo fatui Ignes sequantur fugientes, & fugiant insequentes.*

Causa Aëri imputatur, qui cum levis, ac fluidus sit, ambulantis agitatione concussus, illos propulsat, eosdem autem defert, dum fuga sequitur. Nam si ante ambulantem Ignis consistat, Aëre anteriori depulso, propellitur, & insequentem fugit: Si verò post ambulantem est, Aëre tergum insequente, comitatur, & ipse fugientem insectatur.

Notatur:

## III.

Unde proveniunt flamma quæ circa crines Paucorum interdum apparent.

Notatur in Veterum scriptis, quosdam Ignem emicuisse, qui puerorum capillis adhererint, & absque illorum sensu, innoxioque capillatio, aliquando faterint. Id *Ascanio* *Æneæ* filio, contigisse narrat *Virgilius* libro secundo *Æneidos*.

*Ecce levis summo de Vertice visus tili  
Fundere lumen apex, vultuque innoxia molli  
Lambere flammæ vomus, & circum tempora pasci.*

Otri possunt hujusmodi flammæ, dum Exhalatio subtilis & penetrans, talis nempe, quæ *Salis* naturam participat, alterius pinguis & sulphurea meatus ingreditur. Hoc enim sufficere potest, ad tenues quasdam flammæ tam in sublimi, quam in infimo Aëre excitandas. Nam certum est, non tantum violentam Agitationem, sed sæpe etiam solam diversorum Corporum mixturam, Igni producendo sufficere. Ut in Calce Aqua conspersa videmus, & innumeris aliis exemplis, quæ cotidie chymicis occurrunt.

## IV.

A commotis spiritibus potest illa flamma provenire.

Gigni etiam possunt hujusmodi lambentes flammæ, ex spirituum commotione, qui è Corpore erumpunt, quique inter se convoluti, quandam Ignis speciem præ se ferunt: ut de *Alexandro* Magno referunt Historici, qui in magno prælii ardore scintillas emisit. Et de feroci *Tiberii* Equo, è cujus capite flamma emicuit. Nam cum *Alexander* ignem fuerit complexionis, & multum Vino indulgeret, potuere per ejus poros spiritus transmitti, formandis Ignibus idonei: sicut ex Equo *Tiberii*, velociori agitato incalcescente, viscosus & pinguis sudor erumpere, ex quo Ignis accensus est, sed innoxius, & omni ardore destitutus. Hinc Ignis fati locis pinguioribus, ut cloacis, cæmeteriis, palustribus, potissimum incumbunt, quoniam inde major Exhalationum copia educitur, & viscidiores spiritus, illic magis erumpunt.

## V.

Afflicta pellis felina scintilla avolant.

Ob eandem rationem, felina pellis, ubi affricatur, præsertim hyberno tempore, scintillas emittit, quoniam per Hyemem, Feles pinguioribus sunt, quam per Æstatem, ac proinde plus viscidii humoris suppeditant, ad scintillas excitandas. Quia verò in Æstate, Halitus facile in Aerem erumpunt, mirum non est, si materia Ignis generandi deficiente, scintillæ non tam sæpe ex tali affricatu appareant.

Serenis



Serenis noctibus, *Stella* de Cælo delabi videntur, quæ veluti Igne continuo, iter suum signant, & illuc celerrimè transiunt.

Tales *Stellæ* gignuntur, dum magnus æstus, & siccitas præcessit, & dum spatium, quod inter duas Nubes interjacet, multas Exhalationes continet, admodum subtiles, & Igni concipiendi idoneas: Quippe si tunc ita *leves* sint, & parum densæ, ut una ex loco satis alto ruente, nullus *fulminis* Sonus audiatur, neque Tempestas in Aëre excitetur; nihilominus interjectæ *Exhalationes* ita convolvi possunt, ut minores flammæ oriantur, quæ *Stellæ cadentes*, vel *discurrentes* appellari solent. Unde pro varia accensæ Exhalationis specie, diversa sortiuntur nomina. Nam si Exhalatio jacens & oblonga accendatur, *Trabs* vocari solet, si basim paulò latiorem ampliorèmq; habeat, *Pyramis*; si rotundam, *Chypæus*; si circa medium infusetur, & intumescat, minuatur verò versùs extrema, *Draco*, &c.

Ignes, qui juxta Terram originem habent, aliquamdiu permanent, & non nisi post aliquod tempus pereunt: Illi verò qui in sublimi summòque Aëre formantur, statim ab ortu evanescent & extinguuntur.

Ratio est, quòd flamma fortiùs, debiliùsque materiæ adheret, prout illa magis, aut minùs densa est, & compacta. Cùm autem *Meteora*, quæ altiùs in Aëre formantur, valde tenui ac rarà materià consistant, necessum est illa intra breve tempus interire, & non nisi per brevissimam moram lucere. Quippe si eorum materia densa esset, proprio pondere in Terram deducerentur, & sedem superiorem relinquerent. Et idcirco *Aristoteles primo Meteororum*, illos ei flammæ similes esse arbitrat, quæ secundùm fumum *lucernæ* recens *extinctæ* decurrit, quum hæc lucerna ad alterius flammam, ab ea nonnihil distantis denuo accenditur.

In Cælo videmus aliquando *prætorum simulachra*, *armatos* Milites, & irruentes in sese *Acies*. Anno Domini millesimo quingentesimo quadragesimo quinto, tales in *Silesia* apparuere imagines. *Ursus* ab oriente aciem instructam ducebat, cui ab occasu armata manu *Leo* occurrit; intra utrumque exercitum lucidissima emicuit *stella*; mox inter se congressi dimicarunt acriter, ut destillare ex sauciatis *sanguis*, & exanima Corpora decidere

VI.

Quid sint illæ  
Stellæ, quæ de  
noctè cadunt.

VII.

Cur Ignes prope  
Terram geniti,  
aliquamdiu du-  
rent, non autem  
illi, qui in sub-  
limi formantur.

VIII.

Unde oriuntur  
Exercitus qui  
in Aëre ali-  
quando viden-  
tur.

decidere viderentur. Inter præliandum *Aquila* sese supra copias *Leonis* de alta rupe, alarum libravat remigio. Dirempto quasi certamine, *Leo* inter suas fulsit cohortes; nullum *Urſi* vestigium, sed prostrata jacuere cadavera, quæ alter constiterat exercitus, quibus canitie venerandi adstiterant *Senes*. Finito prælio, reduxit exercitum ad occasum *Leo*, quo aliquo usque progresso, quidam albo Equo & ornato vectus, ad pugnam locum à copiis rediit, atque in eum equum juvenem cataphractum ibi stantem collocavit, & versus ortum procedentem comitatus, cum cæteris speciebus evanuit. *Jonſton. admirand. Meteor.*

## IX.

*Plebis proclivitas ad omnia promiscuè credenda.*

Haud ignarus sum; quantum apud Plebem hujusmodi Narrationes valcant, & quàm proni ad ea credenda Homines sint, quæ futurorum notitiam ipsis detegere imaginantur. Sat est duas Nubes in oppositum constitui, & aliquas refractiones & reflectiones efficere, ut statim apprehendant illas inter se *congruendi*, dilucidiores earum portiones, *cataphractos Milites* esse, imo Armorum audiri *crepitus*, *missilia* transvolare, & aliorum *chypeis* excipi. Vidi ipse in *Flandria*, nocte serena, in Aëre Vapores modo insolito dispositos, & qui nonnihil Luminis in sese refundebant, ita Incolas terruisse, ut proxima luce passim se instructas *acies*, directas *hastas*, emissos *globulos* spectasse se referrent: Imo *tuba* sonum, ensium *strepitum* audiisse asseverarent.

## X.

*Causa apparentis in Aëre Accidit.*

Sed quia accidere potest, ut reverà hujusmodi species conspiciantur, duas addam rationes, è quibus contingere hujusmodi simulachra posse videtur. Prior est, quòd in Aëre, variaz nubes esse possint, ea parvitate, ut singulæ militum speciem referant, & unæ in alias irruentes, satis magnam Exhalationum copiam contineant, ad parva quædam fulgura excitanda, atque interdum *glandulas* emittendas, & aliquos sonos edendos; ex quo præliari milites, & inter se configere appareant. Posterior, dum omnes illæ exiguæ nubes sibi proprio lumine splendent, & lumen illud reverberant, quod coruscationes & Ignes magnæ alicujus Tempestatis, tam longè inde sævientis, (ut ibi ex Terra non percipiatur) ad illas usque transmittunt.

ARTICULUS UNDECIMUS.

De Halonibus & Parheliis.

**H**Alones, sive *Corona* non nisi Aëre sereno sunt conspicuæ, I.  
& in hoc ab *Iride* distinguuntur, quæ nunquam apparet, Cur Halones non  
nisi plente cœlo, ubi deprehenditur, & si forte ubi consistit nisi dum serenum  
spectator, non pluat. apparent.

Ratio hujus diversitatis, ex utriusque compositione facile eruitur. Quippe *Halones* non per radiorum refractionem, quæ sit ex *Aquæ* guttis, quemadmodum *Iris*, oriuntur, sed per eam quæ ex *stellulis*, sive *lamellis* ex glacie pellucida compositis, & licet hujusmodi stellæ nunquam nisi inclementi cœlo, frigidisque mensibus decidere videantur; ratione tamen convincimur, illas quacunque Anni tempestate generari: imo cum Calore opus habeant, ut ex *albis*, quales sunt initio, *pellucida* reddantur, verisimile est, æstivos menses, magis ad illarum formationem conducere.

Visæ sunt aliquando Coronæ *duplices*, ita dispositæ, ut una supra alteram expanderetur, fieretq; concentrica.

II.  
Quomodo fiant  
duplices Corona.

Id accidit, si duo aut plures ordines particularum glaciei congesti sunt, dummodò radios Solares, non ideò planè excludant: illi radiorum qui per duos ordines in Stellarum extremitatibus penetrant, bis ferè tantundem incurvati, quantum alii, qui per unum tantum, alium circulum coloratum producent, ambitu quidem priori longè majorem, sed minùs lucidum: ut ita duæ Coronæ, quarum una *alteram* ambiat, & quarum exterior interiori minus *picta* sit, appareant.

Coronæ circa Solem, aut Lunam videri non solent, dum sunt *horizonti* vicinæ, sive dum ista Sidera oriuntur, vel occidunt.

III.  
Quare Corona  
non videantur  
circa Solem aut  
Lunam, dum ori-  
untur, aut occi-  
dunt.

Quia tunc Siderum radii, obliquiùs in *glaciei* particulas incidunt, quam ut illas penetrare possint: ac proinde non fiunt illæ refractiones, quarum opè Circuli, sive Coronæ peraguntur.

Spurii Soles, interdum plures apparent in uno circulo contenti. Fertur enim *sex* Anno Domini millesimo sexcente-

IV.  
Unde multi So-

les in uno Circulo nascuntur.

limo vigesimo quinto, à Polonia Rege esse visos. *Quinque* toti populo Romano anno millesimo sexcentesimo vigesimo nono apparuisse, & per quatuor horas spectandos se præbuisse.

Oriuntur hæc *Parhelia* in Nube continua glacie conflatâ, cujus superficies satis polita & tersa, à Sole versus meridiem elato, illustratur, & receptos radios in nivem nobis, quam circumdat, reverberat. Quoniam tunc Nix à Terra subiecta eam aspicientibus, ad modum ingentis albæ coronæ exhibetur, in qua Circulus unus, ob radios directè à Sole fluentes apparet, duo sequentes ob eandem refractionem, cæteri verò ob reflectionem conspiciuntur.

V.

Quo fit ut plures Soles in eodem Circulo, ab uno, quam ab alio videantur.

Multi Soles in Cæto apparentes, non omnibus eodem modo sunt conspicui: Aliqui enim spectatores in eodem Circulo plures, alii pauciores deprehendunt.

Ratio est, quod radii à Solibus istis provenientes, non pari ratione ad quemcumque spectatorem deferuntur, cum aliqui eo in loco collocari possunt, ut non nisi duas videre queant; alii talem situm nancisci, ut tres, aut quatuor, alii plures, habitâ loci ratione, è quo oculos versus sidera obvertunt. Radii enim, non omnium spectatorum oculos eodem modo afficiunt, nec radii, qui unius oculo incidunt, ad alterius oculum perveniunt: Quum indubie, qui ex uno loco in alium migrat, alia sidera contempletur, & sicut varios *Flamines*, ut antea dictum est, ita alias Solis *Imagines* spectet. Præterea, quum Terra, aut Sol necessariò moveatur, oportet Sole situm mutante, aut spectatore cum Terræ vertigine devolutò, visionis angulum mutari, & conspecta prius Sidera, post aliquot horas, eam latitudinem amittere, sub qua primum ei objecta sunt. Unde fit, ut cuique sui Soles videantur, & pro locorum varietate, alia atque alia *Parhelia* appareant.

VI.

Ut Sol nonnunquam noctu apparet.

Referunt Historici Solem aliquando noctu visum esse, & supra nostrum horizontem, eo tempore apparuisse, quo constaret illum infra delitescere.

Causa fuit, quod nubes ex glaciei stellulis conflatæ, in tam excelsa Aëris regione fuerint collocatæ, ut radii Solis infra horizontem existentis, ad eam provenire potuerint. Nam si eas refractiones, & reflectiones perpendamus, quas duc, aut tres

træ exigue nubes, variis in locis sitæ, & lumen unæ ab aliis accipientes, efficere queunt, facile capiemus, quomodo insuetos quosdam fulgores nocturno tempore exhibeant, efficiantque, ut *Sal* supra nostrum Horizontem videatur, eo tempore, quo *infra* nos est; & *umbra* in *Horologis* plus iusto accedant vel recedant, & *horarum* prorsus aliam, quam revera est, denotent.

A Conspectis Parheliis. *Regnorum Clades*, populorum defectio, Principum *Cades* aut *interitus* contingere observatur. Hinc *Meteorologi* pene omnes, Sex Soles à Rege *Polonia* visos, *Francisci* Gallorum Monarchæ capturam apud *Papiam* spondisse: Et adulterinæ Solis imagines, quæ an. 1157. apparuerunt, *Electorum* in Regis Romanorum creatione dissidium præmonuisse asserunt.

Haud inficiandum est, quin post *Parhelia* insoliti quidam eventus contingant: At quis asseret, illos à visis Siderum imaginibus originem habere, & non fortuitò potiùs, quàm prævio sensu accidisse? Tantùsne inter Corpora Cœlestia, & res humanas interest *nexus*, ut iis præter morem apparentibus, prodigia sequantur? Crede mihi, apparerent *Parhelia*, quamvis nulli novi Effectus prodirent; & novi effectus prodirent, etsi nulla in Cœlo *signa* præcessissent. Cessabit igitur Natura, non Naturales Causæ coibunt, effectûve sua non producent, nisi belligerent *Reges*, ni Principum capita devoveant *populi*, & nili Imperia, *clades*, *depopulationes*, *funera* maneant? Quot occumbunt Reges, quot Provinciæ vastantur, non apparentibus Parheliis? Si fortè post observata *Parhelia*, clades contingunt, mirum videri non debet, si ad Hominum mores attendamus, qui nunquam suâ sorte contenti sunt, & novi aliquid semper moliuntur. Deinde, quid habent Parhelia, quòd plus quàm cætera Naturæ *Phænomena* portendant? Annon eorum omnium eadem est materia? Annon casuale est, quòd hac tempestate potiùs quàm aliâ oriantur? Quæ Homini *vanitas*, ut sibi imaginetur se tanti esse, ut sua causa, *Prodigia* in Cœlo generentur, *Comete* ejugant, si bellum ineat; multiplicentur *Soles*, si regni alicujus Magnates sint conflicaturi, aut alia *Emblemata* in Aëre pingantur, si ægrotaturi sint, aut vitam cum morte

Q 2

commu-

VII.

An Parhelia  
imminentis Cla-  
des prænuntient.

commutaturi. Ne tanti nos ducamus, ut fingamus illa, non nisi ut nos de futuris præmoneant, nasci : Cogitemus potius hæc Naturalia esse, & concurrentibus simul earum Causis non posse non oriri. Nihil ad eorum efficaciam confert, quod rarè contingant : Eorum enim infrequentia non prodigia esse arguit, non magis quam si *Leonem* miraculum esse existimemus, eo quod rariùs quàm *Lupus* nascatur, & majori cum apparatu oculis nostris exhibeatur.

---

HISTO-

# HISTORIÆ NATURALIS PARS SEPTIMA.

## De Plantis.

### ARTICULUS PRIMUS.

#### De Plantarum Partibus.

**Q**uælibet Planta radice constat; & si *Malabathrum* I.  
Indicum excipias, cujus folia supra Aquam spar- *Cur cuilibet*  
guntur, nulla stirps reperitur, quæ Radice ca- *Planta radix*  
reat. *infl.*

Hujus necessitatis causa, ab ipsius Plantæ natura desumitur, ad cujus conservationem maximè refert, ut aliqua ejus pars Terræ imponatur, & ei firmiter adhæreat. *Planta enim Radice* veluti manu, vel ungue Terram apprehendit, & excurrentibus fibris, quandam ejus portionem sibi arripit, & vendicat. Accedit quoque, quòd stirpes *Radice* tanquam ore utantur, ad Alimentum exludendum, & novam sibi substantiam comparandam. Nam cum Plantarum vita, in *continuo motu* consistat, brevi intrinsecus Humor absumitur, ni aliq̃ per radicem accedat, qui elabentis locum suppleat, & Plantas ab interitu tueatur. Nec etiam *Malabathrum* Indicum aut *lens*, quam palustrem appellant, radisibus destituuntur, quicquid.

quicquid de iis Veteres Philosophi scripserint: quippe si illa propius intuearis, videntur folia tenui *canaliculo* prodire, & fundo ex quo deducuntur, insigi.

## II.

*Cur rectæ Arbores vitæ sint brevioris.*

Hinc existimavit *Democritus* Arbores rectas, brevioris esse vitæ, quam obliquas, eo quod illis radices imbecilliores essent, ob rectos nimirum ductus, minus ad alimentum retinendum idoneos. Quamvis contrarium in *Palma*, *Abiete*, *Cipresso*, experiamur, quæ etsi rectæ sint, diuturnæ tamen sunt, ob crassas prolixæque radices, è quibus Alimentum hauriunt.

## III.

*Unde quarundam plantarum Radices rotundæ, aliæ exiles sunt.*

Quarundam Plantarum Radices, prout profundius Terram penetrant, tenuiores redduntur, & in *conum*, seu mucronem desinunt, ut Arborum Radices. Aliarum verò in orbem intumescunt, & figuram sphericam assument, ut *Rapa*.

Arborum Radices versùs extrema, quibus Terram permeant, exiliores fiunt, quoniam succus per eas transiens, sursum evehitur, & diutius in superiori Plantarum portione remanet; nam licet Calor cujus vi nutritio peragitur, in omnes partes se extendat, & sursum deorsumque feratur, certum est tamen, acrius versùs Superiores partes transmitti, quam versùs Inferiores; ac proinde cum superior Arborum portio plus alimenti suscipiat, diutiusque nutritur, non est mirum, si in majorem molem excrescat, & radices in mucronem producantur. *Raparum* autem Radices, orbiculares fiunt, quia Alimentum in priori earum nodo recipitur, qui quoniam implexis partibus constat, angustosque meatus habeat, transmitti Alimentum, & liberè percolari nequit, ac proinde necessum est, ut materia illa versùs latera diffundatur, & fibræ succo urgentes distrahantur, & expandantur.

## IV.

*Compressione terre radix excrescit.*

Hinc si herba à Radicibus rescindatur, terræque post validas conculcandæ, pedisq; & ligonis operâ comprimendæ imponatur, sub primum hyemis frigus, Radicibus æstate immensum auctis, excrescet. *Bacon*.

Ratio est, quod humor prohibitus, nè *Planta* intima pervadat, longius in Radice hæret, eamque dilatat. *Olitioribus* quoque in more positum est, post mandatas Terræ cepas & rapas, &c. Terram laxiorem comprimere.

## V.

*Quomodo sunt cavitates in quarundam stirpium caudicibus.*

Quædam stirpes, caudices cavi habent, & in medio perforantur, ut *Arundinis calamus*, frumentorum *culmi*, qui à Radice fistulas ducunt, & inane spatium continent.

Id



Id provenit, quod fibræ, quæ nutrimento transmittendo inserviant, non à *Planta* medullis deriventur, sed à *nodis* germinantis lateribus; quæ quia à medio recedunt, & certam distantiam servant, inane quoddam spatium relinquunt, & Cavitatem procreant. Hinc in *Capis*, rubus circa medium magis extenditur, quoniam fibrarum extremitates à se longius recedunt, & figuram sphericam affectant. Sunt enim *Caparum involucri* veluti tot folia, quæ circa medium latiora in *cylindricam* superficiem convolvuntur.

Arborum trunci, unam & eandem figuram habent, nempe *sphericam*, quæ pene omnes afficiuntur, quævis longitudine discrepent, & multiplices alia varietate distinguantur.

VI.  
Cuius Arborum  
trunci rotundi  
sunt.

Rotunditatis causa, in Arborum truncis eadem est, quæ in *liquidis* Corporibus, quæ à Cœlesti materia in illos impellente, formatur. Nam sicuti Globuli Cœlestes, partes Aquæ versus ejus Centrum æqualiter premendo, *sphericam* efficiunt; ita iidem globuli in externam Arborum superficiem impellendo, ad rotunditatem adigunt, eisque æquabilitatem conciliant. Non obest, quod *Planta* liquoribus mollior cedant, nec tam promptè à circumambiente Subtili Materia figurari queant; illud enim eo compensatur, quod liquorum *gutta*, statim & quasi momento *teretes* evadunt; Viventibus verò longiori Temporis intervallo, & iteratis innumeris pulsibus opus sit, ut similem figuram adipiscantur. Sic *ferramenta*, quibus nonnullæ partes eminent, frequentiore *manuum*, aut vestrum contactu poliuntur, & asperitatem demum deponunt.

Pars Arboris exterior, & quæ velut *indusium* illam vestit, durior esse solet, quàm substantia ejus interna. Unde pleræque Arbores, *corticem* tempore verno exuunt, & illo ultro spoliantur.

VII.  
Quæ causa duri-  
tatis corticis in  
Arboribus.

Nascitur extrema Arborum durities ab aliis Corporibus, quæ in illas impingunt, & quodam assultu adoriuntur. Innumera enim sunt corpuscula, non Primi, aut Secundi Elementi tantum, sed & particulae Tertiæ, quæ semper in Viventium *superficiem* irruunt, quæ cum omnia ejus meatus subire nequeant, vim faciunt, omnesque ejus partes versus medium propellunt. Ita *manus*, aut *pedes*, aliorum Corporum impulsu, *callum* contrahunt; sic *panis*, *carnis assæ* superficies in furore, Igne fervore in *eam agentis* induratur, & interiori sub-

stantia.

stantia compactior redditur. Quòd autem vernis temporibus, Planta suis *corticibus* denudetur, id ob Humorem affusum oritur, quicùm ea tempestate uberior sit, majorique copia inter corticem & truncum interfluat, gluten diluit, & illud subigendo, utriusque nexum solvit.

## VIII.

*Alimentum non solum per medullam aut corticem transmittitur.*

Non tamen inde cum Quibusdam existimandum est, totum Alimentum inter lignum & corticem transfundi, nec etiam, ut aliis placuit, per *Medullam* solam, sed potius per utrumque, etsi nihil obstat, quominus quædam communicatio, seu irroratio mutua fiat. Cùm certas quasdam Arbores videamus, quæ exempta, aut corrupta medulla vivant ac germinant, ut *Juglans*, *Salix*, &c. Et alias quoque Cortice destitutas videamus, quæ lignum emittunt, gemmâque foveant.

## IX.

*Unde oritur diversitas Foliorum in Plantis.*

Omnia penè Plantarum *folia* discrepant, variâque figuras fortiuntur. Quædam enim ampla sunt, ut in *Cucurbita*: Alia exilia, & capillata, ut in *pinu*: quædam carnosa, ut in *portulaca*, &c.

Foliorum conformatio ex diverso fibrarum plexu provenit, quæ, prout vario modo coeunt, aut distrahuntur, diversa foliorum genera componunt. Hinc quædam *longa* sunt, quoniam fibræ in longum duntaxat porriguntur, alia *rotunda*, quoniam transversæ explicantur, & ita de cæteris. Nam cùm eorum plurima, non à *Cortice* duntaxat, sed & ab ipsa etiam interiori Substantia originem habeant, fit ut secundum umbicularis nodi dispositionem, Succus diversimodè fugatur, ac percoletur, ex quo diversi fibrarum ductus oriuntur, & variæ foliorum species exurgunt.

## X.

*Unde diversitas Foliorum in eisdem Arboribus.*

Imo non diversarum Arborum *folia* duntaxat distinguuntur; sed unius etiam Arboris folia nunquam reperies duo exquisitè similia. Quis non Olivarum folia præ cæteris simillima esse judicet? & tamen omnia inter se discrepant. Quia licet *principia*, è quibus efformantur, omnimodam affinitatem habere videantur; nihilominus, potest cum illa similitudine *discrimen* interesse, aut in partium magnitudine, aut numero, aut figura, aut in cæteris circumstantiis.

## XI.

*Unde quedam Arbores folia per Hyemem retinent.*

Ab eadem causa pendet, quòd Folia in quibusdam Arboribus in hyeme decidunt, quoniam constrictis frigore corticis Meatibus succus transmitti amplius non potest. In his verò, quorum folia ex cortice *interiori*, seu, ut *Theophrasto* placet, ex

ex libro procreantur, non ita ob frigus decidunt, sed ob incrementum surculi ex gemma progeniti, qui folii locum occupat & invadit. Hinc in *Brasilia*, & in *Egypto* ad Memphim, agrumque Elephantinum, Arbores perpetuo virent, nec unquam defrondescunt.

## ARTICULUS SECUNDUS.

### De Plantarum Viribus.

Quibusdam stirpibus vis calefaciendi, corporaque dilatandi inest; ut *Brassica*, *Cappari*, *Cinnamomo*. Aliis è contra refrigerandi, & eorum partes coarctandi, quibus insinuantur; ut *Hordeo*, *Cucumeri*, *Portulaca*.

I.  
Quibusdam stirpibus Vis inest calefaciendi, aliis refrigerandi.

Calefaciendi potentia in Stirpibus oritur, ex eo quòd tenuissima earum particulæ, Subtili Materiâ circumseptæ, Corporum meatus subeunt illòsque ita penetrant, ut partes, quibus immiscuntur, ita agitent, ut earum compaginem solvant, atque continuitatem interrumpant. Hinc ex impedito Materiæ Subtilis comœatu dissidium, & quædam rixæ species oritur, ac proinde Calor, vehementiorque partium agitatio. Ut in mixtione spiritus Vitrioli, & olei Tartari cernitur; ubi ebullitio efficitur, dum utriusque consueti Motus turbantur, & unum in aliud vim suam exerit. Aliæ autem Stirpes frigus generant, quarum particulæ insensibiles, talis sunt structuræ, ut nostri Corporis partium Agitationem impedire, aut retardare valeant. Sic *Portulaca*, *Hordeum*, frigida dicuntur, quòd eorum corpuscula non facile à Subtili Materia discutiantur, & motum spirituum vitalium sistant, aut temperent. Ac proinde censendum est, majores Subtilis Materiæ particulas, in calidis Corporibus dominari, minuscultas autem, & debiliores in frigidis, quoniam hæ minoris Agitationis capaces sunt, & facile ad quietem rediguntur.

Inter Plantas, aliæ in primo, aliæ in secundo, aliæ in tertio, aliæ in quarto gradu, frigidæ reperiuntur. In primo gradu, sunt flores *Rosarum*, *Violarum*, *Malva*, *Hordeum*, *Prunæ*, &c. In secundo, *Acetosa*, *Lactuca*, *Plantago*, *Cucurbita*,

II.  
Frigoris varietas in Plantis.

R r

Mala

*Maia aurea.* In tertio, *Opium, Papaver, Portulaca, Sempervivum.* In quarto, *Meconium, Cicuta.* Hæc enim Hominem interimit, & Sanguinis circuitum suâ frigiditate sistendo, vitam extinguit.

## III.

Unde quedam  
Plantæ Veneri  
inerviunt.

*Faba, Asparagi, Satyrionis radices, Paskinaca, Orysa, & similes,* Veneri famulantur, seminisque copiam adaugent.

Quia cum Semen ex Sanguine probè coctò, & percolato oriatur, vim habent supradictæ Plantæ Organa ad semen generandum deputata agitant, laxandi, atque ita disponendi, ut materia ad illa appulsa, faciliè percoletur, & per *Colum mirabilem* liberè transmittatur. Et diversis *Lactuca, Anethum, Hyoscyamus, Portulaca, Semen ruta,* semen imminuunt; quoniam Corpusculis suis prædicti plexus meatus obstruunt, & Sanguinem plus æquo crassum reddunt, ac proinde minùs percolationi idoneum.

## IV.

Portulaca tollit  
Dentium stuporem.

*Portulaca* stupori dentium succurrit, affectumque illum, quo gingivæ, post certorum ciborum esum constringuntur, tollit.

Ratio est, quòd hujusmodi stupor, ab Acidorum Corporum, quæ manduntur, corpusculis, proveniat, quæ intimas gingivas penetrantes, mandibulam, ac proinde dentes ipsos stringunt. Cum autem ex *Portulaca* lentus quidam succus exprimatur, qui per meatus gingivas subit, faciliè acres illæ particule ipsi adhærent, ac ita ope Salivæ exprimuntur, & foris amandantur. Eundem effectum *Sal* præstare dicitur, dum ejus affricu, gingivarum cavitates panduntur, quibus saliva copiose effluendo, acida illa corpuscula secum aufert.

## V.

Qui Corporibus  
duritiem aut  
flexilitatem  
conciliant.

Quibusdam Corporibus Plantæ duritiem conciliant, & illa firma solidaque reddunt. Aliæ verò eadem emolliunt, & quandam in his flexilitatem precreant.

Herbarum admixtione, Corpora dura evadunt, dum quibus constant particule, Calore antea concussæ, & à se mutuo separatæ, ab Herbarum succo occupantur, qui meatus permeans, earumque Agitationem coercens, efficit ut ad sese propius accedant, & intimius postmodum uniantur: quippe tenuioribus ejus particulis exhalatis, quæ supersunt artibus junguntur, & firmius sibi ipsis adhærent. Dura autem Corpora mollescunt, & flexilia evadunt, dum eorum particulis à se in vicem Calore divulsis, peregrinus Humor irrepit, qui disten-

tas

tas partes tenet, atque ipsis interpositus, mobiles & cedentes efficit. Ex hoc enim mollities originem ducit, quòd partes à se invicem divellantur, & aliquid inter eas interfluat.

Quædam Herbx virtute diuretica præditæ sunt, ut *radices feniculi, pimpinella, api, bacca juniperi, urtica, amygdala amara*, & similes, quæ urinam cient, & lotium excitant.

VI.  
In quo consistit  
Vis diuretica  
Plantarum.

Hæc facultas in iis Plantis maximè viget, quoniam calidæ sunt, & earum particulae faciliè à Subtili Materia agitantur. Nam quum *Urina* obstructionibus detineatur, illæ penetrandi vim habent, cæque obstacula removendi, quæ lotii cursum fiunt ac remorantur. Quippe in meatus irrumpendo, *pituitam* incidunt, & *Arenulas* quadam viscositate coalitas dissipant ac excernunt. Unde fit, ut renibus ea commotione laxatis, materia in eis contenta dissolvatur, & faciliè per eos trahici queat. Pari ratione de illis Plantis differendum est, quæ Mulierum *menfes* provocant, & sanguinem retentum diluunt; ut *Crocus, Pulegium, Salvia*: quia Calore suo oppilatos meatus aperiunt, obstructionesque tollunt, quibus in utero sanguis devehitur. Unde experimur omnes propemodum Plantas, quæ Diuretica existimantur, calidas esse, ut *Raphanum, Erucam, Cinnamonum*, & similes.

Quædam Stirpes *Anodyna* sunt, sive quæ dolores Carnis mitigant, Vulnura ocludunt, & iis Cicatrices obducunt.

VII.  
Quædam Herbe  
Dolores & Vulnura curant.

Hac virtute Plantæ imbuuntur, quæ *stiptica* sunt, & similibus particulis constant, quæ in *Alumine* reperiuntur: quæ nimirum, dum sese vicissim irretiunt, & se concutiendo loca depressiora penetrant, Humorem noxium ac superfluum exsugunt & extrahunt; quo inde egesto, partem illam debito alimento recipiendo idoneam efficiunt; quo fit, ut *Vulnus*, hiansque plaga, sensim novâ substantiâ compleatur, coalescat, & demum cicatrice obducatur.

Sic *Aithæa, semen tritici, radix alborum Liliorum, Chamæmelum*, dolorem tollunt. Sic *Hypericum, Mastiche, farina bordei, Aristolochia*, carnem in vulnere, vel ulcere instaurant. Sic *Plantago, Cortices Granatorum*, vim glutinandi habent, & cicatricem inducendi, quoniam styptica sunt, iisque particulis constant, quæ sese vicissim irretiunt, ac in partem subjectam premendo, humorem superfluum exprimunt.

VIII.  
Ad quid utiles  
sunt Herbe styptice.

*Papaver, Cydonia, Granatorum succus*, & similes, Sanguinem

IX.  
*Papaveri, Cy-*

*donia inest vis  
sanguinem si-  
stendi.*

nem sistendi vim habent, & nimia Mulierum *profluvia* cohibendi.

Quoniam talium Corporum particulæ, poris sese insinuan-  
do, commotas Sanguinis partes dividunt, easque ab invicem  
suo interposito separant. Unde fit, ut minus agitatz, earumque  
Actione interruptâ, ad se accedant, atque ex parte  
coagulentur. Vel oriri potest hic Effectus, quod *Granato-  
rum* succo, exempli gratia, venarum & arteriarum orificiis  
incumbente, earum angustiz obstruantur, nec amplius de-  
currenti Sanguini exitus pateat. Experimento enim discimus,  
Sanguinem frigore coerceri, cursumque ejus interrumpi : ut  
dum frigidam Aquam *Temporibus*, aut Naribus adhibemus,  
aut *laminam ferream* certæ Corporis parti apponimus.

X.

*Feniculum, Po-  
lium, &c. lactis  
quantitatem ad-  
augent.*

Nonnullæ Herbæ multum ad Lactis ubertatem conferunt,  
ut *feniculum, polium, polygama* : Aliæ semini generando usui  
sunt, ut *asparagi, pineæ nuces, oryza*, quæ feminis productiva  
passim habentur, quæque illud impensè adaugent.

Priores copiosius *Lac* efficiunt, quoniam nutritivam vim  
habent, & ut alimenta, Corpori famulantur. Unde succo  
alimentitio admixtæ, meatus laxant, viasque illas suâ cras-  
sitie aperiunt, quibus Chylus ad *mammas* transmittitur. Con-  
stat enim facili percolatione Chylum in *Lac* converti, & U-  
bera humore madescere. Par est de *seminis* generatione ratio;  
nisi quod Herbæ illæ, quæ ad Seminis productionem concu-  
runt, plus *Salis* habeant, majorémque Calorem per Corpus  
diffundant. Quo fit, ut organa ad Semen generandum à na-  
tura destinata, liberius laxentur, & copiosius materiæ trans-  
mitti præbeant, ut paulo antea dictum est.

XI.

*Absinthium, A-  
mygdale amara  
&c. Vermes e-  
reant.*

*Amygdale amara, Absinthium, Cornua Cervi, &c.* vermibus  
adversantur, eosque in Corpore Humano enecant, vel expel-  
lunt.

Ratiô est, quod hæc omnia amara sunt, & acrimoniam fu-  
mentibus ingerunt. *Vermes* enim solis cibis dulcibus pascun-  
tur, ex quibus non nutriuntur modò, sed & primùm generantur.  
Nam cum *Amara* particulis consent asperis, & multis spiculis  
undique illæ circumsepianitur, facillè Vermes, qui teneri spon-  
giolosque Corpore sunt, penetrant, & eorum interiora dilace-  
rant. Hinc fit, ut *Vermes* intereant, vel *amarorem* vitando  
cum facibus ejiciantur, vel nonnunquam in sublime tendant,  
& ex Ore, vel Naribus prolabantur.

Nu-

*Nutricum Lac*, Herbarum odorem passim retinet: Uti in *Kaccis* quoque primum est experi, quæ pro Herbarum qualitate, quas comedunt, *Butyro* vim diversam, Odorem, Saporem, Colorem varium impertiunt.

XII.  
*Lac Herbarum*  
qualitatem reti-  
net, quibus Ani-  
malia vescun-  
tur.

Id provenit, quod Lac immediatè, ex *Chylo*, non autem ex Sanguine (ut vulgò creditum est) efficiatur. Chylus enim è Ventriculo ad mammas traducitur, & per ductus quosdam peculiare, ab intestinis, ad lactis receptacula transmittitur. Id cottidiana *Medicorum* praxis testatur, qui nutricibus *cathartica* ministrant, quoties earum pumiliones purgatione indigent: quoniam Lacti ex *Chylo* purgandi vis communicatur: non autem Sanguini, qui per Cordis & Arteriarum longas ambages, variâque mutationes subiens, vim eam retinere non potest. Nam quomodo fieri potest, ut lac, *Croci* tincturâ, exempli causa, leviter imbutum, infra semihoram, per mammas refundatur, & odorem, saporem, imo & colorem croceum referat, nisi quia Lac non ex Sanguine conficitur, sed merus sit Chylus per quædam spiracula ad mammas delatus. Quod confirmatur ex fûculo quodam *Cichorei*, quem Chirurgus è papilla Matronæ Romanæ extraxit, quem Cœnâ hesternâ sumperat.

## ARTICULUS TERTIUS.

### De Obviis Plantarum Qualitatibus.

**I**Nter Colores, qui Plantis conveniunt, *viridis* maximè communis & pene universalis est, quo non adolescentiores modò imbuuntur, sed quem nonnullæ etiam *vieta* retinent, & in longam ætatem tuerur.

Li  
Cur Planta pas-  
sim Viridis sint.

Liquet ex præcedentibus, *Colorum* naturam in varia Luminis reflectione consistere, & pro diversa superficiei visibilium Corporum, in quæ inciderit dispositione. Aded ut, illa variis Coloribus tingantur, quorum extimæ particulæ diversimodè coarctantur, & admissos Luminis radios ad oculum reverberant. Sic foliorum *Viror* in Plantis nascentibus, à copioso Humore oritur, cujus corpuscula peregrinis aliorum particu-

lis.

lis ita admiscuntur, ut incussum *Lumen* eo modo remittant & refringant, quo ea solent, quæ in *fluminibus*, & *Aquis stagnantibus*, aliorum mistura, in *Muscum* vertuntur. Et ita secundum variam Humoris cum externa materia commixtionem, diversus Viroris status in Plantis deprehenditur. Quædam enim maximè *virescunt*, in quibus Humor abundat, & succus negligentiori curâ percolatur; Aliæ *dilutiores*, minúsque Viroris præ se ferunt, illæ nimirum, quorum folia ætate provehuntur, aut fructus ad maturitatem pervenit. Quoniam Temporis tractu, magna pars Humoris avolat, & crudior succus Calore subactus maturescit, & decoquitur. Hinc fit, ut Plantæ *folia*, alios Colores induant, & in *flava*, atque etiam interdum in *rubra* Corpora degenerant.

## II.

Fructus cur vario Colore tingitur.

Quodd fructus verò varium Colorem fortiatur, & in *Pyro*, *Pomo*, &c. albescat, flavescat in *Pruno*, rubescat in *ceraso*, flammescat in *Pepone*, id à diversa succi percolatione oritur, & vario ejus partium plexu. Nam constat succum in *Pomo* & *Pyro*, in spumam coagulari, & in duriores carnem excrecere: In *Malo* autem *aureo*, *Ficu*, *Uva*, *Ceraso*, molliorem. Unde mirum non est, si diversi Colores, ex diversa corpusculorum dispositione oriatur.

## III.

Cur Plantarum Radices passim albæ sunt.

Radix in Terra delitescens, cæteris aliis Plantarum partibus tenerior evadit, & ut plurimum *Albo* Colore tingitur.

Hujus causa est, quod succi particulæ, qui intra radicem poros Calore agitantur, exitum moliantur, atque etiam multæ ex iis, Carceres suos perrumpant, & elabantur. Sed cum à circumjecta Terra impediuntur, ne ultra pergant, & longius evagari non permittantur, ad Radicem redeunt, ubi de novo decoctæ, teneriorem efficiunt. Cum autem Humor ille, qui *Viorem* foliis conciliat, concutitur, & Terræ tepore, in spumam coacervetur, fit ut radix candida appareat, & secundum multiplices suas superficies, varias Luminis partes reflectat. Hinc *Olitoribus* solenne est, plurimas Plantas defodere, & injecta humo obtegere, ut *Cichorium*, *Brassicam*, *Carduos*, *Porrum*, &c. quod teneriores fiant, & Alborem nanciscantur.

## IV.

Unde nascitur odor Herbarum.

Plantarum aliæ alias Odore superant: quæ enim in Arabia, locisque fervidioribus gignuntur, cæteris odore præstant, ut de *Cinnamomo* patet, quod ad multos Annos odorem suum servat, & non nili serò senectutem sentit.

Ra-



Ratio est, quod Halitus è Corporibus odoriferis egredientes, ex *sulphurea*, seu pingui quadam materia componantur, quæ Calore attenuata, & mamillaribus narium processibus allabens, eas leniter, aut asperè ferit & implicat. Cùm verò stirpes illæ, quæ in Regionibus calidis nascuntur, radiis Solaribus sint expositæ, eorum opera, Humore aqueo exhalato, solus pinguior remanet, qui Odori materiam ministrat, & liberè ad Nares nostras deferitur. Quippe eo per distillationem sublato, nihil amplius odoris in Corporibus residet: ut in illo materiæ residuo, ex qua pinguior portio, sive *essentia*, quam vocant, quæ per *alembicum* extrahitur, experiri licet: quæ peractâ distillatione, omnis odoris experta remanet. Ac proinde mirum non est, si Plantæ fortius *oleant*, quarum pinguior materia Calore exsolvitur, & illæ olfactûs fibras debilius pulsant, quæ in locis humidioribus frigidisque oriuntur. Quoniam Caloris *inopiâ*, non perfectè succus subigitur, prohibetque aqueus Humor, ne debita coctio fiat, & pinguedo odori inserviens dilatetur & rareseat. Hinc fit, ut huiusmodi Plantæ dum arescunt & siccantur, odorem acriorem spirant, quoniam earum particulæ copiosius effunduntur, nec amplius humore aqueo cœunt, & implicantur.

Fructus, non eundem semper *Odorem* retinent, sed illum pro Temporis ratione mutant: qui enim maturescunt, suavius olent, halitûsque gratiores assilant, quàm qui *Virides* sunt, & adhuc adolescunt.

*Cur Prunus in suo progressu odorem mutant.*

Quia cùm Odor in *siccis*, ac tenuibus partibus consistat, jucundior redditur, leniûsque Olfactûs organum afficit, si materia è qua diffunduntur Halitus, dilutior & magis digesta fuerit. Quod certè potissimùm accidit, dum fructus maturescunt, & ad collectionis tempus accedunt. Quoniam tunc per longam decoctionem, succus desæcatur, partes subiguntur, & perfecta agitur percolatio. Quæ omnia dum contingunt, necessum est, novos è fructibus effluere halitus, & jucundiores percipi odores.

Fructus pene omnes, *Sapore* distinguuntur, & Linguam peculiaritè, & proprio modo afficiunt. Quidam *acerbi* gustu deprehenduntur; ut *Pruna sylvestris*. Alii *aeres*, ut *Cape*, seu *Sinapi*, &c. Nonnulli *dulces*, ut *Triticum*; alteri *acidi*, ut *Acetosa*; quidam *amari*, ut *Absinthium*, *Aloës*, &c.

*VR*  
*Causa diversi Saporis in fructibus.*

Hæc

Hæc Saporum differentia, à diversa particularum textura nascitur, quæ *fructus* componunt, & Gustus organi meatus subeunt. Hujusmodi enim Corporum particulis, ubi Humore diluuntur, vis inest, Linguam movendi, & varias ei Affectiones imprimendi. Unde Corporum particulæ, quæ Linguam contrahunt, & exasperant, *Acerba* dicuntur. Eorum particulæ, quæ eam pungunt, & cum dilatantis Caloris sensu partiuntur, *Acrida*: Quæ Linguam lenire videntur, & exasperatas ejus partes æquare, *Dulcia*: Quæ Linguam punctim feriunt, & cum frigoris constringentis sensu dividunt, *Acerba*: Quæ autem Linguam detergunt, & quandam ei siccitatem conciliant, *Amara* vocantur. Aded ut, totum Corporum illorum discrimen, in hoc consistat, quod variam magnitudinem habeant, & figurâ, motu, duritie, levitate, & modis aliis discrepent.

## VII.

*Fumus Tabaci  
possumptum vi-  
triolum, dulce-  
scit.*

Hinc cottidiano experimento cernitur, quod prægustato *Vitriolo*, Nicotianæ fumus ore acceptus, instar mellis dulcescat, & austero sapore deposito, leni affricu sensorium titillet; Eo quod salina corpuscula pontica, quæ in *Vitriolo* reperiuntur, sulphureis ex *Tabaco* combusto evaporatis referta, dulcem saporem generent.

## VIII.

*Allium & Cæ-  
pæ coctione a-  
maritudinem  
exant.*

Nonnulli fructus, Saporem mutant, & qui antea *acres* & amari fuerant, *dulces* & mansueti evadunt. Sic *Allium* & *Cæpæ*, coctione mitescunt, & Aqua infusa macerantur, & Acrimonia deponunt.

Ratio est, quod fructuum Sapor, in rigidis & pungentibus *Salis* particulis consistit, cujusmodi sunt, quæ *Salem* componunt. Unde dum *Cæpæ*, & *Allium*, mitiora coquendo fiunt, id oritur quod Ignis eorum partes laxet, viamque salinis corpusculis ad exhalandum aperiat. Unde cæteri Fructus maturescendo suaviores efficiuntur, quia Humore discusso, & in aëras abeunte, *salis Ammoniaci*, vel aliorum volatilium portio discedit; iis duntaxat relictis, quæ fructibus suavitatem conciliant. Nec alia ratione, *Allium* & *Cæpæ*, aqua macerata, leniora efficiuntur, mitiusque Gustus organum pulsant, quàm quod *Salis* particulæ, Aquæ particulis implicitæ, exsolvantur, & cum ipsis extrahantur, & avolent.

ARTICULUS QUARTUS.

De Occultis Plantarum Qualitatibus.

Vocantur Plantarum Qualitates *Occultæ*, quæ ad Medicinam spectant, & quarum vires Ratione potiùs, quàm Sensibus dignoscuntur. Inter eas primæ numerantur, quæ purgativâ virtute pollent, quæque excrementitios, aut corruptos Humores è Corpore humano detrudunt. Nam radix pontica, vulgo *Rhabarbarum*, & *Scamonium* flavam luteâque bilem educunt. *Sena*, *Polypodium*, *Epithymus*, *Helleborum*, atram, & succum melancholicum: Cnicos, vulgo *Carthamus*, *Agaricus*, *Mercurialis*, *Esula*, & septem *Tithymali* species, pituitam & aquosos Humores. *Fumaria*, *Cassia*, *Cylindracia*, vulgò fistularis viola, *Pruna damascena*, *Buglossus* Sanguinem à feculenta cluvie expurgant. *Lemnius* de occultis Naturæ miraculis.

I.  
In quo consistit  
Vires purgativa  
in Plantis.

Veterum Medicorum fuit opinio, Medicamenta quæ vi purgativâ sunt prædita, Substantiæ similitudine id exequi; adeò ut Humores sibi familiares prolificent, & eam materiam ad excretionem impellant, quæ illis maximè affinis est, & cum qua aliquam cognationem habent. Unde *Galenus*, qui purgandi vim in *Attractione* posuit, *simpli. lib. 3.* vult quandam similitudinem inter Substantiam, quæ purgat, & illam, quæ purgatur, interesse: ita ut Medicamenta quosdam humores seligant, cum quibus magis consentiunt; ut illa bilem, alia melancholicam, altera pituitam educant. Sed adduci nequeo, ut huic Opinioni assentiar, cum usu cotidiano probetur, melancholicus Humor, qui viscidus ac lentus est, à *Cassia* laxativa, & pungente *Colocyntide* eximi, quæ tamen nullam cum eo cognationem habent. Annon Hydropicorum aquæ, *Aloe* & *Rhabarbaro* dissipantur? At quæ inter illa affinitas & similitudo?

Imo contraria potius contrariis videntur curari. Nam quis Medicorum ignorat, *Absinthium* spiritu suo sulphureo detergere, *Plantaginis* & *Buglossæ* radices, bilem teneriorem, materiæ consistentiâ incrassare: *Herbas acetosas*, succum limonum,

II.  
Non opus est  
similitudo inter  
medicamenta  
& Humores.

& acida quæque, Sanguinem diluere, refrigerare, & ejus furorem, non adusto sulphure, sed spiritu acido, & frigido compescere? Et alia propemodum infinita, quæ aut molliendo & leniendo, ea purgant, cum quibus nullam affinitatem habent.

## III.

*Purgativæ sunt  
Plantæ per fermentationem.*

Purgantia igitur Medicamenta depravatos Humores evacuant, per quandam fermentationem, hoc pacto : Ingestum in Corpore *Pharmacum*, acri succo, utpote ex corde per arterias effluente excipitur, quo veluti Aquâ forti minuitur, & atteritur : sed quoniam dissimilis est ab eo substantiæ, nec nisi ægrè cum eo admiscetur, succus illius additione intumescit, ac fermentatur; ut videmus *vinum* sulphurearum sæcum copiâ, aut etiam rei alterius impositione, efflari & excandescere. Deinde ita Humore vestum Medicamentum, ad venas lacteas, hinc in commune receptaculum à Pecqueto detectum, mox in ductum thoracicum, ac demum in axillarem sinistram simul cum Sanguine confunditur. Verùm quum Sanguini, ob partium dissimilitudinem admisceri nequeat, *Bilis*, *Pituita*, aut alteri *Humori* adhæret, & sociatur. Sed quoniam à Sanguine, per totum Corpus defertur, in transitu ejus partes mordet, pungit, & ut corrugentur efficit; quo fit, ut contractis partibus, graves Humores exprimantur, & extra vasa, quibus continebantur, detrudantur. Cùm subinde omnes Corporis partes, undique Humores illos propellant, nec ullum eis in Venarum receptaculis sit refugium, denuo ad *Ventriculum*, & *Intestina* repelluntur, ubi excitatis excrementis egeruntur, & per secessum erumpunt. Sic pro varia Plantarum indole, alii & alii humores expelluntur : Ut *Bilis Scamonio*, *Colocyntide* *Pituita*, *Elleboro nigro* *Melancholia* : *Rhabbarbo* *bilis flava*, *Astra*, seu *Nigra Epithymo*, sudor *Zarza-parilla*, &c.

## IV.

*Unde vis quibusdam Plantis  
Vomitum excitandi.*

Quædam Plantæ vomitum excitant, & noxios Humores sursum evocant; ut *Cortex juglandis medianus*, *Colocyntidis*, *Geniste folia*, *Nuxvomica*, &c.

Hæ similem cum purgantibus Pharmacis vim habent, nisi quodd celerius virtutem suam exerant, & citius fermentatione completâ, effectum suum sortiuntur. Per Vomitum igitur, Humores evacuantur, dum stomachus vellicantibus Pharmaci particulis commovetur, & ita constringitur, ut amplius contentam materiam retinere non valeat. Redundante enim

enim Ventriculo, necesse est Humores illos expromi, quibus gravatur. Hinc non absque periculo Vomitus præscribitur iis, qui *Asthmate*, aut *Tabe* laborant, aut qui contracto nimio angustoque sunt Pectore, nè irritatis in Ventriculo Humoribus, exitus sufficiens non pateat, aut compressis nimium Ventriculi fibræ, nociva Corpori convulsio oriatur.

Quædam Plantæ diversis corporis membris malè affectis auxiliantur : Ut *Betonica*, *Hyssopus*, *Capilli Veneris*, &c. capiti v. *Vis varia in Plantis.* utiles sunt. *Borrago*, *Angelica*, *Buglossus*, Cordi. *Absinthium*, *Salvia*, *Anisum* ventriculo, &c.

Harum Virium ratio, à partibus Plantarum petenda est, quæ singulæ singularem plexum habent. Cùmque diversa quoque sit capitæ, cordis, ventriculi partium dispositio, non nisi diversis curantur medicamentis. Hinc prout figurata sunt corpuscula, diversum præstant effectum. *Subtiliora* enim aperitiva sunt, *crassiora* inpræstantia, *acria* abstergentia sunt, incipientia, & mordacia, atque aculeis horrida.

Sunt qui solo certarum Herbarum odore, veluti hausto *Pharmaco* purgantur : Generosum *Anglum* in Flandria novi, *Herbarum odor idem interdum præstat, quod ipsa herba.* qui solo Pharmacopoleæ officinæ odore ita commovebatur, ut laxatam alvum vix continere posset.

Id ortum habuit, quod erumpentia è purgantibus corporibus *effluvia*, sensorium commune, mox nervos in ipsa origine sic agitent, ut motu suo, Humores conturbent, eodem modo, quo hausto *Pharmaco* concitari solent. Adeo ut Ventriculi & Intestinatorum fibræ, spirituum impulsu, pari modo concitentur.

Feles supra modum *Calamintha* delectantur, qua reperta, *VII. Calamintha plurimum Feles delectat.* se suprâ volutant, & ejus contactu mirificè afficiuntur.

Quoniam *Calamintha* iis corpusculis constat, quæ cum partibus affinitatem habent, quæ Cattorum Cerebrum componunt. Nam cùm Animalia non Ratione, aut judicio, sed solo naturæ impetu ducantur, necessum est, ut ab objectis præsentibus alliciantur; quod non fieret, ni halitus ab ipsis emanaret, cujus odore Animalia afficiuntur. Ac proinde credendum est, in *Calamintha* filamenta quædam esse, quæ plurimum analogiæ habent, cum illo fibrarum plexu, quo Felium Cerebrum perficitur.

## VIII.

*Pepo in ollam injectus, carnem molliorem reddit.*

Si ollæ, dum caro coquitur, *Peponis* frustum imponatur, redditur Caro tenerior, & præter solitum mollescit.

Quia Pepo quum generosis spiritibus abundet, acidam vim habet. Manifestum enim est, *Acida* resolutivam vim obtinere, ut in *Aceto*, cottidiano experimento deprehendi potest. Idem de *Oxylapatho* censet *Plinius*, quod cum Carne coctum, tenebritudinem ei conciliat. Quoniam ejus mordacitas & acrimonia, fibrarum plexum solvit.

## IX.

*Eadem virtute pollet Hippolapathum.*

Idem de *Hippolapatho*, vulgo Patientia censent Medici, quæ carnes atque edulia, quamlibet pervetusta & annosa, tenera efficit, esuque idonea reddit. Nam cum lubricæ humentis-que sit naturæ, durissimam etiam vel bubulam carnem, vel gallinaceam molliat ac macerat. Hinc apud *Antiquos* frequens ejus erat usus, quod cibos concoctu faciles præstet, & Alvum molliat.

## X.

*Via inest nonnullis Plantis Animalia excandi.*

Quibusdam plantis inficiendi Corpora vis inest, & in Animalia non grassandi modò, sed & ipsis vitam adimendi. Ut de *Napello*, *Arsenico sublimato*, apud Medicos constat; quæ noxio suo Calore, corpus adurunt, & firmiores ejus partes absumunt, & erodunt.

Hujusmodi Effectus, Plantarum figuræ, & motui assignandi sunt, quibus solis, vires suas promunt, & ea patrant, quæ attoniti miramur. Rationi enim maximè consentaneum est existimare, partes quibus Venena constantur, *rigidas* esse, *penetrantes*, duras, & *spiculis* instructas: Ad eum modum, quo Microscopio deprehendimus *Urticas* aculeis undique armatas esse, & infinitis telis exasperari. Unde tale Corpus, fermentatione in Ventriculo peractâ, variis humoribus in eo reperi- tis admixtum, ultra modum excandescit, præsertim dum è Vena *Cava*, in sinistrum *Cordis* latus, mox in dextrum defer- tur. Quoniam inde adaucto Calore, & maximâ vi erumpens, in viscera irruit, & partium suarum spiculis, eorum substantiam penetrat, erodit, & exurit.

## XI.

*Cicuta frigore Homines interimit. Scammonea fauces stringendo.*

Aliæ Plantæ sunt, quæ vi contrariâ pollent, quæque *frigore* Animalia excant: ut *Cicuta*, quæ homines extinguit, aut amentes reddit. *Scammonea*, quæ ita fauces constringit, ut ad mortem perducatur.

Hujusmodi Plantarum vis in eo consistit, quod *Sanguinis* circuitum sistunt, & nativum calorem supprimunt. Quippe cum.

cùm placidus, & lenis sit *Sanguinis* motus, & uno tenore per totum corpus defluat, trajecta in humorum massam frigida, seu tardè mota corpuscula, Sanguinis motionem perturbant, & Calorem in extremis partibus hebetant : Quæ sensim per *venas* ad Cor delata, illud refrigerant, & ad teporem adigunt. Nam sive in re *Venenata*, agitatio partium sit Sanguinis motui contraria, sive earum tarditas Calorem ejus imminuat, idem semper effectus sequetur, si earum accessu, in Corde mutatio oriatur, & orificia per quæ Sanguis eò defluit, tantillum obstruantur. Nam quòd *Cicuta* ejus delirium inferat, aliunde oriri non potest, quàm quòd in Cerebro inordinatæ vellicationes fiant, & spiritus per ejus fibras inusitato modo deferantur.

Sic opinantur Medici Aëre corrupto *Epidemicos* morbos pestilentésque serpere ac propagari, dum halitûs pestilentis particulæ haustæ, & in sanguinem insinuatæ particularum ejus ordinem invertunt, situmque immutant : quemadmodum in Lacte *coagulum*, cujus corpuscula per Lactis substantiam diffusa, ita ejus partes è loco dimovent, ut è fluido fixum efficiant, & ad consistentiam adigunt.

Nec fortè aliam ob rationem radix *Baxana*, Arboris cujusdam in regno *Delii* ad Orientem, mortem fumentibus continuo adfert, torporémque per totum Corpus procreat ; quàm quia in Humorum massam trajecta, suo frigore, Cordis æstum nonnihil initio retundit, diminuità primùm in extremis corporis partibus caloris actione, ac sensim sanguine in venis & arteriis refrigerato, demum Cor ipsum occupatur, & obtorpescit. Sed mirum, quod de eadem Arbore *Historici* referunt, ejus fructum innoxium esse, & tutò ab Incolis fumi, quoniam ambigi nequit, quin fructus, Solis æstu plurimum coquatur, & frigidus humor discutiatur, & exhaletur. Sic experimur *Lapathi* folium, alvum solvere, eandem autem semen ejus adstringere & coercere.

Taurus indomitus, *Caprisico*, aut *Oenotheride* ad ejus collum alligatà, mansuescit, furorémque deponit. *Gassendus*.

Id contingere potest ab halitu, è planta emanante, qui in *Cerebrum* usque diffusus, ita nervosum genus, illiúsque appendices impetit, ut stuporem Animal contrahat, viriúmque suarum omnino obliviscatur. Idem nonnulli de *Leone* referunt, qui.

XII.

Ut morbus pestilens propagatur.

XIII.

Radix Baxana venenum praestantissimum.

XIV.

De vi Caprisicæ in Taurum indomitum.

qui *adaman* *ide* admotâ, hiatu laxo, resupinatus jacet, & sursum resolvitur.

## xv.

Quo pacto portulaca & alia  
similes Veneno  
obstant.

Quædam Herbæ *Antidoti* vim habent, & venenis adversantur. Ut *Portulaca*, quæ Serpentium virus educit: *Endivia*, quæ *Araneæ* puncturis medetur. *Vinum merum*, quod *Cicutæ* viribus obstitit, & frigiditatem expugnat. Sunt quoque antidotæ Scirpes communes, ut *Calendula*, *Carduus Benedictus*, *Angelica*, *Ruta*, & similes, quæ Veneni robur frangunt, & stragem impediunt.

Ratio est, quòd hujusmodi Plantæ, iis particulis constent, quæ cum Veneni particulis affinitatem habent, & cum quibus facile sociantur: quæque ejus sint potentia, ut à natura subigi & domari nequeant. Unde Veneni vim, suâ interpositione infringunt, & illa corpuscula exsolvunt, quæ Sanguinem figunt & coagulant. Quæ enim calida sunt, facile frigidorum Venenorum malignitatem discutiunt & obtundunt. Unde publicus ille nocentissima facis minister, *Critonem* admonerat, ne *Socratem* permitteret attentius disputare, propterea quod ex ea mentis agitatione caloris quid contraheretur. *Scaliger* exercit. 152. Frigidæ autem Plantæ, adversus frigida Venena utiles etiam habentur, & iisdem extra Corpus evocandis profunt: quoniam coagulatus frigore Sanguis paulatim Humore superveniente dissolvitur, & ejus expeditæ particulæ denuo concitantur, quo fit, ut confusa utriusque materia, variis motibus agitetur, & demum simul extra Corpus expellatur.

## ARTICULUS QUINTUS.

## De Sympathia &amp; Antipathia Plantarum.

## I.

*Palma sœmina*  
*Maris confinio*  
*delictatur.*

**P**alma sœmina, maris confinio maximè gaudet; cujus communicatione concipit, & fertilis efficitur. Unde prona in Marem blandioribus comis nutat, & sponte versùs illum fertur. Ab illo avulsa, veluti vidua languescit, & contrahitur, ac nonnunquam intercidit.

Causa hujus Sympathiæ, inter Palmas, halitui tribuenda est, qui è Mare promanat, & ad sœminum transmittitur. Inest



est enim hujusmodi effluvio vis seminalis, fecundansque facultas, qua Foemina imbota, speciosius adolescit, & uberius impregnatur. Nam quidquam Palmæ, similisque naturæ stirpibus contingit, quod *Gallinis*, quæ ova quidem citra *Galli* ministerium excludunt, sed quæ animari formarique in Pullos nequeant, quantumvis *Gallina* incubitu foveantur, atque incalescant. Ita *Herba*, vegetante vi præditæ, non minus quam Animantes, quæ lubrico udorūque semine se propagant, generandi vim, ac vitalem spiritum aliæ in alias transfundunt, mutuūque complexu, ac concubitu fruantur, atque id ipsum tacito quodam Naturæ consensu, ac latenti occultaque inspiratione foveantur, germinant, animantur, florent, ac semina fructūque concipiunt, & proferunt.

Cucumeres, & Cucurbitæ oleum respuunt, & illud ita averfantur, ut illi admotæ resiliant, & in hamum incurventur.

II.  
Cur Cucumeres  
oleum resugiant.

Id provenit, quod profluvium quod ex Oleo emanat, talibus particulis constat, ut in ipsas exhalatæ, veluti tot *contulæ* percutiant, efficiantque, ut impulsibus suis corrugentur, & resiliant, atque ita se contrahendo, reducantur, ut Oleum effugere videantur.

Pari ratione, explicatur *Hedera* & *Vini* discordia, quæ talis est, ut alterum alteri admisceri non sustineat, sed vasculum *Hederaceum*, Vinum respuat. Quippe si poculum, asserente *Catone*, ex *Hedera* ligno conficiatur, & *Vino* impleatur, si id Aquæ mistum dilutumque fuerit, continuè Vinum effluet, atque infernè per lignum diffundetur. Eam fortè ob causam, *Hedera* *Baccho* sacra est, quod Ebrietati obstat, & discutiendis capitis doloribus, ex temulentia contractis, sit accommoda.

III.  
Ut Hedera Vini  
adversetur.

*Brassica Vineæ* viciniam refugit: sic *Ruta* Cicutæ est inimica.


IV.  
Quomodo Bras-  
sica dicitur Vi-  
næ inimica.

Dicitur planta alteri adversari aut consentire, non propter *Antipathiam*, aut *Sympathiam*, ut quidam volunt, inter plantas latentem. Talis enim consensus aut inimicitia, inter plantas non datur, imo è diverso fit; quippe si planta una, eodem, quo altera, succo vescitur communēque alimentum attrahit, obest eorum vicinia, alterà alteram fraudante. Si verò duæ, diverso succo gaudeant, dicuntur inter se convenire, ut *Ruta Fico* apposita, feliciter crescit, eò quod succum contrarium extrahunt,

extrahunt, & dum una hausto alimento dulcescit, altera alio sumpto amarescit. Nec aliam ob rationem, *Rosa Allio* proxima, gravior evadit, quàm quodd succus magis foetidus, *Allium* subeat, fragrantior verò ad *Rosam* declinet.

V.  
Quomodo Herba  
manus conta-  
ctum refugiat.

Herba viva, quæ ab Arabibus & Persis *Suluque*, & *Suluc* passim vocatur, & cui Philosophi *pudica* vocabulum indidère, si dum virescit, levi manûs contactu attingatur, illico refugit con-



trahiturque, mox subductâ tangentis manu, paulatim erigitur, & priorem situm repetit. Similem fuisse ad Memphim arborem narrat *Theophrastus*, quarto *Historiarum*, capite tertio, specie spinosam, & *filici* quoad folia non absimilem, cujus ramis contactis folia decidunt, marcescuntque; & postea veluti recuperatis viribus, iterum assurgunt, & statum pristinum recuperant; ut in duabus illis figuris ostenditur.

Henricus Regius libro quarto *Philosophiæ Naturalis*, hujus miraculi rationem adferre conatur; supponendo primam, magnam hujus Plantæ teneritudinem, quæ levi contactu quodammodo ulceretur, & contunditur. Secundò, nervos quosdam interiores esse quos 1. 1 designat, exterioribus 2. 2 ampliores, quo fit ut halitus ex terra 3. 3 majori copîa in superiores foliorum fibras 4. 4 transmitti, quam in inferiores 5. 5. Quippe manu superioribus foliorum partibus admotâ, circa A. B. figuræ 1. 1 spiritus in illis partibus contenti, per nervos interiores

teriores 1. 1 deorsum feruntur, eoque valvulas, & meatus aperiunt, qui sunt circa 5. 5, & ex amplioribus in angustiores 2. 2 transeunt. Cum autem propter obstaculum sursum tendentium valvularum 6. 6, nequeant descendere, ascendunt, clauduntque suo ascensu valvulas 4. 4 ex angustioribus nervis in latiores spectantes; atque ita necessarîo transeunt in interiores musculos sive fibras  $\beta\beta$ , easque inflando, folia versus inferiora, quantum articulatio seu flexibilitas quæ est circa puncta adscripta. . . . patitur, in situm scilicet & figuram, quam *figura 1. 1* exhibet. Postea verò, cum folia ista ut in 1. 1 figura ostenditur, sunt depressa, & manus ab herba tollitur, halitus per interiores amplioresque nervos 1. 1, valvulasque sursum spectantes 3. 3, copiosius, quam per exteriores angustioresque 2. 2 ex terra  $\gamma$ , in caulem ascendunt; eoque claudunt primò valvulas, quæ circa 5. 5 existunt, atque ex latioribus, & interioribus nervis in exteriores 2. 2 spectant, progredientesque porro ulterius, transeunt in superiores foliorum musculos  $\mu\mu$ , eosque inflando, nonnihil folia attollunt, quæ erant depressa  $\beta\beta$ , premuntque ista foliorum aliquanta sublatione, halitus copiosos in inferioribus foliorum musculis  $\beta\beta$  existentes; ilique pressi, aperiunt in angustioribus nervis 2. 2, valvulas ex exterioribus nervis in interiores spectantes 4. 4, transeuntque in nervos latiores & interiores 1. 1; ibique cum propter halituum vehementiam ex terra  $\gamma$  copiosius in illos exhalantium, & valvulas 5. 5 in angustiores nervos spectantes, claudentium, neque descendere, neque ad latera transire queant; à copiosioribus halitibus, in nervos illos laxiores perpetuò ascendentibus, determinantur necessarîo in superiores foliorum musculos  $\mu\mu$ : quos cum halitibus ex terra per latiores nervos ascendentibus, ingressi, attollunt folia secundum superiores partes  $\mu\mu$  halitibus copiosioribus repleta, secundum interiores verò  $\beta\beta$  inanita, in illum situm, quem folia antè habuerunt, qualémque figura 1 hîc nobis ostendit.

Quidam Historici referunt *pudisetanam* Arborem, non Hominis tantùm manum, sed & ejus afflatum odire, atque ejus accessum refugere.

Contingere id potest, quòd Halitûs corpuscula ita in ejus Substantiam impingantur, ut delicati ejus nervi aliquomodo

T t

solvantur,

.III

.III  
Pudisetana arbor  
Hominis af-  
flatum odit.

.XI

IV.

Pudisetana arbor  
Hominis af-  
flatum odit.

solvantur, & textura percellatur. Sicut experimur *Annus* Hailu, tenera Infantium corpora offendi, & infectionem contrahere.

## VII.

*Arbor in Japonia Ferro amica.*

Qui *Japoniam* peragrarunt, Arboris cujusdam meminerunt, aded *Ferri* amicae, ut si ejus ramus decisus est, clavo ferro sit affigendus, ut denuo agglutinetur. Imo si Arbor arescere incipiat, scobe *Ferri*, radici ejus admotâ, statui priori restituitur.

Si iis Authoribus habenda fides est, in aliud talis effectus refundi non potest, quam in *Ferri* corpuscula, quæ cum denticulata sint, radicis meatus aperiunt, efficiuntque ut succus alimentitius, ea laxitate percoletur, & more solito, à Planta sugatur. Cumque ejusmodi particulae, continuò ex Ferro erumpant, clavo infixio, mirum non est, si obstructions tollantur, & succi transitus rectè procedat.

## VIII.

*Adiantum, & Brassica Aquam non patiuntur.*

*Adiantum*, sicut & *Brassica*, Aquam refugiunt, & illam à se quantum possunt, propulsant. Unde si aquis immergantur, non madesiunt, & ab omni Humore immunes se tuerunt.

Hujus ratio, ab earum superficiebus desumenda est, quæ ita læves & terse sunt, ut nullam Aquam sibi inherere patiantur; Ut enim Corpori Humor affigi queat, opus est, ut ringis quibusdam asperatam superficiem habeat, & nonnullæ particulae emineant, in quibus implexus liquor detineatur. Hinc *pinguis* Aquam non admittunt, quoniam adeps facile complanatur, & ad æqualitatem redigitur. Vel refundi potest hæc *Adianti*, & *Brassica* ab Humore averſio, in lanuginem, sive teneram quandam pilationem, qualis in quibusdam Fructibus cernitur, qui suis apiculis, ita Aquæ guttas colligant, & conglobatas detinent, ut eos altius penetrare, & nisi longo temporis spatio detentas madefacere non sinant.

## IX.

*Ut Hibiscus Plumbum liquidum refugit.*

Manus radicis *Hibisci*, & *Portulacæ*, ac *Mercurialis* succo illita, plumbum liquidum refugit, & in illud demissa, sine noxa eripitur. *Gassendus*.

Id præstat ingenta aliorum succorum frigiditas, quæ Caloris vim retundit, & ejus impetum amolitur. Tum aliquantula succorum crassitudo, quæ tunicæ instar, obstat ne cutis à plumbo contiguo attingatur. Tum etiam lævor, ob quem Metallum fufum, celerius superlabitur, quam ut ejus Calor, in manum penetrare possit.

Tanta

Tanta est inter *dictamnus*, & *ferrum* affinitas, ut ad illius præsentiam, telum ex inflicto vulnere extrahatur. *Capras autem dicitur esse in Creta servas, cum essent confixa venenatis sagittis, herbam querere, quæ Dictamnus vocaretur, quam cum gustavissent, sagittas excidere dicunt: è corpore.* Cicero secundo de natura Deorum.

X.  
Quomodo Dictamnus ferrum è Corpore extrahat.

Quidam sibi imaginati sunt, *Dictamno* vim quandam magneticam inesse, qua *ferrum* educit, & è corpore insita vi evocat: sed id falsum esse usu cotidiano comprobatur. Quippe *Dictamnus* ferro admotus, nullam vim testatur, nec minimam quidem *scobem* allicit. Dicendum potius, telum *Dictamni* esu, è Corpore depelli, quoniam *Vulnus* aperit, & extrema illius, partium suarum agitatione laxat. Quo fit, ut *ferrum* vulnere aperto, sponte decidat, aut leni operâ educatur. Accedit etiam, quod illud, non nisi extra Corpus viventis Animalis expellatur, ac proinde illius virtute, naturæque irritatæ impulsu, extrâ detrudi.

*Fraxinus* Serpentinibus est inimica, illosque procul abigit.

XI.

Causa alia non posse esse videtur, quam halitus è *fraxino* erumpens, qui in Serpentinibus fibrarum plexum lacerat, & pessimè afficit. Quodcumque enim Animal, ingrata sibi, & infesta averfatur, & solo Naturæ ductu illa fugit. Sic *Musca*, colocyntidem averfatur, *Mus* laurum, *Vespertilio* hederam, non electione aliqua, sed mero naturæ impetu, in quantum emissi ex illis Plantis spiritus, ipsis noxii sunt, & fibrarum plexum, quibus constant, evertunt, & amoliuntur.

Fraxinus Serpentes abigit.

Qui Virginiam peragrârunt, *Pulegii sylvestris* mentionem faciunt, cujus odore, *Anguis*, vulgo apud Anglos *Rattle-snake*, ita percellitur, ut si ejus folia contusa, Animalis Naribus, semihoræ spatio detineantur, post aliquot circuitiones, desinat, & extinguatur. Unde nunquam iis in locis quibus hæc herba innascitur, versari deprehenditur.

XII.

Pulagium in Japonia Angui inimicum.

Hinc apparet, nullis Plantis *Dæmones* abigendi vim inesse, ut quidam credunt. Corporeæ enim substantiæ, in spirituales & immateriales agere non possunt. Et licet *Emergumenis* herbæ quædam applicentur, quarum virtute refocillantur, non inde tamen inferendum est, illas quicquam in *Dæmones* operari. Nisi *Sanctæ Crucis* Arborem excipias, qua *Dæmones* fugantur, & sæpe ex Possessorum corporibus expelluntur.

XIII.

Non inest Plantis vis Dæmones expellendi.

## ARTICULUS, SEXTUS.

## De Ortu Plantarum.

I.  
Quomodo nascuntur Plantæ absque ullo Semine.

**A**liquæ plantæ inter cæteras notantur, quæ sponte oriuntur, & sine prævio Semine assurgunt. Ut *sylvestre* illud *Nardum*, Asarum vocatum, quod in muris etiam crescit. Et quædam *Adiantis* species, quod circa puteos procreatur. Imo innumeræ aliæ stirpes, quæ à Terra altè suffossa proveniunt, nullo semine imprægnata.

Qui Sideribus *inferiorum* virtutem assignant, putantque nihil in Terris peragi, quod Cælestibus Influentiis non adjuvetur, harum Plantarum authores in promptu habent; *Solem* nimirum, aut quenquam ex Planetis, quibus Stirpium natalitia tribuunt, & quorum opera omnia fieri volunt, quæ in terrarum orbe gignuntur. Unde Cabalistic accedunt, dum veluti à cathedra perhibent; nullam herbam esse, aut plantam inferius, cujus non sit stella in firmamento, quæ eam percutiat, & dicat ei, Cresce. Verùm cum de Siderum potestate antea dictum sit, existimemque nostri ævi Philosophos non ita desipere, ut singulares omnes effectus generalibus Causis acceptum referant, aliunde Plantarum origo est investiganda.

II.  
Responsio.

Generantur igitur Plantæ absque Radice, aut semine; dum insensibiles Terrestris Materiæ partes, in superiori Terræ crusta, à Subtili Materia agitatæ, talem figuram adipiscuntur, eamque situm, & motum obtinent, qui ad primam Stirpis formationem requiruntur: quo veluti jacto fundamento, cæteræ partes producantur, dum Succus Nutritius, per primum illud rudimentum ascendens, partes dilatat, eisque certam figuram tribuit. Nam quemadmodum *serices*, *glivres*, *anguilla*, *muræna*, *limaces*, *lumbrici* non semper ex Semine; sed plerumque ex lentore Terræ, atque ex sordibus ac putrilagine germinant; sic in locis arenosis, multi *frutices* sponte emicant ex alimenti confluviu, qui postmodum seminio se propagant; ac numerosa prole se tuentur. *Lemn. de occulte Natur. Miracul.* Non tamen inficiandum est, quin *Sol* ad hujusmodi Effectus procreandos, aliquid conferat, Terram nimirum calefaciendo,

do, Humorem educendo, atque etiam illa inter se coagulando: At quid illa ad *Radicum, Fibrarum, Venarum, Nervorum* que formationem? Sol enim extrinsecum duntaxat Agens est, quod nullum Semen ministrat, sed illud in Terræ superficie repertum agitatur tantum, & impedimenta amovet, quæ partium ejus unionem arcebant.

Hinc ab Antiquis observatum est, in *Maris* superficie, quasdam Herbas exoriri, quas arbitrati sunt ex limo Aquæ concreto proficisci, ubi Ignis ardor maximè dominatur, & languidè, iis in partibus movetur Mare. Imò non desunt, qui pluries animadverterint, è putrefacta, & diu asservata *Nive* herbas emeruisse, quas amaro esse sapore explorarunt. Nec id mirum videri debet, cum constet *Vermes*, nonnunquam Lumbricis nostris haud absimiles in nive progigni, uti anno superioris in Germania observatum est.

III.

*Herbe in maris superficie interdum oriuntur.*

Sic notarunt nonnulli ex Terra combusta, aut calcinata, varia plantarum genera erumpere, si imbre copioso irrigetur. Quoniam Caloris potentia corpuscula veluti è carceribus educuntur, & inter se coalita, plantarum rudimenta efformant. Quibus affusus humor, totam illam massam subigit ac macerat. Quod verò in *gleba* illa, semina lateant, inde colligi potest, quod si illaeducta variis modis comburatur, ac præparetur, diversas plantas producit, ut cuique experiri licet.

IV.

*E Terra usta varie Plantæ educuntur.*

Imò in *Francisco. Lana* credimus, Flores Orangii, dulcium Amygdalarum oleo, simul cum exigua aluminis quantitate, vitro obturato impositi, *Orangium*, seu malum aureum producunt, si Oleum, ablatis inde Orangii floribus in Vitro, in verum usque tempus asservetur. Quippe tunc, non Flores modò Oleo imprimis innatant, sed Arbor postmodum fructibus onerata assurgit, nullo pacto à vera Arbore, floribus, foliis, fructibus, nisi magnitudine discrepans.

*Prodromo ovvero Saggio di alcune inventioni nuove premesso al Arte Mac-*

Quare non tantopere mirandum est, quod *prunellus* (*Gassen* da referente) in mediis thoracis regione, sive ad sternum succreverit, dum pastore in *prunellum* incidente, spina in eam partem implantata est; sic ut per biennium radices egerit, ac flores, fructusque emisit. Cum idem in Gallia circa Gallinæ collum contigerit; & Frontiniani in Occitania, circa piscatoris digitum, in quem cum immissa fuisset marini *Scorpionis* spinula, Chirurgus, tempore aliquo interjecto, tres pisciculos,

V.

*Prunellus, & Scorpio in corpore humano enati.*

sciculos, Scorpionis formas referentes extraxerit. Quoniam Animalia quemadmodum plantæ inferi possunt, & pari ritu succrescere & vegetari.

## VI.

Quomodo Sylva  
sine Semine al-  
quando à Terra  
eruperet.

Memoriæ proditum est, Sylvam in *Cyrene*, post magnos imbres à Terra pullulasse, quæ ad multa milliaria extenderetur. Meminit quoque *Theophrastus sexto Histor. cap. 3.* insignem Arborem nomine *Liafer* (quam *Plinius* inter eximia Naturæ dona numerat, quod pluribus compositionibus inseritur, confectionique plurimum confert, Senibus & Fœminis) post pluviam, à Terræ sinu erupisse, antea in illis partibus incognitam.

Scio Nonnullos imaginari Sylvam, magnificamque illam Arborem, non sponte à Terra prodiisse, sed seminibus à Plantis aliis adductis, quæ Ventorum opera, in *Cyrenem* delata sunt. Sed illud haud necessarium esse mihi videtur, quum *Theophrasto* teste, Terra apud *Cretenses*, vix tantillum subigi queat, quin cupressi illico oriantur, non mutuatis ab aliis Seminibus, sed quod in ea Regione corpuscula lateant, quæ cum egeruntur, & Solis agitatione copulantur, primum earum Stirpium rudimentum componunt. Quod verò idem in aliis Terris non contingat, id provenit, quod Seminis particulæ non ita misceri queant, & eo modo concrefcere, quo ad primam ejus organizationem necessarium est. Notum enim est, non quamcumque Terram Stirpibus gignendis esse idoneam, quum quæ in *Indiis*, *Brasilia*, *Arabia*, nascuntur; in *Anglia*, *Flandria*, frigidioribusque aliis Mundi partibus produci non possint. Imo in eadem regione, Plantæ peculiaribus locis delectantur, & Terræ pars quæ uni congruit, alteri inepta est, aut officit. Generari igitur sylvæ possunt, non Hominum industria tantum, aut Seminibus à Vento devectis, sed corpusculis in Terra repertis, quæ pro eorum motu, seu Calore, ita componi & conformari possunt, ut sponte in varias Stirpes exurgant. Nam quo alio pacto *Asparagi*, referente *Dioscoride*, ex contulis, & defossis Arietum cornibus prodire possunt? Qui *farris spica* ex Mulieris naso, & *Hedera* ex Cervi cornu crevere? Quo artificio *Platanus* ex *Æneo* tripode prodire quivit? nisi Terræ particulis, quæ talem situm, figuram, & motum acquisiverunt, quæ eorum fingendo tyrocinio inservirent. Hæc autem contigisse non *Dioscorides* modò, sed & alii



alii gravissimi authores, *Plinius, Plutarchus, Theophrastus* ut comperta referunt.

Verum difficultas omnis tolletur, si advertatur qualiter Plantæ in *muris, tectis, rupibus* oriantur: In quæ loca, haud dubie, nihil feminis delatum est; ac proinde id fieri, ubi larvæ pluvia decidita, quæ plurimum limi tum in rupibus, tum in ipsis tectis aspergit, cui primæva aliqua plantarum semina insunt; quæ postmodum Solis æstu adjuncta, novas plantas germinant. Dubitari non potest, quin multæ Terræ particulae cum Halitu avolent, quæ postmodum, vapore in pluviam converso decidunt, & scabris Corporibus adherent, atque exiliente iterum in vaporem Aquæ, sublimi specie remaneant, ex quo deinde variæ plantæ pullulant.

Si plantæ sæpius amputentur, felicius crescunt, vitamque longiorem ducunt.

Quoniam frequens amputatio, succum plantæ renovat, nec tam late effusa luxuriat, nec tam languide adolescat, quam si amputatione caruisset. Adco ut plantæ annui vivere solite, si tempestiva resectio non intermittatur, parciò quæ earum sit usus, continuòq; excrescere permittantur, vitalitate Annum excessuræ sint. Tales sunt *lactuca, portulaca, cucumer, & similes*. Et quoad Arbores majores, videmus ferè omnes Arbores luxuriantes in *cæmeteriis*, aut circa ædes anno-  
sas, densis ramis, & *pumilas* esse, non autem Arbores, quæ justam proceritatem assecutæ sunt.

Plantæ, quæ in *Philippinis* Insulis proveniunt, variis Qualitatibus imbuuntur, & prout diversas Mundi plagas spectant, diversas Affectiones habent. Quippe ea folia, quæ Ortum respiciunt, salubria sunt, sanitatèque præbent: quæ autem in Occasum vergunt, venefica, & Mortem sumentibus inferentia. Sic apud nos *Poma*, quæ prope ea loca crescunt, ubi *Brassicorum* est copia, odorem tetrum referunt.

Ratio est, quòd è Terra, aut è Plantis viciniorebus, effluvia quædam exhalentur, quæ malè folia, aut fructus afficiant, & suas illis qualitates impertiantur. Constat enim Arbores, aut Herbas veneficas, virus suum proximis Corporibus communicare, & illa eodem odore & sævitiâ afficere. Quia Vapores ascendentes, aliquid illius Terræ secum vehunt, ex qua ascendunt: & faciliè juniores Plantæ inficiuntur, quæ juxta putridas, & malè olentes consistunt.

VII.

Ut formantur  
Plantæ in tectis  
& rupibus.

VIII.

Amputatio ju-  
vat ad Planta-  
rum conserva-  
tionem.

IX.

Cur Plantæ in  
variis locis cre-  
scentes, diver-  
sas habeant Af-  
fectiones.

Unde

X.

Plante imbuuntur  
qualitatibus  
nutrimenti.

Unde videmus vinum vi laxativâ, purgativâve pollere, si *Elleborum album*, aut *Mercurialem* juxta Vitem severis. Et cujusque Arboris fructus diureticos, venenosos, soporantes, &c. evadere, si iis succis radices perfundantur, qui hujusmodi qualitatibus fuerint imbuti. Quare ut pruna ventrem subducant, solenne est, truncum loco uno, aut altero terebrari, & *Scammonii*, *Ellebori*, aut *Colocynthis* succum includi, quatenus Arbor eorum qualitatibus imbuta, prædictam vim adipiscatur.

XI.

Quomodo Plan-  
te degenerant,  
& in alias ver-  
tuntur.

Uso frequenti deprehenditur, Plantas agrestes fieri, & in alias diversas degenerare. Sic *Brassica* in *Rapam* convertitur; *Ficus* in *Caprificum*, *Triticum* in *Lolium*, *Hordeum* in *Avenam*, & similes, quibus, & vires, & forma immutantur.

Id oriri compertum est, aut Cultoris negligentia, vel loci situ, aut etiam ambientis Aëris qualitate. Sylvescunt enim Plantæ, nisi secundum uniuscujusque indolem, loca idonea ipsis destinantur, & modus, quo fieri debeant, observetur. Quod cum in multis, maxime tamen in *viola altis* deprehenditur, quæ nisi Annis singulis loci situm mutare edoceatur, in vilem ac sui dissimilem flosculum, minusque odoratum degenerat. Quod expertus *Virgilius* ita scribit.

Vidi læta, diu, & multo spectata labore  
Degenerare tamen, ni vis humana quotannis  
Maxima quaque manu legeret, sic omnia satis  
In pejus ruere, ac retro sublapsa referri.

XI

Cujus deficientiæ ea est ratio, quod Plantarum rudimenta, in prima sui origine, certam Materiam exigant, ex qua earum plexus, partiumque dispositio producatur. Cum autem in omni loco, talis Materia haud reperiatur, cui commissum semen est, tali plexui efformando idonea; mirum non est, si illic Plantæ deficiant, & in alias degeneres commutentur. Quippe hæc transmutatio non in Radice fit, sed in ipso Semine, quod dum congruentem materiam non offendit, aut præ vetustate vigore destituitur, naturam variare necessum est. Hinc periti *Hortulani*, Seminum vires explorant, iis Aquæ leniter ebullienti injectis: quæ horæ intervallo, si proba fuerint, germinabunt, ac pullulabunt.

Inter

Inter præcepta, quæ ab Antiquis Authoribus de Plantis ferendis derivata sunt, unum est, ut Cœli aspectuum ratio habeatur: adde ut quæ ex uno loco in alium transferuntur, eisdem Cœli partibus respondeant, quas antea spectabant.

XII.  
Cur servanda  
Cœli pars in  
Plantarum  
transmutati-  
one.

*Quin etiam Cœli regionem in cortice signant,  
Ut quo quaque modo feterit, qua parte calores  
Austrinos tulerit, qua terga obverterit axi,  
Restituant.* Virgilius 2. Georg.

Ratio est, quod facie Arborum variata, & in aliam Cœli regionem conversa, interna partium dispositio immutetur, & meatus, seu *via* per quas alimentum à Radice in sublime tendit, invertantur, & situm alium acquirunt. Si quis enim stirpem in Campo aperto genitam, & ad certam aliquam magnitudinem jam provectam, falce cederit, *Circulus* varios deprehendet, versùs *Austrum* latiores, angustiores autem versùs *Aquilonem*. Quod certè in nullam aliam causam refundi potest quàm in ipsum Calorem, qui ab *Australi* parte proveniens, fortius Arboris particulas agit, venasque illius magis extendit, quàm qui à *Boreali* proficiscitur. Quod si non idem in ligno *Brasilensi* reperiatur, sed concentrici sint ejus circuli, & æqua mensura ab invicem distent, id provenit quòd in Zona torrida, Arbores æqualem ab *Austro* & *Borea* calorem recipiant, & alternis vicibus Sol eas concutiat, & penetret. Ex quibus patet in Plantarum translatione, Cœli aspectus esse attendendos, & eas ei Cœli parti esse obvertendas, in qua satè primum fuerunt.

## ARTICULUS SEPTIMUS.

### De Plantarum Nutritione.

UT Tellus Stirpibus ferendis idonea reddatur, *sterquilinum* ei, priusquam imbres decidunt, adhibetur. Vitium enim Triticum, aliarumque Segetum *sterilitas*, stercore impugnatur, & ipsi nova ubertas fecunditasque accedit.

I.  
*Sterquilinum*  
ad segetum fecunditatem convertit.

U u

Ratio

Ratio est, quòd fimi omnes multo *Sale* consent, qui in Terra dispersus, ejus Humiditatem temperat, & germinationem promovet. Plantarum siquidem Vita, in *Calido & Humido* consistit, quorum prius Agentis, & posterius Patientis rationem obtinet; obest tamen interdum *Stercoratio*, ni Humor accedat, qui fimum diluat, & *Salinas* partes dissolvat, quæ ipsi admiscentur. Hinc Agricolis solenne est, fimum agris adhibere, dum pluviarum spes adest, ut ante *Ver*, & sub *Autumni* finem, quatenus fimo Aquâ subacto, *Sal* diluatur, & Humoris vehiculo, ad intimos radices meatus perveniat. Alioquin commissæ telluri *Segetes*, Calore adurantur, si integer *Sal* maneat, aut fimi copia, Terra nimium oneretur. Unde *Plinius* libro decimo octavo. *Ager si non stercoratur, alget; si nimium stercoratus est, aduritur.* Nam magna est inter fimos differentia; quippe *Columbinus* summè calidus est, tum *Ovilus*, qui non nisi Terræ viribus reparandis prosunt, quas nimium frigus, aut crudititas labefactavit. *Smillus* acer est, & mordacis naturæ, quo Cæpæ maximè gaudent. Medii temperamenti sunt *Bubulus*, *Equinus*, *Asininus*, qui *Segetes* maxime juvant, & eis fertilitatem conciliant.

## II.

*Fimus confert ad Plantæ augmentum.*

Hinc languescens, & penè emortuæ Arboris vitalitas resuscitatur, si radicibus circumfossis *fimus* recens adhibeatur. Hinc *Panicum*, quod à paniculis suis nomen sortitum est, depressiori radices parti appositum, ad Arborem augendam maximè juvat; Quia cum substantiæ sit viscosæ, & spongiosæ; Terræ humorem exfugit, & alimentum radici suppeditando, eam dilatat, & excrefcere facit.

## III.

*Acini Vineæ nutritioni auxiliantur.*

Simili ratione existimant nonnulli, *Acinorum* copiam, Vineæ radicibus appositorum, ad ejus maturitatem, augmentumque plurimum conferre: eò quòd hujusmodi grana, poros habeant, succo, qui Vineæ nutritioni famulatur, recipiendo idoneos, quo plus solito turgentes, eum prius in radices transmissum, in Truncum destinant.

## IV.

*Car Terra novales fertiliores sunt aliis, quæ continuò seruntur.*

Terræ *novales*, seu quæ alternis tantùm Annis proscinduntur, fertiliores probantur, quàm quæ continuò seruntur; & eo magis uberes fiunt, quo diutius, ut cum *Virgilio* dicam, *segnem patientur sibi durescere campum.*

Causa est, quòd pori, qui in Terra innumeri sunt, culturâ aperiantur, & facilius per eos tanquàm paratos *tubulos*, succus sursum

furfum attollitur. Agris autem neglectis, meatus illi occluduntur, nec expirandis Halitibus fit locus. Accedit etiam, quod Plantæ eo interstitio, in campis genitæ evellantur, aut si excrescere permittantur, sponte arescentes, aut Solis Calore adultæ, demum circa hyemem putrescunt, quæ vice simi Terram impinguant, ac fecundam reddant. Et ob hanc causam, Glebæ in Agris uruntur, quia crematis, mello frumento, stipulis, Aquæ partes avolant, & quicquid solidioris substantiæ residuum est, à Terræ humore diluitur, & suâ crassitie, ejus fertilitati consulit. Quare Virgilius,

Sæpe etiam steriles incendere profuit agros,  
Atque levem stipulam crepitantibus urere flammis,  
Sive inde occultas vires, & pabula terra  
Pinguia concipiunt——

Ager planus nutriendis stirpibus aptior est, quàm declivis: unde Plantæ, quæ in inclinata Terra nascuntur, infelicitè crescant, & vix unquam ad æquam magnitudinem proveniunt.

Quia cùm *Sah*, ut dictum est, hand parum ad Stirpium nutritionem conferat, facile in deflexo loco, ubi pluvix delabuntur, dissolvitur, & viribus ejus temperatis, fit illis fovendis inutilis. Ager autem *Planus*, & qui defluxionibus citra declivitatem patet, ultra *Salem* pinguemque materiam, quam continet, peregrina etiam substantia ditatur, quæ ad eum cum Pluvia divertitur, & ejus fertilitatem adauget. Hinc à quibusdam asseritur, *Algam Marinam*, Brassicorum radicibus infertam, multum ad incrementum conducere; quod in aliud referri non potest, quàm in *Salem*, qui Agris fertilitatem conciliat.

Cucumeres, teneri & delicatiores evadunt, si ante sationem, earum Semina fuerint paululum lacte macerata. Transire posset hoc experimentum ad *Carduos Alises*, aliæque semina sublato marcore, aut amaritudine. Bacon.

Hujus peregrinæ suavitatis Causa, ex eo provenire potest, quod Semine lacte emollito, fibræ, quæ primum in Radice formantur, talem induunt figuram, talemque contexturam adipiscuntur, ut iis solis particulis pateant, quæ dulcorem component, & crassiores alios succos respuunt. Hinc, qui

U u 2

florum

V.

Plantæ feliciter  
crescunt in agro  
plano, quàm de-  
clivis.

VI.

Troniores eva-  
dunt Cucumeres,  
si earum semina  
prius lacte ma-  
cerentur.

florum odores augere student, & eorum vires artificio excitare, præscribunt ut *Rosa*, exempli causa, prope *Alliam* consecratur, quatenus hujus radices ita foetidum succum, acrior esq; Terrestris Materie particulas exfugant & alliciant, atque earum pauca relinquantur, quæ illi succo misceantur, qui per *Rosæ* tubulos est evehendus.

## VII.

Maceratio seminum non nocet probitati Arborum.

Non cum nonnullis metuendum est, ne ex seminum *Maceratione*, aliquid frugis probitati, per festinatam maturationem decedat; cum illa à feminis vigore pendeat, & idem semper sit, seu acceleratio fiat, seu sueto more crescere permittatur. Hinc experimentum illud, ad omnia grana, semina, nucleos, radices, & quælibet alia, quæ seruntur, aut crescunt in hortis, extendi potest.

## VIII.

Cur Plantarum alie citius, alie tardius crescunt.

Plantarum alie aliis tardius, aut citius crescunt, ac nutriuntur. *Salix* enim, *Vitis*, *Cucurbita*, brevi Temporis spatio incrementum accipiunt, Cucurbitæ præsertim, quæ tantæ sunt magnitudinis, ut scribente Plinio, vix fieri queant. E contra *Mespilus*, *Quercus*, & similes tardius augentur, & non nisi ramos, & truncum diu protendunt.

Ratio est, quod Plantarum nutritio, à Succo pendet, qui à Radice per poros tanquam totidem Venulas impellitur, quippe illas ita replet, ut turgeant, & omnes ejus particulas capere non possint. Cum autem Pororum latera, duriora sunt, quàm ut ab Alimento extendi queant, fit ut non nisi lentè augentur, aut etiam omnino crescere desinant; ut *Annohis* Arboribus contingit, quæ nullum accedente materia, proventum accipiunt, & in eodem statu remanent. Corpora autem mollia, cum Meatus habeant facilè penetrabiles, mirum non est, si Plantæ, quæ iis constant,augeantur, & crescant. Hinc immanes *Cucurbitarum* moles, quæ in India nascuntur, quæ uti apud *Scaligerum* refertur, tredecim palmas æquant, & quibus ferendis, non unius bajuli vires sufficiunt.

## IX.

Ventus Australis favet augmento Plantarum.

Stirpes *Austro* flante maximè vigent, incrementumque accipiunt, magis quàm Ventis aliis dominantibus.

Quia cum Ventus *Australis* calidus sit, multasque fervidas exhalationes ex Zona Torrida secum devehat, facilè Plantarum Meatus laxat, efficitque ut Alimentum copiosius à Terra ascendant, & per omnes earum partes distribuatur.

Arbores,

Arbores, quæ calido Sole delectantur, cujus generis sunt, *Prunus, Ficus, Vinca, Malus armeniaca*, & similes, passim in aggere, versus Meridianum constituuntur.

Quoniam ex ea positione, duplex iis Arboribus commoditas accedit. *Prima*, quòd calore ab aggere repercussò, fervorem concipiunt, magisque incalescunt, quàm si in plano collocarentur. *Secunda*, quòd Umbram amoliantur: Quippe Arbores, si in rotunditatem excrescunt, rami superiores, inferioribus umbram faciunt: In aggere autem expansæ, superne & inferne incidentes, radios excipiunt.

Ducas in Clibano terræ antea exsiccatae libras *Helmontius*, Vase Terreo conclusit: Huic *Salicis* truncum, quinque circiter librarum pondere imposuit. Post quinque elapsos annos, avulsâ salix, centum & sexaginta quinque libris pendere deprehensa est, cum interim vix duarum Unciarum pondus Terræ decrevisset, solâque pluviali Aquâ fuisset irrigata.

Provenit hoc incrementum, non à solâ *Aqua* substantia, sed à *Nitroso & Aereo fermento*, quo Alimentum Plantis aliisque corporibus suppeditatur. Eo enim Planta destituta, infœcunda prorsus manet, penitusque sterilis efficitur. Non enim existimandum est, Aquam *simplicem* esse Corpus, sed mixtum, quod facile ex eo probatur, quòd Aqua putrescat, corruptionemque patiatur, quod ipsi non contingeret, si simplex esset, & omnis compositionis expertus.

Si in Arbore sylvestri incisio fiat, & ei ex urbana proveniens surculus, inseratur, fructus mansuescunt, & mitiores redduntur. Quod etiam contingit, si ex eadem Arbore evellatur surculus, & ipsi postmodum idem restituatur.

Causa videtur esse, quòd surculi appositi fibræ, non ita cum Arboris fibris correspondent, ut Succus ex unis means, liberè in alias transire queat: quia *Pororum* ordo mutatur, & aliz viæ ad materiam alimentitiam transmittendam efformari debent: quo fit, ut Alimentum veluti in alio *stomacho* elaboretur, & novo modo occurrentes succi misceantur. Hinc fructus ex *hortensi* surculo, *sylvestri* Arbore inserto, meliores evadunt; quoniam Succus nutritius, qui per Plantarum partes ascendit, in priori *stomacho* decoquitur, & non nisi exactè digestus in secundo recipitur. Imò si aliquis incisiones multiplicaverit, & inserto surculo alio superinduxerit, experietur, mitiores

X.

Quedam Arbores versus Meridianum ponuntur.

XI.

Aqua in Plantarum alimentum cedit.

XII.

Quomodo fructus infusione surculi, reddantur meliores.

tiores semper gigni fructus, quoniam Materia Alimentitia, per tot ductus transiendo, melius præparatur, & magis defæcata in posteriori stomacho recipitur. Hujus rei exemplum *Gassendus* ex *Plinio* refert, de *Corellio Equite Romano*, qui cum in agro Neapolitano inseruisset *Castaneam* suomet furculo, facta est *Castanea*, quæ ab eo nomen accepit, inter laudatas; & cum postea *Hæres* ejusdem *libertus* iterum inseruisset, facta est minus quidem copiosa, sed melior tamen quam *Corelliana*.

## XIII.

*Ramus insiti deciduus, non tam laudabilem fructum, quam ipsum insitum fert.*

Contrarium accidit, si deciduus *insiti* ramus, solo imponatur. Quia ubi ramus ille Terræ affixus est, radicisque egit, ex ipsa sola Alimentum haurit, & unâ, continuâque percolatione præparatur. Quo fit, ut minores, deterioreque fructus producat quam ipsum insitum, ex quo deprompius est. Quia in eo duplex fit succi coctio, in *Trunco* nimirum, in quo ramus insitus est, & in ipso *insito*. In Ramo autem deciduo, & terræ affixo, unica duntaxat coctio peragitur.

## ARTICULUS OCTAVUS.

## De Plantarum Germinatione.

## I.

*Cur Planta sursum germen emittant.*

**O**Mnibus Stirpibus ingenitum est, germen in *sublime* emitte-re, quamvis in declivi serantur, & deorsum propendunt. E diverso *radices* loca inferiora petunt, & non nisi rarè in Terræ superficie versantur.

Hujus rationem reddere arduum non erit, si attendatur, qualiter germinatio fiat, & cujus opera, vis seminalis humo se exerat. Cum enim germinatio quædam Plantæ dilatatio sit, qua succi interventu, protenditur, & versùs cacumen excre-scit: Cùmque nulla expansio sine *Calore* fiat, evidens est, illud quod è *Planta* erumpit rudimentum, à *Calore* proficisci, & ejus impulsu sursum tendere. Nam id *Caloris* est genium, in sublime ferri, & ed obvia Corpora propellere. Par est de Plantis in *declivi* crescentibus ratio: Nam sicuti *Ignis*, in de-flexo loco accensus, non loci declinationem sequitur, aut ad *Angulos* ipsi declivitati rectos ascendit, sed ad perpendicu-lum;



Ium: Ita Stirpes, quæ in collibus nascuntur, sursum semper evehuntur, quoniam à Calore diriguntur, qui eò tendit. Verum est, quòd Radix, ob eandem causam sursum ferri debere videatur, quum Calore utique dilatetur, & ejus operâ, fibras suas protrahat; sed quòd in contrarium pergat, & in Terram demergatur, ejus alimento tribuendum est, quòd talem situm occupat, ut omnes ejus partes debeant extendi. Nam sicuti funalis *flamma* sensim deorsum nutat, & ad ceram depascendam inferius devehitur, ut eam ad partes superiores transmittat: Ita *Calor* intra Radices contentus, ad imas earum partes pergit, ut attractum inde alimentum *trunco, ramis, foliis*, nutriendis transfundat.

Omnia bulbacea, cujusmodi sunt *Cape, Aloes, Acetabulum, Crocus, Scilla, Porrum*, & aliæ similes rotundæ ac tunicatæ radices, Humo avulsæ germinant, & caules proferunt. Imo in Carnario laquearibus suspensæ, etiam per hyemem turgent, & profiliunt.

II:  
Quomodo *Cape*  
à Terra avulsa  
germinant.

Ratio est, quòd *Bulbi* non quemadmodum cæteræ Stirpes, per radicum filamenta alimentum exsugunt, sed illud supernè attrahunt, illum nempe succum, qui in eorum Corporibus, & crassis illis, quibus cinguntur, tunicis, delitescit. Unde fit ut hæ radices humore affatim imbutæ, multumq; succi alimentitii intra membranas continentes, Calore excitatæ, se proferant, & *caules* procreant. Id ita fieri cotidiana experientia demonstrat; Quia dum bulbacea pullulant, sensim imminuuntur, quia *succus* quo turgebant, exhauritur, & in *Caules*, & Semina abit. Ut patet in *pulegio*, & herba quadam, à Latinis *Orpinagria* nuncupata, qua Rustici ædes suas adornant, alligata scilicet asserculo, aut bacillo, & ad parietem constituta. Sed id potissimum in majori *semperviva* deprehenditur, quæ per duos, trêve annos, ramos profert, modò ejus radix linteo oleo asperfo involvatur, & singulo semestri renovetur.

Observârunt tamen nonnulli in *Aloe Americana Serrati-folia*, quotannis folia arescere, & totidem postmodum procreari, quamvis oleo non aspergatur, & solo rubro panno (uti fieri solet) circumducta in Culina suspendatur.

III:  
Cur in *Aloe Americana* quedam folia nascantur & decidant.

Id aliunde non procedit, quàm quòd succus nutritius in hac planta circuletur, & à Radice ad Folia, & vicissim ab illis,

lis, iterum ad radicem transferatur. Quippe quomodo fieri potest, ut radice firma ac solida, uti prius, permanente, tantum alimenti suppeditetur, ad nova folia procreanda, nisi succus prædictus, è corruptis foliis ad radicem denuo protrudatur, ad novam productionem?

## IV.

Ut Rosa circa  
Novembrem ger-  
minat.

Si *Rosæ* vertex, immediatè postquam germinavit, abscindatur, circa ejusdem Anni *Novembrem*, flore redintegrato, florebunt. Non exactè quidem in *Vertice* qui ferrum passus est, sed ex furculis, qui quasi stolones erant. *Bacon.*

Ratio est, quòd Succus intra *plantam* contentus, futurum alioquin *Verticis* alimentum (etiam post germinationem) propter ejus resectionem, factò ad circumlaterales furculos divortio, *Rosæ* tardioris fœtum geret. Idem continget, si *Gemmae* *rosæ* decerpseris, ubi in primos intumuerit nodos. Imò probabile est, *Rosæ* germinationem posse retardari, si Arboris corpus *filo* circumligato stringatur, eò quòd Ligatura ad succum aliquatenus retinendum facit, & succrescenti Arbori moram.

## V.

Quare *Abies* &  
similes, ramos  
tantum in ver-  
tice emittunt.

Rami & folia, in quibusdam Arboribus, non nisi in vertice profiliunt, quemadmodum videre est in *Abiete*, *Picea*, *Capresso* & *Cedro*, quæ solis comis virent. Aliæ autem, ramos undiquaq; protrudunt, & se omni ex parte foliis contigunt.

Oritur hæc germinationis diversitas, à *poris*, per quos Alimentum à radice ad fructum, & ramos transmittitur. Quippe si recti fuerint, & perpendiculari lineâ deducantur, iis veluti fistulis, succus sursum defertur, eodem semper tramite servato, donec ad cacumen delatum; ob nimiam copiam, illic erumpere cogatur, & in ramos abire. Accedit etiam, quòd Succus qui in hujusmodi Arboribus ascendit, viscidus sit, & quadam *Pinguedine* imbuatur. In iis verò Arboribus, quæ circumfufos habent ramos, meatus defluntur, & succus interfluens, à latere viam sibi aperit, & corticem penetrando in multam sobolem erumpit. Vel etiam, quia non ita tenax est, ac viscidus, sicut in *resiniferis*: sed sicut copiosus Ignis, per *Tubulum*, fistulæ instar, pertusum ascendens, quædam illius partes per foramina exiliunt: ita succus per Arborum poros sublatus, per patentès vias erumpit, præsertim ex furculis, ubi ob teneritudinem exitus est liberior, & faciliior eruptio.

Pluri-

Plurimas Stirpes folia nunquam destituunt, & per *Hyemem* summumque frigus, ea, incorrupto virore ferunt: ut *Laurus*, *Cypressus*, *Hedera*, *Rosmarinus*, *Abies*, *Buxus*. Aliæ autem sub finem Autumnii, virorem amittunt, & suis ornamentis exuuntur.

VI.

Car quedam  
Arbores semper  
virentia folia  
servant.

Causa *Viriditatis* in quibusdam Plantis, ex eo provenit, quòd folia solidiorem habeant materiam, calidioribusque succis perfundantur, quàm ut pori in quibus fluunt, à superveniente frigore intercludi queant. Defrondescent autem aliæ, nudæque per totam *Hyemem* remanent, quia earum folia delicatiora sunt, quàm ut premente algore, eorum meatus non obturantur, & ita sufficiens Alimentum radicibus, aut foliis nutriendis admittant.

Surculi molles, & quibus nondum latera tempus firmavit, iis ad Insitum ineptiores sunt, qui cum trunco ætate conveniunt, & aliquam duritiem sunt adepti.

VII.

Surculi molles  
ad Insitionem  
sunt inidonei.

Ratio potissimum ex eo petenda est, quòd ut *Insitio* feliciter procedat, debeant *rami* fibræ ita cum *trunci* fibris adaptari, ut Alimentum è Radice proveniens, ad utrumque liberè traducatur. Debent enim inter illas quædam oscula, vel potius *Anastomoses* interjacere, per quas Cibus transeat, & ab una in aliam transferatur. Molliores autem surculi, propter teneriorem fibrarum plexum, ita inter *libros* constringuntur, ut coarctatis eorum poris, haurire Alimentum haud valeant. Atque sic aut infelicitè crescunt, aut brevi extinguuntur. Surculum enim *Anniculum* esse oportet, ut agglutinari possit, & cum trunco coherere. Sic è diverso Stipites aridi, aut quos longa ætas sicciore effecit, insitioni inutiles redduntur, quia iis Humor deest, quo tanquam glutine, utriusque fibræ connectantur, & in unam Plantam abeant. Uti videmus *Terram aridam* sterilem esse, & vix aliquando semini excitando idoneam.

Fructus, ubi ad maturitatem pervenerunt, Arborem deserunt, & sponte in Terram delabuntur.

VIII.

Cui fructus ma-  
turi ex Arbori-  
bus decidunt.

Id provenit, quòd eo tempore, nimium laterales fructuum fibra intumescunt, nec amplius Alimentum continere valent. Unde fit, ut quod ad partes superiores ascendebat, aditu negato, deorsum resuat, & ipsum pedicolum siccum & exsuccum relinquat. Hinc quidam fructus cum pedicolo, ut *Poma*, *Pyræ*:

X x

alii

alii sine pedicelo, ut *Pruna*, *Mala aurea*, *Armeniaca*, &c. decidunt, prout transcurrens materia proximius, aut remotius pediculos destituit.

IX. Non ab eadem causa oritur, quod *Cervi* singulis annis, statotempore, *cornua* mutant, & Capitis ornamenta deponant, ut quidam opinantur; sed à contraria potius causa: A nimia scilicet succi *salini* copia, quo *Cervi*, ea tempestate, turgescunt: Quippe Materia illa, ab Animalis corpore continuo exhibita, & ad Caput indefinenter protrusa, antiqua cornua de loco deturbat, quæ postmodum frigidi Aëris occursum condensata, in teneriora Cornua abit, priorémque locum occupat.

## ARTICULUS NONUS.

### De Plantarum Interitu.

I.  
Cui Plantæ à  
solo avulsæ non  
statim emori-  
antur.

PLantæ solo avulsæ languescunt, & quamvis ligna Tempore verno amputata, aliquamdiu in Terra jacentia germinant, ab ea tamen sublata, sensim deficiunt, & emoriuntur.

Stirpes, Terra detractæ, non statim marcescunt, quoniam succus aliquantisper fluere perseverat, nec tam citò pori mutantur, quin ad extremas ejus fibras Alimentum pergere queat. Plantarum autem *mors* nunquam sequitur, nisi cum succus iners redditur, & à Subtili Materia incallescere, & sursum propelli amplius non potest. Calore enim deficiente, omnis *Motus* cessat, ac proinde non amplius *germinatio*; non *nutritio* peragitur, in quibus Plantarum vita consistit. Hinc Stirpes tempore hyberno, non nisi improprie Mortuæ dicuntur, quia licet tunc temporis, extra se nihil proferant, & sensibilis Succus transcurfus non appareat, negari tamen non potest, quin aliquis insit, cum eadem prorsus dispositiones maneant, quæ in Viventibus Corporibus reperiuntur, & alia sit earum conditio ab iis quæ exaruerunt.

II.  
Succus per to-  
tum corpus plan-  
tæ circulatur.

Amplius enim dubitari non potest, quin succus in Plantis, pari ratione, qua *Sanguis* in Animalibus decurrat, & perenni circuitu per totum Plantarum corpus moveatur: Id in *La-*

*euca,*

*Euca, Australis, Coelidonio majori* potissimum deprehenditur, in quibus succus nunquam quiescit, & summo cortice desquamato perpetuè profluit, ut in Animalibus Sanguis, vena incisa. Deinde, Plantarum succus non extravasatus deprehenditur, & veluti liquor in spongia contentus cum in ipsis vasa cernantur, Animalium venis analogæ. Quæ in iis Plantis planius discerni possunt, quæ albo, rubro, aut flavo succo opplen-  
tur.

*Oleum* plantis maximè noxium est, quibus nunquam non lethale est, si ad earum penetralia perveniat. Idem de *Mer-* III.  
*Oleum plantis  
valde est in-  
micum.*  
*cario* observant *Chymici*, ubi ad intimam usque medullam penetra-  
t.

Ratio est, quòd oleum *Uligine* sua, plantarum meatus obstruit, eosque ita occupat, ut succi Alimentitii particulæ dividere illud non queant. Quo fit, ut plantæ, alimenti defectu, paulatim deficient, & demum arescant & extinguantur. *Mercurius* plantis venenum est, eò quòd sua subtilitate, earum interiora subeundo, fibrarum plexum solvit, ac lacerat, novamque partium dispositionem inducit. Soluta autem plexu, percolatio ampliùs fieri non potest; sine qua, plantas deficere necesse est.

Ventis perflantibus, Arbores interdum arescunt, & surculi ita *exucci* evadunt, ut manibus faciliè frientur. IV.  
*Quando Ventis  
plantis nocent.*

Id provenit, quòd *Venti* hujusmodi, *Nitroso* spiritu, aut *Vitriolico* multum referti sunt, qui virentes, tenerosque Arborum frutices invadentes, tabifica labe inficiunt, in quantum tenella stamina, quæ Nervorum instar, foliis ac fruticibus infesta sunt, frigidi Aëris afflatu ita comprimuntur, ut Alimentum è radice delatum haurire ampliùs non possint. Quo fit, ut semoto omni humore, Arbores siccentur, & exarescant.

Summa surculi extremitas nonnunquam arescit, dum interim superior pars stipiti adhærens, vegeta perseverat. V.  
*Segmentum sur-  
culi cur arescit.*

Id variis modis contingere potest: Vel pororum *obstru-*  
*Etione*, vel nodo, vel fibrarum plexus solutione. Eo enim obice, alimentum impeditur, ne solito ritu ascendat, & ulterius permeare possit. Quare Humore, qui inerat, exhalato, obstructoque aditu, ne alius succedat, fit ut *segmentum* emoriatur, & aridum evadat.

## VI.

Quomodo Contusione aut Terebratione Arbores moriuntur.

Arbores sæpe *contusione* tabescunt, & *fissione*, *terebratione*, similiq; alio vulnere enecantur.

Ratio est, quod *Contusione*, ordo partium perturbatur, obstruunturque viæ, ne Alimentum decurrat, & ad partes superiores traducatur. Unde fit, ut quæ supra *Contusionem* sunt, succi inopia marcescant, & quæ infra illam sunt, præ nimia copia turgescant & suffocentur. *Fissione* quoque, seu alio inflicto vulnere Plantæ intereunt, quia tunc materia alimentitia ejus poros permeare desinit, nec ut antea diffundi potest. Quodd autem Nonnullæ, ut *Pinus*, *Abies*, *Terebinthus*, vulnere accepto proficiant, & solito fecundiores reddantur, id ob Humoris exuberantiam provenit, cujus aliqua portione per *Vulnus* elapsa, Plantæ veluti pondere exoneratæ, fructus suos facilius proferunt, & vim suam *genitalem* expeditius exerunt.

## VII.

Cur quedam Plantæ calore, aliæ frigore pereunt.

Quædam Plantæ, nimio æstatis fervore pereunt, præsertim *novellæ*, quas ætas nondum contra Aëris intemperiem firmavit. Aliæ frigori cedunt, & nimia Hyemis asperitate obriescunt & emoriuntur.

Causa est, quod Plantarum Vita in *Calidi* & *Humidi* temperie, ut dictum est, constituitur; Adeo ut *Humor* in vivente, sine Calore admixto, aut *Calor* citra *Humorem*, diu foveri non possit. Unde alterutro horum prædominante, & consortem suum destruente, necessum est Corpus interire, & Vita privari. *Novellæ* igitur citius aliis, nimio æstatis Ardore interimuntur, quia *Calor* externus, tenera earum Corpora facile penetrat, quorum partes vehementius agitando, *Humorem* non è truncis solum, sed & ex ipsis radicibus extrahit ac depascit; cujus jactura, cum à Terra, quæ etiam nimium incalefcit, reparari non queat, necessum est Plantas *exsiccare* & exarescere. Aliæ autem *acri Hyeme* perimuntur, quia Poris præ frigore constrictis, *Calor* intrinsecus exire compellitur, cujus absentia, cum *succus* non promoveatur, & non satis Alimentum è radicibus eliciatur, oportet *Nutritionem* in Plantis cessare, & alias Vitæ functiones interrumpi. Ob eandem rationem, Plantis mors à *Ventis* imminet, qui si *fervidi* sint, & Calorem in Corporibus procreant, meatus laxant, & reconditum *Humorem* exhauriunt. Si verò *gelidi* sint, & frigus intensum adferunt, poros comprimunt, & Calore expulso, vim *genitalem* debilitant, ac depopulantur.

Plantæ

Plantæ *Sylvestres*, & quæ locis montosis delectantur, longius vivunt, quàm *urbana*, quæ in Hortis crescunt, & stercore faginantur.

VIII.  
*Sylvestres Plantæ longioris vitæ sunt quàm hortenses.*

Causa esse videtur, quòd Plantæ, quæ in Hortis adolescent, nimia succi copia sese quodammodo ingurgitent, & nativum Calorem alimenti exuberantia extinguant. Nam cum *Cultræ*, pro scopo habeat, lætiores, aut præcoces fructus ex Arboribus educere; tota in hoc occupatur, ut agros uberes & fertiles efficiat; parum autem sollicita, an robustæ evadant, modò luxurient, & largius fructus profundant. Certum est autem, nimia materiæ alimentaris copia, *Plantarum* poros dilatari, & minùs adhærente vitali Humore, Calorem quoque evanescere, & elabi. Ad Vitæ brevitate m hortensium Plantarum etiam conducit, quòd *latamen*, quo reficiuntur, illas undique ambiat, & haud longè à Terræ superficie positum sit; quo fit, ut illarum radices, non ita profundè dimittantur, & non nisi leviter Terram penetrent. *Sylvestres* autem, quum macra materie circumcingantur, & hausto parciùs alimento altiùs deprimantur, firmiores evadunt, & exterioribus incommodis magis resistendo, vitam longiorem ducunt. Ambigi enim non potest, quin Radicum expansio, & crassities ad Plantarum diuturnitatem conferant, & longiori Tempore durent, quo profundius Terram penetrant, & per majores angustias irrepunt.

Hinc observant *Hortulani*, Plantas illas brevi interire, quæ *calidâ* irrigantur: quia licet eo pacto, Accretionis opus citò promoveatur, & fructus præcoces prodeant: quoniam tamen Plantarum fibræ insolito eo Calore, plus æquo laxantur, nimiumque succi hauriunt, aut materia alimentaria obruuntur, aut earum *pori*, intrusorum corpusculorum mole obstruuntur.

IX.  
*Aqua calida Plantis mortem adfert.*

Uti calido, sic frigido humore, irrigatio non succedit. Hinc fit, ut *putealis*, ac *fontana* Aqua tantillum quiescere debeat, postquam hausta est, ut Aëris calore temperetur, & frigiditatem tantillum exuat.

X.  
*Nec minus nocet irrigatio frigida.*

# HISTORIÆ NATURALIS PARS OCTAVA.

## De Animalibus.

### ARTICULUS PRIMUS.

#### De Animalibus sponte genitis.

I.  
*Ut nascuntur  
quædam Ani-  
malia absque  
Semine.*

**N**ihil magis inter Authores tritum, quam Animalia absque semine progigni; ut Cimices, ac Pediculi ex fordibus humanis; ex libris Blatta, ex ligno Cossi, ex vestibus Tinea, & innumera alia, quæ sine ullo Animantis congressu, nascuntur, & prodeunt.

Nonnulli Medici, specie tenus duntaxat rerum spectatores, quoniam harum productionum principia non intuentur, & Causas, quæ hujusmodi Animalia generant, non oculisprehendunt, earum formationem *equivocam* appellant; quasi à dissõnis Principiis profiscerentur, & nullam cum ipsis generationem haberent: Sed reverà eodem jure, quo cæteræ generationes univocæ sunt nuncupandæ, quum eadem necessitate fiant, & non minùs quàm aliæ, semen prævium, requisitâque in eo dispositiones exigant. Quicquid enim in Natura gignitur, à semine promanat, & nihil casu, aut ludente Natura, in Terra producit. Verum est, quòd illa femina potissimum interna sint, & non oculis semper sese offerant, sed talia in Corporibus latere, negari non potest; quum videamus



mus *Pediculus*, *Eruca*, *Tipula*, &c. apprimè elaboratas esse, & omnes inter se, partium similitudine convenire. Quippe nihil ipsis ad perfectionem deest, & non minùs quoad Internas, quam Externas partes, completæ dicuntur. Quis enim imaginari potest tantam Membrorum *varietatem*, tam concinnam singulorum *formam*, tam miram omnium *proportionem* ac nexum temerariè produci, & non determinatum aliquod semen supponere? Nam si *monedulam*, si *feles*, exempli causa, à Semine derivari existimamus, quòd nimis elaborata esse putemus, ut à vago Agente compingi queant, quidni idem de aliis Animalibus erit censendum, cum in eis non minus animadvertatur Artificium, & eorum partes non minùs inter se corresponsdeant?

Nascuntur igitur *Cimices*, *Pediculi*, *Eruca* & similes, dum multæ feminales particulæ, à Subtili Materia, seu Calore agitatae, ita inter se disponuntur, ut figuras, organaque convenientia componant. Non autem hic Motus temerè, & casu perficitur, sed juxta Naturæ Leges, aut vires seminarias, ex materia scilicet idonea, & Calore determinato procedit. Quo fit, ut ita exagitatae Materiae partes, non modò ad *Cordis*, *Ventri* formationem, & earundem cum *Arteriis* unionem concurrant; sed etiam ad principium *Cerebri*, sensorium, & fibrarum, nervorum & spirituum motorium concinnandum, quibus suppositis, ad perfectiora instrumenta fit progressus, ad ea nimirum, quæ sensationi, locali Corporis motui inserviunt, & famulantur.

Ad hanc Animalium productionem refertur id quod *Heister Boëtius* in sua Scotiæ descriptione memorat; in littore Scotico, ex quadam Arbore aviculas progigni, fructu ejus scilicet deciduo, & in mare delabente. Quod idem in *Hebridum* littoribus fieri asserit, idque duobus modis. Uno, dum navibus, aut tabulatis in littore derelictis, & diu in statione manentibus Vermes oriuntur, qui capite sensim, pedibus, alis, ac demum plumis comparatis, *Anatum*, aut *Anserum* similitudinem referunt, & quemadmodum ipsi in Cælum feruntur. Altero modo, dum quædam conchæ excluduntur, ipsi præsertim algæ hærentes, Aviculæ prodeunt, quæ idè ex Arborum fructibus proficisci existimantur, quod circa illud tempus potissimum excludantur, quo Arborum folia, quæ in littoribus crescunt,

II.

Omne Animal è semine derivatur.

III.

Ut Anates in Scotia ex arboribus nascuntur.

crescunt, aut fructus in mare decidunt. Enimverò si in fructibus etiam in Arbore pendentibus, *Vermes* & *Calices* procreentur, quidni ex iisdem fructibus *Aviculæ* gignantur, quæ avolent, & per Aërem aliarum more ferantur?

## IV.

*Pisces ut ex rore  
progignuntur.*

A Viris fide non indignis accepi, quod si *cratis* supra Aquam, seu fluentem, sive stagnantem, suspensa locetur, ac illi ante Solis ortum, cespites rorulenti ita imponantur, ut herbulæ cum guttulis roris non excussis deorsum vertantur, quocumque, exorto deinceps, & Sole calefaciente, roris guttulæ in Aquam deciderint, ex iis totidem pisciculos, pro herbarum, quibus roris guttæ infederint, diversitate oriri. *Gassendus*.

Id si verum est, fieri existimat Vir præclarus, quod ex lacubus, fluviis, maribus, piscinis, macellis, & universim ex locis piscem olentibus, semina variè exhalari, & per Aërem translata ac commixta, & unà cum rore concreta, atque in *herbas* decidua, earum spiritu sic foveri, eamque dispositionem fortiri, ut intra Aquam excepta, in tales *pisces* excludantur. Ad eum modum, quo ex rore *Solan*i foliis insidente, & Solis æstu accedente, *Vermes*, ut testatur *Scaliger*, gignuntur. Et quemadmodum in *Chili* Provincia Meridionalis Americæ, Arbor nascitur, ex cujus foliis *Serpentes* exigui decidunt, eò quod Terra, è qua alimentum suum haurit, tota Serpentibus scateat, eorundemque seminum sit feracissima.

## V.

*Ut Mures ex  
quisquiliis, &  
Papiliones ex  
roscido humore  
progignuntur.*

Mures ex quisquiliis, ex fimo bubulo *Scarabei*, ex humore rosido *Papiliones*, *Locustæ*, *Cicadæ* progerminant. Imo ex ipsis *Aquis* præsertim stagnantibus, diversa Animalcula, *Tipulæ* vocata, oriuntur.

Causa alia esse nequit præter *semen*, quod inter *quisquilias*, *fimum bubulum*, *madorem æreum* eo modo coaluit, quo intra Animalium Corpora concrevit & absolvitur. Nam quod aliud principium effingi potest, cum videamus post Aquarum inundationes, multa insecta in agris progigni, post pluviam *Ranas* pullulascere, quæ non oriuntur, nili quia aut semina illuc devehuntur, aut antea derelicta, Humorem requirunt, quo subigantur. Minutissimorum piscium meminit *Lemnius* libro secundo de occult. natur. Miracul. quos *Aphias* vocat, qui ex spuma Maris apud *Batavos* copiose generantur, ubi post diuturnas siccitates copiosi imbres ingruunt. Siquidem cum ostia

ostia *Mosa* ac *Rheni*, assiduo Oceani influxu salsescunt, æstivis præsertim mensibus, flumina illa affluentia pluvia diluta, atque irrigata Pisciculis hujusmodi undique scatent; qui ubi grandescere incipiunt, inito complexu posteritati insistant. *Mures* igitur ex putredine enascuntur (quod de aliis idem censendum) vel quia fordibus primordia à *Muribus* relicta inerant: vel quia Terrestris particulæ Calore agitata, ita concreverunt, ut primum earum rudimentum componerent, ex quo cætera sensim progenita sunt.

Sic *Ukrani*, æstate præsertim siccior, Locustarum examinibus plurimum infestantur, eò quòd hujusmodi insecta, priusquam intereant, ducenta aut trecenta ova in *Autumno*, post se singula relinquunt, quæ postmodum æstivo calore accedente in *Locustas* erumpunt. Quæ nisi succedente pluvia enecentur, aut Ventis borealibus in Euxinum mare depellerentur, totum frumentum corrumpere, magnùmque damnum *Provinciis*, quas pervagantur, inferrent. Sunt qui magna cum diligentia observant, nulla unquam Insecta, à carnibus aut piscibus generari, nisi prius à *Muscis* tacta fuerint, semineque suo illa asperserint: Ac proinde verminationem in *Carnibus*, non nisi à *Muscis* procedere, iis prorsus similibus, quæ postmodum in *Carnibus* producantur.

*Virgilius lib. 4. Georg.* asserit ex bimo juvenco, si naribus obstruatur, plagisque perimatur, visceribus integra pelle tun-  
fis, *Apes* progenerari, modò id sub Verni temporis initium peragatur, & antequam herbæ in flores explicentur, quippe

VI.  
*Locustæ à Muscarum seminibus derivantur.*

VII.  
*Ut ex juvencis Apes progignuntur.*

—teneris tepesactus in ossibus humor  
Æstuat, & visenda modis Animalia miris,  
Trunca pedum primò, mox & stridentia pinnis  
Miscetur, tenuisque magis, magis aëra carpunt.

Id fieri credendum est, quod Juvenci sub Veris principium, thymo, & cassia pascantur, quæ in flores mox eruptura, semina continent, quibus *Apes* aluntur: Unde à subtili materia, omnia corpora percurrente, agitata, & simul cum odore san-  
niem subeuntia, vicem coaguli agunt, idoneam materiam effingentis. Nam ubi contusus fuerit juvenis,

*Sic positum in clauso linguunt, & ramea costis  
Subjiciunt fragmenta, thymum, casiasque recentes.*

## VIII.

*Qui Vermes intra fructus efformantur.*

Vermes intra fructus progengerantur, & *Musca*, quæ in æstate adeo numerosæ sunt, nullo concubitu efformantur, quum toto Muscarum genere destructo, nullæ supersint, quæ illas producant.

Vermes intra fructuum pulpas nascuntur, non sponte, quasi nihil in Fructu præserit, ex quo oriri possint, sed Semine præmisso, dum scilicet floribus *Apes*, aut *Musca* infidentes, quædam Semina post se relinquunt, quæ intra fructus intercepta, urgente Calore explicata sunt, & in Vermes abierunt. Ita non spontaneo motu *Musca* prodeunt, sed coitu præmisso, ovisque editis, quæ in Terra promiscuè dispersis, Calore verno postmodum fautis, natæ sunt. Quippe si *Plinio* credimus, *Musca*, sicut & *Formica*, *Scarabei*, *Apes*, *Aranea*, *Vespa* & similia Animalcula congregiuntur & commixtione generant. Quod hoc maximè argumento probatur, quòd annis quibusdam *Musca*, *Locusta*, &c. copiosiores sunt, magisque agros depopulantur, ac Homines infestant: Quod certè aliunde oriri non potest, quàm quòd clementi Hyeme conservata sint semina, & parvam ex frigore, aut Telluris humore cladem subierint. Hinc *Plinius* lib. decimo cap. 65. *Unde vis tanta menses populetur murium agrestium, ita præsertim occidente deinceps multitudine, ut nec exanimis reperiantur, neque exstet, qui murem hyeme in agro defoderit; Nisi quia semine propagantur, & eorum primordia in Terra derelicta sunt.*

## IX.

*Alique muscæ viviparæ sunt.*

Quamquam asserat *Aldrovandus* lib. 1. de *Insect.* quasdam Muscas, viviparas esse. *Tiro*, inquit, cum essem, è grandioribus Muscis, unam albis pictam lineis, specie illectus, cepi, ea in manibus vola aliquamdiu retenta, plusculos edidit vermiculos candidos, propria mobilitate insignes. Etsi fateatur hanc unicam Muscam deprehendisse, quæ vivos, ac se moventes vermiculos in utero contineret: subesse tamen suspicio potest, ceteras ejusdem Tribus, esse *Viviparas*.

## X.

*An Equi in Lusitania ex Vento nascantur.*

Quædam Animalia ex Vento nascuntur, ut de Hispaniis, & Cappadocicis Equabus *Plinius* refert, lib. octavo cap. 42. *Constat*, inquit, in *Lusitania* circa *Olyssiponem* oppidum, & *Ta-*  
gum

gum animem, Equas favonio flanti obversas, animalem concipere spiritum, idque parvum fieri, & gigni pernicissimum, sed triennium vita non excedere. Cui favet Siletius Poeta lib. 3.

*Hic adeo cum ver placidum, flatusque tepescit,  
Concubius servans tacitos, grex prostrat equarum,  
Et venerem occultam genitali concipit aura:  
Sed non multa dies generi, properatque senectus.*

Id quidem à Veteribus creditum est, sed vereor ne non satis exacta indagine; quippe peragi *Generatio* non potest sine Maris & Fœminæ interventu; ni forte *Hippomanes* pro foetu accipiat, quod Equi, dum Vento exponuntur, emittunt. Ego Londini degens, Lusitanos quosdam rogavi, an verum esset, quod de Lusitanarum Equarum fecunditate *Antiqui* Aucthores prodiderunt, an tantum apud eos Ventus valeret, ut Viventium Pater dici mereretur. Ex iis Nonnulli, rem se penitus ignorare profitebantur. Alii, quos fortè Veterum *lectio* ad veritatem indagandam sollicitarat, asseriebant audiisse quidem Equas interdum informes quasdam massas carneas enixas esse, sed quæ nihil cum *equina* forma haberent similitudinis. Idque etiam rarè, & non nisi cùm nimium saginantur, & nimia coeundi cupidine æstuantibus Mares denegantur. Unde mirari subit, *Plinium*, *Columellam*, & alios accuratos rerum naturalium Scriptores, hanc genituram pro certissima divulgasse, quam ipsi haud observarant, nec satis firmis testimoniis assertam publicarent.

Nec minore incertitudine asserit *Alianus lib. 2. de Animal.* Vultures Vento concipere, & Vulvam ad Boream aperire, ut eo velati comprimantur, & impleantur. Cum inter *Vultures*, Mas & Fœmina reperiatur: atque communi naturæ præscripto gaudeant. Imo jam compertum est, annis singulis nidificare, & sæpe etiam statis temporibus permisceri. Non refert quòd quædam Animalia, ova, *hypernemina* dicta, à Vento quasi subventanea dixeris, edant, ut *gallina*, *perdices*, quæ coitis adhuc expertes, subventaneos illos partus emittunt; quoniam hujusmodi Ova sterilia sunt, atque aliis minora, plusque humoris continent, quàm ea, quæ fecunda gignuntur. Unde fit, ut *avis* incubatione, *humor* ille crassescere nequeat, sed sibi semper similis permaneat.

Y y 2

In

XI.

*Vultures non Vento concipiunt.*

fertis, locisque; siticulosi, ac Sole torridis nascitur, in quibus stirpes quædam ex soli conditione, atque Aëris ambientis qualitate, illam naturam adsciscunt, qua fingi texique in lintea possint.

## ARTICULUS SECUNDUS.

### De Animantibus ex Semine productis.

Quædam Animalia, unius tantum sexus esse existimantur, & absque Maris adminiculo generare, & foetum emitte-  
 re; ut de *Rubellionibus* & *Passeribus* inter pisces, refert *Aristoteles* quarto *Hist. capite undecimo*. Qui dum capiuntur, omnes ova habere deprehenduntur. Idem de *Testaceis* jactatur, quæ proprio Semine imprægnantur, & citra coitum, sibi similia procreant, & enituntur.

L  
*An Rubelliones  
 unius sint tan-  
 tum sexus.*

Qui *Aristoteli* patrocinantur, & quæque ejus scripta defendunt, non ægrè admittunt rem ita se habere, quoniam sic ille censet, sic scribit. Nos verò, qui Veritatem *Aristoteli* præferimus, nihilque amplectendum esse ducimus, quod cum ratione & Experientia non consentit, illud ut fabulosum rejicimus; quum inculpatæ fidei Homines noverimus, qui *Rubelliones* sine ovis aspexisse se asserant, & *Passeres* inter se commisceri. Enimvero rationi adversatur, Animal se solo propagari, & sine alterius opera, suam protrahere progeniem. Unde facile crediderim, *Aristotelem* id recitasse, non tam propria ratione, aut experientia innixum, quàm Piscatorum fide, quos ad piscium indolem detegendam conduxerat. Idem de *Testaceis* est opinandum, cum plurimi testentur se *Buccinas*, & *Purpuras* congregientes vidisse; imo certis quibusdam temporibus convenire, ad rem generationis peragendam.

Catuli nonnunquam parentum defectus referunt, & ipsis per omnia assimilantur. Canem proponit *Gassendus*, quæ catulos integros enixa, postquam deinceps habuit lapidis ictu crura confectum, catulos omnes edidit claudos. Mulieris cujusdam à se in Barbaria visæ meminit *Eques Digbaus*, quæ duos in sinistra manu pollices habebat, eam Puellæ quatuor, quas pepererat, in hoc vitio imitabantur.

II:  
*Ut Catuli pa-  
 rentum defectus  
 referunt.*

Una

Una apud Medicos horum, ac similium Effectuum Causa adfertur, nempe *seminis* ex omnibus Corporis partibus defluxus. Quippe cum Sanguis motu perpetuo, per Corpus Animalis deferatur, ambigi non potest, quin portio ejus subtilior, quæ generationi est subiecta, omnes ejus partes permeando, ab unaquaque illarum concoquatur, & quodam peculiari modo afficiatur. Adeò, ut, singularum *Qualitates* induat, & secum ad *Cor*, ad quod proficiscitur, devehat, in quo ab alia crassiori secernitur, & in receptaculis à Natura destinatis reconditur. Et illud *Semen* est, quo Animal ad sui similium generationem utitur. Unde si contingat Animal, ex quo spermatica illa materia elicitur, membro aliquo carere, aut partibus alicujus exuberantia onerari, Nulla illius membri virtus Sanguini inerit, ac proinde fœtus mutilus nascetur, & certa aliqua parte destitutus. Si verò Animali partes multiplicentur, ut in *Afra Muliere* memorat *Digbau*, aut exuberantia succrescat, deformitatem quoque in fœtu adferet; nisi hæc redundantia alterius parentis semine temperetur, aut Sanguinis superfluitas castigetur.

## III.

Parentum Vitiâ  
in liberos redun-  
dant.

Sic qui *podagra*, *chiragra*, *epilepsia*, *elephantiasis*, morbisque aliis contagiosis vitati sunt, iisdem infirmitatibus fœtus suos imbuunt. Matres præsertim, cum eis alimentum suppeditent, & cum sanguine corporis habitum, Animique mores communicent. Hinc passim evenit, ut impudicæ, aut temulentæ sibi similes liberos procreent, & vitia sua illis affricent.

## IV.

Cyr Fœminæ  
ante profluentes  
menses non con-  
cipiunt.

Fœminæ (quarum nomine non Mulieres modò, sed & *Equa*, *Vacca*, *Oves*, *Sues*, *Canes*, cæteraque vivipara intelliguntur) quibus Menses non profluunt, conceptui sunt inidoneæ. Unde illæ quas menstruus sanguis deseruit, steriles fiunt, & omnem fœcunditatem deponunt.

Ratio est, quòd Conceptus tunc Temporis alimento caret, & *semen* in utero non satis firmiter adhærescit. Quippe vasis obferatis, Vulva lævis efficitur, & injectum in eam semen illico defluit, nec satis coagulari potest. *Aspera* enim magis Humorem continent, & ægrius apprehensa relinquunt. Unde Fœminæ, quibus sicci aridique sunt uteri, liberis procreandis sunt inhabiles, quòd genituram retinere non valeant, nec sufficienti Sanguine madefcunt. Menstrui enim stillicidio vul-

va irriganda est, ut impleri queat, & semine concepto in fructum intumescere. Hinc feminae inceptis *Mensibus*, vel præcipuè cessantibus, citius imprægnantur & concipiunt: Quoniam tunc Humore quodam roscido *uterus* madescit, & *semen* faciliùs allicit, & retinet.

*Muli* passim steriles habentur, & sui similes generare impares.

V.

*As mule steriles, & quam ob causam.*

Hoc inter Antiquos pro vero jactatum est, & variae quæsitæ tantæ orbitatis causæ: Sed frustra, cum *Mula* inveniantur, quæ pepererint, ut cuidam in *Arvernia* nuper contigit, quæ *ginnum*, hoc est, parvum molum edidit. Imò *Theophrastus* apud *Plinium*, testis est, Mulas in *Cappadocia* parere, non illas modo, quæ ex *Asino* & *Equa* generantur, sed etiam quæ ex *Equa* & *Onagris* mansuefactis prodeunt, quamvis id raro accidat, ob partium scilicet, quæ *Asinæ* & *Equæ*, quæ utrumque constituunt, diversitatem. Quippe fœtus *Asininus carnionis*, *Placentis*, *Zonis* gaudet, quibus *Equinus* fœtus destituitur. Quare necessum erit, ut cum utrumque *Mula* participare non possit, sterilis efficiatur, ni per accidens aliud contingat.

Nimia *Seminis* effusio, Cerebro ac Nervis plurimùm noxia est, hisque notabilem debilitatem progignit: Ut si experiantur, qui *Veneri* nimium indulgent, aut se fœdis pollutionibus inquinant.

VI.

*Nimia frequens seminis effusio Cerebro infesta.*

Censuit olim *Hippocrates*, & à plurimis Medicis etiamnum creditur, humorem genitalem, in vasa spermatica à Cerebro derivari, cujus evacuatione facta, Cerebri vires infirmari necessum est. Verùm, cum nulli peculiare ductus à Cerebro extent, qui prædictum humorem ad partes spermaticas deferant, rationi consentaneum est admittere, nobilem hunc humorem, è *Massa Sanguinaria* procreari, cujus pars aliqua, non minus ad genitalia, quam ad ipsum Cerebrum dimittitur. Quòd autem nimia humoris genitalis dispendia, Cerebro labem inferant, eique debilitatem concilient, id ex eo oritur, quòd *Sanguis*, ut amissi per effusionem seminis jacturam resarciat, subtiliorem sui partem ad Cerebrum impendat, delegatis nimirum in partes spermaticas, maximis spirituum animalium copiis. Imò cum Sanguis è propria substantia, genitalibus satis elargiri nequeat, à Cerebro, novam materiam

antè



antè concessam mutuatur, repetitque, ut illuc rependat.

## VII.

*Puella, & seniores Fœminæ fœminas potius quàm mares procreant.*

Puellæ, quæ tempestivè concubitus admittunt, quæque non satis adhuc firmo Corpore congregiuntur, *Fœminas* potius, quàm *Mares* generant: sicut & ætate provectæ mulieres, & quæ aliquantulum in *senectutem* vergunt.

Conceptionis hujus Causa, in caloris defectum refundenda est, quæ in novellis Mulieribus & senescentibus imperfectus est, & æstum virilem non æquat. A diversis enim *seminum* viribus, *Mas*, aut *fœmina* provenit, & prout unum in aliud dominatur, varius sexus nascitur. Hinc si muliebri semen virili vigore antecedit, fœmina procreatur; sin autem masculinum præstet, maris progignendi vim utero confert. Cum autem juvenulæ & declinata jam ætate *Mulieres*, modicum calorem habeant, nec tantum valeant, quantum ætate florentes; sit ut ad fœminæ conceptum aptiores sint, & in sui generis sexu proferendo accommodatiores reddantur.

## VIII.

*Quomodo filii passim Parentibus aut Cognatis assimilantur.*

Proles passim alterutri Progenitorum similes sunt, aut etiam utriusque effigiem referunt. Aliæ autem *Avorum*, *Atavorum*, *Cognatorumve* formas ostentant: Ut Filia illa *Sicula*, quæ non Patri, sed ejus Matri similis generata est. Sic mulier illa *Græca*, cujus meminit *Plinius*, quæ adulterii delata, quoddam filium atro Colore tinctum genuisset, à crimine immunis iudicata est, ubi constitit, quod quarto gradu ex *Æthiope* esset procreata.

Communis est Medicorum opinio; si fœminæ semen abundantius præstet, *Genetrici* prolem assimilari: sin autem Viro copiosius effluat, *Genitori*: Si ex utroque vis æqualis emanat, amborum effigiem referre. Quod *Lactantius lib. de opific. capite 12.* his propemodum verbis expressit, quibus lubentius utor, ne juvenis, videar illa arcana curiosius scrutari. Cum fœmina inter se mista coalescunt, si *Virile* superaverit, Patri similem provenire, five Marcem, seu Fœminam: Si muliebri prævaluerit, progeniem cujusque sexûs ad imaginem respondere *maternam*. Id autem prævalet è duobus, quod fuerit uberius, alterum enim quodammodò complectitur, ac concludit. Hincque plerumque fieri solet, ut unius tantum lineamenta prætendant, si verò æqua fuerit ex pari semine permixtio, figuras quoque misceri, ut *soboles* illa *communis*, aut neutrum referre videatur, quia totum ex altero non habet,

aut

aut utrumque, quia partem de singulis mutuata est.

Hinc fit ut Sapientes, nonnunquam stupidos, parumq; sanæ  
mentis liberos generent. Quia quum rebus subtilioribus va-  
cent, eorumque animi feriis occupentur, parum re Venerèa  
afficiuntur, illique remissiùs incumbunt. E contrario, qui in  
Venerem ardentius incalescunt, liberos plerumque procreant,  
eorum mores, ac studia, animique motus æmulantes. Liberi  
enim, quibus omnis animi vis, ac vitalis spiritus, ex seminis  
facultate infusus est, simili fermè cum progenitoribus condi-  
tione existunt, eandemq; cum eis naturam sortiuntur. Hinc

IX.

*Cur Sapientes  
stultos interdum  
procreant.*

*Fortes creantur fortibus, & bonis.  
Est in Juvencis, est in equis patrum  
Virtus; nec imbellem feroces  
Progenerant Aquile Columbam.*

Horat. lib. 4. Carminum, Ode quarta.

Matronæ *Hollandicæ*, ut animadvertit *Lemnius*, ex Leporis  
obutu Infantes edunt, labello supremo bifido, ac bifurcatim  
dissecto. Simili ratione Nonnulli *Simis* existunt naribus, ore  
distorto, labris indecorè prominentibus, totòque Corporis ha-  
bitu deformi.

X.

*Unde fit ut in  
Hollandia bi-  
furcatis labris  
Infantes Sepius  
nascantur.*

Id oritur, quòd Mulier conceptùs, ac gestationis Tempore,  
oculis totaque mente ac cogitatione in monstrosas quasdam  
species fuerit defixa. Ea enim est *Imaginationis* efficacia, ut  
ubi aliquid Mulier defixis oculis intuetur, aliquid conspèctis,  
aut cogitatis cognatum efformet. Sic Mulier illa quæ abjecto  
pudore, dum maritus abesset, alteri se submitit, Infantem edi-  
dit non Adultero similem, sed absentis Mariti imaginem prorsus  
referentem. Cujus Causam lepidè *Tho. Morns* hoc Epi-  
grammate describit.

*Quos ante conjux quatuor  
Natos Sabine protulit,  
Multum ecce dissimiles tui,  
Tuos nec ipse deputas.  
Sed quem tibi puellulum  
Enixa jam nuperrimè est,*

Z z

Solum

Solum tibi simillimum  
 Pro quatuor complecteris,  
 Adulterinos quatuor.  
 Vocas, repellis, abdicas.  
 Atqui graves tradunt Sophi  
 Quodcumque Matres interim  
 Imaginantur fortiter  
 Dum liberis datur opera,  
 Ejus latenter, & votas  
 Certas & indelebiles  
 Modoque inexplicabiles  
 In semen ipsum congeri.  
 Quibus receptis intime  
 Simulque concrefcentibus  
 A mente matris insitam  
 Natus refert imaginem.  
 Quum res abesses millibus,  
 Dum gignit uxor quatuor,  
 Quod esset admodum tui  
 Secura, dissimiles parit:  
 Sed unus omnium hic puer  
 Tui refert imaginem,  
 Quod mater hunc dum concipit  
 Sollicita de te plurimum,  
 Te tota cogitauerat,  
 Dum pertimescit auxilia,  
 Ne tu Sabine incommodus,  
 Velutque lupus in fabulam  
 Superq̄genires interim.

## XL

Ut rebus visis  
 proles similis  
 evadunt.

Sic refert Galenus, Mulierem quandam, puerum edidisse, non patri, qui natura deformis, vultuque illiberali erat, sed speciosæ imagini similem, ad quam ut oculos sæpius dirigeret, maritus præmonuerat. Ita alterius sceminae Portius meminit, quæ statuam marmoream, pueri obefuli imaginem referentem, proprio instinctu, contemplandam sibi proposuerat, eamque Mentis intuitu sæpius perpenderat, puerum enixa est, colore pallido, obeso corpore, & marmori prorsus similem. Id non Hominibus peculiare est, sed & ipsi brutis Animantibus commune.

commune. Nam quid, ut *Jacobi* fœtus Versicolores nascerentur, effecit? nisi quod Oves variegatas virgas intuerentur, & imaginatio corporea objectorum similitudinem imprimeret.

Androgyni, seu alio nomine *Hermaphroditi*, aliquando nascuntur, qui utrumque sexum participant. Frequentes inter Barbaros esse, præsertim in *Virginia*, *America Provincia*, referunt *Historici*, quibus ob robur Corporis, *Indi* veluti jumentis ad Regum suorum annonam portandam utuntur.

XII.  
Unde nascuntur  
*Hermaphroditi*.

Cùm ex feminum victoria, Masculus Fœminæ generetur, videtur *Hermaphroditorum* origo æquali eorum vigori esse tribuenda; dum nimirum utriusque parentis genitalis materia, tanquam in libra collocatur, & neutrum alteri præponderat. Nam sicuti *Mas* generatur, ex prædominante viri semine, *Fœmina* verò, dum muliebres semen prævalet, & masculinum assumit: Ita *Hermaphroditi* progignuntur, dum utriusque genitalis materia æqualis est, & pari robore pollet ac commiscetur. Unde credendum est eos populos, è quibus passim *Androgyni* emergunt, plurimum seminis emittere, & æquam Maris ac Fœminæ esse superfluitatem, dum hujusmodi vitiosi infamisque Conceptus efformantur. Advertendum tamen est in *Hermaphroditis*, *Genitalium* alterum semper irritum esse, eò quòd unum, ne alterum perfectè compingatur, impediat.

## ARTICULUS TERTIUS.

### De Monstris.

**B**ellæ nonnunquam *Bicipites* generantur: ut de *Porco*, *Agno*, *Vitulo*, refert *Licosthenes*. Imo in pago quodam, qui ad *Argentinensem* Episcopatum spectat, *Sugenheim* nomine, *Anser* monstrosæ planè formæ in ovo inventus est, duobus Capitibus, totidémque linguis, collo unico, quatuor pedibus, quorum duo, cum locum occupabant, ubi in aliis alæ emergunt, reliqui verò circa podicem apparebant, alæ verò duæ circa collum expansæ. *Licosthenes* anno Domini 1496.

I.  
Unde oriuntur  
Monstra.

Talium Monstrorum origo, ex Seminis copia, & superfluitate

Z. 2. 2.

rate deducitur; dum scilicet genitalis materiæ portio ad Caput, aut Membrum aliud efformandum destinata, in plures partes dividitur, & multis ejusdem formæ delineandis inservit: Quod potissimum fit, dum *semina* non simul subeunt, sed unum alteri superinducitur; quæ cum in utero confundantur, necessum est, ut illa coalescant, & à se mutuo separentur. *Caput* autem præ cæteris aliis Corporis partibus excrescit, quoniam spermatica materia, quæ illi effingendo inservit, abundantior est, utpote quæ ex Capite derivatur, & ex illius nutritionis Alimento est residua. Sic seminis superfluitas, multiplicium in *Anseris* membrorum causa fuit, quod cum uni efformando nimium esset, & duobus non sufficeret, in partes alias erupit & discriminatum est.

## II.

Quomodo gemini nascuntur inter se conjuncti.

Gemini aliquando nascuntur, Corporibus in unum conjunctis. *Constantia*, ad locum Acronium duo Infantes, Masculus & Fœmina, duobus capitibus, quatuor brachiis, totidemque pedibus, membris omnibus absolutis, sed circa umbilicum conjunctis corporibus nati sunt. *Licosthenes* anno 1063.

Hic *Bicorpor* fœtus, non ex redundantis materiæ influxu tantum, sed & ex ipsa uteri angustia oriri potest; dum aliqua seminis portio, quæ situ ab alia secreta, in membrum Corporis, aut *Embryonem* ab alio distinctum compingi cœperat, ob spatii angustiam, alteriusque vicinæ partis compressionem, incrementum accipere non valet. Unde necessum est, ut magnitudine debitâ careat, aut alteri Membro connectatur & adhærescat. Sic provenit ut *Gemini pulli*, ex ovis nascantur, non Bicipites modò, sed & toto Corpore impliciti: Quia eum *vitelli* ex quibus procreantur, gemini sint, & communis *membrana* involvantur, non possunt non inter se uniri, & veluti unum componere. Idem in *fructibus* contingit, si in arctis locis excipiantur, priusquam ad debitam magnitudinem pervenerint. Unde apparet, quàm inconsultè agunt *Matres*, quæ toto gestationis tempore, domi inertes, & otiosæ degunt, & curibus decussatis, deflexoque nimium in genua corpore, acus operibus incumbunt, & fœtus suos nimia compressione fatigant. Quippe illa corporis contractione, non rarò *obstipos*, *gibbosos*, *torpedes*, membrisque aliis *distortos* Infantes generant & enituntur.

Nascuntur

Nascuntur interdum infantes absque Manibus & Pedibus, quorum loco aliqui demissam cuspidem habent : ut ille cujus mentionem *Aldronatus* facit, qui à vertice ad hypochondria, humanam figuram referebat, ab *umbilico* autem relicta Hominis figura, in formam pyramidalem terminabatur, referens in culpe similitudinem caudæ Suis implexæ.

III.  
Ut oriuntur Infantes absque manibus & pedibus.

Causa hujus deformitatis, à materiæ seminalis defectu petenda est, quæ cum in principio formandis omnibus corporis membris non sufficeret, ad quæ effingenda destinata est; residuo interiùs ejus corrupto : aut si quid superfluit, adeò tenuæ & exiguum fuit, ut firmum membrum componere non valens, in exiles quasdam & scæti indecoras abierit. Materiæ enim inopia, causa est, non modò cur *brachium*, aut *cruis*, seu utrumque deficiat; verùm etiam cur congruâ cæterarum partium magnitudine servatâ, nonnullæ difformiter *exiles* maneant.

Mulieres, quæ oras *Maritimas* incolunt, rudem sæpenu-merò, atque inelaboratam massam, quæ *ferri* aciem respuit, proferunt : imo non rarò quiddam specie difformi, quod palpitet, ac vitale existat, formamque inchoati operis obtineat. *Lemnius de occultis natur. mirac.*

IV.  
Interdum masse informes factus loco procreantur.

Insueti hujus partus rationem idem *Lemnius* refundit in Virorum incontinentiam, qui mulieres indebito tempore ineunt, & non observato à natura cursu congregiuntur. *Nautæ* siquidem ubi ex longa diutinâque peregrinatione, in Portum sunt delati, confestim uxores subigunt, nulla habita *Menstrui* decursus ratione, quo tempore congressus noxius esse solet, ac perniciosus : Quippe tunc semen, ut dictum est antea, coalescere nequit, nec debite cum mulieris sanguine uniri. Quo fit ut genitura defluat; vel si omnino cohærere contingat, non possit natura non confusam, malèque coherentem materiam elaborare. Aut si quid efficere tentet, operique manum admoliat, *monstruosam* quandam *formam*, ab Hominis specie prorsus alienam, Embryoni inducat. Quam ob rem, non est quod quisquam magnoperè miretur, unde tot *monstruosi* partus, tot deformes Hominum *species*, tot passim *Vari*, *Distorti*, *Mutili*; cum non aliunde quàm ex enormi Concubitu, atque intempestiva *Venere* hæc proveniant; vel potiùs ex vitioso corruptoque progenitorum Semine, in posteros deriventur.

Mogun.

N.  
Duc puella Moguntina fronte  
sibi adhaerentes.

Moguntinae duae Puellae natæ sunt, in vertice frontē tenus inseparabiliter connexæ, seseq; mutuo insipientes, quæ simul gradiri, somnum capere, & e lecto surgere cogebantur. Ambæ ad Annum decimum vivere, sed una prius moriente, alia ab ipsa ferro avulsâ, post paucos dies etiam extinguitur. *Monstrosus in Cosmogonia.*

Hujus monstri causa, alteri rei, meo judicio, tribui non potest, quàm *Secundinarum*, in quibus involvebantur, fracturæ, ex qua utriusque Capiti cohesio consecuta est. Quod quis facile admittet, si eventum, qui huic Monstro occasionem dedit, perpendat. Dux *Mulier*, inter se sermones miscebant, quardam *uni* uterus tumeat; superveniens inopinatè altera, apprehensa utriusq; Capita concussit, & inter se collidit: quo factò prægnans terrefacta, Embryoni percussione notas induxit. Potuit enim *Imaginatio* collisionis effigiem, spirituum animalium opera, ad tenera puellarum corporacula devehere, & ita utriusque Capita afficere, ut inter se quoque colliderentur, & Membranae, quibus à se invicem disjungebantur, frangerentur, & frontes se immediatè contingerent. Unde adhærentia illa in posterum perseverante, & membris illis alimento incrementibus, *Puella* ita inter se connexæ sunt, ut separari amplius nequirent.

## ARTICULUS QUARTUS.

### De Partu Animalium.

1.  
Unde oritur abortus in Mulieribus.

Contingit haud rarò, Fœminas *immaturum* fœtum edere, & ante Tempus à Natura præstitutum, effluxum pati, aut Abortum.

Fit *effluxus*, dum seminalis materia, primùm dies aliquot coalita, ob Uteri lævorem, ac lubricitatem præmaturè delabitur, & effluit. Sic ut indigestum quiddam, ac futuri tantùm fœtus adumbratio decidat, ad *salicis* istius modum quam *Plinius Fruiperdam* appellat, quæ semen amittit, priusquam omnino maturitatem sentiat. Abortus autem fit variis modis, interdum ex parte Infantis, dum *Coryledones* adèò infirmæ sunt, ut

ut acetabula cito frangantur, vel *membrana* illum involventes ita tenues, ut præproperè diffingantur, & Humoribus erumpentibus, langueat fœtus & deficiat. Aliquando ex parte *gestantis*, si debilioris, quàm par est, naturæ sit, & tanto oneri ferendo non sufficiat. Nonnunquam etiam subita aliqua consternatione, aut noxia Aeris temperie: Quo pacto censet *Ælianus*, mulieres in plagis *Australibus* magis abortui obnoxias esse, quàm quæ *Septentrionales* incolunt, quòd illic artus magis laxentur, & quæ ad partum conducunt partes, faciliùs solvantur.

Vipera nonnisi enecta, fœtus edit, quippe Catulos tertia die intra uterum includens, singulos diebus singulis parit viginti ferme numero. Itaque cæteri tarditatis impatientes prærumpunt latera & matrem interimunt. Unde *Mantuanus*, II.  
An Vipera distilis lateribus pariat.

— Et moriens insausto Vipera morsu.

Id ab *Herodoto* ad nostra fermè Tempora, pro indubitato habitum est, *Viperam* nimirum Marem in coitu exanimari, capite in os *fœmine* exserto, & præ voluptate ab ea exciso. Deinde fœtus intra se excludere, qui ejus uterum lacerant, & abroso demum pectore, in lucem erumpunt. Verùm, hujus contrarium illi experiuntur, qui *Viperas* in vasis vitreis asservant, aut illas in vivariis, *Pharmacis* suis componendis alunt. Hanc fabulam ex eo originem habuisse suspicor, quòd *Vipera*, in membranis suis circumseptæ nascantur, quas cum aliquæ, nonnisi post diem tertium à partu effringant; aliæ autem illis intra Uterum exuantur, *Membranam* nonnulli pro *Utero* sumperint, scripserintque *Viperarum Catellos*, earum latera perrumpere, & Matri mortem corrosione adferre. Verum est, quod *Aeo* Pisci venter, dum parit, ob Piscium multitudinem dehiscat, sed non id Catellorum morsu peragitur, sed solius cutilaris rimæ apertura, sub imo Ventre dehiscens, qua contra aliorum piscium morem, *aloni* ejus distenditur, dum prægnans est, & in qua *Ova* sua recondit. Quippe *Rondeletius Ausonia* edoctus, testatur dum hujusmodi Piscem secaret, se in illa rima plurima ova invenisse: imò in duobus aliis, cum rimam inspiceret, ova quædam deprehendisse jam exclusa, pluresque alios fœtus jam perfectos, quorum nonnulli



nonnulli grandiores movebantur, alios adhuc imperfectos, quorum oculi & rostra tantummodo deprehendebantur. Ex quo colligi potest, *Acum* non tam *Catulos* parere, quam illo aditu laxato expellere : & *viperam* catellorum partu nihil detrimenti pati.

## III.

Unde post certum è suscepto semine tempus, Animalia pariunt.

Animalia, certum & determinatum pariendi Tempus servant. *Elephantis* enim biennio, utero gravescunt : *Eque* viginti & duobus mensibus : *Cameli* duodecim : *Vacca* decem : *Oves* quinque : *Canes* duobus, &c. *Aves* definito tempore à suscepto semine foetus emittunt : *Mulieribus* quoque nonus, & decimus pariendi mensis assignatur, quod spatium si prætervehatur, partus non naturalis, aut legitimus existimatur.

Communis horum omnium est Causa, quòd partus jam grandior non sufficienti Alimento satius commoveatur, vimque faciat, ut uberius nutrimentum sibi comparet : Tum etiam quòd arctis limitibus inclusus, & *membranis* quibus involvitur nimium compressus, carceris sui parietes concutit, ut libertatem acquirat. Quod non in grandioribus duntaxat *Animantibus*, & *Viviparis* contingit, sed & in *Oviparis*. *Pullus* enim in ovo reclusus, quum vitello alatur, eo absumpto, comparare aliud molitur, & putamine *Matris* *tunitionibus* effracto, sponte egreditur. Sic ovum è *gallina* utero erumpit, dum formatione perfecta, ita Uterum gravat, ut eo quodammodo irritatus, nititur illud propellere, & ab importuno onere se liberare.

## IV.

Cur Animantia Capite demisso nascentur.

Cuncta Animantia, si juxta Naturam nascuntur, inversa deferuntur, & in Caput prona os uteri aperiunt.

Ratio est, quòd Corporis pars ab *umbilico* ad caput, multò eà sit ponderosior, quæ ab eodem umbilico *infernè* demittitur. Cùmque graviora propendeant, & ad loca humiliora deferantur, necesse est, ut Infantis Caput ad Uteri orificium primò deducatur ; sicut è duabus lancibus gravior declinat, altera ad locum superiorem tendente. Quòd si aliter eveniat, partus ille non Naturalis dicitur, quasi Naturæ ordinem pervertat. Ut dum *pedibus* ad exitum accedit, vel uno tantum pede porrecto, alium ad latus inflectit, aut dum una manu, vel ambabus, matricis ori se offert, &c.

## V.

Cur Infantes septimo, non autem octavo mense vitales sint.

Censent antiqui Medici partum *septimestrem*, sive Infantem mense septimo natum, vitalem esse, *octimestrem* autem, ut plurimum mortualem.

Hujus causam *Hippocrates* septem *Planetarum* ordini attribuit, qui rebus humanis præsent, & alternis vicibus dominantur; aded ut, secundum illum, primus mensis *Saturno* respondeat, secundus *Jovi*, & sic de aliis usque ad *Mercurium*, qui *Planetarum* est infimus: quo circuitu peracto, denuo ad *Saturnum* revertendum est, qui cum frigida sit indolis, & viribus deficiat, mirum non est, si Fœtus octavo mense editus vitalis non sit. Verum, unde *Hippocrati* illa Errantium Siderum potentia constat? In quo Vis tanta consistit? Quibus Instrumentis involutum membranis Infantem impetunt? Sed quia hæc ut Sapientis, seu potius Vigilantis somnia esse existimo, magis *Plinio* ad stipulor asserenti contrarium in *Agypto* accidere, & nihil in ea Regione familiarius, quam octimestres partus vivere. *Cesoniam* Cæii Principis uxorem in exemplum adducit, quæ in mense octavo, in lucem edita est. Huic sententiæ favet *Cardanus*, qui *Cardinalem Sfondanum*, & alios refert octimestres genitos esse, & longam etiam posthac ætatem duxisse. Quidni potius eo mense maximè vitales esse asseratur, quum vigorem potius testentur, dum ordinatum à Natura tempus anticipant, & diutius carcere includi dedignantur, nisi maternæ infirmitatis id vitium sit, & irritato nimis utero Partus acceleretur?

Infantes, qui *gravide* lac sugunt, infirmæ passim valetudinis evadunt, morbosque contrahunt; uti in pluribus, quam par est, cernitur, qui ob *Nutricum* Avaritiam, longas infirmitates contraxere.

Ratio est, quod dulcior, crassiorque liquoris alimentarii portio, à fœtu attrahatur, & non nisi quod ferosum, excrementitiæque pravitatis est, ad mammas sursum feratur. Nam licet *Mammæ*, ut loquitur *Hippocrates*, ampliores reddantur, eo quod quicquam pingue è ventre attrahant: Quia verò ante partum, viæ nimis angustæ sunt, quam ut pinguioribus dulcioreisque Lactis partes pertransire queant, fit ut nisi ferosum ad mammas transmittatur, quod *Infantibus* maximè noxium est.

*Mulier* nostra memoria, viso thoroso viro, morsu ejus Armos appetiit, quod ille ne quid incommodi accideret, haud gravatè admisit; verum, illa necdum satiata, iteratò tentavit; At *vir* illam repulit, nec denuò in corpore suo lanicnam

A a a

pati

VI.

*Pueri gravide lac sugentes, morbos contrahunt.*

VII.

*Ux. Mulier mortuum satum perit.*

pati sustinuit. Mulier mœrore affecta, parturire œcepit, & quum *Geminos* gestaret, alterum *mortuum* edidit. *Lemnius de Occult. Nat. Mirac.*

Hujus ratio alia non subit, quàm quòd contracto mœrore Mulieris Animo, spiritus vitales imminuti sint, & humores fœtui alendo destinati, aliò fuerint averfi, nec ad uterum, uti solebant, delati. Adeo ut *Infans*, Alimento, quo illum Mater expleri voluit, destitutus, elanguesceret ac demum moreretur. Meatibus enim, ac conceptaculis, per quæ commetatus in Uterum dirigi solent, oclusis, frustrari Alimento Infantem necesse est, ac Vita privari.

## VIII.

Mulier pugione  
percutta eas notas  
Embryoni  
impressit.

Ex Muliere quadam in Gallia, pugione confossa, *Embryo* eductus est, totidem livefcentibus notis aspersus, atque in eisdem profus partibus conspicuis, quibus icta Mater fuerat.

Quoniam *Embryo* materno Utero gestatus, unum Corpus cum *Genetrice* efficit, & sicuti eadem Alimenti specie fovetur, sic iisdem spiritibus secundum omnes sui partes vegetatur, quemadmodum ex Semine ex omnibus parentis partibus deducendo antea formatus est. Quare mirum non est, si tenerum Corpusculum, iisdem, quibus Corpus maternum casibus obnoxium sit, ac ipsi facilius Nota inuratur, quoniam animales spiritus qui conceptam Imaginem devehunt, à Matre determinantur, dum aliquam sui Corporis partem tangit, ac cum veluti designat.

## ARTICULUS QUINTUS.

## De Fame, &amp; Siti.

I.  
Cur Animantia  
aliquando fame  
& siti torque-  
antur.

II.  
Chameleon non  
solo aëre nutri-  
tur.

**O**Mnia Animantia, fame interdum torquentur, & si *Chameleon* excipiat, qui nec Cibo, nec Potu alitur, nulla sunt, quæ non Ventriculi Vellicationem sentiant, vel exccas fauces experiantur.

Antequam hujus Affectionis in Animalibus causa afferatur, falsum est Chamæleones solo Aëre, uti olim creditum est, vivere, cum experientia compertum est, illos Vermiculis, qui ex mactris farinaceis colliguntur, plurimum delectari: Unde lingua,

lingua, ut promiscue utuntur, quam jaculi instar tanta cele-  
ritate evibrant, ut pene Oculorum aciem effugiat.

Quare molestiæ illius causa, quæ per Famem sentitur, est  
quod in Ventriculum magna *acris* cujusdam *liquoris* copia deflu-  
it, qui illuc è Corde per Arterias delatus, ad modum Aquæ  
fortis, inter manducatorum ciborum particulas irrepit, & il-  
los diluendo, *Chylum* componit. Cum verò Humor ille, nul-  
los in Ventriculo cibos diluendos invenit, vim suam in *mem-  
branulas*, quibus Ventriculus constat, exerit, atque hoc pa-  
cto *Nervos*, quorum extremitates hisce membranulis adhæ-  
rent, eo agitat modo, quo ad *Esuriei* sensum efficiendum re-  
quiritur. Unde mirum non est, si Ventriculo inani, consum-  
ptisque nativo Calore cibus, fames succedat, & Animalia Ven-  
tris corrosionem sentiant. Pari ratione, Animalia *bibendi* cu-  
piditate ducuntur, dum *serum* Sanguinis, quod per Arterias  
ad Ventriculum & guttur, sub Aquæ specie affluere solet, &  
ita illas partes humectare; interdum etiam sub *Vaporis* specie  
advenit, atque ita *guttur* & *Oesophagum* exsiccat, eadèmq;  
opera nervos eorum eo modo exagitat, quo ad bibendi deside-  
rium excitandum requiritur.

Hinc rationem reddit *Helmontius*, cur passeret adeò voraces  
sint, cibique plurimum absumant, eò quod acidum guttur ha-  
beant, quod plures se expertum esse testatur.

Unde facile Antiquorum Medicorum error detegitur, qui  
Ciborum digestionem Calori Ventriculi assignarunt; existima-  
runtque eorum alterationem extraordinarii cujusdam æstus  
esse effectum. Quippe si certa quædam *Ovium*, alteritively A-  
nimalis *ossium* quantitas sumatur, quorum una portio *lebeti* A-  
qua repletæ, & igni fervido appositæ injiciatur: Altera vero  
*Canis* devoranda tradatur: Ad oculum patebit, nihil decre-  
menti Ossibus accedere, etsi per aliquot horas, Aqua cum  
impetu ebulliat. Portio autem à Cane sumpta, facta post  
tres, aut quatuor horas, stomachi sectione, apparebit, pene  
tota in *Chylum* conversâ. Hujus contrarium accidere debe-  
ret, si à solo Calore, Ciborum coctio perageretur, cum ambi-  
gi nequit, quin *Cacabi* Calor, *Canis* Ventriculi æstum pluri-  
mum excedat.

Cibus in stomachum delatus, & in *Chylum* conversus, albe-  
scit, & lacteum colorem nanciscitur.

A a a 2

III.

Unde provenit  
Fames in Ani-  
malibus.

IV.

Cur Passeres vo-  
races sunt.

V.

Non Calor in  
stomacho, sed  
acidus succus  
coctionem cibo-  
rum perficit.

VI.

Quare Cibus in  
stomacho rece-  
dit plus albescit.

Ad à *sulphureis* particulis, unà cum salinis dissolutis provenit, ubi fuerint cum acido fermento commistæ. Ufu enim quotidiano experimur, quod si liquori *Sale*, aut *Sulphure* imprægnato humor *acidus* imponatur, lacteum ei colorem conciliari. Ut patet in *spiritu cornu Cervi*, aut fuliginis, sale volatili plurimum referto, qui acido liquori admixtus, albicantem Colorem acquirit, & lactis similitudinem refert.

## VII.

*Febri laborantes  
difficilius san-  
antur, si sint  
famulici.*

Inter eos, qui *febris* laborant, difficilius si sanantur, quæ cibos appetunt, quique suo morbo magis edaces redduntur. Hinc Medicorum observatio, diuturnas esse febres, quæ *famulicos* homines efficiunt; breviores autem, quæ *sicculosos*.

Ratio est, quod *sicculosi*, affuso Liquore facile mitefcunt, qui cum sudore extra Corpus transmittatur, nihil residuum post se relinquit, quo febris alatur. *Famulici* verò, & quibus febris acido salsoque humore accenditur, cum in cibum nimis avidi sunt, stomachum cibis fatigant, & ita morbum alunt. Irregularis est ciborum appetitus, nec semper eodem tenore nos movet.

## VIII.

*Unde accidit ut  
aliquando nullo  
vescendi deside-  
rio teneamur.*

Accidit sæpe, ut bene etiam valentibus nulla insit ciborum cupiditas, & diu sine ullo dolore impasti maneamus. Puellæ cujusdam meminit *Rogerus Baconus*, quæ viginti annorum spatium nihil comedit. Et Galli Sacerdotis, qui Tempore Nicolai V. Pontif. biennio, omni cibo & potu abstinit.

## V.

Variis ex Causis contingere potest hæc inappetentia, interdum *obstructionibus*, dum liquor *famem* generans arectur, & omnis illi ad Ventriculum aditus denegatur. Aliquando frigidis quibusdam ac glutinosis humoribus, quibus vis ejus retunditur, impediturque ne vim suam in membranulas exerceat. Nonnunquam corrupto Sanguinis Temperamento, quo fit, ut ille acer succus, ab arteriis in Ventriculum impulsus, degeneret, & diversæ sit à solito naturæ. Quippe iis assentiri nequeo, qui Famem à liquore è Liene veniente fieri autumant. Nam brevis *vasis venosi* ligatura, quæ inter Ventriculum & lienem interjacet, sua intumescencia in vivo animali obstat, ne aliquid ex liene ad Ventriculum effluat. Id quoque valvulæ in venoso illo vase existentes ostendunt; cum ita sint dispositæ, ut aliquid quidem è Ventriculo in lienem transmitti possit, non autem ex liene, per Venas aliquas in Ventriculum effluere.

Quoad

Quoad Anglicam illam Puellam, à *Rogelio Baco* memoratam, arduum est, tam diurnæ inediae, ac imbibentiae causam liquidò aperire, ni dicatur, ex summa Cerebri humectatione, tenuem quandam, ac pituitosam Materiam à Capite in Stomachum defluxisse, quæ Corpori in Alimentum cederet. Quemadmodum quædam Animalia videmus, *Ursos* nimirum, *Glîres*, *Taxos*, totam hyemem, sine Cibo extrinsecus assumpto transigere, & sola pinguedine nutriri. Vel dici potest, quodd vitalis flamma, seu innatus (ut Philosophorum vulgus loquitur) calor in *Virgine* illa leucophlegmatica placidè moveretur, parùmque Sanguinis, quod Corpori in Alimentum cedit, consumeret.

IX.

Ut Puella quædam per multos annos sine cibo & potu vixit.

Sunt qui vix Cibus saturantur, & nova semper edulia concupiscunt, cujusmodi sunt illi, qui *Canina* Fame ducuntur. Meminit *Frifius*, lib. 1. *Cosmoezie*. cap. 7. Mulieris cujusdam, sua ætate, adco grandævæ, quæ ne ad momentum quidem absque ciborum ingestione vivere potuit, quin illico anxia supra modum exiliret, & tanquam injecto laqueo, strangulanda quamprimum videretur. *Maximinus Imperator*, qui *Alexandro Mammeæ* filio successit, quadraginta carnis libras, die uno esabat, vinique amphoram, hoc est, octo congios hauriebat.

X.

Aliqui cur semper Cibus appetunt.

Potest illa Voracitas ex duabus Causis procedere: *Primum*, quod tanta sit Acidi Succi in Ventriculo copia, ut licet alimentum ingeratur, adhuc tamen adeò acer, pungensque remanet, ut ab eo Stomachus corrodetur, & vehementem adhuc vellationem sentiat. Cum autem cibus in Ventriculo, non eo, quo par est modo, solvitur, fit ut corruptus ille *chymus* plerumque per os regrediatur, & tanquam inutile, ac onerosum alimentum egeratur. *Secundò*, potest indefessa illa cibi Cupido à *Vermibus* oriri, qui in Ventre scatent, & ni continuo pabulo alantur, Ventriculum mordent, & variis ictibus pungunt. Ut de *Muliere* quadam narratur, quæ postquam duodecim digitorum *Vermem* excrevisset, esurire conquevit: Et alia desit, postquam centum excrevisset Vermiculos.

Quidam dies aliquot nulla Fame laborant, & quamvis inani Stomacho, nullum cibum appetunt, & jejuni diu citra aliquam molestiam permanent.

XI.

Qui fit ut aliqui absque Cibo & sine edendi desiderio maneant.

Hoc illis provenit, quod Liquor ille, qui suo acore *Membranulas* afficit, nimium dilutus sit, quàm ut vellicare Ventriculum

culum possit. Vel quòd id temporis possit à Sanguine puro recedere, vel in sudorem abire, vel per transpirationem insensibilem, vel per urinam. Qua ratione, confirmari illa *Historia* potest de quodam *Homine*, quem sub Terra tribus septimanis conditum fuisse referunt, & hausta tantum propria Urina, vitam tuitum esse: Nam cum sub Humo latens concluderetur, Sanguis ejus per transpirationem insensibilem, minùs quàm in Aere libero minuebatur, arctiusque intra Venas recludebatur.

## XII.

*Mulieres pręgnantes insolitis cibis vescuntur.*

Mulieres *Pregnantes*, primis præsertim tribus mensibus, cum nimirum vomitus accedunt, & foetus minus absument, insolitorum ciborum usu delectantur. Nonnullæ *stercoribus* vescuntur, aliæ *corium*, aliæ ex *vestimentis fila*, *lacertas*, *carnem cruidam*, *librorum cortices* devorant.

Insoliti hujus Appetitus Causa, ex ipsius Famis ratione deducitur; nam cum liquor, qui ex *Sanguinis* massa, per Arteriarum extremitates, in *stomachum* continuò illabitur, in *illum*, ciborum defectu, ut dictum est, vires suas convertit, nervorum ejus filamenta solito vehementius agitando. Si verò *humor* ille, ejus sit temperamenti, ut vires suas in *certos* quosdam Cibus exercere valeat potius, quàm in alios, ad eum modum quo *Aqua fortis* facilius Metallum dissolvit quàm ceram; singulari quadam ratione stomachi nervos afficit. Unde fit, ut *Anima* in hos potius, quàm alios cibos feratur, & vehementiori desiderio appetat, quod aliàs respiceret, & averfaretur.

## XIII.

*Cur macri sint quidam, quamvis multum comedant.*

Nonnulli quamvis plurimum comedant, *exuoci* tamen semper, ac macilenti vivunt: Alii è contra, licet minùs edant, *obesi* sunt, ac crasso pinguique Corpore.

Id oritur, quod aliqui fibroso sanguine constant, mollioremque plexum habent. Unde novarum fibrarum accessione, necessum est, Carnes plurimum inflari, & pinguedinem exudare. Qui verò macilenti sunt, sicciores *fibras* habent, durioreque plexu gaudent, qui accessionis incapax, augeri dilatarique non potest.

## ARTICULUS

ARTICULUS SEXTUS.

De Motu Cordis, & Sanguinis Circulatione.

**C**OR Corpori exemptum, diu Animantibus palpitat, & Motum sensibilem præ se fert: Imo si in partes dissece-  
tur, aut in minuta frustra dividatur, non statim Motum suum  
amittit, sed aliquamdiu pulsatur, præsertim in *Piscibus*, quorum  
Cor diutius agitatur, quàm Animalium terrestrium.

I.  
Cur Cor Piscium  
à Corpore avul-  
sum & disse-  
ctum moveatur.

Quidam hunc motum ab Animæ facultate proficisci existi-  
mant, cujus vim Cor à Corpore ablatum intrinsecus servat,  
& aliquamdiu retinet. Verùm, quo pacto humanum Cor  
pulsationem suam ab Anima mutuari potest, cum illa indivisi-  
bilis sit, & partes à Corpore sejunctas non attingat? Satiùs  
hunc motum Sanguini intra Cordis fibras contento acceptum  
referimus, qui in Cordè oculis etiam sæpeprehenditur,  
vel intra ejus fibras delitescere supponendum est. Pauxillum  
enim Sanguinis, ex una Cordis parte in aliam tantillo cali-  
diorem illapsi, huic pulsationi efficiendæ sufficit. Imo quo  
minor est Liquoris alicujus copia, is eo faciliùs rarefcit, &  
dilatatur. Nam sicuti quædam Corporis nostri membra, eo  
faciliùs Motum aliquem repetunt, quò frequentius eam antea  
exercuerunt: sic Cor quoniam à primo suæ formationis mo-  
mento, continuâ reciprocatone, *Diastoli & Systoli* assuevit,  
minimâ vi ad hoc continuandum impelli potest. Unde quum  
nonnullæ Sanguinis reliquæ in exemptis Cordibus semper di-  
labantur, fit ut iis Calore dilatatis, aliquamdiu pulsent, &  
vicissim intumescant, & deprimantur.

Si quis Arteriæ solidum Corpus aliquod intrudat, ut via  
Sanguini ocludatur, illicò Arteriæ motus cessat: imo si in-  
cise Arteriæ *Fistula* argentea, aut *Calamus* indatur, & Arteria  
subinde vinculo super Arteriam constringatur, idem planè  
effectus sequetur, quamvis illum Sanguis permeet.

II.  
Arteria pulsus  
sistitur immisso  
in ea calamo  
aut fistulâ.

Prioris Experimenti ratio evidens est, quia Arteriarum pul-  
sus, à Sanguine fit rarefacto per vices, in Arterias defluente:  
dum nimirum Sanguis Arteria magna, Cordi proximè partem  
occupans, totum alium Sanguinem in ea, ejusque ramis con-  
tentum.



tentum protrudit, & concutit. Corpore autem crasso in *Arteriam* detruso, Sanguinis cursus impeditur, & illa Sanguinis portio *Aortam* ingrediens, alias in ea contentas partes trudere non valet. Quoad secundum Experimentum, distinctione opus est; ut ritè explicetur; aut enim Tubus *Arteriæ* injectos, tantæ crassitie est, ut totam *Arteria* capacitatem oppleat, & ita internæ ejus superficiæ connectatur, ut Sanguini innatare non possit, & intus tam angustam cavitatem habeat; ut non nisi ægrè à *Sanguine* penetretur. Eo casu, constat *Tubulum* etiam omni vinculo solutum, *Arteriæ* motum sisturum. Aut intrusus in *Arteriam* *Tubulus*, ejus est cavitatis, ut liberum Sanguini transitum præbeat, & tunc live vinculo constringatur, live non constringatur, nullo pacto *Arteriæ* pulsationem impedit.

## III.

Cur Venæ non  
pulsant sicut ar-  
teriæ.

*Venæ* non pulsant, licet non minùs quàm *Arteriæ* sanguine oppleantur, & per varias *Anastomoses* illis conjungantur.

Ratio est, quòd Venarum extremitates, per quas Sanguis ingreditur, earum alveis, in quos defluit, angustiores sunt: Quo fit, ut ex angusto loco in latiore transeundo, magnam Virium suarum partem amittat. Unde licet continuo affluxu *Venas* implere possit, tumidasque reddere, non autem distinctis Subsultibus agitare, qui ad sensibilem pulsationem efficiendam sufficiant.

## IV.

Venis ligatis  
brachium intumescit, & con-  
tinuata ligatura exsiccat.

Si *Hominis Brachium* constringatur, adèò ut *Venæ* omnes, quæ eotendunt, vinculi pressione, nullum ampliùs Sanguini aditum præbeant, *Brachium* illud, brevi temporis spatio, supra modum inflabitur; sed posthac paulatim detumescet, & si ligatura non solvatur, exsiccabitur, & arefcet.

*Venis ligatis*, *Brachium* intumescit, & præter solitum assurgit, quia Sanguis ex *Arteriis* in ipsas defluit, qui cùm transitum non reperiatur, non potest non illas inflare, & earum molem augere. Paulatim autem minuitur hic Tumor, flaccescuntque *Venæ*, quia Sanguis in *Venis ligatis* stagnans, brevi tempore crassus efficitur, & nimis diu vinculo *Venas* premente, non ramuli Venarum modò obstruuntur, sed & ipsarum *Arteriarum* meatus occluduntur, impediunturque ne ampliùs Sanguinem in *Venas* transmittant. Unde Sero sanguinis in iis contenti, per insensibilem transpirationem elabente, necessum est, *Brachium* detumescere, exsiccare, & arefcere.

Mulieres

• Mulieres mensibus singulis, Sanguinis fluxum patiuntur, ubi ad certam pervenere ætatem.

Profluvii hujus causam, nonnulli in *nitrosum Salem* refundunt, qui in Sanguine fermentationem excitat. Unde orificia Tubulorum, qui ad Uterum pertingunt, Sanguinis effervescencia dilatata, Sanguinem liberè hauriunt, illumque inde foras effundunt. Ubi verò citra impedimentum fuit Sanguis, collectum fermentum abstergit; non modò proisus ablumili, quo Aqua è terra, quam abluat, *Nitrum* ejicit. Restituito deinde in priorem statum Utero, idem fermentum eodem modo, quo prius colligitur, & ni obstaculum adsit, æquali temporis spatio, parique mole congestum, & ad similem exaltationem evectum, novam fermentationem in Utero procreat.

• Moribundi, interdum citra omnem Sanguinis circulationem aliquandiu vivunt: Id *Anatomici* deprehendunt, dum Cadaveribus dissectis; Venam Cavam inanem, & omni sanguineo liquore destitutam sæpe inveniunt.

Id contingere potest, per vasorum Sanguini transmittendo inservientium contractionem. Nam licèt Sanguis moribundi, in minoribus primùm, & longè à Corde distitis Venis refrigeretur, calorisque defectu incrassetur; ac proinde solitus Sanguinis motus, ex Arteriis in Venas demigrantis sistatur: potest tamen Vena Cava nonnihil calidi & fluidi Sanguinis continere, quem, sè contrahens, *Cordis* tanquam fomittem ministrat, ad eum modum, quo *Vesica* porcina Aëre distenta, ore ab ejus *Urethra* amoto, spontaneâ contractione, Aëris partem expellit, & foras agit. Quippe non nisi moribundus, cessante Sanguinis circuitu extinguitur, cùm omnis vitalis fomes in Vena Cava contentus, absumptus est, & omni propemodum Sanguine *Vena Cava* eximitur.

Chirurgi ad *Phlebotomiam* instituendam, brachium mediocriter cum *adstrictione*, supra locum in quo scissionem cogitant, ligant, quo Venæ magis intumescant, & Sanguis copiosius effluat.

Ratio apud eos luculenta est, qui Sanguinis *circumcisionem*, per Corpus humanum fieri admittunt. Quippe vinculum moderate adstrictum, obstarè quidem potest, ne Sanguis qui jam in brachio est, ad Cor per Venas revertatur, non autem ne novus semper ex Arteriis, in venas Cordis motu trudatur

Bbb

&

v.

Unde Mulieres menstruum patiuntur.

VL

Moribundi aliquandiu interdum vivunt Sanguine non fluente.

VII.

Cur Chirugi brachium ligant in Vena scissione.

& affluat. *Arteria* enim infra *Venas* collocantur, & durior est ipsarum cutis, quàm ut à levi arctione comprimi & deflecti queat. Accedit etiam, quòd Sanguis è *Corde* proveniens, majori cum impetu, per *Arterias* ad manum pergere nitatur, quàm inde ad *Cor*, per *Venas* regredi.

## VIII.

Experimentum  
prohans motum  
Sanguinis.

Id alio *Experimento* probari potest: nam si turgentibus in manus, exempli causa, *Venis*, Sanguis versus ramos digito prematur, *Vena* versus ramos turget, trunco interim subsidente, qui statim retracto digito assurgit, & inflatur. Quia nimirum Sanguinis motus, à *Ramis* versus *Truncum* fit, quidum digiti appositione impeditur, necessum est, ut *Truncus* flaccescat, & *Rami* tumescant. Unde si contingat, quemadmodum in *Pleuriside*, ut meatus, deducendo, per totum corpus Sanguini, constringantur, Animali periculum imminet, ni *Phlebotomia* adsit, quâ capillarium intercostalium Pori denud aperiuntur, & Sanguini sueta via restituatur.

## IX.

Quomodo quædam  
Animalia  
Corde extracto  
moventur.

Quædam Animalia, Corde abscisso, adhuc moventur, ut *Lacerta*, *Anguilla*, & similes. Vidi ipse *Ranam*, quæ Corde detracto, aliquamdiu substitit, & non nisi post horæ quadrantem, extincta est, sive moveri desiit.

Ratio esse potest, quòd Motus in Animalibus, ope subtiliorum earum Sanguinis partium fiat, quæ à Corde ad Cerebrum, per Magnam Arteriam commeant: cum autem magna earum copia, in Cerebri *ventriculis* existat, factum est, ut *Rana* aliquamdiu duraret, cum dubium non sit, quin novi etiam spiritus ex Sanguine in Arteriis contento effluerint. Capite autem truncato, moveri omnino desiit, quia nulli amplius spiritus ex Arteriis in musculos migrare potuerunt. Unde si quæ Animalium partes, capite exacto adhuc moventur, id à solis spiritibus proficiscitur, qui in ipsis Musculis adherent, ut in abscissis *Lacertarum caudis* cernitur.

ARTICULUS SEPTIMUS.

De Animantium Actionibus.

**A** iatchtlos, five *Tam* in Brasilia, Cœlo pluvie supinus cubat, & in Ventre inter laterum crustas Aquam colligit; eoque in statu, imbre transacto, interdum per diem integrum perseverat: donec sitibundus *Cervum* incautè occurrat, qui ore admoto humorem hauriat; quem ubi haurientem *Aiatchtlos* sentit, se claudit, & duris laminis, quibus armatur, Cervi labra & nares comprehendit, nec unquam prædam laxat, donec hinc & inde discurrentem, & spiritus angustia fatigatum interimat. Non minor in *Vulpibus* nostris astutiaprehenditur, quæ mortuas se simulant, ut *Gallinas*, *Anas*q; ad se alliciant, & omni semoto motu, imprudentius accedentes arripiant, & devorent.

2.  
De Aiatchtlos  
Cervum decipit.

Multi judicium Brutis Animantibus assignant, licet imperfectum, & ut eorum nomine utar, *umbratile*, quo actiones suas dirigunt, & cogitationis specie, quæ meditantur, efficiunt; ea ratione ducti, quiddam *linguæ*, *auribus*, *oculis*, cæterisque sensuum *Organis* prædita sunt: ac proinde probabile esse, illa sicut & nos sentire. Quia verò in nostro sentiendi modo, perceptio, five cogitatio includitur, similem quoque his assignari debere Cogitationem asserunt. Verùm, non satis ad *Cogitationis* naturam animadvertisse videntur, dum illam Brutis Animantibus tribuunt: quippe non illa *Corpori*, sed soli *Menti* propria est. Alioquin cætera Animalia Intellectu & Voluntate donarentur, & non Hominibus *equalia* modò, sed & *superiora* asserere necessum esset; cum videamus illa solo intuitu objecta consequi, & id quod moliantur, prima quâ tentant vice, obtinere, quod vix sapientissimis inter homines conceditur, qui longo duntaxat discursu colligunt, quæ ipsa simplici apprehensione cognoscunt, & assequuntur.

*Affectus* quidem in *Brutis* agnoscitur, quibus ad sua agenda impelluntur, non autem *Cogitationem*, & provenientes ex illa cogitandi modos. Unde *Aiatchtlo* contingere potuit, ut lassus, & sub dio quiescens, delapsam Aquam in Ventre post pluviam

II  
Passiones sunt in  
Brutis non Ra-  
tio.

pluviam contineret, ad quam hauriendam *Cervus* accedens, *Aiatochlum* evigilaverit, qui subito experrectus constrictis laminis, *Cervus* buccam comprehenderit, & prædam nactus sit, cujus castus postea memor, sollicitante fame, eo artificio usus fuerit, ad novam prædam comparandam. Quæ certè omnia sine ulla *rationis* ope, aut consilio, sed sola partium Corporis dispositione, & *organorum* ordinatione peragi possunt.

## III.

An Canes semitas eligendo  
discirrant.

Canes, amisso ferè vestigio, consistunt, & si contingat plures semitas exempli causâ, tres occurrere, duabus *odoratû* exploratis, Tertiam absque ulla hæsitacione ingrediuntur, velut non amplius dubitabundi, sed certi *feram* illac iter suscepisse.

Hæc actio, quæ aliquid *rationis* præ se ferre videtur, solius corporei Organi est opus. *Canes* enim dum summo ardore *feram* persequuntur, contingere potest, ut primam semitam leviter indagent, ac proinde illâ neglectâ, ad alias explorandas se conferant; sed nullum in ipsis bestiarum vestigiorum odorem percipientes, ad primam denuò, per quam fera elapsa est, revertuntur, in qua hausto odore, submotâ omni cunctatione, ductum ejus sequuntur, & *feram* velligant.

## IV.

Quomodo Cameli  
saltandi modum  
addiscunt.

*Cameli*, qui maximè musicâ delectantur, saltare docentur: visi sunt *Alcaici*, qui tripudia miscerent, & ordine servato, ad *Tympani* sonum, interdum in orbem, interdum laxatis, disjunctisque Corporibus moverentur.

*Cameli* hoc pacto instruebantur, cum adhuc juvenculi, tenerisque artubus essent: In Hypocausto includebantur, cujus pavementum calorem imbiberat, mox *Atrabata*, aut *Tympanum* præ foribus pulsabatur; Bestiæ ob Caloris molestiam alterum pedem exigebant, & motu continuo se agitare cogebantur. Sic continuato per multos menses hoc exercitio, ita assueti erant, ut cum in publicum prodibant, liberòque *Aëri* exponerentur, audito *Tympani* sono, more solito pedes attollerent, & *salutationem* simili agitatione molirentur.

## V.

Unde oritur Vo-  
cis diversitas  
in Gallina.

*Gallina*, cum pullos vocat, *crocitat*: cum pullos ad fugam, ob milvum, hortatur, *extendit vocem* in longum, & extollit; cum capitur, *clamat anxie*, repetitque quasi singultiens; cum ovum parit, *exultat*; cum pullos deducit, voce *asperiore*, crassiore, atque rariore utitur, quàm cum illos ad se vocat; cum cubat, *voce demissâ*, & ab aliis dissimili utitur. Ut adnotavit *Cardanius lib. 5. de Varietat. cap. 82.*

Sonorum

Sonorum hæc diversitas, quæ in *Gallina* aliisque Animantibusprehenditur, à variis eorum *Affectibus*, sive passionibus provenit, quæ illa agitant, & corporis dispositionem immutant. Nam cum *Vox* per halitus emissionem ex ore, per *Arteriam Asperam* perficiatur, constat pro varia Instrumentorum, quæ ad Vocem formandam concurrunt, dispositione, peculiare Voces oriri debere. Et cum pro diversis, quibus commoventur passionibus, organa diversam dispositionem fortiantur, inde fit, ut Animantia differentes edant voces, & variis sonis suas molestias, aut voluptatem testentur, qui ad bestias ejusdem generis, aut etiam diversi delati, illas diversimodè afficiunt. Sic *Cercopitheci* ejulatus, cæteros alios allicit, & ad opem ipsi ferendam longè etiam dissitos evocat. Sic *Porcus*, dum à *Cane* impetitur, suo *grunntu*, reliquos in locis proximis ad sui auxilium invitat. Ita *Gallina*, diversis pipationibus, varias suas passiones significat, pro varia organorum vocalium dispositione, quam dominatrix passio, in ipsius Corde inducit. Adèd ut, qui Brutorum Animantium interna penetraret, & reconditiores eorum Affectus scrutaretur, posset sine ullo negotio, earum Vocum causam detegere, & à quo cordis motu impellantur, manifestare. Quemadmodum in *Dissertatione de Carentia Sensûs & Cognitionis in Brutis*, latius ostendi.

Lepores, ut insequentium Canum odorem vim eludant, vestigia sua disturbant, fruticesque maximè vitant, ne pili iis affricati, odorem prætereuntibus *Canibus* præbeant. Interdum ad sepes contendunt; aliàs se gregi ovium immiscent, quatenus fortiori Odore suo, is qui ex eodem Corpore emanat, absorbeatur, & sensibilis amplius non fiat. Imo si nimium à *Canibus* premantur, multoties eandem Viam remetiuntur, aut magno saltu, in cavum, seu cubile suum prosiliunt.

Omnes illæ Actiones, quæ à quibusdam Leporum astutia, vel prudentiæ imputatur, nonnisi unius passionis, Timoris scilicet, Effectus sunt. Nam quid Leporibus, dum insequuntur Canes, magis obvium esse potest, quàm ea loca quærere, in quibus abscondantur, & eorum gratiâ, ab Hostibus se incolumes servant? Cum *sylvæ* absunt, in quibus occultentur, obiectæ *Damæ*, aut *Oves* eorum oculos feriunt, ad quas tanquam ad asylum feruntur; inter quas delitescunt, donec Canum insequen-

VI.

Que causa astutia quam Lepores ostendunt.

insequentium *latratus*, ad iter continuandum compellantur. Vel si prius quàm ingruant Canes, fugam capeſſant, eorum pavori adſcribendum eſt, quo agitati Cerebri ſpiritus, eos quieſcere non ſiunt: ut in *deſeſſis* Hominibus cernimus, qui itatim quieſcere non valent, ſed aliquantulum ob commotos ſpiritus moveri coguntur. Quod fortè cauſa eſt, quòd *Lepores* iteratis ſaltibus, huc & illuc proſiliant, & cubile ſuum, elato in Aère corpore, ingrediantur. Nec alia ratio reddi poteſt, cur fatigati Lepores tot *flexus* agitent, & eadem veſtigia ſæpiùs repetant, quàm quòd metu nimio concuſſi, diſtrahantur, & à cœpto itinere revocentur, ni Canum in perſequendo perſtinacia ad curſum priorem tenendum adigant.

## VI.

Quæ Avium ars  
in nidis adſcri-  
bendis, & pullis  
educandis.

Aves, miro artificio, in ſœtibus educandis pollent; quippe ſtatim à coitu, *nidis* extruendis incumbunt, *muſcum*, *paleas*, *feſtucas*, *plumas* congerunt, nidum in orbem compingunt, *ovis* emiſſis incubant, *pullos* excludunt, eos mirâ ſollicitudine alunt, & *volatum* ſuum edocent.

Hæc omnia abſque *Ratiocinio* peragi poſſunt: manifeſtum enim eſt *Avibus*, ſtatis temporibus, innatum eſſe congregi, ad quod, vel anni *tempeſtate*, vel *cibis*, quibus tunc veſcuntur, impelluntur. Conſtat etiam ex coitu *ova* produci, quæ in ſœminæ ventre concluſa, non poſſunt non geſtanti, dum ad aliquam magnitudinem pervenerint, moleſta eſſe; quo ſit, ut ſe ſis exonerandi cupientes, locum iis reponendis idoneum præparent, & rebus mollioribus, quibus tunc ob ovorum pondus maximè delectantur, inſtruant; non alio rationis ductu, quàm *Feles* & *Canes*, quæ imminente partu, locum catulis ſuis edendis commodum quærunt. *Ovis* ſponte ex utero delapſis incubant, ob certum tunc temporis fibrarum plexum, quo ad hoc diſponuntur; ut videmus in *Gallinis*, quæ certo anni tempore humi requieſcunt, ac ſi *ovis* aſſiderent, quamvis illis nulla ſupponantur. Quod ſatis oſtendit, illas eâ tempeſtate, aliquâ Corporis intemperie affici, quam *incubatus* levat & tollit. Ex quo patet, hæc omnia non Diſcurſu aliquo, aut Cognitione fieri, ſed ſpirituum motu, vel reliquarum Corporis partium diſpoſitione: Sicuti *Fontes* artificiales, *Horologia* & ſimilia *Automata*, humano artificio elaborata, quæ per ſolam ſuarum partium concinnitatem, admiranda quædam facere videntur.

Echeneis,

Echeneis, seu *Remora* Navem retardat, & validis etiam ventis magnoque remigum conatu propulsam sistit, ac remoratur. Navem *Francisci Cardinalis Tironensis*, cum aliquando à *Gallia* maritimo itinere pergeret, serunt, narrante *Petro Adelato Bononiensi*, in medio detentam cursu.

*Quid censendum de Remora que Naves in mari sistit.*

Tanta Echeneidis vis, omnium quos legi Philosophorum subtilitatem obtundit, & remoratur; qui lubenter Ingenii sui tenuitatem agnoscences, se tam stupendi Effectus Causam ignorare profitentur, & ultro ad *Asinorum* asylum, occultam nempe qualitatem recurrunt: Nec immerito, arduum enim est, rei alienius, quæ nunquam exitit, virtutem nosse, & quomodo nondum editum Animal mira operetur. Quippe si Authorum scripta, qui *Remora* meminerint, attentè pervolvantur, luculenter apparebit, illius vim non ex propria sententia, sed aliena duntaxat fide asserere. Unde *Aristoteles secundo Historiar.* postquam Echeneidis naturam, ac effectus recensuit, subjungit, ut aliqui volunt. *Plinius lib. 9. Hoc carinis adhaerente, naves tardius ire creduntur. Plutarchus lib. 2. Quest. convo.* Erant tunc qui *Cheremonianum* riderent, tanquam commentum fabulosum. Et multi alii, quos hic recensere nimis longum esset, qui hunc pisciculum ut merè fabulosum, & à fide alienum esse existimant.

At constitère Naves, & ulterius pergere subito prohibite sunt: Esto. An propterea id pisciculus *expes*, secundum *Aristotelem*; *Murex* & *Limaci* similis, secundum alios, & vix cubiti longitudine efficit? Quidni potius ad Maris æsum extemporaneum recurrunt, qualem in freto *Siculo* multi experti sunt, cujus occurso Naves plenis etiam velis investæ retardantur, aut etiam omnino immotæ detinentur? Quis navitarum ignorat vehementissimos flatus, è Maris fundo nonnunquam erumpere, & Aquam summâ vi contra carinas propellere? Annon hæc retardandis, aut sistendis navigiis sufficiunt absque exiguae molis pisciculi opera? Imo certe, & quæ solum ut causas immobilitatis navium agnosco. Præterea, si tantum remora præstare potest, quidni idem in Navi recepta efficit, dum sæpe gubernaculo adhaerentem excepere Nautæ, & in navim secum detulere? Unde non absque causa *Cajus Imperator* ab *Astura* Antium remigans, admiratus est, quomodo *Echeneis*, quæ ejus quinqueremi adhaerisse ferebatur, in navigium



gium delatus, non item polleret, & vim suam non transfunderet.

## VIII.

Ut Bruta Animantia tempestates, pluvias, indicant.

Bruta Animantia *Ventos, Serenitatem, Pluviam, &c.* portentunt; *Echini* sese alligentes tempestatis signa sunt; *Halciones* nidulantes futuram tranquillitatem loquuntur. Imo *Aves* nostræ domesticæ, ut *Anates, Anseres, Galli, &c.* non dubiam fidem imminentis mutationis Cœli faciunt.

Hoc habent Animantia, à perfecta organorum suorum dispositione: Nam cum in Aëre quædam sint earum mutationum præludia, Animantia ob sensuum quibus pollent, vivacitatem, facilius illas quàm *Homines* præsentiant, quorum imaginationes objectorum varietate distrahuntur, & sensus obtusiores habent. Nonnisi tamen improprie Animantia prædicere dicuntur, nisi quis velit *tubercula* in pedum digitis eminentia, & *luxatos* olim artus præscientia, & rerum futurarum cognitione præditos esse.

## IX.

Ut præsagiant Homines futuram tempestatem.

Quicquid enim luxatum, fractum, solutumque fuerit in aliqua Corporis parte, omnia futuram tempestatem significant, quod non absque acerbissimo cruciatu, iis contingere solet, qui aliquid latentis abditique Morbi ex scortorum contagio contraxerunt. Hi siquidem quando Boreales Venti spirare incipiunt, doloribus citius infestantur: eo enim tempore, Nervi intenduntur, Musculi rigescunt, & humoribus vitiatis, membris infixis, acerrimè torquentur. Hujusmodi enim partibus *intemperies* quædam, tempestati externæ cognata ac familiaris subest, quæ carnificinam quandam intimo membrorum recessu exercet. Nec alia ratione *Rana* præter solitum coaxantes, *Porci* in scœni manipulum irrupentes; *Hirundines* juxta Aquarum superficiem volitantes; *Boves* Cœlum olfacientes, ex Aëris humiditate pluviam præsentiant.

## ARTICULUS OCTAVUS.

## De Animalium Aversione &amp; Concordia.

## I.

An Basiliscus Hominem visu enecat.

**B**asiliscus ea est Veneni acuitate, ut *Serpentem* quantumlibet magnum, immisso spiritu, suffocet: Imo si *Histori-*  
cis

cus habenda fides est, ejus cavernis admotum hominem si aspi-  
ciat, solo intuitu perimit. Hinc *Mantuanus*,

*Natus in ardenti Libya Basiliscus arena,  
Vulnerat aspectu luminibusq; necat.*

Haud mihi facile persuadere queo, *Basiliscum* solis oculis  
posse tantam homini perniciem adferre. Nam unde tam fu-  
nesta Visui malignitas? Quâ vi ejecti ex oculis radii, ut to-  
tum Hominis Corpus trajiciant, & vitam etiam distanti ex-  
tinguant? Crediderim potius, si verum est quod de Basilisco  
jactatur, non tam spiritibus ex oculis emissis, quàm protulso  
ex ore Halitu exitiosum esse. Cum constet eum *frutices* ne-  
care, frangere *saxa* & *herbas* non contactas modò, sed &  
afflatas etiam exurere. Hinc ejus Venenum reliqua Serpen-  
tium genera fugiunt, & illum ut communem pestem averfan-  
tur. Unde *Lucanus lib. 9.*

*Sibilâq; effundens cunctas terrentia pestes,  
Ante venena nocens, Latè sibi submovet omne  
Vulgus, & in vacua regnat Basiliscus arena.*

Tam noxius igitur Halitus ore afflatus, ad hominem, cum  
casu aspicientem perveniens, suâ subtilitate & violentiâ, to-  
tam ejus *substantiam* pervadit, & *fibrarum* plexum invertendo,  
ita affligere potest, ut minùs ad Vitæ muniaabilem efficiat.

Idem de *Draconibus*, tempore Philippi Regis Macedonum  
narratur: nam cum Milites inter duos montes transeundo,  
moribundi conciderent: *Socrates* quidam erecto altè speculo  
chalybeato, duos in utroque monte *Dracones* conspexit, cò-  
tra se mutuò exhalantes pestilentem spiritum, cujus vi quic-  
quid interceptum esset, moreretur. *Libanius de origine rerum.*

Tanta est inter *Gallum* & *Leonem* Antipathia, ut ille cro-  
citante suo sonitu, alarumque plausu, huic formidinem ter-  
rorèmq; incutiat. *Elephas* suis grunnitu pavet, & quamvis  
ferarum fortissimus, ita eo strepitu concutitur, ut omnibus  
penè artubus contremiscat.

Talis aversio in utroque hoc Animante, oritur ex organo-  
rum contextura, quæ talis est, ut *Galli* cantus, & *Suis* grun-  
nitur

C c c

II.

*Idem præstant  
Dracones.*

III.

*Leo Gallum hor-  
ret, & Elephas  
suis grunnitum  
non tolerat.*

nitus ad ipsa delati, cum quadam vellicatione penetrent, & cum aliquo acore discerpant: quo fit, ut huiusmodi strepitus eorum Auribus excepti, illos Cerebri poros aperiant, non in Musculos duntaxat, membris movendis idoneos, sed etiam in illas Cordis fibras, quæ timori excitando inserviunt. Manifestum est enim; multos sonos nobis ingratos esse, & ad varias Passiones excitandas nos commovere. Quis non expectitur se ad *Serræ*, aut rerum aliarum stridorem exhorrescere, & omnem dissonantiam averfari? Pavet igitur *Leo* ad *Galli* cantum, & *Elephantus* ad *Suis* grunnitum terretur, quoniam ita sunt disposita eorum organa, ut iis offendantur, & sine lésione penetrari non queant.

## IV.

Cur *Elephas* colorem rubrum non patitur.

Ad eandem Causam refertur, quod in *Macchabaorum* Historia refertur, *Elephantos*, turribus ligneis eorum dorso erectis, & armato Milite instructis, ad rubentium Uvarum, atque Mororum conspectum, ita esse exasperatos, ut sanguinolento illo colore excitati, atrocius in Hostem irruerent, majoresque cum impetu ferrerentur. Quoniam ita dispositos habent oculos, ut rubro eo colore male afficiantur, & à radiis à tali corpore effluentibus, ii Cerebri meatus aperiantur, qui Cordis fibras aperiunt, furori excitando idoneos.

## V.

*Camelus Equum*, *Mus Falem*, &c. averfatur.

*Camelus* Equum odio prosequitur, nec unquam absque rixis & pugna cohabitare queunt. *Mustela* *Busonem* exhorret, nec nisi reluctans, & invita ad illum accedit. *Mus Falem* fugit, & ut hostem evitat. *Astagnes* *Cervis* insidiantur, qui eorum tergis insidentes, pilos vellicant, & carnem rostro impetunt, &c.

Periparetici, nudo nomine *Antipathie*. has omnes inimicitias explicant, difficultati se satisfecisse existimantes, si dicant naturale quoddam odium inter Animalia intercedere, quo se fugiunt, & averfuntur. Verum, quis illud ignorat, an hoc responso doctiores sumus? Non, an dissentiant Animantia, queritur, sed quo pacto, & in quibus motibus illa discordia consistat. Certe alio modo fieri non potest, quam à Passione aliqua in Cerebrum per Sensus externos, Nervorum ope, traducta. Ea enim est in Animalibus Cerebri dispositio, fibrarumque plexus, ut à tali specie exterius proveniente, talis Affectio oriatur. Non alia ratione, quam Calor quadam Corpora indurat, alia autem emollit, & liquat. Odor igitur

tur

tur *Cameli* aded *Equi* Cerebrum perturbat, ut penitus ad certamen ineptus reddatur. *Equi* halitus tantum in *Elephantem* potest, ut eum in rabiem agat, & furore percellat. Qui certe effectus, non in aliud, quam in talem organorum dispositionem, talemque fibrarum plexum refundi potest. Eo modo, quo Sanguinis color *Elephantem* & *Taurum* exasperat: *Pantberæ* odor *Simias* attrahit, & *Leoni* timor viso *Gallo* incutitur.

Sanguis ex vulnere exprimitur, tametsi obligatum obduci nique sit, si ille qui facinus admisit, ex adverso constituatur. Unde *Jurisperiti* in quibusdam regionibus, semi probationis locum habere dicunt, si interfecti Hominis cadaver Sanguinem emittat.

VI.

An Sanguis ad Interfectoris præsentiam decurrat.

*Lemnius* lib. 2. de oculis Naturæ miraculis, Causam hujus effectus in imaginationem rejicit. *Tanta*, inquit, ac tam valida latentis naturæ vis, atque Imaginatio, modo aliquid vite supersit, aut corpus mortuum incalcescat, ut sanguis ebullire, ac censaque bile effervesce incipiat. Alii ad Antipathiam inter Cadaver, & Homicidam recurrunt, quasi adhuc quedam spirituum colluctatio restet, ei similis, quæ necis tempore horrorem incussit. Sed illa apud me parum ponderis habent, qui rem dubiam esse existimo, imo si fas est tot hujus casus Assertoribus contradicere, omnino falsam. Cum ipse Cruorem ex *Orcisi* naribus, & ore effluere post tertium, aut quartum diem aspexerim, siccario absente, imo defuncto. Deinde nemo adhuc visus est, qui rei Veritatem ausus fuerit juramento attestari, sed solâ referentium fide, vel Scriptorum auctoritate innixi.

At interdum contingit, ut ad Homicidæ conspectum, cruentum Cadaver fiat, non repugno: Igitur quoniam Interfector adest, aut adesse suspicio est? Cur non potius naturalibus Causis id adscribunt; quod factu facile est, si quæ circa Cadavera passim contingunt, examinent? Corpus in conclave defertur, quod multi spectaturi confluunt, At tot Hominum halitu incalcescit, & Sanguis jam frigidus tepido illo Calore excitari potest, & tantillum è naribus, aut ore erumpere. Unde colligi potest, quàm iniquus testis sit ille Sanguis, quàmque levis sint illæ conjecturæ, quæ à Judicibus sumuntur ad Interfectoris præsentiam; nisi cum *Platone* occisorum animos, illos persequi velint, à quibus luce orbatî sunt.

CCC 2

Omnibus

*Omnibus umbra locis adero, dabis improbe pœnas.*

Virgil. 4. Æneid.

VII.  
*Bestiæ aversan-  
tur suæ similitudinem  
Interfectores.*

Bestiæ sibi similitudinem Interfectores averfantur, & eos suo modo persequuntur. Miratus sum ipse, cum nuper ruri verfarer, unius pagi *porcos, scrofas*, imo & ipsos etiam *porcellos*, Viro prætereunte grunnire, & omnes velut invasuros in eum obtutum vertere. Tantæ novitatis causam sciscitanti, à muliere responsum est, virum illum *lanionem* esse, qui eo die quosdam porcos in eodem pago mactarat.

Causa istius aversionis in *Suis* esse potuit, quod interfectorum porcorum odor, aut aliquid *Sanguinis* viri vestimentis adhæserit, qui jam corruptus, & à naturali temperie degenerans, sensum illorum offendebat, & quendam in ipsis horrorem creabat. Ambigi enim non potest, quin naturalis *Temperamenti* depravatio, ingratam impressionem Animantibus, præsertim ejusdem speciei reddat, efficiatque, ut illa Animantia ea magis lædantur, quam si ab aliis diversæ speciei efflueret, & derivaretur.

VIII.  
*Quedam Insecta  
olium averfantur.*

Si Insectorum corpora, præsertim *Bombycis, Cicada, Apis, Locusta, & Vespa*, melle aut oleo ita perfundantur, ut puncta nigricantia, per corporis longitudinem extantia occudantur, Animalia repente intereunt, nec ullâ arte possunt ad vitam revocari.

Quia, ut optimè animadvertit *Malpighius*, Insecta non tantum *pulmonem* habent, sed ita abundant, ut quilibet ipsorum annulus, sive sectio, duobus pulmonibus polleat, quin etiam quæque pars etiam viscerum, derivatis pulmonibus gaudeat. Cum autem nigricantia illa foramina sint veluti tot hiatus, qui ad totidem *Tracheas*, seu asperas Arterias ducunt, quæ mox in Cor, spinalem Medullam, & alias partes internas, Aërem ingerunt; mirum non est, si orificiis illis obturatis, ob Respirationis scilicet defectum, Animalcula illa concidant & emorianantur.

## ARTICULUS

ARTICULUS NONUS.

De Somno & Vigilia.

**I**nfantēs, & pueri somno faciliē capiuntur, & eo correpti diu dormiunt, nec faciliē expergiscuntur.

I.

*Cur Infantes multum suis somno dediti.*

Pueri enim multo *Humore* perfunduntur, cujus crassitie pori plexus *Choroidis*, aut arteriarum *Carotidum* obducuntur, & nullam amplius spiritibus animalibus viam præbent. Quem admodum enim videmus navium *Vela* nonnunquam corrugari; eò quòd Ventus placidiùs spiret, nec satis illis expandendis sufficiat: Ita ubi non tanta est animalium *Spirituum* à Corde proficiscentium copia, ut *Cerebri* medullam impleant, omnēsq; ejus meatus apertos teneant, necessum est *Somnum* oriri. Cùm autem in pueris, ac Infantibus, magna *Humorum* vis exundet, eorum ad *Cerebrum* appulsu, *Spirituum* animalium motus minuitur, & *Cerebri* pori faciliē oblitruuntur.

Hinc oritur, ut qui frigidius humidiusque *Cerebrum* habent, quale habent decrepiti, faciliē in somnum labuntur: Ex opposito, qui sicciori calidiorque sunt temperamento, insomniae penē noctes ducunt, & ætate vigentes, minùs somnum capiunt.

II.

*Qui faciliē in somnum labuntur.*

*Papaver, Crocus, Mandragora*, & similia, *Narcoticâ* virtute pollent, & stuporem sumentibus inferunt.

III.

*Papaver, Crocus, &c. somnum conciliant.*

Causa videtur esse, quòd hujusmodi plantæ multo *uliginoso* *Humore* abundant, quo oppleti *Choroidis* plexus pori, *Spiritus* à Corde venientes ad *Cerebrum* transmittere nequeunt. Nam sicuti quædam Plantæ *Lienem*, aliæ *Hepar* obstruunt, impediuntque ne munere solito perfungantur: Ita *Papaver, Mandragora, Crocus*, &c. sentientem plexum obducendi vim habent, efficiendique ut pauciores *Spiritus* à Corde ad *Cerebrum* mittantur. *Somnifera* enim, sive extrinsecus applicentur, sive intra sumantur, *Humectationem* quandam per Corpus spargunt, refrigerationēque inducunt, quibus *Spirituum* copia minuitur, vel eorum motus retardatur. Pari ratione, qui *Rheumate*, aut *Catarrho* laborant, faciliē in somnum incidunt, & quodam marcore premuntur, ob *Humoris* copiam, quæ Nervo.

Nervo.

## IV.

*Lethargia ut  
Hominem in  
Somnum indu-  
cit.*

Nervorum capita occupat, & eorum meatus obstruit.

Quidam morbi, ut *Lethargia* & alii gravedinem conciliant, & demum stuporem pariunt.

Quia materia morbifica, quæ apud Medicos frigida *pituïta* esse existimatur, multum Humoris suppeditat, qui in Cerebrum delatus, nimium illud madefacit, & ejus Ventriculos præsertim posteriores occupat: Unde fit, ut talis Somnus non modò Sensuum exteriorum ligamen sit, & vinculum, sed & omnium rerum oblivio. Quocirca qui *peste* corripiuntur, cum somnolenti sint, si se somno, & *quieti* dedant, citius inficiuntur, ac segnius natura contagioni resistit: Et homines si in *venenatis* potionibus, somno opprimantur, gravius affiguntur, & virus promptius vitalia corripit; quoniam nimius vapor naturales facultates opprimit, & inertes, atque ad expugnandum malum inhabiles reddit.

## V.

*Cur Gallus cir-  
ca noctem me-  
diam experge-  
fiat.*

Gallus mediâ nocte expergefit, & somnum circa id tempus constanter abruptit. Unde *Mantuanus*,

*Jam cecinit mediam volacris Tui antha noctem.*

Cicero secundo libro de *Divinat.* arbitratur *Democritum* optimis verbis causam explicuisse, cur ante lucem Galli canant: Depulso enim de pectore, & in omne corpus divisò, & mitificato cibo, cantus edere, quiete satiatos, qui quidem silentio noctis, ut ait *Ennius*, *favent faucibus rursus cantu, plausuque premunt alas.* Verùm, non satisfacere videtur *Democritus*, quoniam si à Somno post mediam noctem, ob cibum digestum, Gallus cessaret, sequeretur quòd postmodum non amplius quieti indulgeret, quod experientia adversatur. Præterea in *Meridie* satur canit, necnon à *coitu*. Dici potest melius, quòd Sol noctis meridianum prætergressus, & ad Auroram jam declinans, gelidam noctis auram antea immotam agit, & propellit, cuius frigido appulsu expergefactus *Gallus*, alis perstrepat, & cantum edit. Vel quidni ipsi Gallo certa dormitionis tempora, sicut & cæteris Animantibus concedatur, ad quæ motu sibi innato evigiletur, & spiritibus concitatis, in Cantum prorumpat, & vigillanti suâ crocitantè voce testetur?

Statim

Statim à prandio, aut cœnâ, facillè somnus conciliatur: *VI.* Hinc plurimorum post cibum contracta dormiendi *consuetudo, Unde post cibum in somnum proclives sumus.* ad quam natura invitat, & cui nonnisi ægrè oblectantur.

Causa hujus propensionis, ex ipsâ Ciborum concoctione petenda est: cum enim tunc temporis, spiritus in Ventriculo, ad ciborum *concoctionem* evocentur, necessarium est, Cerebrum spirituum jactura, eo tempore refrigerari, & quendam Soporem contrahere, adeò ut, qui remanent, ad Nervorum meatus apertos retinendos non sufficiant, aut impediendum, ne spontè laxentur, & inter se compliceantur. Hinc experimur externas Corporis nostri partes, post cibum sumptum refrigerari, *caput* tantillum demitti, *palpebras* cadere, ni scrid rei alicui incumbamus, & spiritibus animalibus utamur.

Difficilius Somnus abrumpitur in *Luce*, quàm in Tenebris. *VII.* Id enim *verno*, aut *æstivo* tempore experimur, in quo Solis lumine cubiculi fenestras pervadente, segniùs, majorique cum difficultate expergiscimur, quàm *hyeme*, dum Sol à nobis abest, & caligine undique circumcingimur. *Qui fit, ut difficilius in Luce quàm in tenebris, expergiscimur.*

Non illud à Lumine, quàm à Causa effêctrice provenit, quasi Lumen conciliandi Somnum vim habeat; sed ex accidenti duntaxat, in quantum imbecilles jam oculi, & subito frigore perculsi, connivere & obduci denud coguntur. Cum enim tunc *palpebras* aperimur, lumen instat, seritque oculos, qui inassueti radios remittendi, eorum percussu ostenduntur, & contractis iterum palpebris, occasionem dant in somnum relabendi. Hinc fit, quod in elara luce expergesacti, apertisq; oculis, dolorem sentiamus; quippe Lumen non sensim, sed improvise Retinam oriantem percillit.

Qui incommodè decumbunt, & sive *ladicum* plicis, *auribus* duritie, vel etiam *vesica* levandæ desiderio molestantur, soepe evigilant, somnumque interrumpunt. *VIII.* *Qui incommodè dormiunt, facile evigilant.*

Ratio est, quod animales spiritus, qui tempore Somni fiunt, & continuò per *Cor* Sanguinis motu generantur, possint in tanta copia tandem convenire, ut Nervorum officia referendi vim habentes, illos eo modo complent, quo necessarium est; ad illorum filamenta extricanda, & dandam Animæ occasionem, ea objecta percipiendi, quæ Corpus infestant. Quodcunque enim gravamen Sensum aliquem, ac Motum supponit, qui Somno inimicus est, illumque impedit.

Experimur



IX.

Cur lectio atten-  
ta post pastum  
somnia concu-  
liat.

Experimur lectione attentâ, statim à pastu, facîle nos in somnum labi: non autem si Ludis theatricis adsumus, aut rem ludicram spectamus.

Ratio est, quòd gravis attentio, & seria mentis exercitia, sanguinem versùs caput copiosius deducunt, ac simul versùs Cerebri medullarum, omni ex parte congregant. Quo fit, ut sanguine Cerebrum penetrante, magni succi nervosi alluvies, eò affluat, à quo spiritus illic suffocantur, eorùmque intervalla occupantur. Non idem nobis accidit, si statim à pastu, lautiori scenico Ludo intersumus, quoniam tunc spiritus animales cum voluptate diffusi, Cerebrum distendunt & ampliant, adeò ut eà inflatione coarcti meatus, soporifero humiori viam præcludant, obtentque, ne intra Cerebrum irruat.

X.

Coffea abigit  
somnia.

Potus ille, jam in Anglia vulgaris, *Coffea* nominatus, somnolentiam maximè abigit, ac vigiliam insolitam, indefessumque animalis facultatis exercitium producit. Quippe liquore illo epoto, potest quis serà nocte, studiis, aut contemplationi operam dare.

Hunc effectum Clarissimus *Willis*, in particulas *Coffee* adustas refundit, quæ Sanguini, ac mox succo nervoso commistæ, Cerebri poros suâ agilitate, ac inquietudine apertos detinent, atque spiritibus copulâ quâvis aliâ exutis, cætra ac stimulos, à quibus ad munia sua diutius exequenda excitantur, addunt. Sicuti pervigilii causam esse existimat, Sanguinem torridum, & atrabilarium, qui Cerebro exteriori succum nervosum assatum, & particulis adustis refertum suppeditat. Qui nec intra Cerebri poros diutius manere, nec spiritus animales blandè complecti & continere idoneus est.

Motu librationis, Somnus Pueris inducitur.

XI.

Libratio mo-  
tu Pueri somno  
corripitur.

Quoniam reciproca hæc agitatio, Cerebri humores commovet, quorum appulsu in Cerebrum, nervorùmque originem, obstructions procreantur. Quemadmodum si *Humor* cum impetu aspergatur, profundius subit, præsertim si corpus illud, in quod incurrit, tenerum sit ac molle, quale *Puerorum* Cerebrum esse constat.

ARTICULUS DECIMUS.

De Morbis & Interitu Animalium.

**N**ulla sunt Animalia, *Morbis* penitus exempta: Sed pro varia eorum temperie, diversis Corporis malis affliguntur. Quædam artuum tremore laborant: Aliorum fauces *Angina* stringuntur: nonnullis *Jecur*, vel pulmones intumescunt.

I.  
Que causa morborum in Animalibus.

Causa in promptu est; quod *Sanitas* quædam Corporis dispositio est, quâ suis muniis perfungendis idoneum redditur: Unde si contingat partium Temperamenta alterari, aut ejus organa intercipi, necessum est, eo ordine inverso, Animal *agrosare*, & à primævo statu delabi. Sic artuum tremor, à *Nervorum* debilitate, aut prava affectione oritur, quam fortè transacta convulsio post se reliquit; vel frigidus Humor, per occultos meatus irrepit, & ad hunc motum sollicitat, & adigit. Sic *Angina*, quorundam fauces perstringit, ut vix respirare, nedum quicquam deglutire valeant; quoniam *Inflammatio*, aut malignus Humor, ita nervos occupat, ut motui penè inhabiles reddantur, & faucibus aperiendis, vix sufficiant. Sic *Jecoris* intumescencia iis provenit, quibus ventriculus à quibusdam humoribus obstruitur, nam cum per *Jecur*, sanguis percoletur, contingere potest, ut ille qui à *Liene* per *Vas splenicum* traducitur, aut à *Mesenterio* defluit, corruptus sit, porósque quos transiturus est, obducat, & viam sequenti occludat. Pari modo de cæteris *Morbis*, qui Animalibus contingunt, differendum est, qui semper eorum actiones pervertunt, & facultatibus impedimento sunt, ne Vitæ munera liberè exequantur.

Morbus quem passim *Gallicum* vocant, in Neapolitana obfidione initium accepit, cum antea ignotus esset, & nonnisi *Indis* & *Canibalis* familiaris.

II.  
Origo Morbi Gallici.

Causam tam fœdæ ac diræ Luis, *Galli* in quosdam Mercatores referunt, qui ex Mauritania, mercibus vendendis ad obsidionem appulsi, carnem Hominum nuper interfectorum sale conditam, loco *Thunnorum*, seu porcorum marinorum pretio commutabant. Quo cibo Milites pasti, morbum illum

D. d d

illum contraxere, qui postea contagione irrepit, & *Mulieres* quibuscum congregiebantur, infecit. Nec *Gallorum* ratio à Vero dissentit, quum manifestum sit *Canibales*, qui Carne humanà vescuntur, hoc morbo maximè affligi, atque etiam *Indos*, cum primùm detecti sunt, venerè huc infectos esse. Quod Caro humana, fœdos & graves vapores generat, quibus appetitum Caput vitatur, & *Cerebri* fibrarum plexus corrumpitur.

## III.

Cur *Febricitantes* irrequiesci sunt.

Solent passim *Febricitantes* totà nocte, veluti sopore gravati jacere, cum interim vix per horæ momentum quiescant, sed multa secum obmurmurent, & irrequiesci maneant.

Ratio à *Poria*, seu vestigiis in Cerebro, per quæ animales spiritus deferuntur, petenda est, qui à crassiori materia, è Sanguinis massa suffusa, plurimum obstruuntur. Quoniam tunc spiritibus à sueta dilatatione prohibitis, *Sopor* jamjam gravis vigere videtur: sed quia spiritibus illis Corpuscula quædam acria, seu aculeata adherent, quæ illos ad motus incitent, sit ut aliqui vias utcumque præclusas infringant, & obliquo cursu sese offendant. Unde talis eorum Agitatio utpote confusa, propter obstacula divaricata, functionis animalis requiem, & cessationem faciliè interturbat.

## IV.

In *Paralyfi* Corpus exsiccatur.

In *Paralyfi*, partes resolutæ paulatim marcescunt, & vix præter ossa & pellem, quicquam relinquitur, quamvis Sanguis copiosè affluat, & solito situ per totum Corpus circumagatur.

Id oriri existimandum est, quòd eo in morbo, *Nervi* malè afficiantur, munerèque suo fungi nequeant. Non enim *Sanguis*, ut olim creditum est, adæquatum est partium Corporis alimentum: sed *Succum* quidam à Cerebro & spinali Medulla, *Nervis* mediantribus ad illas transfusis: Cumque in *Paralyfi* *Nervi* obstruantur, inducerèque alimentum amplius non valeant: mirum non est, si Corporis partes in *Paralyfi* arecant, & carnosà earum substantia minuat ac pereat. Hinc sit, ut qui spongiosos humidòsque poros habent, ob majorem receptam succi alimentaris copiam, pinguescant; in macritudinem autem ii proni sunt, qui Sanguine abundant, & ob nimiam caloris, arctos habent meatus, & nervos succo hau-  
riendo parùm patentes.

E'ephan-

Elephantiasis, seu *Lepa* vulgaris, cum is qui *Stomacate* & *Scelotyrbe* dicitur, nunc mitiores sunt, quam Annis superiori-  
bus, quibus Homines mirum in modum cruciabantur, & into-  
lerandos dolores sentiebant.

Causa est, quod aut sumptis Medicamentis mitigata sit  
mali sevitia: vel natura iis malis assueta, *Callum* obduxerit,  
& leviora videantur, quæ diu tolerata sunt. Ita nonnulli  
observantur, in vegeta ac florenti ætate, oppido excarnificari,  
qui minus profecta ac declinante, minus torquentur. Cujus  
ratio esse potest, quod ardor ebullitioque minuat; vel *Natura*  
diuturno malo assueta, tanquam familiari ac domestico  
obluctari desinat, aut etiam corruptis Humoribus nutriatur,  
aut illis haud lædatur. Sicut enim viles illi *Homines*, qui  
*Latrinas* evacuant, aut *cloacis* proluunt, tetrum odorem non  
percipiunt, ita hæc *Veneranda*, exempli causâ, correpti, tanquam  
Sensum amiserint, non amplius Corporis vitia, non Naturæ  
detrimenta percipiunt. Quod Natura & Morbus inter se con-  
sentiant, & unius *Humores*, cum alterius *Humoribus* commi-  
sceantur.

Quædam Febres à frigore incipiunt, quo non extremæ  
membrorum partes duntaxat frigescunt, sed & quodam hor-  
rore, totum Corpus contremiscit, & concutitur.

Hujus causa est, quod Febres à quodam Humore manant  
in *Mesenterium*, aut aliam Corporis partem, delapso, qui per  
*Venas* fluens, seque eo pacto Sanguini admiscens, ad Cor de-  
mum cum eo deferitur, ubi obstat quominus Sanguis, prout  
suevit, illic calefiat & dilatetur, atque eum calorem, quem à  
*Corde* mutuatur, ad cæteras Corporis partes deferat; ex quo  
necessum est, quandam Tremorem oriri, & Febricitantes  
membrorum succussu corripi. Quod nunquam nisi in initio  
*paroxyfmi* contingit. Nam quemadmodum *lignum viride* recens  
infectum, ignem extinguit, aut ejus ardori obluctatur; semel  
verò accensum, acriorem flammam emittit, quam aliud lig-  
num: Sic postquam vitiatus ille Humor fuerit aliquamdiu  
Sanguini permixtus, demum calefit, & magis quam ipse *San-  
guis* in Corde dilatatur, quod quidem *paroxyfmi* æstus facit,  
qui durat, quoad corrupta illa materia tota exhalata fuerit,  
aut ad naturalem Sanguinis constitutionem redacta.

Unde quidam  
dixerunt nunc mi-  
tiores sunt quam  
superioribus an-  
tis.

VI.  
Cum Febres non-  
nullæ à frigore  
incipiunt.

## VII.

Unde oritur Fe-  
brium diversifi-  
cas que homi-  
nem affligunt.

Febres, quæ tantopere Homini familiares sunt, non eo-  
dem semper modo Corpus ejus affligunt. Quædam enim  
indefinenter fervescunt: Aliæ intermittuntur, & inducias præ-  
bent: nonnullæ cunctantius, tardiusque invadunt: Alteræ  
anticipant, & præter insolitum invalescunt.

Tota harum omnium Febrium differentia, à morbifica ma-  
teria oritur, quæ Febris *paroxysmum* accendit. Nam licet illa  
in priori *paroxysmo*, tota expurgata fuerit, quidam tamen  
*fomes*, seu perversa dispositio eo in loco remanet, in quo Hu-  
mor primum vitiatus est, quo fit, ut is qui eò de novo tendit,  
illic coaguletur, & denuò corrumpatur, qui post certum ali-  
quod tempus maturescens, adinstar prioris versùs Cor desluit,  
& eadem *symptomata* procreat. Unde si Humor morbificus,  
qui in eundem locum succedit, in quo prior corruptus fuerat,  
trium dierum maturatione indigeat, priusquam Sanguini im-  
miscetur, Febrem *quartanam* efficit: si duobus duntaxat illi  
opus est, *Tertianam*; ubi autem materia illa continuo ap-  
pulsu Cor subit, & illud indefinenter vellicat, *continuum* pro-  
creat. Demum si Sanguis ita vitiatus est, ut intra tempus  
illud, quo ultima depravati Humoris gutta effluxit, & illud,  
quo prima coaliti recens humoris gutta fluere cœperit, pu-  
rificari nequeat, novum *incrementum* Febris accipit, & arden-  
tius inflammatur.

## VIII.

Accessus Ce-  
phalalgie etiam  
certi.

Pari ratione, de periodicis *Cephalalgia*, seu Capitis do-  
loris accessionibus philosophandum est, quæ *quotidianæ* sunt,  
ob materiam morbificam, statò tempore, ad plenitudinem as-  
urgentem ac effervescentem. *Varie* autem, à pastu scilicet,  
vel ante pastum, eò quòd alimentorum coctionis & distribu-  
tionis munera, modò citius, modò tardius perficiantur.

## IX.

Cum macilenti  
sunt qui agro-  
rant.

Qui Febre laborant, aut Calore insolito stimulantur, sen-  
sim extenuantur, & macilenti evadunt.

Ratio est, quòd *Sanguinis* vel succi nutritii particulæ, quæ  
Corpori alendo inserviunt, & in membris, ad quæ accedunt,  
subsistere deberent, celerius agitentur, quàm ut in iis im-  
morari possint, & nutrimentum præstare, sed membra illa  
sub sudoris specie pertranscunt, aut per insensibilem Trans-  
pirationem trajiciantur. Unde Corpus exhaustum necessum  
est, &imenti defectu extenuari: pari modo, quo Stirpes  
exsiccantur, viroremque omnem amittunt, dum nimio Solis  
æstu,

æstu, Succus ad earum nutritionem deputatus, intra earum poros nimium celeriter percolatur, & nulla facta ibi mora elabatur & defluit.

Morbos acutos frequenter deliria comitantur, quibus Ægroti maxime discruciantur, & in varias ac molestas Cogitationes distrahuntur.

X.  
Unde nascuntur  
deliria in mor-  
bis acutis.

Id ex eo contingit, quod animales spiritus, qui fortuito, citraque aliquam determinationem in Cerebro divagantur, motibus propriis feruntur, ad quosdam ejus poros aperiendos, eo modo quo antea, ad objectorum præsentiam aperti sunt. Quo fit, ut objecta illa sub iisdem imaginibus percipiantur, ac si reverà adessent, & ita *Animam* in *Cerebro* residentem afficiant, ac si eorum speciebus feriretur.

Sic Ebrii quâdam *Delirii* specie afficiuntur, dum spirituosæ Vini, aut Cerevisiæ particulæ, stomachi calore effervescentes, Cerebri poros occupant, & spiritus in eis hospitantes, aut prorsus obruunt, aut in motus confusos agunt. Quippe agilia liquoris hausti corpuscula, ita Cerebri quantumvis sani meatus aperiunt, medullaresque ductus pervadunt, ut rationis ac phantasie opera perturbent, ac planè destruant.

XI.  
Ebrii quâdam  
insaniæ [specie]  
afficiuntur.

HISTO-

# HISTORIÆ NATURALIS PARS NONA.

## De Homine.

### ARTICULUS PRIMUS.

#### De Sensu Tactûs.

**I.**  
*De Muliere qua  
queriebatur se in  
abscisso crure  
adhuc dolores  
sentire.*

**C**Uldam nobili in *Delphinatu* fœminæ amputatum est crurum alterum, quod *Gangrena* invaserat; sed ita solerter, tantâque indultriâ, ut cruris amissio, ne quidem illi in suspicionem venerit, fallente eam crure ligneo, quod pannis involutum *Chirurgi* apposuerant. Diu tamen post abscissionem conquerebatur, se puncturis & acerbis cruciatibus affligi, non in Crure modò, sed & in ipsis digitorum extremitatibus. Nec ab illo quæstu desit, etiam postquam ipsi res detecta est, asserens se dolores adhuc in Crure sentire.

Causa alia esse nequit, quàm quòd talis est Corporis nostri constitutio, ut nulla ejus pars, ab alia parte aliquantum remota agitari queat, quin pari ratione ab intermediis moveri possit, quamvis remotior nihil ad motum prorsus conferat. Qui enim funis ABCD ultimam partem D trahit, eodem modo prima pars A movebitur, quam moveri posset, si ab una ex intermediis B vel C traheretur, ultimâ parte D remanente immota. Ita cum Nobilis Mulier, *Cruris Pedisque articulo-*

*rum*

rum dolorem sentiret, id contingebat, quod nervi, qui prius ex Cerebro ad pedem descendebant, tuncque in femore juxta genu terminabantur, ibi eodem modo moverentur, ac prius moveri debuissent in pede, ad sensum hujus vel illius digiti dolentis, Animæ in Cerebro residenti imprimendum.

Sic in nobis nonnunquam contingit, ut si diutius cubito innitatur, stuporem in *auriculari* digito sentiamus, eod quod deductus à Cerebro in eum digitum *Nervus*, plus æquo compressus, pari affectu sensorium commune agitet, ac si in auriculari digito premeretur.

II.

*Ut Tactus deductus.*

Dum quis ex improvise, & mente ad alia distractus, contingitur, statim contremiscit, & quodam horrore subito corripitur.

III.

*Cur quis ex improvise tactus horrescit.*

Causa videtur esse, quod repentino illo ictu, sibi malum aliquod inferri apprehendens, illud refugit, & in sese contrahere nititur. Tunc enim spiritus animales repente concitantur, & in majori copia ad Cerebrum tendunt, quam ut inde ordine in Musculos deduci possint. Quod enim ad Animam per sensus venit, eam magis afficit, quam quod illi à ratione representatur, licet ut plurimum minus veritatis habeat. Unde quia inopinato illo contactu, levis sit in Corpore impressio, & malum, quod sibi imminere apprehenderat, minus esse cognoscit, illico ad se redit, & omnem horrorem, post exiguum tempus, deponit.

Hinc oritur, quod dum nos ipsos, hoc est, manu propriâ aut tangimus, aut titillamus, non ita concutimur ac inhorrescimus: quoniam non id ex improvise, sed pro lubitu agimus, ac proinde cum quem volumus modum adhibemus, nullius mali apprehensione concutimur, quæ præcipua est talis horrores causa.

IV.

*Cur quis se titillans non concutitur.*

Titillatio in pedum *plantis* maximè excitatur, quæ patientem quâdam lætitiâ afficit, & grato pruritu delectat.

V.

*Cur Titillatio maximè in Plantis pedum excitatur.*

Gignitur Titillatio dum nervi in universi Corporis *Cutem* desinentes, solito vehementius agitantur: sed ita tamen, ut nulla inde læsio sequatur, sive cum filamenta, quæ à Cerebro ad ceteras remotiores Corporis partes deferuntur, pari impetu trahuntur, sic ut nec rumpantur, nec à membris, quibus adherent, separantur. Qui pruritus in pedum *plantis* potissimum percipitur, ob cutis tensionem, quæ levi contactu impellitur,



pellitur, & motum ad Nervos sensuum organa transmittit. Vel etiam ob insolentiam, quâ spirituum agitatio promovetur, & ipsis vis nova accedit. Sic *penna* aut *juncus*, labia aut malas leviter percurrans, Titillationem excitat, ob cutis tenuitatem, & rarum in illis partibus contactum. Quippe si res illis durior apponatur, aut frequentius urgeantur, Titillationem non admittunt, nec insolito modo concutiuntur. Latitia verò ex Titillatione sequitur, quòd objecta motum aliquem in nervis excitant, qui ipsis nocere posset, nisi satis virium haberent ad resistendum illi, aut, nisi Corpus bene dispositum esset, quod in Cerebro efficit impressionem, quæ cum à Natura instituta sit, ad contestandam hanc bonam dispositionem ac robur, eam Animæ exhibet ut bonum, quod ad ipsam spectat, quatenus cum Corpore conjuncta est.

## VI.

Ut quidam morbi Tactum in homine tollunt.

In *Leprosi*, *Elephantiasæ affectis*, & *Maniacis* quibusdam Tactus interdum perit, locomotivâ facultate integrâ remanente. Maniacos enim passim nudis pedibus incedere, humi decumbere, cute interim adeò obstupefcente, ut Cultelli incisiones, aut aculeos in Corpus adactos nequaquam persentiant.

Quamvis id explicatu arduum sit, eò quòd *Nervi* & motuum instinctus, & sensibilibus impressiones ad Cerebrum deducunt: Dici tamen potest, non easdem fibras, quæ motui famulantur, Sensui inservire. *Musculosæ* enim fibræ, & *tendinosæ* potentiam motivam exequuntur: *membranaceæ* autem speciem sensibilen excipiunt, eamque ad Cerebrum traducunt. Quare fieri potest, ut Tactus læsio, aut etiam amissio fiat, propter noxam Membranis exterioribus illatam, cum scilicet earum fibræ à crassâ materia obducuntur, aut à frigoris excessu constipantur. E diverso contingit in *Paralyfi*, ut Sensus, non autem motus inhibeatur, eò quòd non eadem fibræ sunt sensui & motus organa.

## VII.

Cut cute detracta, objecta acutius sentiuntur.

Detracta ex aliqua Corporis nostri cuticula acutius objecta sentiuntur.

Quia licet Cuticula filis interspersa sit, quibus ad Cerebrum affectio transmittitur, multas tamen insensibiles fibras continet, ad instar carnis mortuæ, quæ ab objecto non afficiuntur. Unde fit, ut illas citra ullum dolorem, aut sensum cultello amoveantur. Vel dici potest, quòd duriores sunt, quàm ut ullam

ullam impressionem admittant. Fibræ enim interiores, & quæ carnem componunt, cum teneriores sint, ac nervosæ, magis idoneæ sunt, quæ ut exiguam etiam affectionem admittant: Ac proinde Corporis asperitate acrius punguntur.

Qui alicui Corporis parti diu innititur, stupidam illam, & motui inhabilem reddit, seu ut vulgò dicitur, obdormiscentem, ut præmonitum est.

VIII.  
Ut pars Corporis  
obdormiscit.

Id oritur, quòd eà compressione sistuntur spiritus, eisque accessus intercluditur. Quo fit, ut parte Corporis relaxatâ, punctiuncula sentiat, spiritibus nimirum denud agitat, & interruptum motum repetentibus.

Vulgatum est, *Fæminas* ætivo tempore *Venere* impendiò delectari: *Mares* autem frigido cælo, hyemalique tempestate, fœminarum concubitum appetere.

IX.  
Mares hyeme,  
fæminæ autem  
æstate concubitu  
magis appetunt.

Causa est, quòd spiritus animales in calidiore & sicciore Corpore, quale masculinum est, *Æstus* magis exhalando dissipat. *Hybernium* autem gelu magis condensat, integròsque conservat. In Corporibus enim frigidis & humidis (qualia sunt fœminarum) æstus fovet, provocatque spiritus, Hyems autem obtundit *Bacon*.

Inter omnia Animalia, Homo *sentiendi* facultate præcellit, & primas rerum qualitates, aliàsque ad Tactum in genere spectantes qualitates, ut *Humiditatem*, *siccitatem*, *duritiem*, & *gravitatem*, & similes distinctiùs percipit.

X.  
Homo Tactu cætera Animalia superat.

Eam prærogativam *Aranea* passim tribuunt, quæ uti *Aper* auditu, gustu *Simia*, *Vultur* odoratu nos præcedunt, ita sentiendi facultate vegetiore pollere creditur. Sed nonnisi Tactus vigor *Aranea* assignatur, ob sensum motûs, dum in telæ medio residens, *Muscam* in remotissima etiam parte impigisse sentit. Quod certè mirum videri non debet, cum linæ æquales sunt, quæ à centro deducuntur. Unde in medio, insidiis inherens, & filorum extremitates pedibus tenens, facili quæ circa illam geruntur, deprehendit. Homo verò sentiendi prærogativa eminet, ob insignem *Cuius* temperiem, subtilèmq; fibrarum plexum, quibus cætera Animalia antecedit. Exquisita ejus tangendi vis, in *vola* manus, extremisque *digitis*, potissimum dignoscitur, quoniam in illis partibus, Nervorum filamenta exilia sunt, & facili negotio commoventur. Unde fit, ut Naturæ instinctu, dum aliquid Tactu explorare ag-

E c e

gredimur,


gredimur, manum admovemus, & digitorum extremitatibus utimur.

## XI.

De Tactu ob-  
jectum unum du-  
plex esse putatur.

Tactus interdum efficit, ut objectum duplex sentiri videa-  
tur, quum tantum sit unicum. Globus  
enim G, duobus digitis D & A decussatis  
tattrectatus, instar duorum sentitur. *Defc.*  
*in Dioptr.*

Ratio est, quod dum hi digiti se mutuo  
ita decussatos retinent, Musculi eos dedu-  
cere nituntur A in C, & D in F. Unde  
fit, ut partes Cerebri, ex quibus Nervi his  
Musculis inservientes originem ducunt, disponantur eo modo  
qui requiritur, ut iidem digiti A in B, & D in E esse, & con-  
sequenter duos ibi globulos H & I tangere videantur.



## ARTICULUS SECUNDUS.

## De Gustu.

## I.

Cur idem cibus  
non semper nobis  
gratus est.

**N**on semper idem Cibus placet; qui enim jejuno acceptus  
est, depasto ingratus redditur, & potus qui sitibundus  
delectat, ebriis fastidium facit.

Ratio est, quod res sapida Affectionem in organo gustato-  
rio imprimit, pro contexturæ, ac dispositionis ratione, quæ  
imbuitur. Sic Lingua *exueta*, & quæ nimium arefcit, nihil  
esculenti percipit; & è contrâ, quæ nimio Humore turget,  
ejusque pori liquidisque Corporibus opplentur, nullo *Sapore*  
moveri potest. Cum igitur diversa sit Lingux jejuni, ac sa-  
turi dispositio, fit ut idem Cibus, aut etiam idem Potus, non  
eodem modo, in ejus rimis, & exiguis poris excipiatur, ac  
proinde variam in illa affectionem inducit. Vel illud oriri  
potest ex *Temperamenti* mutatione, dum saliva ex Stomacho  
profecta, *qualitatibus* Humoris, quo stomachus repletur, se  
Ciborum particulis immisceet, quæ ori insunt, & earum actio-  
nem promovet.

## II.

Perit aliquando  
gustatio à situ  
nervorum.

Potest quoque contingere, ut ex vario Nervorum gustui  
famulantium *situ*, omnis gustatio tollatur: ut cujusdam *La-*  
*zari*

*xari Vitri voracis* vulgò dicti meminit *Realdus Columbus*, qui amara, dulcia, pingua, falsa non distinguebat: Quique *Saxa, Vitrum, Carbones, Pisces* è Vivario extractos adhuc salientes vorabat. Cujus naturæ Monstri cùm dissectionem Vir solers celebraret, tàmque rei insolitæ causam venaretur, reperit quartam nervorum conjugationem, quæ gustûs gratiâ, in aliis Hominibus à Natura producta est, in hoc *Lazaro Vitri vorace*, neque ad palatum, neque ad linguam reptare; sed ad occipitium reflecti.

Qui *lithero* laborant, Cibos quos gustant, amaros esse arbitrantur, & noxiâ ipsis qualitate imbutos.

Hic error à flava *Bile*, quæ per Linguam diffunditur, provenit. Talis enim Humor salivæ admixtus, Cibos inficit, & *Gustus* instrumentum, suâ amaritudine imbuat & depravat. Quare hujusmodi Homines falluntur, non circa Affectionem impressâ, quia reverâ amarum gustant, organumque malè afficitur; sed circa illius Causam, quòd Saporem illum cibo acceptum referant, qui tamen soli Humori est assignandus. Nonnulli enim sine ullo cibo, quempiam Saporem gustare sibi videntur, quoniam illapsus Humor linguam, vel fauces vitiat, & eorum Temperamentum corrumpit. Idem in *Tactu* contingit, dum quis Caloris vim sentire se judicat, Ignemque corpori suo applicari, cùm interim Ignis ab illius corpore ablit, & solum desluens humor, vel partium tensio, aut etiam *Tumor*, eam Affectionem imprimat, quam flamma doloris instrumentum imprimeret.

Lingua morbum maximè prodit, & quâ premimur infirmitate, signa exhibet. Hinc *Medicis* in more linguam, ut exerant, ab ægrotis postulare.

Ratio est, quòd Lingua partium Corporis tenerrima est, & facile subigitur. Cùm enim spongiosæ sit naturæ, multoque Sanguine irrigetur, statim Vi morbi corripitur, aut Sanguinis vitio inficitur, à quibus malè affecta, mirum non est, si Corporis alterationes exhibeat, & quibus urgeatur infirmitatibus detegat. Hinc *rubet*, hinc *flavescit*, & cùm plexus ejus singularis sit, singulari quoque Affectioni est obnoxia.

Qui frustum panis in jentaculum, cum vini haustu sumunt, spinas quodammodò in intimo Linguae recessu sentire videntur.

III.

*Laborantes lithero omnia amara gustare se putant.*

III.

IV.

*Quomodo Lingua morbum detegit.*

V.

*Panis mane ad modum spinarum Linguam vellicat.*

Ecc 2

Quoniam

Quoniam farina, ex qua fit panis, cum fermento & *sale* ut plurimum subigitur, quorum alterum aliquid acuminis impertit: implexæ enim partes aciores efficiuntur, quàm quæ solutæ sunt, & minori nexu sibi adhærent. Hinc panis recens magis placet, sitque gustûs organo gravior, quia minùs intertextæ ejus particulæ, à saliva meliùs subiguntur, & leniùs intimum *palati* tractum movent, & afficiunt.

## VI.

Quare qui cibos non sapiunt, eos olfacere non videntur.

Qui Sapores percipiendi facultate carent, Olfactu quoque destitui videntur. Ut in *Coriza* interdum observatur, ubi Olfactu percunte, Gustatus quoque aboletur.

Hujus consequentiæ Causa, à corpusculis pendet, quæ utriusque Sensui famulantur. Quippe illa eadem sunt, & nonnisi secundùm variam expansionem discrepant. *Odoris* enim Sensus, à particulis halituum in Aëre volantibus proficiscitur, quæ Aëri, quem inspiramus, admixtæ, ad Nares advehuntur. Particulæ autem, quæ *gustui* inserviunt, minùs quidem subtiles sunt, & Humore aliquo imbibendæ sunt, ut Linguae organum ferire possunt, eadem tamen sunt, & in hoc solum distinguuntur, quòd Humore dilutæ, *Saporem* faciunt, & exhalatæ perq; Aërem transmissæ, *Odorem*.

## VII.

Cur gustus deficiente, deficiat & olfactus.

Vel aliter dici potest, cum Clarissimo *Willisio*, quòd gustatûs privatio sæpe alterius defectum inducit, eò quòd utraque sensoria prope consita, simul ab eadem materia serosa è Sanguine suffusa obrui, ac nimis inferciri apta sunt: etenim Membranae tubulatæ Narium, & ipsius Linguae compages, textura admodum rara, & velut spongiosa constant. Quare utriusque organi pori, & meatus à colluvie serosa inundari, atque fibræ sensiles in utrisque pariter obstrui solent. Cui accedit, quòd cum Nares & Lingua humore continuo madere debeant, utraque seri exundantis depluvium, ut graviùs, & plusquam aliæ partes luunt, ita ambæ eidem malo, leviori quavis de causa, ex æquo obnoxie existunt.

## VIII.

Cur Aegri dulces cibos aversantur.

Ægroti, & qui invalido sunt Corpore, dulcia omnia respiciunt, solisque acidis & acerbis delectantur.

Ægri dulces cibos aversantur, ob vitiatum Sanguinem, malignamque Humoris morbifici qualitatem, qui cum ut plurimum *Bilis* sit, & in linguam utpote teneram irrumpat, innumeras obstructions facit, impeditque ne admotos cibos rite percipiant. Hinc ægris *acria* placent, quòd eorum Lin-

gua

gua uliginoso quodam tegumento cooperiatur, quod *dulcia* subire, & pervadere non possunt. Secus *acida*, quæ partibus longis, & parum flexilibus constant. Nec aliam ob causam, pecora *salem* appetunt, ejusque esu maximè capiuntur, quàm quòd eorum lingua scabra asperaque sit, & quâdam crustâ obtegatur.

Si quis *dulcia* prælibaverit, cibos alios accuratioris gustûs non percipit.

IX.

*Cibi dulces impediunt ne alii gustentur.*

Quia esculenta non gustantur, nisi in quantum *lingua* corpuscula sapida, per manducationem in minutias redacta, infert, & intra poros insinuat. Cum autem *Dulcia viscosa* sint, linguæque meatus plurimum obstruant, impediunt, ne particulae sapidae supervenientes, ingerantur, & sensorium afficiant. Quare ut gustandi facultas iterum restituatur, solitum est acribus aut falsis vesci, eò quòd linguæ meatus referant, & viscositates inhærentes deterunt & amoveant.

## ARTICULUS TERTIUS.

### De Olfactu.

Inter Animantia, Homo hebetioris esse *Odoratûs* existimatur, & emissos è Corporibus Halitus obtusius excipere.

I.

*Homo hebetior est odoratûs.*

Hujus causa, ex ipsius *Cerebri* constitutione petitur, quod cum spongiosum sit, multoque Humore perfundatur, odoris vim retundit, minusque ab illis afficitur. Hinc qui *Catarrho* laborant, supervacaneoque humore corripuntur, sæpius nihil Olfactu hauriunt, quòd *pituitosus* Humor, nares & os cribriforme obsideat, ad quod appulsi halitus concrefcunt, & quodammodò suffocantur. Sic etiam sub Aquis nullus propemodum *Odor* excipitur, Humore nimirum exhalata corpuscula excipiente, eorumque diffusionem impediante.

Qui patulas *Nares* habent, quibusque ossis spongiosi meatus ab initio distrahuntur, facilius fortiusque odores excipiunt.

II.

*Habentes largas nares melius olfaciunt.*

Quia major Halituum copia, per illas Cavitates ad Cerebrum defertur, qui in illis collecti, mutuoque impetu Cerebri nervos appetentes, majorem Affectionem imprimunt;

haudivit.

laud dispari modo, quo vibratus Aër per amplam & excavatam aurem, copiosius meatum *auditorium* subit, & *sumus* melius per patentem *Caminum* ascendit, quàm per angustiorrem.

## III.

Bos, Capra, &c.  
alia Animalia  
odoratu exci-  
dunt.

Hinc per Anatomiam videmus in *Capra*, *Bove*, *Pecore*, & similibus Animalibus, quæ herbaceis vescuntur, *processus mammillares* ampliores esse, quàm in *carnivoris* Animantibus: Quoniam exquisito magis Olfactus organo indigent ad distinguendas varii generis herbas, & sibi convenientes à noxiis seligendas. Ob eandem rationem, Bruta Animantia longè majoribus quàm Homo, nervis olfactoriis donantur, eò quòd illa *odoratu* duntaxat, tanquam indice alimentum discernunt: Homo vero, utpote ratione præditus, plurima discursu cognoscit, & ad pabulum capessendum, non tam *odoratu*, quàm *visu* & *gustu* fertur.

## IV.

Putidus olentem suum halitum non sentit.

Homo *putidus* olentem ex se halitum non sentit, nec graveolentiâ suâ tangitur.

Quia Olfactus organum ita dispositum est, ut inspiratus odoratus, nonnisi prout in adversas fibras incidit, sentiri queat. Sunt enim in Navibus valvulae seu cavernulae, quarum ostium versus extremum nasi apertum est, ac proinde Olfactus tantummodo fit, cum à foris emissus halitus *Nares* subit, & in adversas fibras incidit. Cum verò expirato halitui præfatæ fossulae non pateant, quia nempe in adversas fibras non incidit, fit ut organum non tangatur, ac proinde nulla affectio sequatur.

## V.

Odor continuus definit sentiri.

Qui rem odorem diu Naso admotam retinent, aut in loco odoribus referto, per aliquid tempus degunt, nullum amplius odorem percipiunt.

Id ipsis contingit, quòd è Corporibus halitus perpetuò evaporentur, & successivè ad nares per Aërem devehantur, quas ubi subierint non illico regrediuntur, sed illic aliquamdiu inhaerent, & Cerebri appendices ita opplent, ut qui superveniunt penetrare eas nequeant, & vim novam Sensorio facere. Illud in iis manifestum apparet, qui vestes *Felis sudore*, vulgò *Civetæ*, aut *Castoris testiculis* refarciunt, aut etiam *Jasmino* pulvere crines aspergunt: Quippe post tempus aliquod olfacere illa desinunt, & tanquam non amplius respirarent, nullo halitus odore afficiuntur. Quare qui *flores*, exempli causâ, odorantur,

odorantur, aut loci fragrantiam explorare volunt, illos Naso per *vices* admovent, & locum sæpius repetunt, ut Aromatum particulis ex organo discedendi tempus concedatur, & supervenientibus vix pateant.

Contingit nonnumquam, ut prægnans *tetro* odore aboriat: novi ego in *Anglia* sæminam, quæ Incernæ extinctæ suffitu, partum nondum maturum emilit, nec sine vitæ discrimine enixa est.

VI.  
Quomodo inter-  
dum prægnans  
gravi odore ab-  
ortum patiatur.

Ratio est, quòd foedi odores stringendo præterlabuntur, & ita organum comprimunt, ut talis motus ad Cerebrum transmissus, Uteri quoque fibras, quæ cum foetus fibris connectuntur, afficiat, talémque determinationem inducat, ut foetus, ruptis *umbilicariis* valis, erumpat & excutiat. E diverso gratus odor prægnantes refocillat, virésque earum reficit, quoniam eo tempore gravi foetidóque halitu inficiuntur, ac proinde odore suavi tanquam lenimento recreantur, & quodammodo reviviscunt; ni fortè *Pulva* nimium corrupto humore laboret, & cruditatibus turgescat.

Odores minùs tempore *hyberno* percipiuntur, quàm *æstivo*. Hinc *Canes* venatici meliùs æstate, quàm frigidis mensibus, feram insequuntur.

VII.  
Odores æstate  
meliùs, quàm  
hyeme percipiun-  
tur.

Alia hujus Experimenti causa esse nequit, quàm quòd *Calor*, qui *æstate* dominatur, Corporum meatus expandat, atque dilatet; quo fit, ut halitus faciliùs diffundatur, & circumcinctum Aërem percurrat. Frigus verò per Condensationem poros comprimit, obstatque ne Corporum particulæ resolvantur, & in Vaporem abeant. Eo serè modo, quo fumus Calore Ignis excitatus extenditur, contrahitur verò, dum gelu circumambitur, & per frigidum Aërem ascendit. Quanquam etiam dici possit, *æstatem* odoribus recipiendis magis aptam esse, quàm *Hyemem*, quòd *Hyeme* Corporum meatus contrahantur, parùmque halitus ex illis educatur: Æstate verò, odores ob Aëris calorem nimis dissipentur, & eorum copià perturbetur organum, ac distrahatur.

Qui *simis* naribus sunt, foetidum halitum ut plurimum spirant. Hinc tot Poetarum in *Simos* scommata, quibus eorum graveolentia taxatur.

VIII.  
Quare simi ut-  
plurimum foeti-  
dum halitum re-  
mittunt.

Id contingit, quòd *pori*, per quos defluens ex Cerebro humor ad Nares pergit, obstruuntur, aut nimis angusti sunt,

ut



ut per illos liberè delabi queat: quo fit, ut illic concreſcendo, corrumpatur & putreſcat. Addi etiam poteſt, quòd Simi vi-  
tios Pulmones ut plurimum habeant, quia cum Àer per bre-  
viorẽ narium cochleam traduci, purgaſque nequeat, ne-  
ceſſum eſt, Cerebrum ac Pulmones infici, & graveolentiam  
procreare.

## IX.

Ingenioſi hebe-  
tiores ſunt Olfac-  
tu.

Qui ingenio præſtant, obtuſiore ſunt Olfactu, imo hanc  
ſentiendi facultatem interdum penitus amittunt.

Cauſa eſt, quòd ii maximè Ingenioſi ſunt, quibus *Cerebrum*  
probe deſecatur, exonerato ſcilicet ſuperfluo ac excrementitio  
pituiſo Humore, quo expeditum Cerebrum promptius effi-  
citur, ad ea opera exequenda, quæ ab Ingenii facultate pen-  
dent. Illi autem, quibus *Pituita* deſluit, & ad Nares con-  
tingò delabitur, non poſſunt non hebetiore Olfactu fieri, quòd  
pituita Nares obducatur, & advenientes odores arceat, & vim  
eorum obtundat.

## ARTICULUS QUARTUS.

## De Auditu.

## I.

Cur auribus mu-  
tilli confuſe So-  
nos excipiant.

**H**I quibus abſciſſæ ſunt Auriculæ, referunt ſe omnes Sonos  
confuſe haurire, adeò ut ſibi quendam *Cicade* ſtrido-  
rem, aut deſluentis *Aquæ* murmur audire videntur.

Ratio eſt, quòd Aures exteriores ad modum Infundibulo-  
rum excavatæ ſunt & ampliatae; ita ut vibratus Àer per earum  
*helices*, & anfractus tranſeundo, colligatur & intendatur.  
Àer enim eo copioſius meatum auditorium ingreditur, quo  
ex ampliori ſpatio veniens, ad anguſtias deſertur. Unde *ſur-  
daſtri* facultatis ſuæ defectum, admotà manu, aut cornu im-  
poſito ſupplent, quatenus in tortuoſis ſinubus Sonus ampliatur,  
& vi majori Aures ſubeat. Sic Animalia, quibus mobiles  
ſunt aures, ſtrepitu excepto, illas erigunt, ut copioſior, di-  
rectiorque ſonus introrſum cogatur. Abſciſſis itaque Auri-  
culis, *Sonus* rectè in meatum auditorium incidit, deſtque illa  
determinatio, quam ex tali illapſu & incidentia adipiſcitur.  
Ac proinde Sonus non alio modo illis advenit, quàm ſi ex

variis

variis partibus proveniret; ut contingit in *Cicada* stridore; & murmure *Aqua defluentis*.

Cantilena si *tibia* conjugatur, suavior redditur, magisque *Auditis* organum demulcet, quàm si ad *lyram* cantetur.

II.

*Cantilena tibia juncta suavior est, quàm lyra conjuncta.*

Quia *tibiae* sonus magis continuus est, minúsque distrahitur. Nam quum modulis delectemur, magisque volupe sit motus proportionatos audire; illis magis capimur, qui quendam Tenorem servant, & repetitis ictibus Animum pulsan. Additiam potest, quòd Sonus *tibiae*, quemadmodum vox, flatu perficiatur, ac proinde facilius inter se commisceantur. *Lyra* enim asperitatem quandam efficit, & quomodocumque pulsetur, quandam acerbitem Auribus generat.

Qui *Tarantula* veneno infecti sunt, *Musica* curantur: Unde si quis illis admotus, *Barbyto* aut *Citharâ* desideratum Soni, vel Cantus modum canat, æger veluti somno expergefactus, subitò cubili assurgit, & tanto conatu per aliquot horas pedes movet, ut *saltando* virus è Corpore sudoribus expellatur.

III.

*A Tarantula percussis, Musica sanantur.*

Tam mirabilis Effectus causa, *musica* instrumento motui tribuenda est, quo *Tympanum*, mox *Cerebrum* percussa, eorum operâ Arteriæ, Nervi, & Musculi excitantur: Adcò ut pulsata vehementius *cytharâ*, æger se ab illo veneno liberaturus salter, atque eo modo prohibeat, ne vis Veneni ulteriùs grassetur, sed continuo Corporis concussu excutiat, & per sudores transmittatur. Sic ut *cythara* motus in nervis agitationem sollicitat, ut veneni vim, quod Arterias occupat, dissipat.

Quòd si contingat, nonnullos *saltatione* non curari; quippe notum est, quosdam *Tarantulae* veneno correptos 30 aut 40 annis citra curationem saltasse; id provenit, quòd virus Arterias, Nervos, & in ipsis contentos spiritus occupans, nimis tenax ac viscosum sit, quàm ut rarefieri & exhalare queat.

IV.

*Cur aliqui saltatione non curantur.*

Esti nonnulli auribus malè affectis sint, Auditùsque sensu destituti esse videantur, si tamen ingens fiat *fragor*, exempli causâ, *Campanarum*, *Tympani bellici*, &c. alloquentium verba excipiunt, & ad præsentium interrogata respondent.

V.

*Sordi magna fragore juvantur ad audiendum.*

Id ex parte *Tympani* in Auris antri recessu collocati provenit, quòd laxatum, nullam à Soni impulsu affectionem admittit. Magno enim constrepente fragore, *Tympanum* debitam tensionem acquirit, quo fit, ut munere suo satis commodè fungatur. Sic ratio prompta redditur, cur *Surda-*

F f f

*stres*

*stres* ille Aurelianensis prope campanile vitam agens, sermonum voces faciliè audiat, dum plures campanæ resonant: & omni strepitu cessante, denuò obsurdefcat, nec ampliùs adstantium colloquia capiat. Ita Nobilis quidam *Juvenis* prope *Oxonium* natus, etli per plurimos annos audiendi facultate orbatus, adstantium sermones faciliè excipiebat, dum per *Londinenses* plateas Rhedâ vehebatur, & plurimum strepitûs circa illum fiebat. Quoniam vehementi illo sono, tympanum ad debitam tensionem adigebatur, turgescentiâque acquirebat.

## VI.

Cur ut faciliùs  
audiamus spiri-  
tum intra pectus  
cohibemus.

*Spiritu* intra pectus retento, exactiùs venientem Sonum excipimus, quàm si contrarium fiat. Hinc in omni Auscultatione, quæ è longinquo venientes sonos aucupatur, spiritum cohibere solemus.

Hujus ratio est, quòd omnis *Exspiratio* motus sit, ut loquitur *Kerulamius*, ad extrâ, repellens potiùs, quàm attrahens vocem. Sic ubicumque in rem aliquam operosiùs incumbimus, & vehementem laboris intensionem adhibemus, spiritum intra retractum quodammodò sistimus. Difficilior enixi soni fugientis captatio, quædam laboris species est.

## VII.

Non omnes sonos  
aqué citò exci-  
piamus.

Passim accidit, præsertim in confusa *Sonorum* & vocum multitudine, ut certi alicujus Hominis Verba audiamus, alterius autem eodem etiam tempore loquentis, nonnisi postea percipere animadvertamus.

Hujus ratio est, quòd unius *Sonus* cum alterius sono acceptus, non eodem prorsus temporis momento, ad commune sensorium deferatur; sed unus post alterum *auri* penetret. Unde eo in casu probabile est, quòd prior Sonus, unâ tantùm *Auris cochleâ* superatâ, statim à primo nervi auditorii ramo, ad organum commune citiùs transmittatur: posterior verò utpote sensibilis, quoniam in eodem nervo simul devehì non potest, alio circuitu per secundam cochleam facto, tandem à secundo auditorii nervi ramo aufertur, ac proinde priori superveniens, posteriùs excipitur.

## VIII.

È cubiculo me-  
lius verba foris  
prolata audian-  
tur, quàm è con-  
stita.

Si quis intra Cubiculum constituatur, clariùs distinctiùsque verba, quæ foris prolata sunt, excipit, quàm foris positus voces audit, quæ intra cubiculum pronuntiantur.

Id oritur, quòd Sonus per Aërem diffusus, Corporum objectu reflectatur, ut *Echo* satis prædicat; nam cum intra Cubiculum,

Cubiculum multi sunt obices, exempli causâ, *parietes, tabulata, &c.* quæ appulsas Voces remittunt, sit ut Sonus robustior sit, magisque aures feriat, quàm in Aëre libero, ubi illa obstacula non reperiuntur, è quibus soni resultant. Hinc qui de summo aliquo loco loquitur, melius ab eo auditur, qui in inferiore est, quàm è diverso, de imo loquens, ab eo qui supremum locum occupat: quoniam plura Corpora occurrunt, è quibus reflecti vox potest, dum deorsum tendit, quàm dum in Auras evolat, & per Aërem divagatur.

Sonus *Campanæ* ita nonnunquam audiri accidit, ut non è loco *ubi est*, & à quo profectus est, provenisse judicetur, sed ex loco *opposito*.

IX.

*Cur Campana non semper in loco ubi est, audiat.*

Illa fallacia procedit à soni reverberatione, qui ultimò aures feriens, ex eo loco proficisci existimatur. Nam sicuti res per radiorum reflectionem non *ubi est*, sed illic ex quo radii ultimò derivantur, apparet: ita *Campana* aliudque Sonorum Corpus eo in loco esse judicatur, ex quo Sonus ultimò ad aures pervenit. Sonus enim repercussus per *obliquam* lineam, ad partem oppositam pervenit. Sic *Campana* versus Septentrionalem plagam pulsata, eam ad Meridionalem audire videmur, si cubiculi, in quo sumus, fenestra, circa illam partem aperta sit. Ita si *Mendicans* prope sublatam fenestram vitream, dum in Rheda sedemus, loquitur, alteri apertæ, aut demissæ adstare nobis videtur.

Si quis utramque aurem, aut earum alteram probè obturet, tremulum quoddam murmur audiet.

X.

*Unde oritur murmur quod clausis Auribus percipitur.*

Hujus causa, ab Aëris agitatione in auribus inclusi, petenda est: nam cum ex auribus plurimum Halitus continuo effluat, si obice appposito, effluvium istud sistatur, Aër intra aurium cavitates constrictus, & angustius spatium nactus, in *Tympanum* agit, impellitque: Ex qua agitationis vehementia, quoddam murmur oriri necesse est, & aures eo modo afficere, ac si ab objecto sonoro esset profectum. Quod ita fieri ex eo manifestum est, quòd externo strepitu vehementi edito, bombus ille internus sedatur, non aliam certè ob causam, quàm quia nova agitatio intrinsecus inducta, tumultuantem Aërem dirigit, cumque in radios efformat.

Urinator ille tam celebris in *Gallia*, *Machinâ* suâ obvolutus, quæ degenti in Aëre auditionem non adimit, testatus est, se

XI.

*Quare Sonus sub Aquâ non audietur.*

cùm in fundo Oceani decem plus minus orgyas non procul *Diepa* versaretur, non obaudiisse prorsus ictus tormentorum aliquot, quibus è portu solvens navis iussit, iussaque fuit solvere. *Gassendus*.

Quia Sonus procreari nequit, nisi in mobili subjecto: Adeò ut, si medium illud, per quod transferendus est, nullum tremorem concipere valeat, aut aliorum Corporum tremori obluetetur, nullum strepitum producere possit. Quare cùm tanta sit *Aqua* moles, ut à commoto Aëre agitari nequeat, ejusque tremoribus resistat: mirum non est, si strepitus supra *Aquas* excitatus, ad fundum usque non perveniat. Nam sicuti videmus *lapidem* ex alto etiam loco in *fluvium* cadentem, nullum Sonum cùm ad fundum pervenit, edere, quamvis in alios *Lapides* impingat: ita exterior *Sonus* notabilem *Aquarum* altitudinem sic penetrare nequit, ut ab illo excipiat: Cùm ipsi, qui *supini* natant, vix quicquam audiant, quamdiu immerfas aures habent, & infra *Aquæ* superficiem reconduntur.

## XII.

*Pisces in Aqua  
non audiunt.*

Unde evidenter deducitur *Pisces* surdos, seu auditu destitutos esse, si *Pisces* Cetaceos, ut *Delphinem*, *Phocam*, seu Vitulum marinum excipias: qui capite extra aquam exserto, sonum excipiunt, vocemque ore emittunt. Ratio autem, cur *pisces* cæteri auditu carere videantur, est, quòd muti sunt; eaque esse videatur inter vocem auditumque societas, ut quæ Animalia voce carent, eadem quoque auditu destituantur, quo vocabulum simul ac res per ipsam significata apprehendatur: Quòd si dicatur *pisces* remorum strepitum fugere, admoneri; passim *Piscatores*, ne *Cymbam* concutiant, aut retibus, dum gregem circumdant, strepitum edant: id fit, ne aquæ motu, remi impetu excitato, aut nave nimium concussâ, motum illum *pisces* tactu, aut visu excipiant. Ut in *Piscina* licet observare, ubi *Lucii*, alique *pisces* in ea natantes, nullo sermone, aut murmure terrentur, sed factâ etiam minimâ præter solitum aquæ agitatione, statim aufugiunt, & loca alia quarunt. Quod si interdum ad cibum vocati accedunt, id contingit, aut quòd viri aspectu excitentur, aut ejus voce, aqua commoveatur.

ARTICULUS QUINTUS.

De Visu.

SI quis propius *Pulicem* intueatur, & in *Equum*, aut aliud similis magnitudinis Animal procul distans, oculos conji-  
ciat, æquales apparebunt, & sub eadem magnitudine conspicientur.

1.  
*Quomodo Pulex & Equus ejusdem magnitudinis videri possunt.*

Illud ex *Optica* manifestum est, quòd nimirum videndi facultas, seu potius *Anima* in Cerebro residens, objecta majora, vel minora apprehendat, prout sub majore, vel minore angulo oculis offeruntur. Cum autem *Pulex* proximè visus, & *Equus* remotiùs, sub eodem angulo videantur, ab *Anima* æquales esse judicantur. Evidens enim est, objectum majus percipi, quòd majorem nervo optico, sive retinæ affectionem imprimit: minus autem, quo minor organi portio afficitur. Hinc quòd res à nobis magis recedit, eò *minor* apparet, & quòd magis accedit, nobisque propius admovetur, *major*: eò quòd objectum, quòd ampliùs à nobis removetur, eò acutiore minorèque angulo apparet, atque minorem affectionem imprimit. Horum omnium ratio est, quòd dum objectum recedit, seseque paulatim oculis subtrahit, non solùm secundùm circumferentiam minuitur, sed etiam secundùm omnes, quæ ad oculum obvertuntur, partes; quia licèt semper pari modo radios ex singulis punctis remittat, eorum tamen plurimi pro ratione *recessus* & elongationis, oculum præterlabuntur, & aliò distrahuntur.

Imago in Speculo spectata, tantumdem ultra illud videtur, quantum citrà Spectator constituitur.

II.  
*Cur imago in speculo ultra ipsum esse videatur.*

Quoniam Spectator Imaginem suam in Speculo intuetur, non tanquam in eo defixam, sed veluti à seipso allapsam, ac proinde eodem modo se res habet, ac si Spectator ex ipso Speculo seipsum contempleretur, quo fit, ut eadem distantia iteratò reciproca comparatione apprehenditur. Et quoniam efficit reflexio, ut necesse non sit, quòd Spectator in locum Speculi transferatur, nec illius situm mutet, ut ad ipsum convertatur, sit ut post axem, qui à Spectatore in Speculum di-  
rigitur,

rigitur, axem continuè excipiat, qui è Speculo ad Spectatorem tendit: & propter sitis invariationem utrumque habet pro eadem continuata recta linea, cujus medium sit è Spectatore in Speculum, dimidii reliquum ex Speculo ad imaginem ultra Speculum, ubi Spectator ex quo prodit, repræsentet.

III.  
Contracta Pupilla  
obijcta interdum  
disfrangit  
videri.

Objecta Pupillæ contractione interdum penitus evanescunt: Ut si quis oculos in illustre aliquod Sidus, exempli causâ, *Venerem* aut *Jovem* dirigat, & Pupillam arte aliquâ constringat, Sidus antea visum, paulatim disparebit, & demum oculum effugiet.

Hujus Phænomeni ratio, ex parte ipsius *Pupille* desumitur, quæ pro coarctationis aut dilatationis ratione, efficit ut objectum videatur, aut evanescat. Cum enim *contractâ* Pupillâ pauciores radios sub minori angulo excipiat, efficit ut objectum minus appareat; ac proinde si ita pauci sint, ut insensibili angulo comprehendantur, retinam nullo modo, quantum ad visionem requiritur, afficient; & sic ut illa affectio non percipitur, ita nec objectum, quod illâ mediante sentiri debet, amplius deprehendetur. Juvat etiam ad insensibilem illam affectionem reddendam, quòd in Pupillæ contractione, *CrySTALLINA* aliquantum laxetur, quo fit, ut retinæ *fundus* tantulum retrogrediatur, debiliórque fiat elapsorum radiorum incidentia; quæ duo sufficiunt, ut ad Pupillæ *contractionem*, objectum dispereat, & quod antea videbatur, postmodum videri desinat.

IV.  
Cum Sidera noctu  
majora, minora  
autem de die  
apparent.

Hinc oritur, quòd *Sidera* interdiu minora appareant, majora autem noctu, & cum Hemisphærium nostrum tenebris obtegatur; ob Pupillæ scilicet contractionem in luce, & ejusdem in tenebris expansionem. Constat enim *Pupillam*, luce supersusâ angustiore reddi, ac proinde pauciores ex flamma radios oculos ingredi, minorémque retinæ portionem affici. Tenebris autem per Aërem diffusis, patet Pupillam dilatari, ac proinde plures radios ad oculum appellere, & majori retinæ portione affectâ, majorem quoque in ea objecti speciem procreari. Hinc etiam provenit ut *Stellarum* magnitudo vesperti gradatim augeri videatur, mane autem decrescere: quoniam Pupilla tempore vespertino sensim dilatatur, matutino autem sensim contrahitur, & minùs semper ac minùs retina afficitur. Sic *Lucerna* flamma, si ex centesimo passu interdiu

interdiu aspiciatur, exigua admodum æstimatur: adventante autem crepusculo augefcit, donec per noctis tenebras fax quædam ingens reputetur.

Strabonem constat tam certâ oculorum acie fuiffe, ut à *Lilibæo*, portu Carthaginienfium, egredientes claffes intueretur, in iifque singulas Naves numeraret. Diftantia verò centum triginta quinque millia paffuum erat. Refertur etiam *Hispanum* quendam *Lopen* in Gadibus fuiffe, qui ex edito monte, quem vocant *Culpen*, per fretum illud oppofitum acie penetra- bat, & ex Europa, Africæ littus (cujus tractus vel teſte *Cleandro* in Epiftol. ad *Jacob. Labocum*, mari tranquillo trium aut quatuor horarum eſt) colluſtrabat, quæque ibi agebantur, indicare poterat. *Jonſton.*

V.  
Ut aliqui ad  
longam diſtan-  
tiam objecta de-  
prehendunt.

Tam mira oculorum acies, ab eorum duplici diſpoſitione maximè pendeat. *Primum*, à cryſtallini docilitate, faciliq; proceſſuum ciliarium uſu, dum nimiram ſecundùm diverſam radorum, ab objectis reflexorum, incidentiam, *Cryſtallinus* ita adaptabatur, & eo modo diſponebatur, quem exacta pro- jectio requirebat. *Secundo*, oportuit ut retinæ Capillamenta ita fuerint exquisitè diſpoſita, ut minimam affectionem reci- perent. Quia licèt quæ oculis intuemur, nonniſi quatenus colore quodammodo diſcrepant, dignoſci queant: non tamen diſtincta colorum perceptio ex eo duntaxat pendet, quòd omnes radii à ſingulis Corporum punctis provenientes, in fundo oculi in totidem aliis circiter coeunt: ſed etiam ex mul- titudine *Capillamentorum* nervi optici, quorum extremitates in illo ſpatio continentur, quod Imago in oculi fundo occupat. Unde dubium non eſt, quin *Strabo*, & *Lopes* ille *Hispanus*, tam accurato retinæ plexu gauderent, tamque docilem *Cryſtallinum* habuerint, ut præ cæteris diſtinctius objecta contemplari poſ- ſent, & illa ad tam ingentem diſtantiam proſpicere.

Si bacillus in extremitate ignitus, celerrimè circumrotetur, apparet in oculis noſtris igniti circuli imago, quamvis bacillus in omnibus circuli punctis non ſit.

VI.  
Corpus apparet  
ubi non eſt.

Quoniam bacillus in partibus retinæ in circulum diſpoſitis, impreſſionem facit, ſic ut motus celeritate priores agitatæ, ejus impreſſionis aliquantulum adhuc retineant, dum in ul- timas agitat. Nam hic motus non eodem individuo tempore, ſed diverſis momentorum vicibus, ita celeriter peragitur, ut  
ignis



ignis vibratio oculo impressa, in primis retinæ partibus maneat, quando bacillus ad alias circuitus sui partes deflexit. Unde mirum non est, si radii oculum per Pupillam ingressi, eodem tempore *viroris, rubedinis, nigredinis, albedinis*, aliorumve colorum sensationem interdum efficiant, quia radii diversis coloribus modificati, diversis momentorum vicibus, se mutuo quàm celerrimè sequentibus, in retinam impingunt, agitationemque suam aliquantulum relinquunt, donec alii radii, *Pupillam* mox ingressi, in aliis retinæ partibus motum suum vicissim impertiant, illicque cum aliis aliquantisper eum relinquunt.

## VII.

*Hi quibus ablata est, Cataracta confusè res intuentur.*

Illi quibus *Cataracta* ablata est, nonnisi confusè objecta visibilia discernunt: Hinc vitreis convexis indigent, ut distinctè illa conspiciant.

Ut id evidentius explicetur, advertendum est, *Cataractam* non pelliculam quandam esse (ut diu creditum est) inter crystallinum humorem & *uveam* subortam, quæ veluti jam maturescens, acu immisâ diripi, & ad inferiorem oculi partem sisti queat: Verùm ipsum *Crystallinum* esse, qui temporis tractu ilaccescit, & ab ipsis processibus ciliaribus separatur, quemadmodum glans matura à suo calice secernitur. Quippe nullo negotio removetur, & in ipsum vitrei humoris fundum deprimitur, exiguâ interim vitrei parte, ejus loco succedente. *Cataractâ* igitur ablata, necessum quoque est, humorem *crystallinum* tolli, aut ad minus magis planum, seu minus convexum reddi. Quo fit, ut radii à singulis objecti punctis provenientes, non satis franguntur, aut convergentes evadunt, ut in retina, dum eò pervenerint, uniantur, unde confusam esse visionem necesse est. Cui infirmitati crystallina lens convexa succurrit, quæ efficit, ut radii qui antea divergentes erant, convergentes fiant, & cum tali dispositione oculum ingrediantur.

## VIII.

*Varii colores post Solem conspectum apparent.*

Si quis Solem, aut lumen aliud fulgidum conspexerit, varios colores ipsi intueri videtur.

Quoniam ea est mentis nostræ natura, ut per vim *motuum*, qui in illa Cerebri parte occurrunt, unde tenuia nervorum opticorum fila oriuntur, coloris sensum percipiat. Unde cum agitatio, quâ adhuc post clausos oculos nervi optici capillamenta palpitant, & quasi contremiscunt, non satis valida sit,

ad

ad lumen tam illustre reddendum, quàm illud fuit, à quo venit, colores minùs intensos, & velut dilutos repræsentat. Quòd verò hi colores à motu producantur, ex eo faciliè deducitur, quòd paulatim expallescentio mutantur, & ad se invicem transeuntes, sensim evanescant.

Montis fastigium longè ultra visibilem *Horizontem* exportecti, nobis apparet cum ipso colle junctum; & Sol dum *oritur & occidit*, cum ipso Horizonte adhærere & uniri videtur.

Hujus apparentiæ causa est, quòd res à nobis indistantes cernuntur, dum radii cohererent, & absque aliorum Corporum interpositione, ad oculos nostros appellant; quod in casu posito contingit. Quippe licet inter *Solem & Horizontem* immensa distantia interjaceat, multaque Corpora in ea contineantur; quia tamen ex illis nulli ad nos radii perveniunt, sed ex ipso tantum *Sole & Horizonte*, sit ut illa inter se contigua & cohererentia cernantur. *Horizontis* enim distantia non alio pacto à nobis cognoscitur, quàm ex Corporum diversitate, inter nos, & illa interpositorum: Unde si contingat, spatia illa intermedia obtegi, nihilque eorum ad nos transmitti, illa quæ ita procul videmus, contigua esse judicamus, & nullo intervallo dirimi. Quare censet *Gassendus*, Canes ideo *Luna* allatrare, quòd ipsam præter domus fastigium exortam esse apprehendant, tanquam non magis distantem, quàm ipsum tectum; neque majorem, quàm sit tecti portio ab ea comprehensa.

Hinc si ex sublimi loco fossas plurimas aspiciamus, earum latera ab invicem distita faciliè nobis apparent, quoniam per radios oculo nobis exhibentur, quibus multi ex fundis allapsi sese immiscentes, sursum quoque feruntur. Si verò fossas illas ex loco humili seu *horizontaliter* intueamur, earum latera indistantia nobis videntur, quoniam nulli radii è fundis prodeuntes, ad oculum perveniunt; & qui è lateribus prodeunt, coherentes adveniunt.

Ebrii duplicatum objectum vident. Idem de Furiosis existimat *Virgilius* 4. *Aeneid.*

*Eumenidum veluti demens videt agmina Pentheus,  
Et Solem geminum, & duplices se offendere Thebas.*

IX.

Cur montis sum-  
mitas longè di-  
stantis contigua  
monti videatur.

X.

Fossa è loco hu-  
mili spectata  
conjuncta appa-  
rent.

XI.

Cur Ebrii gemi-  
na objecta vi-  
deant.

Id præstant atri malignique vapores, seu è Vino provenientes, seu per morbi intemperiem excitati, qui dum nervorum opticorum situm pervertunt, ita Cerebrum simul concutiant, ac si radii ab objectis emanantes, ex detortis oculis provenirent. Unde qui à Natura, aut casu aliquo detortos habent oculos, res duplices intuentur.

## XII.

*Cur in Tenebris videmus quæ sunt in luce; & non è contrâ.*

Experimur quotidie, res quæ in *luminoso* loco sunt, à nobis in *Tenebris* existentibus deprehendi; non autem è diverso, è loco lucido, ea notantur, quæ in *Tenebris* ponuntur.

Ratio est, quòd ad oculum in caliginoso loco constitutum, Luminis radii dirigi possint, aut ex eo ita reflecti, ut nonnulli eorum in locum obscurum penetrent, si interjectum foramen satis pateat, & per illud Lumen in intuentis Pupillam illapsum, ad retinam usque perveniat. Non potest autem is, qui in medio Lumine est, res quæ in obscuro loco sunt, deprehendere, quoniam ab eo nulli radii profisciscuntur, qui directè, aut per *reflexionem*, retinam contingere queant; nisi fortè tenebræ aliquo modo dilutæ sint, & quosdam luminis radios remittant; quia tunc nihil obest, quominus pauci radii è rebus reflexi, oculum sensibiliter afficiant, & aliqualem rerum Imaginem repræsentent.

## XIII.

*Hyperborei infirmis sunt oculis.*

Qui Septentrionalem plagam incolunt, quique *Hyperborei* dicuntur, infirmis passim oculis sunt, visumque hebetem habent.

Quia cum inter nives perpetuò versentur, quæ lucem potissimum reflectunt, necesse est, ut eorum oculi perstringantur. Vel quia eorum retina externo fulgore indurata, minus affectionis ad visum necessariæ exprimendæ, vel excipiendæ capax est. Cum videamus CrySTALLINUM frigore concrefcere, eamque rigiditatem adipisci, ut nec flecti, nec contrahi, vel explicari queat.

## XIV.

*Myopes objectâ distantia non clare perspicunt.*

Qui prominulos habent oculos, & quibus CrySTALLINUS globosior est, ut *Myopes*, objectâ nimium distantia distinctè non intuentur.

Quia luminis radii, in oculos prominulos appulsi ac refracti, citius coeunt, quàm ad fundum oculi perveniant. Quippe non in *retina*, sed *citra*, scilicet in humore *vitreo* picturam exhibent. Hinc *Myopes* conspiciunt concavis uti solent; quoniam illis radii distrahuntur, nec tam citò concurrunt.

Objectum

Objectum in Speculo plano; tantum quantum est, exhibetur: In *convexo* verò minus apparet, & in *concavo* majus.

Ratio est, quòd Speculum *planum*, omnes ex singulis rei punctis directè obversis, radios versus *oculum* remittit; & sic necessum est, rem tantam, quanta est, repræsentari. *Convexum* autem, ob incidentiæ obliquitatem, magnam radorum partem huc illuc variè dispergit; ac proinde pauci sunt, qui in sensorium diriguntur. *Concavum* è diverso; non eos duntaxat radios, qui è plano reflectuntur; ad oculum remittit, sed quàm multos etiam alios, qui ex particularum devexitatis regiunculis adveniunt, & punctorum alio obversis. Quo fit, ut rei figura augeatur, & repræsentatum objectum magnitudine excedat.

Quidam Juvenis *cæcus*, dum oculum versus nares digito comprimeret, aliquid cernebat; cum antea nihil prorsus intueretur.

Quia per illam oculi compressionem, *Crystallini*, vel *Uveæ* convexitatem mutabat. Unde projectionis mutatio sequebatur; ac proinde alia affectio pari modo, si solum libri, tenuioribus literis, oculis proponamus, & eorum altero obscurato, alterum duobus digitis premamus, literas augeri, & majores evadere deprehendemus.

Tubi *Optici* ope, totus *Solis* discus videri nequit, licet tota imago in chartam oppositam projiciatur.

Quia Tubus *Opticus*; ob cavitatem suam, plures radios distrahit; nec patitur in oculum incidere; in chartam autem omnes radii incidunt, & ampliorem in ea *Solis* effigiem efformant.

Si quis, posito in Vas *lapide*, aut calculo, ita Corpus disponat, eoque in statu constituatur, ut calculum amplius discernere nequeat, Aquâ tamen in vas infusâ, illico oculis etiam immotis, calculum in vasis fundo hærentem videbit, qui antea non apparebat.

Hujus rei alia causa assignari non potest, quàm quòd lucis radii, antea è calculo reflexi, nullo corpore interjecto, directè in *Aerem* mittebantur, ac proinde nonnisi frontem, vicinasse oculi partes feriebant: Aquâ verò infusâ, radii per eam transiundo, refringuntur; & ita ad *oculum* allapsi, calculum ipsi visibilem conspicuumque efficiunt. Sic videmus, quòd ex ra-

XV.

Objectum variatur, prout in diversis Speculis exhibetur.

XVI.

Cæcus, qui comprimendo oculum, aliquid videbat.

XVII.

Cur totus Sol non videatur Tubo Optico.

XVIII.

Ut Calculus in fundo vasis videatur per liquoris infusionem.

diorum refractione, in *Horizonte* facta, sub 34 aut proximè minutis, Sol altior nobis appareat, quàm appareret, si Vapores abessent, per quos lucis radii transmittuntur: ac proinde cùm ejus Diameter dimidii gradus sit minorum 30, totus conspici potest, etsi occultetur, & totus infra Horizontem reverà existat.

## XIX.

Unde res per vitrum convexum conspectæ majores videntur.

Res per Lentem crystallinam *convexam*, majores quàm reverà sunt, apparent: ut in *Senibus* experimur, qui literas è propinquo videre nequeunt, convexis perspicilli Lentibus, visui suo auxiliantur. Item in illis qui *pulicariâ* Lente convexâ, sensorio applicitâ, Pulicis pilos, & tenuissima quæque corpuscula discernunt & intuentur.

Ratio est, quòd in Vitro convexo inter res visibiles, & oculum posito, radii qui priùs in Iridem ac remotiùs appellabant, in Pupillam cogantur; sic ut oculus radios excipiat, ex particulis objectorum antea occultis: cùmque radii antè cohærentes illis interpositis diffusi sint, plurèsq; ex qualibet parte, particulæ visæ, necessum est, ut eâ ratione amplièntur, & ipsum totum majus exhibeant. Ubi enim Visionis angulus augetur, oportet, ut res visibilis proximè adhibita, ob magnam radiorum cum decussatione oculi Pupillam versus retinam ingredientium, divaricationem, magnam in oculi fundo imaginem effingat.

## XX.

Per Telescopium res majores apparent.

Hinc fit, ut per Tubum Opticum, seu *Telescopium* res distantiſſimas magnas videamus, & illas distinctissimè conspiciamus. Id enim utilitatis adfert Telescopium, ut efficiat quòd visibile objectum, ob magnam Tubi *Pupillam*, pluribus radiis, & ob extimi Vitri convexitatem, radios congregantem, sub majore Visionis angulo decernatur: & præterea magna fiat radiorum divaricatio, qui Tubi *Pupillam*, seu extimam ejus extremitatem cum decussatione, versus oculi retinam subcuntes, efficiant, ut magna rei videndæ imago, in fundi oculo pingatur.

## XXI.

Cur simplex objectum à duobus oculis cernitur.

Objectum, quod per *geminos oculos* ad Cerebrum transmittitur, *simplex* apparet, quamvis nervi etiam optici non coeant, ut patuit in quodam Juvene, quem *Vesalius* disparatos habuisse deprehendit.

Simplicitatis objecti causa, in quandam glandulam in Cerebri medio sitam, quam Medici passim *Conarium* appellant, refunditur; in qua duæ illæ imagines, quæ à duobus oculis proveniunt,

proveniunt, uniuntur, antequam ad *Animam* perveniant. Nulla enim in Cerebro pars reperitur, quæ non sit *gemma*. Nam quod ad *Cerebellum* spectat, nonnisi superficie, & nomine tenus unum est; imo manifestum est, ejus *processum vermiformem*, & medullam *spina* dorsi, ex quatuor partibus constare; quarum quidem duæ ex duabus Cerebri medietatibus, aliæ verò duæ ex duabus Cerebelli medietatibus proveniunt: *Septum* verò lucidum quod duos anteriores Ventriculos separat, geminum quoque est. Ac proinde sola illa *pinealis* glandula restat, in qua species à geminis oculis venientes convenire possint, priusquam ad Animam deferantur.

Homo pictus, in omnem partem circumjacentem, obtutum dirigere videtur, & singulos quodammodo intueri.

Hujus ratio est, quòd Hominis *oculus* in *plano* sit, ac proinde ab omnibus ejus punctis ad spectantis oculum radii duci possunt. Cùm verò viventis Hominis oculus, *convexus* sit figuræ, & magna ejus pars occultetur, undique radios remittere non valet, ut in sculptis imaginibus cernimus, quarum effecti oculi cùm porrigantur, & curvatem quandam præ se ferunt, radios quoquoeversum emittere nequeunt.

XXII.

Unde homo pictus singulos adstantes respiciere videtur.

## ARTICULUS SEXTUS.

### De Imaginatione.

Multa inadvertentibus nobis occurrunt, quæ antea *Sensibus* nostris nunquam fuerunt obvia, aut aliquod sui vestigium reliquerunt; ut dum *Hippocentaurum*, exempli causâ, *Scyllas*, *Scropodes*, *Chimeras* imaginamur, quæ qualia ea formamus, nunquam se oculis ingesserunt.

Licet fortè, quæ Imaginatione percipimus, non prius in *Sensibus*, quoad eorum compositionem fuerint; ambigi tamen nequit, quin eorum partes, è quibus illa conflata sunt, Cerebrum aliquando subierint; aut si fortè non per seipsa, saltem per quædam alia, quæ aliquam cum illis cognationem habebant. Etenim cùm *Equus* & *Homo*, exempli causâ, passim oculis nostris obijciantur, & utriusque species super *Imaginationis*

I.  
Unde multa nobis obveniunt, de quibus antea non cogitavimus.

*tionis* organo exarentur, illas faciliè componimus, & *Hippocentaurum*, sive Animal ex Homine & Equo constans apprehendimus. Pari ratione, de cæterarum rerum vestigiis discernendum est, quorum intuitu multa efformamus, quæ antea sub Sensus nostros non ceciderunt.

II. Qui præter solitum, *Pontes* pertranseunt, aut ex alta *Turri* in Terram oculos dirigunt, *Vertigine* corripuntur, omniâque objecta visibilia circumrotari imaginantur.

Cur qui ex alta  
Turri terram as-  
piciunt, Verti-  
gine corripun-  
tur.

Id ab Imaginatione provenit, quæ ex Corporis *sistit* aut *in-cessu*, periculum apprehendit, vereturque, ne sibi aliquid mali contingat. Unde plurimum sollicita; quo pacto spiritus in nervos transmittat, ac eos firmius dirigat; eos in Cerebri medullium revocat, & sic à sueto affluxu & irradiatione pervertit. Dùmque eos in meliorem ordinem dirigere conatur, nimia sollicitudo in confusionem quandam, ac motum animum cogit. Eam ob causam *Andaces* & *Ebrii*, quia illis parum de spirituum animalium regimine curæ est, talem Vertiginem non patiuntur.

III.  
Quomodo febri-  
cantes imagi-  
nantur se pati  
que non patiun-  
tur.

Quidam morbo correpti, ut solent *Febricitantes*, multa se facere arbitrantur, quæ reverà non faciunt, & illos dolores sentire, quorum omnino expertes sunt. Quendam enim novi, qui *Tertianâ* laborans, sæpius querebatur, se Humeri vulnere multum torqueri, cum nullum tamen vulnus haberet.

Illud ex eo contingit, quod species, quæ super glandula *pineali*, per cursum spirituum exarantur, aut ope vestigiolum, memoriæ excitantur, æquæ vivæ sint, nec minori robore polleant, quàm quæ à *Sensibus* proficiuntur. Cum enim spiritus animales tunc temporis, plus æquo agitentur, quàm Sanitas exigat; ad aliquarum specierum creationem, cum memoriæ vestigiis concurrunt; quæ nobis omnia repræsentant, tanquam extra nos existentia, & Sensibus nostris præsentia. Accidit etiam nonnunquam in morbo, ut objecta nullam impressionem faciant, cum qua mens species illas conferre possit, quas memoria, aut spirituum impetus illic procreant.

IV.  
Sage solâ ima-  
ginatione loca  
diffusa invisunt.

Sic verisimile est, quod *Sagæ*, seu *Veneficæ*, alto somno sepultæ, loca valde distantia se invisisse, & *Palatia*, *Urbes*, *Hominum*, *Fœminarumque cohortes* spectasse se imaginantur, eaq; ad amissum, veluti oculis essent intuitæ, describunt. Quod certe

cetè nonnisi Dæmonis ope peragitur, qui illarum Imaginationi rerum earum ideas repræsentat, ac ita fortiter imprimat, ut se hujusmodi spectaculis interfuisse nullatenus dubitent.

Quædam notæ, seu characteres, vi *Imaginationis* maternæ V.  
fœtibus inuruntur: ut patet in illis *Matribus*, quæ rem aliquam Quæ est causa  
vehementer appetunt; nam si se in *gena*, aut alia Corporis notarum in fœ-  
parte tangerent, rem illam, exempli causâ, *Cerasum*, aut *Uvum*, tibus impressa-  
in tali fœtûs membro impriment. Cujusdam Nobilis Fœminæ rum.  
meminit *Forestus*, quæ gravida, cum brachium fregisset, filium  
peperit, cujus quoque brachium fractum est.

Hoc oritur, quòd *Cerasi*, aut *Uvarum* imago, in Cerebro parentis impressa, motu spirituum, ad Infantis partem deferitur, propterea quòd eadem dispositio, quæ in Matris Cerebro inest, illique istius fructus desiderium movet, in *Infantis* etiam Cerebrum transit, & parti signatæ respondet. Unde Mater se in illa parte fricans, quo tempore istiusmodi cupidine tenetur, *Imaginationis* suæ effectum illuc producit. Quia Mater se tangendo, statim illi in mentem subit character *fœtui* imprimendus, ex quo pudoris cujusdam, vel etiam timoris motus nascitur, sine quibus nulla Infantium corporibus *nos* inuritur. Cum itaque unumquodque Infantis *membrorum*, unicuique Parentis *membro* respondeat, & utriusque fibræ ac humores continuentur, mirum non est, si Nobilis illius Fœminæ Filius, cum rupto brachio editus est; & iisdem remediis ad Infantis & Matris brachium adhibitis, ambo separatim sanati sunt.

In eandem causam refundi potest, quòd in Pharmacopolæ Uxore, *Bononia* contigit, quæ quum gravida *Anghes* exco- VI.  
tos, & Aëri expositos, in ædibus vicinis per fenestram spe- Quàm potens est  
ctasset, *Prolem* anguino capite enixa est. Sic Mulier altera in Imaginationis  
*Sicilia*, teste *Aldrovando*, cum *Astacum*, seu Cancrum marinum, vis.  
Piscatoris manu captum observasset, ac impotentius exoptasset, *Astacum* marinum omnino similem, unâ cum fœtu peperit.

Perlina *Ethiopissa*, imaginem albi Infantis in congressu VII.  
contemplata, candido vultu *filium* produxit: E contrâ Regina Quomodo factum  
alia *alba*, nigrum infantem genuit. ut Ethiopissa

Quidam Medici id *Spermatis* tribuunt, quod pro varia qua- filium album pe-  
litate pererit.



litatis ratione, diversas formas inducit: Unde si subflavescat, colorem *rufum* tribuere asserunt: si cinericium colorem præ se ferat, *pallidum*: si candidi coloris est, *album*. Quamvis hæc vulgaria sint, & fortè etiam vera, nihilominus majorem sibi partem hoc in opere Imaginatio vindicat. Quia cum Nervi, per quos spirituum cursus indefinenter feruntur, à Cerebro in omnes Corporis partes protendantur, *Imaginationis* vis præsertim, si paulò vehementior sit, in viscera operando, humorumque motus excitando, nigrum vel album colorem inducere potest. Sic *Oves Jacob*, pro diverso appositarum virgarum intuitu, fœtus varii coloris ediderunt.

## VIII.

*Imaginatio mirra patrat.*

Eam ob causam Hippocrates, fœminam adulterâ suspicione laborantem, quia prolem Marito prorsus dissimilem pepererat, liberavit, eò quòd Mulier illa, *picturam* in cubiculo appensam, fixius esset intuita, cui similem puerum ediderat. Pari ratione, Nobilis illa Mulier, ex illustri *Ursorum* familia excusanda est, quæ filium instar Ursi villosi genuit, quòd eo tempore, quo uterum gesserat, frequenter *Ursorum* imagines (quæ Ursinorum sunt insignia) oculis ac mente volvisset.

## IX.

*Abjiciendi à conspectu pragnantium Catelli deformes.*

Quare nihil improbandum magis censet *Lemnins*, apud lasciviores quasdam mulierculas, quàm quòd Catellis Simiisque sese impensius oblectent, quòdque illos sinu gestent, demulceant, foveant, blandeque contrectent. Quoniam eorum consuetudine & aspectu, animo nescio quid alienæ formæ concipiunt, & fœtui ingratum, minusque speciosum vultum affingunt. Unde Catellos illos *Camusios* vulgò dictos, ablegandos esse censet, ne quas imprægnari contingit, aliquid deformitatis adsciscant.

## X.

*Ex deliri quidam eundem semper sermonem retinent.*

Quorundam Mentis tanta insania occupat, eorumque iudicium ita pervertitur, ut perpetuò eadem loquantur, nec ad aliorum verba attendant, aut respondeant. Phreneticum *Parisius* vidi, qui integro die sermones eosdem repetebat, & si casu interrompatur, à loquentis ore pendebat, tanquam ad singula respondurus, sed finito alloquentis sermone, eandem quam prius *fabulam* recitabat.

Id talibus obvenit, quòd tanta spiritus animales perturbatio occupat, ut aliorum verborum impressionem haud sinat, nisi exiguo tempore, *glandula* inhærere: quo fit, ut prima rerum imagine, quæ detinebatur, illicò revertente, tanquam dictorum

dictorum obliti, ad ea respondere non valeant: sed tantum conformiter ad ea, quæ *glandulam* impellunt, & menti eorum, tunc temporis, obijciuntur. Mihi enim facile persuadeo, huiusmodi Homines *Phrenesi* non infici, nisi dum illorum Anima, in *glandula* motus imperium non habet; aut quia ita commoti sunt animales spiritus, atque adeo *inequali cursu* super ea feruntur, ut eam citra modum ac mensuram concutiant, innumeratque species super ea excitant, quæ statim effluunt & elabuntur. Aut etiam quoddam cursus spirituum *glandulam* quibusdam *Memoriæ* vestigiis ita tenaciter imbuunt, ut eadem semper Imago repræsentetur, à qua se explicare Anima nequeat.

Aliqui sibi persuadent *Nasum* tantæ molis habere, ut nullæ eis januæ perviæ sint. Alii se *Reges* esse credunt; ut servus ille *Hispanus*, cujus *Joannes Huartus* meminit, qui se Regem arbitratus, prudentissimos in morbo de regimine faciebat discursus. Quidam apud Montanum imaginabatur totam mundi superficiem ex subtilissimo esse vitro, subitus Serpentes latere, & in lecto tanquam in Insula morari, unde si egredere-tur, facile in *Serpentes*, vitro fracto, incidere posse. *Jonstomus*.

XI.  
Quidam in morbo se Reges esse imaginantur.

Hujus extravagantæ causa ex jam dictis deduci potest; quippe dum per tenacem aliquam spirituum dispositionem, & firma quædam *Memoriæ* vestigia, *Glandula* ad eam Cerebri partem convertitur, ubi pori referantur, quorum apertura, *Regis*, *Serpentis*, *Vitri*, &c. species revocari potest, aut etiam eo ipso tempore efformantur, Anima talem speciem intuita, se ipsi *Regi*, *Serpenti*, *Vitro*, quæ per illam speciem repræsentantur, conjunctam considerat, & veluti unum totum cum illa componentem. Novi ego quendam Londini, qui se *Archiepiscopum* Cantuariensem esse diceret, à *Rege* creatum, & præfenti indubiè successurum: cum interim in rebus aliis cæteris sapiens videretur, & nullo alio phantasmate laboraret; nam sua sollicitè curabat, tempus feriis impendebat, & muneri exequendo, cui adstringebatur, solers & providus incumberebat. Quod illi contingere arbitror, dum spirituum agitatio, à quibus antea *Glandula* trahebatur, eo tempore cessât, quamdiu nihil illi obijcitur, quod pristinos illos motus renovare possit: donec ipsius *paroxysmus* revertatur, & tanquam Febri obnoxiiis nova accessio superveniat.

H h h

ARTICU-

## ARTICULUS SEPTIMUS.

## De Memoria.

I.  
Cum Infantes pe-  
rum memoriâ  
valent.

**P**ueri & Infantes minùs Memoriâ possent, citiùsque quæ didicere, obliviscuntur, quàm dum grandiores sunt, & ad ætatem mediam pervenerunt.

Ratio est, quia Memoria ex quibusdam *vestigis* in Cerebro manentibus pendet, postquam rei alicujus species illi impressa est: unde si contingat aliquas Cerebri partes per *Accretionem* aut *Diminutionem* immutari, necesse quoque est vestigia illa perturbari, & nonnulla ex illis evanescere. Cum autem *Pueri & Infantes* continuò augeantur, illisque semper aliquid novæ substantiæ accedat, plicæ in Cerebro, spirituum animæ huiusmodi transcurso efformatæ, facillè pervertuntur, & pristinum suum ordinem amittunt. Quemadmodum *plica* in *papyro* facillè evanescunt, si quæpiam deterantur, & nova aliqua substantia superinducatur. Addi etiam potest, quod puerorum Cerebrum nimis molle ac humidum sit, ut tenaciter commissa retineat: nam licet facillè ea recipiat, non tamen eorum distinctionem retinet, perinde se habet, ac lutum plurimâ aquâ maceratum.

II.  
Quidam facillè  
auditas harmoni-  
as referunt.

Quidam Homines, nullo negotio *Melodias* addiscunt, easque postmodum citra meditationem, aut ullum Cerebri laborem cum exacta Symphonia proferunt.

Id provenit, quod spiritus animales, à distinctis Harmoniæ auditæ accentibus, intra *Cerebellum* agentes, in peculiare Schismaticos disponantur, juxta quos, cum in Nervi auditorii processum utrobique vocalem effluant, velut sponte quâdam, & quasi specierum successione, automata, plectri modulos, quos auribus exceperunt, voce edunt. Eâdem ratione *Cytheræ*, licet rei alteri intentus, digitos tamen modulaminis numeros, antea edoctos, ita agit, ut fides miro discrimine & celeritate exactè pulsset.

III.  
Tabaci fumus  
nocuit memoriæ  
cujusdam Prælii.

*Nicotiane* fumus, Cerebro afflatus, *Memoriam* nonnunquam labefactat, hebetemque reddit: Ut Homini erudito, felicique ingenio semel contigit, qui antea memoriâ excelebat.

Id.

Id accidere potuit, ab inspirati *fumi* corpusculis, quæ Cerebrum ita subierunt, ut vestigia illa, quæ rerum imagines referunt, obstruerent, ac proinde inutilia ad recordationem redderent. Exhalato tamen eo halitu, priorem facultatem recuperavit, & quæ quondam noverat, rescivit. Non aliâ ratione in *Apoplexia*, ubi sanguis è vasis suis in Cerebri substantiam effunditur, omnes rerum antea cognitarum ideas penitus obliterat, nullis earum in Cerebro remanentibus vestigiis.

Senes ubi ad decrepitam ætatem pervenerint, omni penè *Memoriâ* cadunt, nihilque eorum, quæ paulò antè fecerunt, recordantur. *Juventus* autem suæ gesta meminere, atque illa pertinaciter retinent.

IV.

*Senes non recordantur ea, quæ nuper fecerunt; bene autem quæ in Juventute.*

Perit *Senibus* Memoria, ob nimiam Cerebri siccitatem. *Arida* enim non ità faciliè dimoveri, & impressionem suscipere queunt: aut si penetrari se patiuntur, statim se pristino statui restitunt, & loca priora occupant. *Senes* verò, quæ olim memoriâ complexi sunt, retinent, quod Cerebri partes *induruerint*, & ejus pori, quibus antea spiritus cursârunt, quandam facilitatem acquirerunt ad alicujus objecti præsentiam, spiritibus ad eos venientibus, eâdem ratione se aperiendi. Hinc *exalta* tempora maximè extollunt, quoniam olim factorum memores sunt, & quæ nuper ipsis contigère, statim obliviscuntur.

Si res aliqua, quam antea novimus, *Memoriæ* excidat, & denud postmodum illius recordemur, statim etiam illud occurrit, quod cum illa conjunctum est. Ut si *Homini* recordemur, statim mentem subit *injuria*, quam ab illo accepimus.

V.

*Curvæ manæ sine alia, cui conjuncta est, recordari non possumus.*

Ratio est, quod quando *Memoriæ* vestigia, rei alicujus Imaginem super Glandulam reduxerunt, spiritus simili modo per eosdem poros revertentes, aliam quoque speciem reducant, cui prior fuit conjuncta: Quo fit, ut spiritus in eosdem musculos fluentes, corpus nostrum disponunt ad easdem iterum actiones edendum, quas edidit occasione objecti, quod eos primò excitavit. Id non in Homine tantum, sed & in *Bestiis* contingere experimur. Si enim *Canem* in nos involaturum fuisse excipiamus, & ad fugam adigamus; quamvis postmodum ei Cani absque *baculo* occurramus, non minùs se fugæ committet, quàm si nos armatos cerneret. Quoniam ope

H h h 2

*plagarum,*

*plagarum*, quibus exceptus est, cursum spirituum junxit, quem noliter aspectus excitabat, cum eo cursu, quem flagella produxerunt. Adeo ut, duabus illis viis in Cerebro occurrentibus, & in unam confusis, parvi referat, quænam illarum aperiatur, ad motum *musculorum* efficiendum, & easdem actiones excitandas.

## VI.

*Magis manentem memoriâ valemus, quàm aliâs.*

Quæ *matutino* tempore mente revolvimus, faciliùs Memoriam mandamus, firmiùsque inhærent, quàm quæ reliquo diei decursu.

Quia eo tempore, Cerebrum liberum est, & nullis adhuc rerum vestigiis impeditur: Nam quemadmodum in *Charta*, plicarum multitudo, & in *Aëre* sonorum copia confusionem parit: Ita in *Cerebro*, rerum multarum delineatio, *Vestigia* perturbat, & non sinit ut illa in debitis locis reponantur, & secundum naturam propriam percipiantur. Sensus enim pluribus intentus, facile distrahitur, & minor fit, quo magis ad distincta contemplanda occupatur. Accedit etiam, quod Cerebrum tempore *matutino*, minùs Vaporibus impediatur, utpote ciborum digestionem jam peractâ, ac proinde fibræ magis expeditæ fiunt, ad celeriores Cerebri motus, & novam affectionem inducendam.

## VII.

*Quidam post morbum, suorum parentum nomina oblitâ sunt.*

Morbus interdum omnem *Memoriam* adimit, & illam ita labefactat, ut qui antea memoriâ pollebant, rerum penè omnium post infirmitatem *obliviscantur*. Quidam, teste *Plinio*, ex alto delapsus, Parentum, Cognatorum, & Propinquorum nomina, quoad vixit, oblitus est. *Messala Corvino*, ex morbo, non famulorum & affinium modò, sed & proprii nominis *Memoriâ* excidit.

Id contingit, quod *Ægreditudinis vis*, vel *Ictus Capiti* inflictus, Cerebri dispositionem immutat, & poros ope spirituum efformatos pervertit. Quo fit, ut *Vestigia* expungantur, vel fibrarum plexus eo statu relinquatur, ut ad prædictam functionem minus idoneus evadat. Nam sicuti infusus *papyro* humor, omnes ejus plicas eluit, sic ut dum aruerit *papyrus*, nullæ amplius super sint: ita fieri potest, ut Humor morbosus ita invalescat, ut omnes Cerebri *plicas* tollat, & nulla amplius *vestigia* earum rerum remaneant, quæ ægrotus antea noverat. Ex opposito evenire potest, ut qui obtusæ antea erant memoriæ, *felicem* ac vegetam iisdem de causis

caulis acquirant: Ut de *Clemente Sexto Pont. Max.* refertur, qui felicitas adeo fuit memoriæ, ut quod semel legisset, non amplius oblivisceretur. Quam facultatem ei obvenisse *Petrarcha* scribit, ex inflicto Capiti vulnere, quo indubiè quædam obstructions dissolutæ sunt, & Cerebri meatus aperti, quibus comoda transcurrentis spiritibus via fieret. Alterius meminit *Fulgiosus lib. primo cap. 6.* tempore Friderici Secundi Imperatoris, qui hausto è vena Sanguine, servatâ rerum cæterarum memoriâ, non *legere* amplius, non *litteras* exarare noverat, ac si utrumque nunquam didicisset. Anno autem transacto, renovatâque Venæ sectione, legendi sribendisque scientiam recuperavit, & sibi ipsi quodammodò restitutus est.

Nec dissimili ratione fit, ut qui ingenio in Juventute maxime pollent, solerter sua exequuntur: Affectâ autem ætate, tardiores evadunt, & parum pristini ingenii præ se ferunt. Quod vel à *Sanguinis* vitio provenit, vel à Cerebri obstructione, aut *liquore nervoso*, qui cum secundum modernos Medicos, spirituum animalium sit vehiculum, post nimiam agitationem, aut Vaporem vappescit. Hinc intempestiva Ingenia, & quæ ante solitum tempus maturescunt, non diu vigent, & brevi occidunt.

VIII.

*Cur præmaturæ Ingenia citò deficiunt.*

## ARTICULUS OCTAVUS.

### De Somniis & Insomniis.

Somni ut plurimum interrupta sunt, & non nisi raro aliquâ connectione cohærent.

I.

*Cur Somnia interrupta sunt.*

Illud ex eo procedit, quod spiritus diversimodè agitati, & variarum impressionum vestigia reperientes, per quosdam Poros potius, quàm per alios cursum suum dirigunt. Spiritus enim animales, Cerebri plicas percurrendo, earum series quodammodò instant, & pro varia eorum agitatione, uno tenore illas commovent, aut ab una in aliam transiliunt. Hinc si contingat, quod spiritus unâ Vestigiorum serie relictâ, in aliam atque aliam, & ita porrò subsiliat, necessum erit, varias.

rias *Imaginationes* oriri, quæ nullo inter se nexu coherent, & se cum quadam interruptione comitentur. Unde *Aristoteles* tales *Impressiones*, quæ per somnum in Cerebro formantur, *Ranis* ex subere confectis comparat, quæ *Sale* graves, in aquam demerguntur, quæque Sale demum colliquato, alternatim enituntur, & nullo ordine servato, in *Aqua* superficiem emergunt.

## II.

An sint aliqui  
qui nunquam  
somniaut.

*Aristoteles* lib. de *Insomni. cap. ult.* nonnullos citat, qui nunquam somniasse observati sunt. Talem fuisse temporibus suis *Cleonem* à *Danlia* *Plutarchus* memorat. Cum quodam *Londoni* Medicinæ Doctore familiaritate sui conjunctus, qui mihi non semel protestatus est, se nihil unquam per quietem vidisse.

Quamvis forte hujusmodi Homines somniasse se haud fuerint recordati, non tamen Somniorum expertes fuisse dicendi sunt. *Anima* enim nunquam ab omni *Cogitatione* cessat, & quantumcumque Corpus sopiatur, illa *essentiam* suam non amittit, quæ in *Cogitatione* constituta est. Quod igitur tales Homines *Cogitationum* nocturnarum non meminerint, non inde convincitur eos nullas habuisse; quum nobis usu veniat, non *Somniorum* dumtaxat, sed & *Cogitationum*, quas expergefacti habuimus, non reminisci, quamvis interim certi sumus aliquid nos per Somnium vidisse, aut rem aliquam distinctè percepisse. Sic *Cleon*, sic memorati ab *Aristotele* Viri, non à somniis liberi fuerunt, sed eorum solum immemores, quorum species propter Temperamenti qualitatem oblitterarentur.

## III.

Unde oritur  
Incubus inter  
dormiendum.

Nonnulli inter dormiendum se opprimi imaginantur, veluti *Dæmon* aliquis pectori eorum incumberet, & respirandi facultatem adimeret. Hinc talis suppressio, quam Latini *Incubum* vocant, à Græcis veluti *Insultor* appellatur.

Talis Corporis fatigatio, ab Humore crasso ac pituitoso, ut vult *Fernelius*, provenit, quæ intestinis adhærens, *Diaphragma* & *Pulmones* fatigat, quorum impulsibus agitata *Glandula*, illud menti repræsentat, tanquam *phantasma* quoddam quod in pectus insilit, & respirationem suffuratur. Nam quæ nobis per Somnum offeruntur, Cerebrum fortius afficiunt, quam quæ per Sensus vigilando eidem ingeruntur. Sic dum Somno indulgemus, si *pituita* in ore abundet, sit ut certos aliquos cibos masticare, & multâ iteratione moliri videamur,

mur,

mur, quod nunquam nobis per vigiliam contingit. Ita licet forte Humor ille fuliginosus, dum *supini* decumbimus, leniter irreat, & Nervos tactorios commovens, levi impetu *Glandulam* agitet, nihilominus opprimi videmur, & molestis compressionibus fatigari, quæ nobis vigilantibus nunquam contingunt.

Sic Humor genitalis in vasis spermaticis turgescens, illa cum quadam irritatione agitans, *impudica* Somnia procreat: Sic cibi crassiores & dyspepti, cum in cœna sumuntur; quoniam Ventriculum onerant, eique gravedinem conciliant, somnos *perturbatos* produciunt, & *phantasmatum* terculamentis infectos efficiunt.

IV.

*Causa impudica-  
rum somniorum.*

Quibusdam solenne est, intempestâ nocte à cubili surgere, & ea perficere, quæ vigiles aggredi non auderent. Quidam sursum deorsumque rapiuntur, & nullo fulti adminiculo, *summa* arborum ac domuum fastigia ascensu superant. *Cujusdam* Nobilis meminit *Horstius*, qui turrim conscendit, & sponte avium nidis, se iterum funis ope demisit.

V.

*Quomodo non-  
nulli dormien-  
do à lecto sur-  
gunt, & ambu-  
lant.*

Medici illa à Sanguine turgido, & spirituum fervescencia fieri autumant, quæ in mentis sedem delata, ea motuum instrumenta agitant, & ad illos Effectus peragendos impellunt. Quo fit, ut Corpus spiritus animalis impulsu, in sublime feratur, ejusque vi etiam per Somnum ad tales actiones incitetur. Sed hæc omnia sine *Imaginationis* adminiculo evanida fore existimo, quæ penè sola difficultia illa præstat & operatur. Imagination enim non solum ab objectis externis incitatur, sed & ab illis, quæ per Somnum representantur: Unde reservatis rerum speciebus agitata, facultatem motricem stimulat, & ad ea peragenda impellit, quæ spectantibus admirationem stuporemque incutiunt.

In Somniis eadem munia & actiones nobis observantur, quibus interdum intenti & occupati sumus. Unde *Claudianus* lib. 3. *Præfat.*

VI.

*De iis passim  
somniaamus, quæ  
per Vigiliam  
cogitamus.*

*Omnia quæ sensu voluuntur vota diurno,  
Tempore nocturno reddis amica quies.  
Venator desessa thoro dum membra reponis,  
Mens tamen ad sylvas, & sua lustra redit.*

*Judicibus.*



## Historia Naturalis Hominis.

*Judicibus lites, auriga somnia currit,  
Vanæque nocturnis meta cavetur equis.  
Gaudet amans furto: permutat navita merces,  
Et vigil elapsas quarit avarus opes.  
Me quoque musarum studium sub nocte silenti,  
Artibus innumeris sollicitare solet.*

Ratio est, quòd partes Cerebri, quæ antea objecti exterioris actione concussæ fuerant, facilius à spiritibus animalibus commoveantur, quàm illæ, quæ in quiete manserunt. Unde cum rerum earum *Vestigia*, quas primùm sumus imaginati, aperta sint, & quodammodò hiantia remaneant, *spiritus* ea transcurrendo, easdem *Imaginationes Animæ* referunt, quas vigilando ei impresserant. Quare nisi malè constitutum sit corpus, & noxiis humoribus perturbetur, non aliæ *Cogitationes Animo* obversari possunt, quàm quæ illum per *Vigiliam* occupârunt.

### VII.

Qui accidit ut  
quidam per som-  
num lotium em-  
ittunt.

Quidam inter dormiendum, *Lotium* emittunt, & quasi *parietis* adstarent, aut *matulam* manu tenerent, urinam faciunt.

Id nunquam accidit, nisi cum *Vesica* turget, & contra solum extenditur, quoniam tunc *Sphincteris* vellicatio, ita poros in superficie interiore Ventriculorum Cerebri aperit, ut *spiritus* super *Glandem* discurrentes, cursum suum versus *Nervos* illos capiant, qui *Lotio* emittendo inserviunt; ac proinde talem motum procreant, ut in *Anima* non solum *Urina* faciendæ appetitus producat, sed & *parietis*, aut *matula* imago oriatur, quibus qui somniant ad hunc finem uti antea solebant.

## ARTICULUS NONUS.

### De Externis Passionibus.

### I.

Sanguinei in  
risum maxime  
propensius.

**L**ætæ indolis Homines, & Sanguinei, faciliè in *risum* prorumpunt, nec se continere valent, si alius rideat, aut aliquid *Ludicrum* in eorum sensum inopinatò incurrat.

Hæc Passio in hujusmodi Hominibus oritur à fibrarum mobilitate,

bilitate, quæ ad objecti ludici præsentiam concitantur & tripudiant. Quæ affectio in *Diaphragma* traducta, quædam vultus actio cum voce sonora, & *inarticulata* conciliatur. Quippe in hoc sita est Risus ratio, quod Sanguis ex *dextra* Cordis cavitate, per Venam *Arteriosam* profectus, subito, & iteratis vicibus Pulmones inflat, efficitque, ut Aer, quem continent, vi per Asperam Arteriam erumpere cogatur, in qua format vocem inarticulatam & sonoram, *scilicet Pulmones* sese inflando, quàm hic Aer exeundo, omnes musculos *Diaphragmatis*, *Pectoris*, & *Gutturis* impellunt: quo pacto vultus musculos movent, qui aliquam cum illis connectionem habent. Unde mirum non est, si *Ingeniosi* interdum, & multæ rationis compotes, cohibere se nequeant, quantumvis ad motum illum reprimendum summas vires adhibeant.

Si quis horrore percellitur, *Coma* erigit, juxta illud *Virgili*.

II.

Unde in horrore  
pili eriguntur.

*Obstupui, steteruntque coma, & vox faucibus hæsit.*

Quia cum Sanguis, horrore vi, versus præcordia excurrat, externæ Corporis partes, præsertim *cutis*, constringuntur: fieri autem nequit, quin cute contractâ, pori quoque comprimantur, & sic *pili* assurgant. Quoniam Corporis meatus, instar thecarum, in quibus reconduntur pili, se habent, qui pro diverso illorum situ, variam quoque positionem sortiuntur. Eundem effectum aliquis Affectionis motus in aliis Animalibus, ut *ira*, exempli causâ, in *Canis*, *timor* in *Gallina*, quæ plumas surrigit, si adit hostis, qui eam appetat.

In quibusdam observatur, quod à Cibo sumpto, ex Ventriculi repletionem, *suspiria* ducant, & veluti morbo afficerentur, spiritum ab imo pectore trahant.

III.

Quidam suspiria  
ducunt post cibum sumptum.

Id fieri ex Motu existimo, quo *Natura* ad Ciborum succum, per Cor citius transmittendum utitur, quatenus Stomachus iis promptius sublevetur: *Suspiria* enim pulmonem agitando, faciunt, ut Sanguis, qui in eo continetur, citius per Arteriam venosam, in sinistram Cordis ventriculum defluat, & sic novus Sanguis ex Ciborum succo è Stomacho per Jecur & Cor ad Pulmonem usque affluente conflat, in illum facilius admitti possit.

Iii

Quibusdam

## IV.

Cur quidam tristes cibum magis appetunt, alii autem eundem respuunt.

Quibusdam, dum *Morore* afficiuntur, Alimenti appetentia tollitur, esseque cibus omnis fastidio est. Alii è diverso, ubi Tristitia languescunt, cibum acrius desiderant, in eumque propensius feruntur.

Oritur hæc differentia, eò quòd primæ Tristitiæ origo, quæ nonnullis è Vitæ principio afficit, ea fuerit, quòd non satis Alimenti hauserint, còque cibo fuerint destituti, qui appetitum satiaret. In aliis autem, quod illis grave noxiùmque fuerit alimentum, quod primi acceperunt. Ac proinde in his, spirituum motus, qui cibi appetentiam tollit, semper cum Tristitia conjunctus remanet. Ea enim est Corporis ac Animæ nostræ conjunctio, ut cogitationes illæ, quæ aliquos corporis motus ab incunte vita comitatæ sunt, illos etiam nunc comitentur.

## V.

Subitæ latitiæ in Lipothymiam interdum etiam mortem inducit.

Quidam Animo deficiunt, *Lipothymiam*que patiuntur, si summâ Latitiâ corripiantur: ut *Mulier* illa, cujus meminit *Valerius Maximus*, quæ ad conspectum filii, quem jamdudum in prælio interfectum esse credebat, exanimata est. Audivi in *Anglia*, de cujusdam Mercatoris uxore, quæ maritum in Indias Orientales profectum, & Amicorum rumore defunctum defleverat: ubi post tres annos vivere audivit, & præ foribus adesse, complexura accurrens, cecidit, & in limine ad mariti pedes extincta est.

Id fieri existimo, quòd ingens illa latitiæ, præter solitum, Cordis orificia referando, *Sanguis* Venarum tanto cum impetu, & ea copia cor ingressus est, ut illic non satis citò dilatari & rarefieri potuerit, ad *Valvulas* illas removendas, quæ harum Venarum ostia claudunt: quo factum est, ut Ignis in Corde suffocaretur, & Vita quæ in ejus motu consistit, periret.

## VI.

Cur Tristes facillè lachrymas emittunt.

Tristes, & qui Animo deiciuntur, facillè lachrymas profundunt, præsertim si extremus non sit mœror, & cum aliquis Amoris sensus comitatur.

Quia licet ex omnibus Corporis nostri partibus Vapores prodeunt, nulla tamen est, quæ plures quàm *Oculi* suppeditet, tum ob Nervorum Opticorum magnitudinem, tum etiam ob *Venularum* multitudinem, per quas eò tendunt. Cum verò Tristitia Sanguinem refrigerando, oculorum meatus contrahat, & Vaporum agitationem remoretur, non ad lachrymas eliciendas sola Tristitia sufficit, nisi accedat Amor, qui Sanguinem

Sanguinem versus Cor emittat, & Vaporum quantitatem au-  
geat. Unde constat Tristes non perpetuò lachrymas fundere,  
sed nonnisi per intervalla, dum objectum, quod amant, re-  
currit, & de novo Imaginationi objicitur. Antiqui hunc Ef-  
fectum Brutis Animantibus tribuere; Equi, *Plinio* teste, amis-  
sos dominos lugent, & eorum desiderio lachrymantur. De  
Pallantis Equo ita scribit *Vergilius*.

*Post bellator equus, positis insignibus Æthon,  
It lachrymans, guttisque humectat grandibus ora.*

Gemitus sæpe cum fletu miscetur, præsertim in Pueris &  
*Mulieribus*, qui quamvis ambo in Risum proni sunt, acutiores  
tamen clamores in fletu, quàm in risu emittunt.

VII.  
*Unde oriuntur  
gemitus in La-  
chrymantibus.*

Producuntur *ejulatus*, dum Pulmones à Sanguinis copia eos  
ingredientis momento inflantur, qui inde Aërem, quem con-  
tinebant, expellit, qui Aër per guttur transmissus, eos ejulatus,  
& clamores procreat, qui *fletum* comitantur. Quoniam vero  
Nervi, qui vocis organis expandendis coarctandisve inservi-  
unt, ad eam Vocem magis acutam, vel graciliorem efficien-  
dam, cum illis annectuntur, qui in Lætitia, Cordis orificia  
aperiunt, & illa cum Mœrore contrahunt, fit, ut hæc organa  
eodem tempore dilatentur aut contrahantur. Hinc in *placitu*  
supercilia contrahuntur deprimunturque, cujus contrarium  
in *Risu* experimur.

Amantes passim *suspiria* ducunt, & in sollicitudinis ac Do-  
loris argumentum, Anhelitus ab imo pectore trahunt.

VIII.  
*Cur Amantes  
sepius numero su-  
spirent.*

Illud ex eo provenit, quòd in *Amore* Spei aut Lætitiæ ima-  
ginatio Arteriæ *Venose* orificium aperit, quod Mœror antea  
contraxerat: unde cum paululum illud Sanguinis, qui in  
Pulmonibus restabat, momento in *levam* Cordis cavitatem,  
per hanc Venosam Arteriam delabatur, eoque cupidine eam  
Lætitiæ obtinendi impellatur, quo, eodem tempore, omnes  
*Diaphragmatis* & Pectoris muscoli agitantur; fit, ut Aër ce-  
lerimè per os in Pulmones propellatur, ad locum eum occu-  
pandum, qui ab illo Sanguine derelinquitur.

Tristes non eundem semper vultum referunt: Interdum  
enim *palescunt*, aliàs *rubeo* colore perfunduntur.

IX.  
*Tristes in vultu  
varium colorem  
 præferunt.*

Tristitia ad pallorem adigit, quoniam Cordis orificia con-  
trahendo,

trahendo, efficit ut Sanguis tardiùs in Venas defluat, & frigidior spissior:que factus minus loci occupet: quo fit, ut in latiores tantùm & Cordi proximiores se recipiens, remotiores derelinquat, quarum magis conspicuæ sunt, quæ in vultu apparent: Et eo pacto *pallidus* redditur, & *macilentus*. Dum verò *Tristes rubent*, & quendam Ardorem in facie præ se ferunt, id non tam *Tristitia*, quàm aliis Affectibus, qui huic passioni junguntur, tribuendum est, *Amori* scilicet, aut *Desiderio*, vel etiam aliquando ipsimet *Odio*. Quippe hæ Passiones, Sanguinem commoventes & calefacientes, qui ex *Jecore*, *Intestinis*, aliisque partibus interioribus profisciscuntur, cum ad Cor propellunt, & inde per *Aortam* ad venas faciei, eam rubentem reddunt.

## ARTICULUS DECIMUS.

## De Naturalibus quorundam Inclinationibus &amp; Aversionibus.

I.  
Unde fit, ut uni  
Aleatorum magis  
favemus.

**S**I in duos Aleatores casu incidamus, ambos æquè nobis ignotos, nescio quo naturæ instinctu, uni potiùs favemus, quàm alteri: Atque si duos in sphæristerio, pila ludentes aspiciamus, eorum alteri victoriam optamus.

Id ex eo potissimùm provenit, si ea propensio non diutiùs perseveret quàm eorum lusus durat, quòd *Voluntas nostra*, quæ indifferentiam fugit, affectatque circa aliquod objectum determinari, occasionem reperit, se alicui parti jungendi, quamvis Mens nulla evidenti ratione ducatur, quæ ad favendum uni potiùs quàm alteri alliciat, & ad victoriam uni parti exoptandam sollicitet: sed solùm versus aleatorem aut lusorem protrahi se sinat, qui suaviùs ejus Cerebrum pro dispositionis ejus ratione, eo tempore demulcet. Si verò Affectio illa lusi superstes est, & finito certamine adhuc Cordi inhaeret, id ex vestigiis inclinationum nostrarum oritur, quarum originem satis dilucidè, ni fallor, in *Institutione Philosophia* ostendi *part. 9. cap. 14.* Quod ne actum agam, à repetitione absteineo.

Multi

Multi in qualibet Regione, aut etiam Provincia reperiuntur, qui *Cafeum* averfantur, quorum aliqui, non ab ejus duntaxat esu abhorrent, sed etiam ne videre quidem eum sine molestia possint.

Causam hujus Aversionis *Eques Kenelmus Digbeus* esse existimat, quod Infantes è prægnantibus nutricibus lac suxerint, in quarum uberibus, ob conceptum foetum coagulatum est, & tenerum Infantis stomachum offenderit. Unde fit, ut *Infans* per totam vitam ab eo cibo abhorreat, quem post vitæ primordia fastidivit. Sic Advocatus quidam *Londini*, postquam semel in forbili ovo, *pullum* penè formatum imprudentiùs deglutissèt, ova in posterum ita averfatus est, ut ad illa denuò sumenda, *Medicorum* etiam hortatu, nunquam adigi potuerit. Hanc quidem in plurimis Causam esse facile admiserim, cur *Cafeum* tantum nauseant; sed adduci nequeo, ut admittam omnes, qui lac coagulum sugunt, *Cafeum* averfari, cum videamus plurimas Mulieres, præsertim è plebeiis & ignobilioribus ita fecundas, ut quotannis prolem effundant, quas toto gravitatis decursu lactant, nec eas ablaçant, nisi fuerint partui proximæ. Ac proinde si omnes Infantes *Cafeum* fastidirent, qui prægnantium lac haurirent, quàm immensus foret eorum numerus? Quàmque brevi temporis spatio *Cafeus* vilesceret? Existimo igitur variam esse hujus *Aversionis* causam: una *caseatum* illud lac esse potest: Alia vehemens matrum *pica*, sive irregularis quorundam ciborum appetitus, quibus si Infantes fraudentur, illud non rarò post nativitatem abhorrent. Aut etiam certa Stomachi ac Ventriculi dispositio, cui talis cibus adversatur.

Nobilissimus quidam Vir in *Anglia*, mihi maximè notus, tantum *Candelæ Sebaceæ* recens extinctæ suffitum horret, ut si casu famulorum negligentia, contingat hujusmodi Candelam extingui, ejus odore ita percellitur, ut totus commoveri, & artubus contremiscere videatur.

Id illi aliâ ratione contingere non potest, quàm quòd ejus organum ita secundùm insensibiles particulas attemperetur, ut subtiliores *sumosi* illius halitus particulae, in ejus Naribus *motum* ingratum, hoc est, odorem abominandum generet, eo ferè modo, quo *simus* in oculos incidens, ad lachrymas sollicitat, & linguam ipsam pungit & vellicat.

Nonnulli

II.

Qui fit, ut multi *Cafeum* averfentur.

III.

Quare candelæ extinctæ suffitum horret aliquis male afficiat.

## IV.

Cur nonnulli Felis,  
aut alia Animalia tanto-  
pere horrent.

Nonnulli quorundam Animalium aspectum haud patiuntur, imo non mediocriter perturbantur, si in eodem loco cum illis etiam non visis manere compellantur. Quidam adeo *Felis* præsentiam averfantur, ut illa conspecta, in *Lipothymiam* incidant.

Ratio est, quod illi tale habeant Sanguinis & spirituum Temperamentum, ut Halitus è *Felis* corpore jugiter emanans, & ad *Pulmones* atque *Cerebrum* per respirationem transmissus, Sanguinem & spiritus, quibus immiscetur, coagulet, figat, aut modo insolito exagitet. Unde mirum non est, si tantam perturbationem sentiant, & *lipothymiam* quandoque patiantur. Si contingat alios Homines non his Passionibus corripi, id oritur, quod diversi sint Temperamenti, & ab halitu *Felis*, per circumstantem Aërem evaporato non afficiantur.

## V.

Rosarum odorem  
quidam abhor-  
rent.

Sic existimandum est, *Oliverium Carassam* rosarum odorem abhorruisse, dum quotannis, Rosarum tempore, Roma secedere, seque intra hortos in Quirinali claudere cogeretur; custodiis ad ostia dispositis, ne quis aut salutantium, aut familiarium, rosam inferret. Nec dissimili ratione, Nobilis illa Angla, referente D. *Digbeo*, ab odore rosarum abhorruit, ut cum quidam Dormientis genu rosam imposuisset, experturus, num tanta illi esset cum flore illo antipathia, quanta dicebatur, pullulæ in genu ortæ sunt.

## VI.

Ratio hujus aversionis.

Quippe dubitari non potest, quin *Olfactus* sensorii fibræ in Hominibus diversimodè configurentur, quo fit, ut res odoræ, non pari modo, omnes afficiant, cum videamus quædam objecta, utpote asperis effluviis & pungentibus prædita, fœtida & tetra à nonnullis haberi; quæ eadem aliis, utpote fibras in eo organo robustiores fortitis, grata sunt & suavia. Fœminam nobilem in *Anglia* novi, quæ putridarum carniarum odore maxime delectatur, & candelæ extinctæ suffitum habet in deliciis.

## VII.

De Fœmina,  
quæ Vespam o-  
dit.

Ita Nobilis quædam *Oxonii* Fœmina, adeo *Vespa* horret, ut quum æstivis mensibus, hoc Animal per domos versatur, se in referatum quoddam cubiculum recipit, nec triclinium, aut locum alium patentiore ingredi audet, donec per nuntios, quibus fidem habet, referatur, hoc insectum aut periisse, aut videri amplius desisse.

Quidam

Quidam à Natura ad quasdam Passiones incitantur: nonnulli enim indolem ad *Iram* propensam habent, & levi ex causa effervescent: Alii ad *Tristitiam* propendent: Alteri *Laetitia*, *Timori*, &c. sunt obnoxii.

VIII.  
Causa variarum  
inclinationum  
naturalium in  
Hominibus.

Harum Passionum diversitas ex fibrarum plexu, & diversa humorum habitudine proficiscitur. Quippe flava Bilis ad *iram* stimulat, atra ad *tristitiam*, pituita ad *metum*; copiosior sanguis ad *laetitia*m. Quoniam *Bilis* fibras vellicat, *Melancholia* comprimit; *Sanguis* dilatat, *pituita* obstruit. Quos Effectus non per vigiliam modò, sed & per somnum deprehendimus. Quibus flava Bilis redundat, *faces*, *incendia*, *pugnas*, *rixas* mente concipiunt: ut sanguinei *tripudia*, *camilenas*, *risus*, *jocos*, ac *lasciva* quæque. Pituitosi *largam Aquam copiam*, & ita de cæteris, prout humoribus abundant, & turbatis spiritibus concutiuntur.



F I N I S.



the first of these is the fact that the  
the second is the fact that the  
the third is the fact that the  
the fourth is the fact that the  
the fifth is the fact that the  
the sixth is the fact that the  
the seventh is the fact that the  
the eighth is the fact that the  
the ninth is the fact that the  
the tenth is the fact that the

## I N D E X Rerum.

## A.

<b>A</b> Bies cur ramos in vertice emit- tit	336	<i>Æstus in plenilunio majores</i>	189
<i>Abortus in muliere unde</i>	358	<i>Æstuum maris diversitas unde</i>	187
<i>Absynthium vermes enecat</i>	308	<i>Æthiopissa ut filium album genuit</i>	415
<i>Acari corpusculum innumeris constat</i> partibus	17	<i>Ætna ut ardet</i>	200
<i>Acerba stuporem dentibus pariunt</i>	64	<i>Aiathius ut cervium decipit</i>	371
<i>Acida refrigerant, acerba autem cale-</i> faciunt	65	<i>Albumen ovi ut in pullum convertitur</i>	117
<i>Acus chalybea cur aqua innatat</i>	171	<i>Aleatorum cur uni favemus</i>	429
<i>Adamus an igni cedat</i>	247	<i>Allium coctione amaritudinem exuit</i>	312
<i>Adamantis fulgoris causa</i>	248	<i>Amantes sæpe suspirant</i>	427
<i>Adiantum aquam resurgit</i>	ibid.	<i>Anates in Scotia ut ex arboribus oriun-</i> tur	343
<i>Ægroti dulces cibos aversantur</i>	396	<i>Animantia absq; semine ut procreantur</i>	342
<i>Ægyptus non pluviam experitur</i>	270	<i>Animantia cur capite demisso nascantur</i>	360
<i>Aer levior imbre imminente</i>	214	<i>Animantium tempus pariendi</i>	ibid.
<i>Aer calefactus non in ignem degenerat</i>	258	<i>Apes cur strepitu revocantur</i>	83
<i>Aer ut rarefit &amp; condensatur in ther-</i> <i>mometra</i>	21	<i>Apes ex juvenis progignuntur</i>	345
<i>Aer cur vi erumpat è vasis pneumaticis</i>	37	<i>Aqua cur aliquando ascendat</i>	7
<i>Aer terra proximior, magis calidus</i>	209	<i>Aqua communis Nitro indurescit</i>	24
<i>Aer ut gravis redditur</i>	210	<i>Aque distillate non olent eo tempore quo</i> flores fragrant	71
<i>Aëris gravitas unde probetur</i>	212	<i>Aqua ut per calcem plumbi evehitur</i>	99
<i>Aëris vis elastica in sclopetis</i>	210	<i>Aqua in vapores dilatat</i>	20
<i>Æolipila non patitur vacuum, dum</i> aqua dilatat	9	<i>Aqua opacior nebulâ</i>	31
<i>Æolipila non admittit vacuum</i>	11	<i>Aqua ut è vase exilit digiti circuman-</i> tione	37
<i>Es nisi accensum liquefieri potest</i>	200	<i>Aque qualitates per concoctionem va-</i> riantur.	41
<i>Es facile æruginem contrahit</i>	236	<i>Aqua cur effluat è cacabo igni appposito</i>	43
		<i>Aqua</i>	43

# I N D E X.

*Aqua rarefit dum gelatur* 51  
*Aqua difficiliter quam oleum congelatur* 165  
*Aqua an in fundo fluminis lentius decurrat* 169  
*Aqua in vitro cur affurgit aut deprimitur* 126  
*Aqua cedit in plantarum alimentum* 333  
*Aqua non semper elevatur ab alia copiofiore* 167  
*Aque gravitas non sentitur in fundo fluminis* 166  
*Aqua in antliis altius quam ad 31 pedes ascendere non potest* 213  
*Aqua salsa quomodo percolatur* 183  
*Aqua salsa igni extinguendo inepta* 185  
*Arbor in Japonia ferro amica* 321  
*Arbores recta sunt vite brevioris* 302  
*Arbores quadam cur semper virides sunt* 309, 337  
*Arbores ut contusione moriuntur* 340  
*Arborum trunci cur sunt rotundi* 303  
*Arborum corticis durities unde* ibid.  
*Argentum quomodo album est* 231  
*Argentum acutius sonum edit quam aurum* 232  
*Argentum injecto sulphure in pulverem redigitur* ibid.  
*Arteria pulsus immisso calamo quomodo sistitur* 367  
*Arcus cur post inflexionem recurrit* 33  
*Artes indicant mundum non diu extitisse* 109  
*Aseclatation ut mortem Domitiani praescivit* 160  
*Aspera corpora aliquid albedinis ostendunt* 28  
*Astutia Tati animalis in Brasilia* 371

*Aurum ars in uicis exstruendis* 374  
*Aure obturat à murmur auditur* 78  
*Auri difficultas unde provemat* 227  
*Auribus muti non nisi confusè sonos excipiunt* 400  
*Aurum acrius urit, quam flamma* 44  
*Aurum an detur potabile* 230  
*Aurum igne consumi nequit* 226  
*Aurum calefactum ceteris metallis acrius urit* 228  
*Aurum ut Regia aqua dissolvitur* ibid.  
*Aurum fulgurans accensum, magnum strepitum e'it* 229  
*Aurum nullis morbis succurrit* ibid.

## B.

**B** *Aculum post longam inflexionem frangitur* 34  
*Balnea diversis coloris gradibus sentiuntur* 44  
*Barbiti sonus à surdo audiri potest* 75  
*Basiliscus non hominem visu enecat* 376  
*Baxana radix venenum presentissimum* 317  
*Bestia avertantur sui similium interfectores* 380  
*Bononiensis lapis lumen in tenebris retinet* 87  
*Brassica quomodo degenerat in rapam* 328  
*Brassica vinea inimica* 319  
*Bruta animantia ut tempestates indicant* 376

## C.

**C** *Ape quomodo terrâ avulse germinant* 335  
*Calamin-*

<i>Calamintha fides delectat</i>	<u>315</u>	<i>Chalybs mollior evadit, si lentè refrige-</i>	
<i>Calculus, ut oritur in corpore humano</i>	<u>241</u>	<i>retur</i>	<u>239</u>
<i>Calor ex duobus liquoribus accensus</i>	<u>194</u>	<i>Charta oleo peruncta pellucida evadit</i>	<u>90</u>
<i>Calor cineres vertit in vitrum</i>	<u>48</u>	<i>Chirurgi cur venam ligant in vena se-</i>	
<i>Calor ex frigidis corporibus oritur</i>	<u>46</u>	<i>lione</i>	<u>369</u>
<i>Calx aquâ aspersâ cur calefit</i>	<u>45</u>	<i>Chorda una sæpe duplicem sonum parit</i>	<u>79</u>
<i>Camelus equum averfatur</i>	<u>378</u>	<i>Chorda ut aequalis temporis mensurâ re-</i>	
<i>Cameli ut saltare edocentur</i>	<u>372</u>	<i>cervit</i>	<u>34</u>
<i>Campana non semper ubi est auditur</i>	<u>403</u>	<i>Chordarum unisonarum, unâ pulsâ, al-</i>	
<i>Candela extincta sætor aliquibus noxiis</i>	<u>420</u>	<i>tera contremiscit</i>	<u>76</u>
<i>Candela lumen majus noctu apparet</i>	<u>88</u>	<i>Chorda longitudine inæquales diversum</i>	
<i>Canes semitas eligendo non discurrunt</i>	<u>372</u>	<i>sonum edunt</i>	<u>81</u>
<i>Canes odoratu alia animalia excedunt</i>	<u>72</u>	<i>Chorda sonus cur cessat appposito digito</i>	<u>ibid.</u>
<i>Canicula nullam vim habet ad morbos</i>	<u>155</u>	<i>Cibus ad somnum allicit</i>	<u>383</u>
<i>Carbo ut ignem conservat</i>	<u>207</u>	<i>Cibus idem non semper nobis gratus est</i>	<u>396</u>
<i>Carbo additâ aquâ incalefcit</i>	<u>208</u>	<i>Cicutâ frigore animalia interimit</i>	<u>316</u>
<i>Carbo ingreditur compositionem pulveris</i>	<u>ibid.</u>	<i>Cineres multum aqua hauriunt</i>	<u>203</u>
<i>Casum cur aliqui averfuntur</i>	<u>429</u>	<i>Cineres apti maculis detergendis</i>	<u>206</u>
<i>Castanea in igne crepitat</i>	<u>22</u>	<i>Cineres plantas hyeme à frigore tuentur</i>	<u>ibid.</u>
<i>Castor &amp; Pollux quomodo boni sunt au-</i>		<i>Cineres ut terram fecundam reddant</i>	<u>207</u>
<i>gurii</i>	<u>282</u>	<i>Clavus calefit dum percussus moveri de-</i>	
<i>Cataractâ ablata visus confusior redditur</i>	<u>408</u>	<i>sinit</i>	<u>44</u>
<i>Catuli parentum defectum ut referunt</i>	<u>359</u>	<i>Coati lignum Mexicanum varium colo-</i>	
<i>Caveæ hyberno tempore non sunt calide</i>	<u>44</u>	<i>rem in aquam inducit</i>	<u>97</u>
<i>Cerevisia nova unde intumescit</i>	<u>20</u>	<i>Cælum non obstat corporum motibus</i>	<u>122</u>
<i>Cervina pellis ut supra alias emergit</i>	<u>104</u>	<i>Cælum cur carulei coloris apparet</i>	<u>ibid.</u>
<i>Cervorum cornua ut decidunt quotannis</i>	<u>338</u>	<i>Coffe somnum abigit</i>	<u>384</u>
		<i>Collinarientis fons patitur interrup-</i>	
		<i>tionem</i>	<u>173</u>
		<i>Colores post conspectum Solem apparent</i>	<u>408</u>
		<i>Colores per tactum à cæco distincti</i>	<u>95</u>

# I N D E X.

Comete ut ex uno loco in alium migrant 121  
 Comete vagantur per cœlos 146  
 Comete sub eadem semper magnitudine videntur 147  
 Comete post paucos menses evanescent 149  
 Comete tardius in fine sui motus progrediuntur ibid.  
 Comete nihil certi portendunt 152  
 Comete in summo cœlo nullam habent parallaxim 147  
 Cometarum barba & cauda 150  
 Condensata corpora albescent 20  
 Corallium sub aquis molle, aëri expositum durefcit 249  
 Corde extracto quædam animalia vivunt 367  
 Corium extensum cur ad priorem statum reducitur 37  
 Corpora non admittunt vacuitates 3  
 Corpora locum suum secum adferunt 5  
 Corpus ut existere deprehenditur 1  
 Corpus quid secundum Antiquos 2  
 Corpus mathematicum à Physico non distinguitur 4  
 Corpus semper manet divisibile 15  
 Crepusculi causa 126  
 Crystallus igni impositus perspicuitatem amittit 32  
 Crystallus non à frigore fit 246  
 Cubi diverse materiei sibi impositi equaliter descendunt 60  
 Cubica corpora inæqualiter descendunt 55  
 Cucumeres oleum refugiunt 319  
 Cucumerum semina lacti imponenda, ut facilius crescant 331  
 Cucurbita cur citius quam aliæ plantæ

crescant 318  
 Cute detractâ objecta acrius sentiuntur 392  
 Cyrene sylva absq; semine è terra erupit 326

## D.

**D**eliriorum causa in morbis acutis 389  
 Deliri cur eundem semper sermonem repetunt 416  
 Deliri se Reges esse aliquando imaginantur ibid.  
 Demersæ cur emergunt post aliquod tempus 36  
 Descensus corporum fit per numeros impares 58  
 Dierum singulorum in mundi origine productiones 111  
 Dictamnus ferrum è corpore extrahit 323  
 Distantia partium non probat Epicuri vacuum 4  
 Distillatæ aquæ tempore florum non o'ent 71  
 Divisibilitas corpori propria 14  
 Divisibilitas non est æqualis in omnibus corporibus 27  
 Dodoræa fons accensas faces extinguit 172  
 Doliorum asseres aëre humido comprimentur 19  
 Dormientes ut interdum ambulant.  
 Dulcia magis saturitatem conciliant 64

## E.

**E**brii gnomina objecta vident. 409  
 Ebrii quidam specie insanie afficiuntur 120

<i>aurum</i>	389	<i>Febres quædam à frigore incipiunt</i>	382
<i>Eclipsis Luna incipit ab occasu</i>	127	<i>Febriticantes famelici cur difficulter curantur</i>	364
<i>Echo ut pluries vocem repetit</i>	81	<i>Febriticantes cur irrequieti sunt</i>	386
<i>Echo nonnisi in una parte auditur</i>	82	<i>Febriticantes imaginantur pati quæ non patiuntur</i>	414
<i>Edendi desiderio omnino interdum carimus</i>	364	<i>Februm diversitatis causa</i>	388
<i>Effluvia è corporibus solidis</i>	261	<i>Feles aliqui maxime horrent</i>	430
<i>Egroti cur macilenti fiunt</i>	388	<i>Feles ut noctu vident</i>	89
<i>Elementa ad mundi destructionem conspiciunt</i>	116	<i>Felina pelvis et scintillas emittit</i>	294
<i>Elephas ut suis grunnitum horret</i>	377	<i>Ferreæ pars quæ limâ teritur, calefit, non autem ipsa lima</i>	45
<i>Entia rationis quomodo formantur</i>	413	<i>Ferrugine sistuntur mulierum menstrua</i>	238
<i>Equi in Lusitania an ex vento nascantur</i>	346	<i>Ferrum in ignem injectum augetur</i>	19
<i>E tenebris videmus quæ sunt in luce, non e contrâ</i>	410	<i>Ferrum interdum in Aër commutatur</i>	237
<i>Ethæiarum origo</i>	263	<i>Ferrum durius evadit, si in aquam cadens injiciatur</i>	ibid.
<i>Euripus an in die pluries motus reciprocet</i>	190	<i>Filii passim parentibus similes</i>	332
<i>Eurus passim mane sentitur</i>	261	<i>Filtratio non fit nisi in panco humido</i>	168
<i>Exercitus quid sint, qui in aëre videntur</i>	295	<i>Fixæ cur tantum noctu apparent</i>	131
<i>Exhalatio difficilis sursum fertur quæ vapor</i>	260	<i>Flamma circa crines puerorum unde</i>	194
<i>Exhalationes quæ è corporibus salutares &amp; noxia</i>	259	<i>Flamma cur sursum ascendit</i>	192
<i>Extensio corporis est constitutiva</i>	±	<i>Flatus è pulmonibus emissis non auditur</i>	74
<b>F.</b>		<i>Flores à suo sale regenerari possunt</i>	224
<b>F</b> <i>ane cur interdum non teneamur</i>	364	<i>Flumina non tantum versus occusum decurrunt</i>	179
<i>Fames in nonnullis penè perpetua</i>	365	<i>Flumina tantum in declivi decurrunt</i>	178
<i>Famis &amp; sitis causa</i>	352	<i>Flumina in mare delabuntur</i>	ibid.
<i>Fatus ignes quomodo homines ad flumina ducunt</i>	293	<i>Fluvius lethe inebriat</i>	175
<i>Fatus ignes fugientes sequuntur</i>	ibid.	<i>Flexus &amp; refluxus maris causa</i>	186
<i>Fax noctu agitata in speculo distanti, eadem instanti cernitur</i>	82	<i>Fluxus cur nullus in fluminibus</i>	190
		<i>Fluxus nullus in mari Astediterræneo</i>	188.
		<i>Elaxus</i>	

# I N D E X.

<i>Fluxus in plenilunio major</i>	189
<i>Fœmina ante profuentes menses non concipiunt</i>	350
<i>Fœniculum lactis quantitatem augeat</i>	308
<i>Fœnum inclusum calefit</i>	196
<i>Foliorum diversitas in arboribus</i>	304
<i>Fons qui vini odium ingenerat</i>	176
<i>Fontes olei ut generantur</i>	177
<i>Fontes quomodo in vertice montium oriuntur</i>	176
<i>Fontes quidam tantum hyeme decurrunt</i>	178
<i>Fontes unde subito scaturiunt</i>	180
<i>Formicatio pedum unde</i>	393
<i>Fortis aqua metalla dissolvit</i>	171
<i>Fraxinus serpentes abigit</i>	323
<i>Frigus ex calidis corporibus ortum</i>	47
<i>Frigus quadam corpora à corruptione servat</i>	53
<i>Fructus immaturi cur acerbi</i>	65
<i>Fructus varium habent saporem</i>	67
<i>Fructus frigore corrumpuntur</i>	52
<i>Fructus odorem mutant</i>	311
<i>Fructus maturi cur decidant</i>	337
<i>Fructuum saporis diversitas unde</i>	311
<i>Fulgur prius videtur quam tonitru</i>	80
<i>Fulmen aurum in bursa, illâ intactâ consumit</i>	284
<i>Fulmen cur in turres decedit</i>	ibid.
<i>Fumus ad motum fidium conveniscit</i>	77
G.	
<i>Gallici morbi origo</i>	385
<i>Gallina vocis diversitas unde</i>	372
<i>Gallus circa mediam noctem cur experscit</i>	382

<i>Gassendi opinio de divisibilitate materie</i>	16
<i>Gemini quomodo nascantur</i>	356
<i>Gemmarum &amp; unionum eadem est figura</i>	244
<i>Glacies æstivo tempore intacta servatur</i>	52
<i>Glans stannea magis corpori noxia, quam plumbea</i>	234
<i>Globus plumbeus facilius super pulvino, quam super incudem complanatur</i>	26
<i>Globus magis penetrat corpus remotum, quam nimis propinquum</i>	36
<i>Græci ignes non possunt aquis extingu</i>	195
<i>Grandinis insolita magnitudinis causa</i>	274
<i>Grandinis minora grana perspicua, non autem majora</i>	ibid.
<i>Grandinis grana varia sunt figura</i>	275
<i>Gravia descendendo motum accelerant</i>	61
<i>Gravitas corporum unde</i>	60
<i>Gutta cadentes cur rotunda</i>	269
<i>Gutta pluvie latiores æstate quam hyeme</i>	273

## H.

<i>Halones non nisi dum serenum est apparent</i>	297
<i>Halones ut fiunt duplices</i>	ibid.
<i>Halones non videntur circa Solis occasum</i>	ibid.
<i>Halitus in hyeme, non æstate videtur</i>	260.
<i>Havre de graces æstus</i>	187
<i>Hedera vino adversatur</i>	319
<i>Heliotropium unde ad Solem vertitur</i>	103
<i>Herba</i>	

<i>Herba viva manibus contactum refugit</i>	<u>320</u>	<i>Ignis subterraneus ad summitatem montium quomodo ascendit</i>	<u>201</u>
<i>Herba quadam curant vulnera</i>	<u>307</u>	<i>Imago cur in speculo ultra illud videtur</i>	<u>405</u>
<i>Herbarum odor unde nascitur</i>	<u>310</u>	<i>Incubus unde oriatur</i>	<u>422</u>
<i>Herbarum odor idem prestat quod herba ipsa</i>	<u>315</u>	<i>Indivisibile nihil in corpore</i>	<u>4</u>
<i>Hermaphroditi unde nascantur</i>	<u>355</u>	<i>Infantes parum memoriâ valent</i>	<u>418</u>
<i>Hibiscus plumbum liquidum refugit</i>	<u>322</u>	<i>Infantes in Hollandia multi bisercatis labris</i>	<u>353</u>
<i>Hirundines cur imminente tempestate circa terram volitent</i>	<u>281</u>	<i>Infantes octavo mense nati vitales</i>	<u>360</u>
<i>Homines olfactu aliis animalibus cedunt</i>	<u>72</u>	<i>Infantes multum somno dediti</i>	<u>381</u>
<i>Hominum variarum inclinationum causa</i>	<u>431</u>	<i>Ingeniosi hebetiore sunt olfactu</i>	<u>400</u>
<i>Homo tactu cetera animalia excedit</i>	<u>393</u>	<i>Insitio juvat ad fructus meliorationem</i>	<u>333</u>
<i>Homo pictus cur singulos adstantes intuitur videtur</i>	<u>413</u>	<i>In luce difficilius quàm in tenebris experscitur</i>	<u>383</u>
<i>Homuncionis vultus in Luna apparentis ratio</i>	<u>144</u>	<i>Instrumenta musica cur excavantur</i>	<u>75</u>
<i>Horologii P. Lini explicatio</i>	<u>104</u>	<i>Iridem etiam Luna generare potest</i>	<u>292</u>
<i>Hyperborei infirmis sunt oculis</i>	<u>410</u>	<i>Irides tres aliquando vise</i>	<u>290</u>
		<i>Iridis inverse causa</i>	<u>289</u>
		<i>Iris primaria vegetior quàm secundaria</i>	<u>288</u>
		<i>Iris ut pluviam insinuat</i>	<u>290</u>
		<i>Iris non omnibus eadem apparet</i>	<u>ibid.</u>
		<i>Iris suavem odorem spirat</i>	<u>291</u>

L

<b>I</b> Cero laborantes nullum saporem percipiunt	<u>66</u>
<i>Ictero laborantes omnia amara gustare se putant</i>	<u>395</u>
<i>Ignes lucentes sine calore</i>	<u>191</u>
<i>Ignes qui urunt &amp; non micant</i>	<u>ibid.</u>
<i>Ignes in aëre geniti non durant</i>	<u>295</u>
<i>Ignis calor non est productivus</i>	<u>43</u>
<i>Ignis acutiorem saporem creat</i>	<u>64</u>
<i>Ignis hyeme vehementior</i>	<u>193</u>
<i>Ignis scintilla videri potest ad leucas</i>	<u>50</u>
	<u>85</u>
<i>Ignis quomodo ex ligno generetur</i>	<u>116</u>
<i>Ignis ut è chalybe educitur</i>	<u>195</u>

L

<b>L</b> Ac gravidarum sugentes morbos earum contrahunt	<u>361</u>
<i>Lac herbarum qualitatem retinet</i>	<u>309</u>
<i>Lac &amp; sanguis cur opaca</i>	<u>32</u>
<i>Lacte &amp; sanguine interdum pluit</i>	<u>271</u>
<i>Lachrymantibus unde gemitus oriuntur</i>	<u>427</u>
<i>Letitia subita Lipothymiam &amp; mortem interdum inducit</i>	<u>426</u>
<i>Lamina alba marmorea minus calefit</i>	<u>91</u>
<i>Lapides</i>	



# I N D E X.

<i>Lapides frigore corrumpuntur</i>	42
<i>Lapides in Provincia Gallix Rhombi figuram habent</i>	240
<i>Lapides vitrei quomodo nascuntur ibid.</i>	
<i>Lapides an in fluminum fundo procreati</i>	242
<i>Lapides ut oriuntur in superficie terra</i>	243
<i>Lapidum durities unde</i>	22
<i>Lapidum origo in fontibus</i>	243
<i>Lapidum pretiosorum color varius</i>	246
<i>Lapidum navi qui oriuntur</i>	ibid.
<i>Lapis corio agglutinatus interdum non dilabitur</i>	8
<i>Lapis è mali summitate ad pedem relatus</i>	55
<i>Lapis cur est insipidus</i>	63
<i>Lapis qui in aceto movetur</i>	241
<i>Lapis ut in fulmine generatur</i>	285
<i>Lateres cocti crudis sunt graviore</i>	57
<i>Laurus an a fulmine eximatur</i>	287
<i>Leo ut gallum horret</i>	377
<i>Leporum astutiarum causa</i>	373
<i>Lethargia ut hominem in somnum inducit</i>	382
<i>Lignum in quibusdam stagnis in ferrum evadit</i>	239
<i>Lingua morbum detegit</i>	395
<i>Lingua nihil sapit, si nimium humida sit, aut sicca</i>	65
<i>Lintea quadam incombusibilia</i>	348
<i>Liquida quomodo firma fieri possunt</i>	27
<i>Liquor interdum ad corporum duritiem conducit</i>	ibid.
<i>Lithargyrum aceti acrimoniam castigat</i>	220
<i>Locusta à muscarum seminibus derivatur</i>	345
<i>Londinenses cui morbo obnoxii</i>	259

<i>Lucerna ardentes in sepulchris reperia</i>	197
<i>Lumen transmissum per duos parietes cubiculi, non cernitur ab iis qui in eo sunt</i>	84
<i>Lumen facilius per vitrum, quàm per aquam traiecitur</i>	89
<i>Luminis radii non se impediunt</i>	86
<i>Luna semper eodem modo terra obversatur</i>	133
<i>Luna est corpus scabrum</i>	ibid.
<i>Luna in Conjunctione non cernitur</i>	134
<i>Luna sub majori diametro cernitur in plenilunio</i>	137
<i>Luna color ut tempus presagiat</i>	138
<i>Luna Eclipsis quibus idem apparet</i>	ibid.
<i>Luna discus interdum minor apparet</i>	134
<i>Luna celerius quàm terra movetur</i>	136
<i>Luna velocior in plenilunio &amp; novilunio</i>	137
<i>Luna cur in terram non labatur</i>	ibid.
<i>Luna macule quedam temporaria</i>	143
<i>Luna crescens cur apparet denticulata</i>	145
<i>Luna nihil habet domini in hæc inferiora</i>	154
<i>Luna cur tota nitida in plenilunio</i>	146
<i>Lupus an raucedinem inducat</i>	101

## M.

<i>Macula Solis circa Eclipticam apparent</i>	140
<i>Macula Solis interdum in faculas abeunt</i>	142
<i>Maculatum extrema interdum fulgida</i>	140
<i>Magnes cur versus polum Borealem dirigitur</i>	250
<i>Magnes</i>	

<i>Magnes vim suam ferro communicat</i>	<i>Memoria penitus in quibusdam morbo deleta</i>
<i>252</i>	<i>ibid.</i>
<i>Magnes armatus plus attrahit quam nudus</i>	<i>Meminisse unius rei non possumus, sine alia cui coniuncta fuit</i>
<i>253</i>	<i>ibid.</i>
<i>Magnes calefactus vim suam amittit</i>	<i>Mens finita non potest aliquid de infinito determinare</i>
<i>254</i>	<i>17</i>
<i>Magnes ut mutatis polis vim suam amittit</i>	<i>Mercurii gravitas unde</i>
<i>255</i>	<i>218</i>
<i>Magnete in partes diviso, poli ejus mutantur</i>	<i>Mercurii fluiditatis causa</i>
<i>250</i>	<i>219</i>
<i>Magnetis declinationis causa</i>	<i>Mercurius quomodo dicitur attrahere aurum</i>
<i>251</i>	<i>ibid.</i>
<i>Mahamedis sepulchrum non sustinetur à magnetibus</i>	<i>Mercurius noxiis sumentibus</i>
<i>256</i>	<i>220</i>
<i>Mammonis fons an frigeat &amp; algeat</i>	<i>Mercurius ut exuit suam acrimoniam</i>
<i>173</i>	<i>ibid.</i>
<i>Mannus frigida igni admotâ corripitur</i>	<i>Metalla ex nemoribus inflammatis detecta</i>
<i>48</i>	<i>216</i>
<i>Manna diversitas in variis regionibus</i>	<i>Metalla in radicibus montium versus Orientem proveniunt</i>
<i>280</i>	<i>ibid.</i>
<i>Mare non est terrâ altius</i>	<i>Metalla calcinata fluunt</i>
<i>181</i>	<i>217</i>
<i>Mare cur salinus in estate</i>	<i>Metalla ut solo vapore solvuntur</i>
<i>182</i>	<i>218</i>
<i>Mare in occasum desertur</i>	<i>Metalla ut in vaporem abeunt</i>
<i>184</i>	<i>ibid.</i>
<i>Marina aqua ut colorem mutat</i>	<i>Metalla inveniuntur in quibusdam fluviis</i>
<i>40</i>	<i>217</i>
<i>Marina aqua fluvialis gravior</i>	<i>Metallica terra quare sterilis</i>
<i>187</i>	<i>ibid.</i>
<i>Marina aqua graviora onera sustinet, quam fluvialis</i>	<i>Metallorum diversitas unde oriatur</i>
<i>184</i>	<i>215</i>
<i>Maris aqua de nocte scintillat</i>	<i>Mexicæ lignum colorem varium aqua conciliat</i>
<i>224</i>	<i>97</i>
<i>Maris salsedo unde</i>	<i>Misena Regio ignibus terrenis obnoxia</i>
<i>183</i>	<i>199</i>
<i>Marmor cur semper frigidum est</i>	<i>Monstra unde oriuntur</i>
<i>49</i>	<i>355</i>
<i>Marmor frigidum reddit ærem</i>	<i>Monstra absque pedibus &amp; manibus</i>
<i>51</i>	<i>356</i>
<i>Marmor politum nigrius apparet quam asperum</i>	<i>Monstra quomodo geminata</i>
<i>91</i>	<i>ibid.</i>
<i>Massa informes à mulieribus ut emittuntur</i>	<i>Montis summis longe distantis Horizonti contigua videtur</i>
<i>357</i>	<i>409</i>
<i>Massæ informes unde oriuntur</i>	<i>Morbi temporis lapsu mitescunt</i>
<i>ibid.</i>	<i>387</i>
<i>Mathematici nihil certi prædicere possunt</i>	<i>Morborum causa in animalibus</i>
<i>156</i>	<i>385</i>
<i>Mel ut sit ab apibus</i>	<i>Moribundi interdum sine sanguine vivunt</i>
<i>280</i>	<i>369</i>
<i>Memoria magis matutino tempore vegeta</i>	<i>420</i>
<i>420</i>	<i>L l l</i>
	<i>Mortua</i>

# I N D E X.

*Mortua corpora non sunt vivis graviora* 59

*Motus fieri potest sublato vacuo* 6

*Motus corporum fit per circulum* ibid.

*Moventur corpora in circulo non per-  
fecto* 7

*Mucor in corporibus unde provenit* 29

*Mula non omnes sunt steriles* 351

*Mulier pugione ista, Embryoni similes  
notas impressit* 362

*Mulier abscisso crure, querebatur se  
pedis digitis dolere* 390

*Mulierum menstrua ferrugine sistuntur* 238

*Mundi partium dispositio* 116

*Mundi fabrica opificem predicat* ibid.

*Mundi finis ex rerum defectione* 114

*Mundi ortum historia testantur* 108

*Mundus est corruptibilis* 187

*Mundus quo anni tempore productus* 110

*Mures ut ex strigiliniis nascuntur* 344

*Mus quare selem fugit* 378

*Musca quadam vivipara* 346

*Musica mores corrumpit* 78

*Musti dulcedo unde* 67

N.

**N** Apellum & Arsenicum animalia  
enecant 316

*Nardum absque semine nascitur* 324

*Nares larga melius odores excipiunt* 397

*Nasus ex carne excisus non perit, eo  
pereunte* 101

*Nebula confert ad objecti parvitatem  
aut magnitudinem* 269

*Nebula quando est pluvia nuntia* ibid.

*Nebula in vere frequentiores* 267

*Nebula circa auroram nascuntur* 268

*Nigrum corpus ex duobus pellucidis or-  
tum* 32

*Nili inundationis causa* 119

*Nitro aqua indurescit* 24

*Nivem contrectantibus manus incal-  
escunt* 277

*Nix ut per calorem condensatur* 47

*Nix rosea aut pilosa unde* 275

*Nix nocturno tempore conspicua* 276

*Nix agris fertilitatem conciliat* 277

*Nomina nullam vim habent* 101

*Notarum in foetu impressarum causa* 415

*Nubes ut librantur in aëre* 267

*Nubes altissima ex glacialibus particulis  
constant* 268

*Nubium ordo supra se invicem unde* ib.

O.

**O** Beliscus suo loco restitutus 19

*Objecta, contracta pupilla, desi-  
nunt videri* 406

*Objectum quomodo à duplici oculo sim-  
plex videtur* 412

*Odor suavis ex malè olentibus nascitur* 69

*Odor nonnisi ad certam distantiam sen-  
situr* ibid.

*Odor calore comparatur* 70

*Odor suavis & teter in certis hominibus,  
unde proveniat* 71

*Odor continuus desinit percipi* 396

*Odore animalia sibi convenientia explo-  
rant* 68

*Odore gravi pregnantibus sepe abortum  
patiantur* 396

Odores

<i>Odores æstate melius quàm hyeme sentiuntur</i>	399
<i>Oleum plantis inimicum</i>	339
<i>Omphacii acerbitas unde</i>	66
<i>Ossa non magis in plenilunio replentur</i>	104
<i>Ostrea ut rubescunt</i>	41
<i>Ovi albumen durum evadit</i>	24
<i>Ovis quare lupum fugit</i>	100
<i>Oxygala vulgò Syllibub ut conficitur</i>	25

## P.

<b>P</b> alma sæmina maris confinio deletur	318
<i>Panis ex germinante tritico confectus fermentatur</i>	21
<i>Panis recens ut liquorem attrahit</i>	99
<i>Panis ut in sanguinem convertitur</i>	110
<i>Panis ad modum spinarum linguam vellicat</i>	395
<i>Pannus Soli expositus colorem variat</i>	96
<i>Papaver quomodo somnum conciliat</i>	381
<i>Papaveri vis inest sanguinem sistendi</i>	308
<i>Parhelia an clades prænuntient</i>	299
<i>Pariendi tempus in animalibus varium</i>	360
<i>Pavonis cauda veros refert colores</i>	90
<i>Pepo carnem molliorem reddit</i>	316
<i>Phæses in Venere quomodo contingunt</i>	121
<i>Phoca non est fulmini impenetrabilis</i>	287
<i>Pila intro misso aëre durior evadit</i>	26
<i>Pisces putrescentes nullum colorem in Machina Boiliana præ se ferunt</i>	94
<i>Pisces ex rore progignuntur</i>	344

<i>Pisces in aqua non audiunt</i>	404
<i>Piscium cor à corpore avulsus movetur</i>	367
<i>Planeta nihil conferunt inferioribus</i>	156
<i>Planta in Arabia odorifera</i>	70
<i>Planta cur passim virides sint</i>	309
<i>Planta purgant per fermentationem</i>	314
<i>Planta requirunt ubique eundem situm</i>	329
<i>Planta ut in alias degenerant</i>	ibid.
<i>Planta felicius crescunt in agro plano quàm declivi</i>	331
<i>Planta augentur vento Australi</i>	332
<i>Planta à solo avulsa non statim moriuntur</i>	338
<i>Planta sylvestres longioris vite, quam hortenses</i>	341
<i>Planta non humiditatem procreant</i>	155
<i>Plantarum odium</i>	303
<i>Plantarum vis diuterica</i>	302
<i>Plantarum quedam sunt cavata</i>	ibid.
<i>Plantarum vis purgativa</i>	313
<i>Plantarum vis vomitum excitandi</i>	314
<i>Plantarum affectiones secundum loca in quibus crescunt varie</i>	327
<i>Plantarum alia frigore, alia calore encantur</i>	340
<i>Plato quid censuerit de mundi exordio</i>	107
<i>Pluit interdum nullâ nube in cælo visâ</i>	273
<i>Plumbum in aurum converti nequit</i>	230
<i>Plumbum cur facili liquefcit</i>	234
<i>Plumbum quibusdam morbis occurrat</i>	235
<i>Plumbum liquatum baculo agitaturni pulverem redigitur</i>	ibid.
<i>Pluvia gutta cur rotunda</i>	269
	LII 2
	Polita

# INDEX.

*Polita corpora sejungi possunt absq; vacuo* 13  
*Polita corpora nulla exactè dantur* ib.  
*Polita aliquid asperitatis habent* 28  
*Polita corpora fortius agunt quàm aspe-  
rora* 30  
*Politum corpus nonnisi ab una parte vi-  
detur* 92  
*Poma congelata ut restituntur* 49  
*Pomum concussum qualitatem novam  
acquiris* 39  
*Portulaca tollit dentium stuporem* 306  
*Portulaca veneno obstat* 318  
*Pregnantes mulieres unde insolitis cibis  
vescuntur* 366  
*Principium quod habuit, habiturum est  
finem* 113  
*Priscorum opinio de mundi duratione* 114  
*Pruina efficit quasdam herbas teneriores* 279  
*Pruina partes connebantur, cur non  
etiam grandinis* ibid.  
*Prussia lachryma in pulverem redigitur* 37  
*Pudiana arbor hominis afflatum odit* 321  
*Puella juniores nonnisi puellas generant* 352  
*Pulegium in Japonia angui inimicum* 323  
*Pulex & equus quomodo ejusdem mag-  
nitudinis esse videntur* 405  
*Pulvere sympathetico vulnera non cu-  
rantur* 101  
*Pulvis albus figmentum est* 76  
*Pumex non potest levigari* 29  
*Putei aqua an in hyeme calidior* 174  
*Putei aqua turbida fit accedente Terra  
motu* 202

*Pyrausta nascuntur in flammis* 348  
*Pyrii pulveris granum quantum dilata-  
tur* 22

Q.

*Q*uaitates ut vulgò explicantur in-  
telligibiles 39  
*Quantatum natura* 49

R.

*R*adices plantarum alie rotunda,  
alie exiles 302  
*Radices plantarum cur alba sunt* 310  
*Radix omni planta necessaria* 301  
*Ranis quomodo pluatur* 272  
*Remora non naues sistit* 375  
*Rheumate laborantes odores non perce-  
piunt* 72  
*Ros in locis humidis frequentior* 279  
*Ros si mane abest, signum est pluvia* ib.  
*Rosa ut circa Novembrem germinet* 336  
*Rubedo in ortu Solis pluviam indicat* 129  
*Rubelliones non sunt unius sexus* 359

S.

*S*aga solâ imaginatione loca dissita in-  
visunt 414  
*Sagitta aequè celeriter descendit ac ascen-  
dit* 59  
*Sal cur nonnisi in certa aqua quantitate  
dissolvitur* 11  
*Sal ut dissolvatur in aqua* 24  
*Sal aqua motu dissolvitur* ibid.  
*Sal in ignem immisus cur crepitat* 223  
*Sal facile in liquorem abit* 224  
*Sal fluidus Mes alla dissolvit* ibid.  
*Sal quomodo linguam pungit* 225  
*Sal*

<i>Sal est carminum conservativum</i>	<i>ibid.</i>	<i>Sol quomodo per aliquot dies tenebrosus fuit</i>	<i>142</i>
<i>Sal terra fertilitatem conciliat</i>	<i>226</i>	<i>Sol operum naturalium pater</i>	<i>153</i>
<i>Salamandra non in igne vivit</i>	<i>348</i>	<i>Sol est causa humiditatis &amp; frigiditatis</i>	<i>ibid.</i>
<i>Salis ope aqua in glacem convertitur</i>	<i>50</i>	<i>Sol quomodo tempestates producit</i>	<i>ibid.</i>
<i>Salis tres species</i>	<i>222</i>	<i>Sol quando pluviam indicat</i>	<i>273</i>
<i>Salis granum oleo mixtum, impedit ne lampas tam citò consumatur</i>	<i>226</i>	<i>Sol ut noctu interdum apparet</i>	<i>298</i>
<i>Sanguis an ad intersectoris praesentiam decurrat</i>	<i>379</i>	<i>Soles unde multi nascuntur in uno circulo</i>	<i>ibid.</i>
<i>Sanguinei in risum proclives</i>	<i>424</i>	<i>Solis calor post solstitium vehementior</i>	<i>127</i>
<i>Sanguinis pars inferior, cur nigrior</i>	<i>95</i>	<i>Somnia cur interrupta sunt</i>	<i>421</i>
<i>Sapone oleum ex pannotollitur</i>	<i>25</i>	<i>Somnia omnibus hominibus communia</i>	<i>422</i>
<i>Sapor varius in corporibus</i>	<i>63</i>	<i>Somniamus passim de iis quae vigilantibus occurrunt</i>	<i>423</i>
<i>Sapor in dentibus ab acerbis causatur</i>	<i>64</i>	<i>Somniantes ut lotium aliquando emittunt</i>	<i>424</i>
<i>Sapor exactius tempore matutino sentitur</i>	<i>66</i>	<i>Soni ab hominibus &amp; avibus tantum creantur</i>	<i>77</i>
<i>Sapor non est in rebus sapidis</i>	<i>68</i>	<i>Soni aequali tempore expanduntur</i>	<i>79</i>
<i>Scorpio in corpore humano natus</i>	<i>325</i>	<i>Sonus à liquidis corporibus fieri potest</i>	<i>73</i>
<i>Scorpius morsus applicatus virum educit</i>	<i>102</i>	<i>Sonus ut in orbem diffunditur</i>	<i>74</i>
<i>Seminis frequens effusio cerebro nocet</i>	<i>351</i>	<i>Sonus facilius per terram quam aërem transmittitur</i>	<i>78</i>
<i>Sene oleo Tartari admixtum, colorem aquae immutat</i>	<i>41</i>	<i>Sonus duplex unde in una chorda oritur</i>	<i>79</i>
<i>Sensus quoad substantiam rei non decipiuntur</i>	<i>2</i>	<i>Sonus in ovali cubiculo à distanti facilius auditur</i>	<i>83</i>
<i>Simi fetidum halitum habent</i>	<i>399</i>	<i>Sonus ope Tubi augetur</i>	<i>ibid.</i>
<i>Situla in aqua non ponderat</i>	<i>62</i>	<i>Sonus auribus clausis unde oritur</i>	<i>403</i>
<i>Sol est calidus</i>	<i>124</i>	<i>Sonus sub aquis non percipitur</i>	<i>ibid.</i>
<i>Sol sphaericam habet figuram</i>	<i>ibid.</i>	<i>Sorga fons salas habet aquas</i>	<i>178</i>
<i>Sol sub eadem magnitudine semper cernitur</i>	<i>125</i>	<i>Sphaerica corpora aequaliter descendunt, etsi mole inaequalia</i>	<i>53</i>
<i>Sol in Zona torrida ferventior</i>	<i>126</i>	<i>Spiritus vini refrigerat</i>	<i>47</i>
<i>Sol cur homines denigret</i>	<i>ibid.</i>	<i>Spongia cur liquore extenditur</i>	<i>18</i>
<i>Sol oriens major apparet quam meridians</i>	<i>128</i>		
<i>Sol quomodo tremere videtur</i>	<i>ibid.</i>		
<i>Sol per Telescopium obscurus apparet</i>	<i>139</i>		

Spongia

# I N D E X.

<i>Spongia ut aquam attrahit</i>	18
<i>Stannum illud vas ab igne tnetur</i>	233
<i>Stannum calcinatum est non calcinato gravius</i>	ibid.
<i>Stella ut quedam evanescent</i>	124
<i>Stella fixæ propriâ luce fulgent</i>	129
<i>Stella apparent interdum ubi non sunt</i>	130
<i>Stella cur tantum noctu apparent</i>	ibid.
<i>Stella nova interdum nascuntur</i>	131
<i>Stella ut in Cometas abeunt</i>	132
<i>Stella quo sensu dicuntur esse in signa</i>	154
<i>Stella noctu cadentes quid sint</i>	295
<i>Stigia aqua ut agunt in metalla</i>	171
<i>Stirpes quadam vim habent calefacien- di, aliâ refrigerandi</i>	309
<i>Succinum est res fossilis</i>	246
<i>Sufficientia minus è propinquo sentiuntur</i>	70
<i>Sulphur ubi maximè abundat</i>	221
<i>Sulphur cur faciliè inflammetur</i>	222
<i>Surculi molles ad insitionem inutiles</i>	337
<i>Sympathetico pulvere vulnera non cu- rantur</i>	101

## T.

<b>T</b> <i>Abaci fumus nocuit memoria cu- jusdam</i>	418
<i>Tactus fit per nervos</i>	319
<i>Tactus quis ex improvviso inhorrescit</i>	391
<i>Tarantulâ percussî, musicâ sanantur</i>	401
<i>Tepidum ut calidum nobis apparet</i>	43
<i>Terra punctum est cælo comparata</i>	161
<i>Terra ut in aëris medio stat</i>	162

<i>Terra &amp; cæli productio</i>	110
<i>Terra-motus in Campania causa</i>	198
<i>Terra novalis aliis fertiliores</i>	330
<i>Testudinis fides intumescent aëris hu- miditate</i>	18
<i>Thales non pradixis olei caritatem ope Astrologia</i>	157
<i>Therma ut incallescunt</i>	171
<i>Titillatio maximè in plantis pedum ex- citatur</i>	391
<i>Toricellii experimentum ad proban- dum vacuum</i>	12
<i>Tranados navis formidabiles</i>	281
<i>Tristes faciliè lachrymantur</i>	426
<i>Tristes varium colorem præ se ferunt</i>	427
<i>Triticum ex cineribus generatur</i>	209

## V.

<b>V</b> <i>Acuum non requiritur ut corpus moveatur</i>	5
<i>Vacuum non probatur per bombardam pneumaticam</i>	8
<i>Valva secundum tempestates faciliè aut difficiliter clauduntur</i>	18
<i>Vapores ut in aquam convertuntur</i>	120
<i>Vapores copiosiores in æstate, quàm hyeme</i>	257
<i>Vapores non aequaliter ex omni parte terra assurgunt</i>	248
<i>Vena cur non pulsant</i>	368
<i>Venis ligatis cur brachium intumescit</i>	ibid.
<i>Venti orientales sicciores occidentalibus</i>	262
<i>Venti circa litus maris noctu à terra proveniunt</i>	263
<i>Venti</i>	

# INDEX.

<i>Venti artificiales quomodo conficiuntur</i>	262	<i>Vitrum contusum album videtur</i>	93
<i>Ventus aëre frigidior</i>	266	<i>Vitrum oblongum diversas refert colores</i>	ibid.
<i>Vermes in aceto generantur</i>	118	<i>Vitrum cur est fragile</i>	203
<i>Vermes ut intra fructus nascuntur</i>	346	<i>Vitrum frigidum igni admotum frangitur</i>	ibid.
<i>Vertigine corripuntur, qui ex Turri afficiunt</i>	414	<i>Vitrum contusum Deleteriam parit</i>	205
<i>Vesica ut resilit in terram impacta</i>	211	<i>Vitrum vi ignis liquefcit</i>	ibid.
<i>Vesuvius certis tantum temporibus flammam emittit</i>	200	<i>Vitulina caro coctione albescit</i>	96
<i>Vetula ut infantes fascinat</i>	102	<i>Vitulus an pluerit secundum Avicennam</i>	272
<i>Vini spiritus refrigerat</i>	59	<i>Voces melius intra quam extra tubiculum audiuntur</i>	407
<i>Vini spiritus flamma linteum non urit</i>	197	<i>Vox ut in omnium auribus diffunditur</i>	79
<i>Vinum per manicam Hippocratis debilitatur</i>	185	<i>Vultures non vento concipiunt</i>	347
<i>Vipera non dissectis lateribus parit</i>	359	<i>Uva cur acerba</i>	65
<i>Visus acutissimi qui sint</i>	407		
<i>Vitri pelluciditas unde</i>	202		
<i>Vitri rigiditas ex quo oritur</i>	204		
<i>Vitrioli spiritus dentibus nocivus</i>	97		
<i>Vitrum ferro candenti refecatur</i>	19		
<i>Vitrum cur est charta pellucidius</i>	30		
<i>Vitrum ut redditur obscurius</i>	31		
<i>Vitrum ferro candenti secatur</i>	46		

Z.

**Z**ephyri certo tempore in mari Mediterraneo flant 264  
 Zephyrus, passim sentitur vespere 261  
 Zonis temperatis venti irregulares 266

*Errores sic corrigantur.*

*Pagina 118. lege unum contactum, pag. 124. leg. Sol, pag. 310. lin. 21. leg. oriantur, pag. 327. lin. 6. leg. decedit.*







